


Ampl. No. 1







# ANALECTA HYMNICA

MEDII AEVI.

---

XIX.

HYMNI INEDITI.

## Liturgische Hymnen

des

Mittelalters

herausgegeben

von

**Guido Maria Dreves,**

S. J.



Leipzig.

O. R. Re i s l a n d,

1895.

HYMNI INEDITI.

---

# Liturgische Hymnen

des

Mittelalters

aus

Handschriften und Wiegendrucken.

Vierte Folge

herausgegeben

von

**Guido Maria Dreves,**

S. J.



---

Leipzig.

O. R. Reissland.

1895.



JUN - 8 1938

10799



## VORWORT.

---

Vorliegendes Heft der *Ánalecta* setzt die Veröffentlichung liturgischer Hymnen aus den handschriftlichen und gedruckten Quellen des officiellen Chorgebetes fort und schließt sich inhaltlich dem XII. (beziehungsweise dem XVII.) Hefte der ganzen Sammlung an.

Schon früher ist darauf aufmerksam gemacht worden, in welchem Sinne und mit welchem Rechte diese Hymnen als *inediti* bezeichnet werden. Vgl. IV, 5 u. f.; XII, 5. Es genügt, glaube ich, Mißverständnissen zu begegnen, auf das dort Gesagte zu verweisen. Namentlich habe ich geglaubt, keinen Anstand nehmen zu sollen, aus so selten und schwer zugänglich gewordenen Werken wie Colgans *Trias Thaumaturga*, Messinghams *Florilegium* u. a. einzelne Lieder zu wiederholen, um so mehr, als meist weitere Quellen zu Rate gezogen werden konnten.

Vielleicht ist es nicht unangebracht, eine andere Bemerkung hier anzufügen. So leicht es meistens in Bezug auf die spätere Zeit ist, Liturgisches und Nichtliturgisches zu unterscheiden, so schwierig ist dies mit Rücksicht auf eine verhältnismäßig geringe Anzahl früherer lateinischer Dichtungen, die uns in Sammlungen des neunten bis elften Jahrhunderts erscheinen und eine auffallende Verwandtschaft mit der mozarabischen Hymnendichtung, eine noch auffallendere vielleicht mit der altirischen zeigen. In diesen Sammlungen liegen offenbar liturgische Stücke mit ebenso offenbar nichtliturgischen zusammen, während eine Anzahl anderer mit nicht genügender Bestimmtheit sei es der einen, sei es der andern Klasse sich zuweisen läßt. Manche derselben haben zweifellos eine Art Zwitterstellung behauptet,

Die Liturgie überhaupt war in der Zeit ihres Entstehens noch mehr im Fluß und im Schwanken, und namentlich die Mönche jener Tage gefielen sich darin, manches in der Liturgie zu verwerten, was streng genommen derselben nicht angehörte. So mögen manche dieser meist langen, vielfach abcdarischen Hymnen eine ähnliche Stellung gehabt haben, wie sie die verschiedenen „Versus“ der Sankt Galler, Notkers, Ratberts, Hartmanns u. s. f. bei Prozessionen, Empfang geistlicher und weltlicher Würden-träger und ähnlichen Veranlassungen einnahmen. Diese Prozessions-hymnen, Hymnen ad mandatum, Hymnen, die bei Tische statt oder nach dem Gratias, im Kapitel u. s. w. gesungen wurden, müssen der eigentlichen Hymnendichtung im Gegensatze zu den Reimgebeten beigezählt werden.

Wien, den 12. September 1894.

**Guido Maria Dreves.**

I.

**DE DEO, DE BEATA,  
DE COMMUNI.**

---





### 1. De ss. Trinitate.

- |   |  |
|---|--|
| 1. Unum in tribus colimus<br>Personis Deum paribus,<br>Patrem, natumque spiritum,<br>Omnipotentem Dominum.  | 4 Pater nos coelis invehat,<br>Filius sibi uniat,<br>Sic spiritus inluminat,<br>Quatenus hoc complaceat.       |
| 2. Genitor est ingenuus,<br>Ex quo est unigenitus,<br>A quibus exit inclitus<br>Amborum par paracletus.     | 5. Benedicat nos genitor,<br>Sanctificet nos genitus,<br>Intima nostra spiritus<br>Examinet propitius.         |
| 3. Pater est, qui creavit nos,<br>Filius qui redemit nos,<br>Paracletus illuminat,<br>Qui creata vivificat. | 6. Laus patri nostra jubilet,<br>Laus proli nostra personet,<br>Honor, decus spiritui<br>Tempore sine saeculi. |

Hymn. ms. Veronensis saec. 11. Cod. Capit. Veronen. 109.

### 2. De ss. Trinitate.

- |   |  |
|---|--|
| 1. Ave colenda trinitas,<br>Ave perennis unitas,<br>Pater Deus, nate Deus<br>Et Deus alme spiritus.       | 3. Te trinum semper laudamus<br>Atque unum adoramus,<br>Tuae dulcis clementiae<br>Sentiamus munimina.    |
| 2. Haec tibi nunc gratuita<br>Depromimus praeconia,<br>Quae tibi sint gratissima<br>Et nobis saluberrima. | 4. O trinitas, o unitas,<br>Adesto supplicantibus<br>Et angelorum laudibus<br>Admitte, quod persolvimus. |

Hymn. ms. Anglo-Saxonicus saec. 11. Cod. Londinen. Jul. A. VI. —  
2, 3 gravissima. — Vgl. Stephenson, p. 146.

### 3. De ss. Trinitate.

1. Regis aeterni decus atque lumen,  
Supplici voto modulemur omnes,  
Qui regit totum pietate mundum  
Factor et auctor.
2. Astra qui caeli numeris recensens  
Aequoris fraenat tumidi procellas,  
Plebis humanae moderatur agmen  
Jure perenni,

3. Visitat caros monitis paternis,  
Visitat clemens etiam flagellis  
Principes terrae, probra qui coercet  
Lege potenti.

Cod. Capit. Veronen. 90. saec. 9. — 2, 2 procellis. — 3, 3 fehlt eine Silbe; qui ergänzt. Dieser Hymnus ist schwerlich vollständig, sondern wohl nur Bruchstück eines längeren Liedes.

#### 4. In Laudem Trinitatis.

Versus Godiscalchi.

- |   |   |
|---|---|
| 1. Ut quid jubes, pusiole,<br>Quare mandas, filiole,<br>Carmen dulce me cantare,<br>Cum sim longe exsul valde<br>Intra mare?<br>O cur jubes canere? | 6. Non potuerunt utique<br>Nec debuerunt itaque<br>Carmen dulce coram gente<br>Aliena nostrae terrae<br>Resonare;<br>O cur jubes canere?            |
| 2. Magis mihi miserule<br>Flere libet puerule,<br>Plus plorare quam cantare;<br>Carmen tale jubes quare,<br>Amor care?<br>O cur jubes canere?       | 7. Sed quia vis omnimode,<br>O sodalis egregie,<br>Cano patri filioque<br>Simul atque procedenti<br>Ex utroque.<br>O cur jubes canere?              |
| 3. Mallem satis, pusillule,<br>Ut velles tu, fratercule,<br>Pio corde cum dolore<br>Mihi atque pro momento<br>Conlugere;<br>O cur jubes canere?     | 8. Benedictus es, Domine,<br>Nate, pater, paraclite,<br>Deus trine, Deus une,<br>Deus summe, Deus pie,<br>Deus juste;<br>Hoc cano spontanee.        |
| 4. Scis, divine tiruncule,<br>Scis, superne clientule,<br>Hic diu me exsulare,<br>Multa die sive nocte<br>Tolerare;<br>O cur jubes canere?          | 9. Exsul ego diuscule<br>Hoc in mare sum, Domine,<br>Annos nempe duos fere,<br>Nosti fore, sed jamjamque<br>Miserere,<br>Hinc rogo humillime.       |
| 5. Scis captivae prebiculae<br>Israelii cum nomine<br>Praeceptum in Babylone<br>Decantare extra longe<br>Fines Judae;<br>O cur jubes canere?        | 10. Huic cano ultronee<br>Interim cum pusione,<br>Psallam ore, psallam mente,<br>Psallam die, psallam nocte,<br>Carmen dulce<br>Tibi, rex piissime. |

Cod. Parisin. (ol. Martialen.) 1154. saec. 10. — 7, 5 procedente.

#### 5. De Nativitate Domini.

1. Nunc tibi, Christe, carmina laeta  
Laude canamus pectore toto  
Menteque pura, perpete voto.

2. Laus tibi semper, o Deus alme,  
Mitis ubique, magnus in alta  
Sede polorum, sanctus in aevum.
3. Unica patris almaque proles  
Sophia, virtus, sola salutis  
Spes, via nostrae pacis et auctor.
4. O Deus alme, altipotensque,  
Nomine trinus namque, sed unus,  
Te mane laudat terra polusque.
5. Qui patris alta sede per alvum  
Virginis alnum inviolatae  
Natus in orbe nostra petisti.
6. O quam stupenda res fuit acta,  
Conditor orbis est homo factus,  
Est et creatus ipse creator.
7. Et Deus altus omnipotensque  
Ubera suxit parvula matris,  
Praesepe parvus pausat ut infans.
8. Qui regit omne atque cibavit,  
Quidquid ubique vivit, ubique,  
Namque per illum omnia constat.
9. Crevit ut aetas certa per annos  
Terque decennis tinctus in undis  
Gratia plenus Jordanis amnis.
10. Spiritus almus utque columba  
Venit in illum, vox sonat atque:  
En meus iste filius est jam.
11. Postque peregit plurima mundo  
Signa salutis, suscitatur atra  
Morte peremptos mentis et actor.
12. Et pius auctor plurima perquam  
Verba salutis fundit in aures  
Dulcibus odibus discipulorum.
13. Tempora cernens tota peracta  
Curriculum, ut redimeret  
Sanguine fuso saecula cuncta,
14. Tunc homo Christus, agnus honestus,  
Immaculatus, hostia pura  
Sponte volebat namque moriri.
15. In cruce passus, inde levatus  
Atque sepultus in monumento  
Marmore tecto maximus heros.

16. Venerat ut post tristia facta  
Tertia solis lux pia terris,  
Surgit ab atra morte redemptor.
17. Cernit et illum turba suorum  
Discipulorum et crucis almae  
Vulnera dira vidit in illo.
18. Hoc fuit, utque totus in illum  
Crederet orbis, quem quoque coeli  
Scandere regna viderat alta.
19. Lausque et honor cui sit, rogo,  
Semper cum patre summoque Deo,  
Gloria, virtus jam sine fine.
20. Semina verbi sparge per orbem  
Gentibus, ut te rite canentes  
Laudibus ornet, dulcis amator.
21. Psallite summo, psallite regi  
Psallite Christo, psallite Deo,  
Psallite vivo, psallite vero.
22. Hosanna in altis, hosanna in astris,  
Hosanna in arvis, hosanna in undis,  
Hosanna in istis, o Deus odis.
23. Gloria patri, gloria nato,  
Gloria sancto spiritui, qui  
Summa potestas, sanctus in aevum.

Cod. Parisin. (ol. Martialen.) 1154. saec. 10. — 1, 2 Laudes. — 3, 1 prolis. — 3, 3 viae. — 7, 1 alte. — 16, 1 Venerat et. — 20, 3 ornat.

## 6. De Fecunditate sanctae Mariae.

R<sup>o</sup>. Venite et gaudete  
Natum Christum Dominum.

- |  |   |
|--|---|
| <p>1. A superna coeli parte<br/>angelus dirigitur,<br/>Ut Mariam fecundaret<br/>de sancto spiritu.</p> <p>2. Bene nata, desponsata<br/>virgo pulchra nimium,<br/>Pater elegit templum tale<br/>filioque thalamum.</p> <p>3. Clara producat stirpe<br/>ex regali decore<br/>Jesse virga de radice<br/>florem nardus protulit.</p> | <p>4. Dum clamat per Isaiam<br/>prophetalis nuntius:<br/>In utero virgo habebit<br/>parietque filium.</p> <p>5. Ecce cogitante ipsa<br/>Gabriel adnuntiat:<br/>Ave, Maria sacrata,<br/>te Deus inluminat.</p> <p>6. Fecunda de templo pergens<br/>ad montana properat,<br/>Ad cognatam, ut audivit,<br/>currit jam, ut poterat.</p> |
|--|---|



- |  |   |
|--|---|
| 7. Gaudet infans gestiendo<br>intra ventris ambitum,<br>Creatorem summum sensit<br>adoratque Dominum.        | 14. Ornat mundum puer sacer<br>subditus parentibus,<br>Templo patris legit librum<br>de se ipso protinus. |
| 8. Hic a Deo venit celsus<br>ex virginali utero,<br>Per quem mundus est ereptus<br>claudus atque naufragus.  | 15. Primum signum Gallilaeae<br>opera mirabile:<br>Laticem vertit in vinum<br>et Falernum nobilem.        |
| 9. Infans crescit, conditor, en,<br>infra ulnas gerulae,<br>Proficiensque aetate<br>decus sapientiae.        | 16. Quibus mirans archisedens<br>testatur eloquio:<br>Meliozem reservasti<br>vinum in convivio.           |
| 10. Kallidus hostis Herodes<br>zelat natum Dominum,<br>Ipsam quaerit interficere,<br>Joseph vertit Aegyptum. | 17. Renovata cuncta Christi<br>exhibens ecclesia,<br>Desponsavit dote sacra<br>nostra gaudens tempora.    |
| 11. Lugubris surrexit dies<br>matrum in infantia,<br>Crines pectoraque tundunt<br>in natorum funere.         | 18. Solvit vincula humana,<br>quae peccator vinxerat,<br>Lignum vetitum elisit<br>cruce pendens trophea.  |
| 12. Magi properant a longe<br>demonstrante sidere,<br>Trinitatem adorantes<br>redeunt ad propria.            | 19. Tertia die surrexit,<br>fide nostra creditur,<br>Ad infernum properavit<br>pro multorum mugitu.       |
| 13. Nihil valent artes dirae<br>a Dei potentia,<br>Finem Herodis testatur,<br>poenam mortis terminat.        | 20. Venis tandem, benedicte,<br>Jesu bone, optime,<br>Relaxare, qui prolixo<br>trusi erant carcere.       |
| 21. Xristus mordet et infernum<br>morsuque mirifico,<br>Laureatus cum triumpho<br>revertit ad solium.        |   |

Cod. Bruxellen. 8860—67. saec. 10. — 1, 3 Marie. — 1, 4 fehlt nur scheinbar eine Silbe; zu sprechen *espíritu*. — 2, 3 Sprich: Pat'r elegit? — 2, 4 thalamo. — 3, 1 Sprich: *estirpe*. — 4, 1 clamare. — 5, 3 Maria virgo sacrata. — 6, 3 cognata. — 7, 2 ambitu. — 8, 2 Lies: *virginali ex*? — 9, 1 conditorem. — 10, 3 Sprich *interficere*? — 11, 4 funera. — 12, 2 sidera. — 13, 2 valet artis dira. — 14, 2 Templum. — 14, 4 ipsum. — 16, 1 archisedens; lies: *archus aedis*? Die Vulgata liest *architriclinus*. — 16, 2 eloquia. — 16, 4 convivium. — 17, 3 Sponsavit dote; es würde auch genügen, zu lesen *esponsavit*. — 17, 4 Lies entweder: *nostro gaudens tempore* oder *nostra gaudent tempora*. — 18, 1 Solve. — 18, 4 crucem pendens trophaeum. — 19, 2 fides nostra creditor. — 20, 1 Venisti. — 20, 3 prolixos. — 20, 4 truxierunt. — 21, 1 mordit ex inferno. — Vgl. du Ménil III, 280.

### 7. In Epiphania Domini.

1. Audite omnes versum verum magnumque  
De salvatore Christo Dei filio,  
Cum in Bethleem natus fuit de virgine.
2. Benigna vox audita est ab angelo,  
Quam Gabriel adnuntiat de virgine,  
De introitu Christi Dei filii.
3. Concepit virgo de sancto et spiritu  
Peperit filium, finem et principium,  
Alpha et o, primum et novissimum.
4. Deus ab austro veniet sicut fulgur,  
Ab oriente adorare Dominum  
Et adorabunt Deum in perpetuum.
5. Erodes rex iratus erat nimium,  
Infantes parvos jussit interficere  
Propter Jesum, qui natus fuit de virgine.
6. Festinant magi adorare Dominum,  
Aurum et thus offerebant munera,  
Myrrham electam sepulturae Domino.
7. Gaudebunt sancti et gaudebunt angeli,  
Gaudent prophetae, martyres et virgines  
Propter Jesum, qui natus fuit de virgine.
8. Joseph in somnis apparuit angelus,  
Ut in Aegypto fugeret cum Domino,  
Quia Judaei volunt illum occidere.
9. Laetus permansit in corpus virgineum  
Laeta Maria, quando parit filium,  
Tristis est, quando ductus ad patibulum.

Cod. Capiten. Veronen. 90 (85) saec. 9. — 1, 2 De salvatorem Christum Dei filium — 2, 2 Quem Gabriel. — 2, 3 De introitum Christum Dei filium. — 3, 1 et ist jedenfalls zugefügt; zu sprechen espiritu. — 3, 2 Peperit filium filium principium. — 3, 3 Alfa et ho primum et novissimus. — 4, 1 venit. — 4, 2 adorare Dominum, irrümlich aus 6, 1? — 5, 2 parvulos. — 6, 3 Myrrha electa sepultura. — 7, 2 prophetas. — 9, 2 Laeta fuit; peperit. — 9, 3 est virgo quando ductus fuit ad.

### 8. De Christo Domino.

1. Agnus et leo, mitis et terribilis  
Aquila, vermis, excelsus et humilis.
- R°. Salvator mundi, Christus, Dei filius,  
Nobis ut fiat, precamur propitius.
2. Bonus magister, magnus pastor ovium,  
Botrus in ligno portatus in eremum.

3. Coelestis Adam, fons vitae et ostium,  
Custos Israel, vigil in perpetuum.
4. Deus et homo, primus et novissimus,  
Dilectus Dei patris primogenitus.
5. Emanuelis nuncupatus nomine,  
Erectum cornu David sancto semine.
6. Filius Dei, factus ex muliere,  
Factus sub lege praesignato tempore.
7. Gaudium magnum ortum omni populo,  
Gentium vitae sola exspectatio.
8. Haeres parentis, per quem fecit saecula,  
Hostia sancta, medicus justitiae.
9. In majestate venturus cum angelis  
Judicaturus de vivis et mortuis.
10. Kaput corporis totius ecclesiae,  
Kaptivitatis redemptor de carcere.
11. Lapis electus, sanctum semen Abrahae,  
Lux mundi, magna salus, sol justitiae.
12. Mons domus Dei in vertice montium,  
Manus excelsa, dextera et brachium.
13. Natus pro nobis fructus ventris virginis,  
Nuntius magni consilii et foederis.
14. Ortus ex alto, visitator hominum,  
Ovis in modum ductus ad patibulum.
15. Panis coelestis, sacerdos et victima,  
Petra percussa, verbum, sapientia.
16. Qui crucifixus surrexit a mortuis,  
Qui interpellat pro nobis in caelis.
17. Rex magnus regum, dominus dominantium,  
Regnans in domo Jacob in perpetuum
18. Spiritus vultus nostri, Christus Dominus,  
Sub ejus umbra vivimus in gentibus.
19. Thronis et cunctis caelorum virtutibus,  
Tribubus, linguis praesides et plebibus.
20. Unigenitus paternae substantiae,  
Unctus a patre oleo laetitiae.
21. Xristus, pax nostra, una summa sanctitas,  
Xilon aeternae vitae, virtus, veritas.
22. Ymnistae vili vita, resurrectio,  
Dominus judex pareat in judicio.
23. Zoes ut claro ditatum denario  
Zoton in sancto collocet consortio.

Cod. Bruxellen. 8860—67. saec. 10. in. — Ein Lied von hohem Alter, wie namentlich 18, 2 beweist. Dasselbe ist (mit Ausnahme des Rundreims) ein doppelter Abedarius; nur Y steht nicht doppelt, welches nicht erst zur Zeit des Wandsbecker Boten ein „böser Buchstabe“ war. — 16, 2 fehlt eine Silbe am Vers, 17, 2 hat eine desgleichen zuviel; vermutlich ist domnus zu lesen. — 21, 3 *Χλωρ* oder *Χελωρ*, einer der sieben Weisen. — 23, 1 *Ζωῆς*. — 23, 2 *Ζώντων*. — Vgl. Duemmeler, *Rhythmorum ecclesiasticorum specimen* p. 12.

### 9. De Nomine DN. Jesu.

Ad Completorium.

- |   |   |
|---|---|
| 1. Splendor paterni luminis,<br>Flos, decor matris virginis,<br>Virtute tui nominis,<br>Jesu, fer opem miseris. | 3. Resolve culpae vinculum,<br>Confer salutem corporum,<br>Restringe omne lubricum,<br>Depelle omne noxium. |
| 2. Ab hostis fraude, furia<br>Vi, dolo et astutia<br>Per hoc nomen clementiae<br>Nos salva omni tempore.        | 4. Tibi, Jesu, sit gloria,<br>Honor, virtus victoria,<br>Laus, gratiarum actio<br>Cum patre et paraclito.   |

Officium integrum de Nomine Jesu juxta usum ab ecclesia receptum imp. Vesuntione 1590.

### 10. Ad Christum Oratio.

1. Spes mea, Christe, rex benedictae,  
Lux pia vitae duxque perite,  
Pastor amande seu venerande.
2. Summe creator et reparator,  
Sis mihi factor semper et auctor,  
Sis animator et recreator.
3. Tu jugis esto gloria servo,  
Perpes alumno vita misello,  
Semper adesto, rex pie, voto.
4. Respice flentem, quaeso, clientem  
Te metuentem atque petentem,  
Te vererantem, quin et amantem.
5. Porrige dextram, dirige vernam,  
Exue multam, postulo, culpam,  
Corrige vitam tu male tritam.
6. Tolle ruborem, mitte pudorem,  
Pelle favorem, funde nitorem,  
Velle rigorem daque vigorem.
7. Necte timorem, quin et amorem,  
Posco, perennem per genitorem,  
Qui regit omnem fortiter orbem.



8. Semper ubique, Christe, tuere  
Et mihi, celse, tu miserere,  
Daque timere atque amare,
9. Pervia sancta et scripta meare,  
Corde vel ore hinc peragraré,  
Perpeti mente hinc recitare.
10. Da meditari et modulari,  
Ore proferre, corde operari  
Et tibi regi da famulari.
11. Haec ego verbi munere summi  
Atque corusci posco adipisci,  
Pressus enormis mole piaci.
12. Christe, clienti consule flenti  
Et, precor, audi vitam miselli,  
Unice fili patris amandi.
13. Sedula dulci laus genitori  
Et tibi proli, flmini et ipsi,  
Perpes et uni laus deitati.

Cod. Parisin. (ol. Martialen.) 1154 saec. 10. — 2, 2 lies *fautor et autor?*  
*oder factor et actor?* — 6, 3 lies *Pelle rigorem?* *oder velle = evelle?* — 8, 3  
*Teque timere.* — 10, 2 *proferri.* — 11, 3 *more.*

## 11. In Transfiguratione DN.

- |  |  |
|--|--|
| <p>1. Sancte Dei pretiose,<br/>Christe unigenite,<br/>Qui virtute viscerosae<br/>Caritatis inclitae<br/>Te monstrasti gloriose<br/>Tuis, victor inclite.</p> | <p>3. Fac nos omnes praegustare<br/>Gloriae dulcedinem,<br/>Qua possimus effugare<br/>Peccati caliginem<br/>Et demum videre clare<br/>Tuam celsitudinem.</p> |
| <p>2. In te summae majestati<br/>Patris vox intonuit,<br/>Spiritusque veritatis<br/>In nube non defuit,<br/>Nostraeque humanitatis<br/>Gloria apparuit.</p>  | <p>4. Gloria et honor Deo<br/>Usquequa altissimo,<br/>Una patri filioque,<br/>Inclito paraclito,<br/>Cui laus est et potestas<br/>Per aeterna saecula.</p>   |

Brev. ms. Lemovicense saec. 15. Cod. Pianoren. M. 21.

## 12. In Quadragesima.

- |   |   |
|---|---|
| <p>1. In vesperi dictamine<br/>Canentes sancto flmini<br/>Carnis frigescent vitia<br/>Sub virtutum peritia.</p> | <p>2. Fides sit nostrum jaculum,<br/>Scutum et propugnaculum,<br/>Lorica sit et galea<br/>Vitae sub hujus alca.</p> |
|---|---|

- |   |   |
|---|---|
| <p>3. Pax amica, concordia<br/>Sub caritatis ordine<br/>Muniat nostra pectora,<br/>Nec nova fiant vetera.</p> | <p>4. Laus, patri sit et filio,<br/>Sic vigilo, sic dormio,<br/>Sit idem sancto flamine,<br/>Peccatorum juvamine.</p> |
|---|---|

Hymn. ms. Veronensis saec. 11. Cod. Capit. Veronen. 109. — 1, 3 frigescat.  
— 3, 4 lies: Et nova? — 4, 2 lies: Si vigilo, si dormio?

### 13. De Corona Spinea.

- |  |  |
|--|--|
| <p>1. Ingrata gens Judaica<br/>Jesum vestit cum purpura<br/>Et in vile opprobrium<br/>Pungunt corona spinea.</p> <p>2. Sanguis sacratus defluit<br/>Per sanctam illam faciem<br/>Et concretus heic horride<br/>Foedat ejus caesariem.</p> <p>3. Properat crucifigendus<br/>Portans suam crucem Jesus,<br/>Rex regum pro sceptro regni<br/>Lignum portat supplicii.</p> <p>4. Pendet in cruce Dominus<br/>Duum latronum medius<br/>Fleus, clamans, plenus vulnere<br/>Patri commendat spiritum.</p> | <p>5. Miles perfodit lancea<br/>Jesu corpus exanime,<br/>Hinc fluxit salus hominis,<br/>Aqua mixta cum sanguine.</p> <p>6. Tunc matris cor virgineum<br/>Dolor affligit nimium,<br/>Quo urgente consternitur<br/>Et filio commoritur.</p> <p>7. Succurre nobis, Domine,<br/>Quos redemisti sanguine,<br/>Et duc nos ad coelestia<br/>Per matris tuae merita.</p> <p>8. Honor et benedictio<br/>Jesu, Mariae filio,<br/>Qui nos suo supplicio<br/>Redemit ab exsilio.</p> |
|--|--|

Brev. Aberdonense imp. Edinburgae 1510.

### 14. In Resurrectione DN.

Ad Sextam.

- |   |  |
|---|--|
| <p>1. Captiva plorant tartara,<br/>Erepta gaudent milia,<br/>Qui nostra solvit vincula,<br/>Dextra, precamur, libera.</p> <p>2. Te summa Deus trinitas<br/>Collaudet omnis spiritus<br/>Qui ruptis mortis vinculis<br/>Justis rependis praemia.</p> | <p>3. Quaesumus, auctor omnium,<br/>In hoc paschali gaudio<br/>Ab omni mortis impetu<br/>Tuum defende populum.</p> <p>4. Gloria tibi, Domine,<br/>Qui surrexisti a mortuis,<br/>Cum patre et sancto spiritu<br/>In sempiterna saecula.</p> |
|---|--|

Brev. ms. saec. 13. Cod. Parisin. 1287. A. — Brev. ms. Claromontense  
saec. 15. Cod. Parisin. 1278. B. — In A fehlt infolge Verletzung 1, 4 und  
2, 1, sowie die ersten Worte (beziehungsweise Silben) der drei folgenden  
Zeilen.

15. In Resurrectione DN.

R<sup>e</sup>. Vere Dominus surrexit, pastor bonus.

1. Hic est dies, in quo Christi pretioso  
Est in sanguine redemptus mundus totus,  
In quo ovem, quae erraverat, pastor bonus  
Ad ovile reportavit ulnis sacris.
2. Una sabbati surrexit valde mane,  
Sic apparuit Mariae Magdalenae,  
Quae discipulis occurrens nuntiavit:  
De sepulchro resurrexit pastor bonus.
3. Mortis nuntium per stultam mulierem  
A paradiso suscepit mundus olim,  
Dignum fuit, ut per bonam mulierem  
A sepulchro vitam mundus obaudiret.
4. Mors in orbem introivit sub peccato,  
Quod commisit primus homo per mandatum  
Et ab illo usque Christum perduravit,  
Qui per crucem vitam mundi revocavit.
5. Adam vetitum cum lignum usurparet,  
Mortem nobis propinavit, sed dum lignum  
Christum crucis contrectavit, vitam nobis  
In perpetuo firmavit et donavit.
6. Serpens callidus gularum fraude primum  
In paradiso decepit protoplaustum,  
Christus patri obedivit usque ad mortem  
Et cum morte triumphavit sic serpentem.
7. Nam regnavit mors ab Adam et in eos  
Quos non propria peccata polluerunt,  
Sed sub vinculo delicti protoplausti  
Descendebant ad infernum et electi.
8. Christus passus est pro nobis et auctorem  
Mortis sua morte vicit et delevit  
Mox chirographum peccati, quod infelix  
Homo tulit a serpente, cum cecidit.
9. Nam cum caro in sepulchro quievisset,  
Portas Tartari potenter Christus fregit,  
Inde electos liberavit et in sanctam  
Civitatem collocavit immortales.
10. Hoc mysterium quis possit aestimare?  
Ante coelos nec electus penetravit,  
Modo etiam latroni paradisi  
Christus portas est dignatus aperire.

11. Judas impie, crudelis, latro dire,  
Lupe rapax et immitis inimice,  
Poenas lues sub gehenna infinitas,  
Qui negare vitam mundi cupiebas.
12. Vita nostra resurrexit de sepulchro,  
Cum qua simul resurrexit omnis mundus,  
Sub his actibus percussa inimica  
Jam perisse sola modo mors regemat.
13. Gens nefanda Judaeorum tristis modo  
Debet flere et in luctu permanere,  
Quae dimittere latronem et petivit,  
Auctorem mundi, clamabat, crucifige.
14. Nos oportet exsultare, viri fratres,  
Et feliciter in Christo jucundare,  
Qui purpureo cruore nos redemit  
Et ad aurea coelorum regna misit.

Cod. Capit. Veronen. 90. saec. 9. — Der Rundreim steht dreimal geschrieben, nach den drei ersten Strophen; nur lautet er nach Str. 1 De sepulchro resurrexit. Diesen Vers habe ich zu Str. 2 gezogen, der sonst eine Zeile fehlen würde. — 1, 4 ovilem; a ulnis sacris. — 3, 1 muliere. — 3, 4 vita. — 4, 4 vita. — 6, 1 primus. — 6, 2 cepit; protoplausti. — 6, 4 Lücke von zwei Silben; morte ergänzt. — 7, 2 Quod non proprie. — 7, 4 Descendebat. — 8, 4 serpentem. — 9, 4 immortalis. — 10, 2 helectos. — 11, 2 et inimicus inimice. — 11, 4 negaret. — 12, 1 surrexit. — 13, 3 demittere; et pectavit. — 13, 4 Et auctorem. — 14, 1 exaltare. — Dieser Hymnus hat dasselbe Versmaß, wie das schöne, noch heute gebräuchliche Lied ad Mandatum, Analecta XII, 24, das sich in ebendieser Handschrift findet und augenscheinlich vom gleichen Verfasser herrührt. Von welchem?

#### 16. De Resurrectione Domini.

- |  |  |
|--|--|
| 1. Tristis venit ad Pilatum<br>Pastoris discipulus,<br>Quem Joseph dudum parentes<br>Dixere cognomine.   | 5. Quibus dixit ad moerentes<br>pergere discipulos<br>Et eorum de vivente<br>confortare viscera.             |
| 2. Corpus petiit magistri<br>constanter et abiit,<br>Tollens munda crucifixum<br>involvens in sindone.   | 6. Moestis postea in via<br>duobus apparuit,<br>Quibus coepit scripturarum<br>aperire gurgites.              |
| 3. Locans novo in sepulchro,<br>quod sibi paraverat,<br>Posuit, quod et ingenti<br>mole clausit lapidis. | 7. Sciri comes ille docens,<br>quis esset, nec poterat,<br>Tantum panis est ab eis<br>fractione agnitus.     |
| 4. Tertia de quo resurgens<br>die, sicut dixerat,<br>Semet ipsum demonstravit<br>primum mulieribus.      | 8. Et progressi invenerunt<br>congregatos undecim<br>Et dixerunt, quod surrexit,<br>Christus, sicut dixerat. |



9. Metu forte Judaeorum  
clausis tandem foribus  
Medium se praesentavit,  
propheta ut tradidit.
10. Ego sum, nolite flere,  
carnem meam cernite,  
Spiritus qua caret almus,  
qui caret et ossibus.
11. Coepit isdem panis vitae  
quaerere, quid manderet;  
Partem piscis obtulerunt  
atque mellis pabulum.
12. Cum jussisset coram eis  
sumere reliquias,  
Haec sunt illa verba, dicens,  
quae locutus fueram.
13. Impleri quoque oportet,  
quae prophetae dixerant,  
Moyses atque psalmista  
de me quod cecinerant.
14. Oportebat Christus quoque  
pati et resurgere  
Triduum post, introire  
propriam in gloriam.
15. Ite, dixit, praedicate  
cunctis indulgentiam,  
Solymorum circa fines  
sumite primordia.
16. Tunc sodales sunt gavisī,  
se vidisse Dominum,  
Gaudio gavisī valde  
pacem laeti capiunt.
17. Ego vos sicut me pater  
mitto sicut miserat,  
Hoc cum dixit, insufflavit  
spiritumque tradidit.
18. Quando gessit ista Christus  
non erat hic Didymus,  
Cui ceteri dixerunt,  
se vidisse Dominum.
19. Ille ait: hoc non credam,  
nisi manus videro  
Et in latus crucifixi  
mox digitum misero.
20. Fores clausae dies octo  
postquam Christum viderunt,  
Decem erant congregati  
et Thomas undecimus.
21. Venit Christus pacem portans,  
praebuit se medium  
Et Thomam de crucifixo  
confortat incredulum.
22. Mitte manum, tange latus,  
sis fidelis, Didyme,  
Felix erit, qui non vidit  
et credere potuit.
23. Leva tenent piscatores  
et piscis non capitur,  
Litus tenet salvatorem,  
a quibus non creditur.
24. Rete jam dixitque Jesus  
ad sinistram pellite,  
Dextram trahit laborantem,  
quem laeva neglexerat.
25. Dedit nox auroram lucis,  
Christus mox agnoscitur,  
Pisciumque multitudo  
vix ad tellus trahitur.
26. Docet Petrum de magistro  
tunc ille discipulus,  
Domini qui supra pectus  
in coena recubuit.
27. Nudus erat Simon Petrus,  
tunicam succinxerat,  
Cui praebet mare viam,  
navi fertur socius.
28. Gloria aeterno patri,  
gloria sit filio,  
Gloria vivificanti  
sanctoque spiritui.



Cod. Parisin. (ol Martialen.) 1154 saec. 10. A. — Cod. Bruxellen. 8860—67. — Letzterer hat nur die 7 ersten Strophen, auf welche die Doxologie folgt. — 1, 2 pastores B. — 2, 2 constanter et habuit B. — 3, 1 Lugens novum in sepulchrum B. — 5, 3 Et eorum dubitantes B. — 6, 1 Moerentes postea in via B. — 7, 1 Scire B. — 7, 2 qui esse potnerat A. — 9, 4 prophetia tradidit A. — 10, 3 qui caret A. — 11, 2 quid mandarii A. — 13, 4 de me quod A. — 16, 4 capiant A. — 24, 1 Retiam dixitque. — 25, 1 Dedit nos aurora A.

## 17. De Conceptione BMV.

- |   |   |
|---|---|
| 1. Ave, virgo gratiosa<br>Et stella sole clarior,<br>Mater Dei gloriosa<br>Ac favo mellis dulcior.        | 3. Tua, virgo, conceptio<br>Virga fumi fragrantior<br>Et tota conversatio<br>Balsamo redolentior.               |
| 2. Rubicunda plus quam rosa<br>Lilioque condidior,<br>Quantumcunque speciosa,<br>Nulla unquam te purior.  | 4. Jesus Christus te coronat<br>In coelis eminentior,<br>Omnis sanctus de honorat,<br>Quia cunctis es sanctior. |
| 5. Laus, honor, virtus, gloria<br>Deo patri et filio,<br>Sancto simul paraclito<br>In sempiterna saecula. |   |

Brev. Fontebraldense imp. Parisiis. 1546.

## 18. In Conceptione BMV.

Ad Vesperas.

- |  |   |
|--|---|
| 1. Ave, maris stella,<br>Mater et puella,<br>Ex te lux est orta,<br>Felix coeli porta.   | 4. Monstrate esse matrem,<br>Nobis parans patrem,<br>Natus perpetuus<br>Vel qui manet tuus. |
| 2. Sumens illud Ave,<br>Nos emundans a vae,<br>Confer onus levae,<br>Bona cuncta posce.  | 5. Virgo singularis,<br>Parens expers paris,<br>Nos in mundo natos<br>Mites fac et castos.  |
| 3. Solve vincla reis,<br>Regna praebens eis,<br>His veniat ne vae,<br>Mutans nomen Evae. | 6. Sit laus ingenito<br>Ac unigenito,<br>Sancto paraclito<br>Trinus honor unus.             |

Brev. ms. Nemaense saec. 15. Cod. Roman. 1189. Sessor. 138. — 2, 2 emundans eve. — 2, 3 Confer omnis leve. — 5, 2 Parens et par paris.

## 19. In Conceptione BMV.

Ad Laudes.

- |  |  |
|--|--|
| <p>1. O gloriosa domina,<br/>Concepta vero femina,<br/>Quae solem natum sidere<br/>Lactasti sacro ubere.</p> <p>2. Quod Eva tristis abstulit,<br/>Tua bonitas contulit,<br/>Ut nos coelo reduceres,<br/>Coeli fenestra facta es.</p> | <p>3. Tu regis alti janua,<br/>Concepta es in gloria,<br/>Ut redderes vitae portae,<br/>Gentes redemptae, plaudite.</p> <p>4. Maria, mater gratiae,<br/>Quae concepta es hodie,<br/>Nos servos reple gratia<br/>Et populum salvifica.</p> <p>5. Gloria tibi, Domine,<br/>Nato concepta virgine,<br/>Cum patre, sancto spiritu<br/>In sempiterna saecula.</p> |
|--|--|

Brev. ms. Nemaense saec. 15. Cod. Roman. 1189. Sessor. 138. — 3, 1  
Tu regis alta janua filia. — 4, 2 Concepta es ut gloriam. — Et redderes  
vitae pro te (l.: protae, *πρωτη*?).

## 20. In Conceptione BMV.

Ad Laudes.

- |  |   |
|--|---|
| <p>1. In tuae matris utero<br/>Te, virgo, sanctus spiritus<br/>Sic praeservavit, quod vero<br/>Peccatum nescis penitus.</p> <p>2. Alma cunctis virtutibus<br/>Ditata lapsos respice,<br/>Ut tuis sistant precibus<br/>Securi coram iudice.</p> <p>3. Tu petra fundem oleum,<br/>Nobis salutem tribue,<br/>Tu vas splendoris aureum,<br/>Caecis lumen restitue.</p> | <p>4. Aurora surgit rosea,<br/>Obscura nox repellitur,<br/>Tela exstinguit ignea<br/>Sacra virgo, cum nascitur.</p> <p>5. Coeli pandatur janua<br/>Nobis, Maria, propere,<br/>In gaudia perpetua<br/>Intremus tuo munere.</p> <p>6. Patri, nato, paraclito<br/>Laudes canamus jugiter,<br/>Christus Mariae merito<br/>Coronet nos perenniter.</p> |
|--|---|

Brev. ms. Fratrum S. Johannis saec. 15. Cod. Massilien. Eb 302. —  
1, 3 Sic servavit.

## 21. In sanctae Mariae ad Nives.

In 2. Vesperis.

- |  |  |
|--|--|
| <p>1. Quem pia virgo genuit<br/>Sacro perfusa spiritu,<br/>Regi perennis gloriae<br/>Hymnum canamus jugiter.</p> | <p>2. Quem semper super sidera<br/>Laudat coelestis curia,<br/>Sanctae Mariae virgini<br/>Grates reddendo debitas.</p> |
|--|--|

- |   |  |
|---|--|
| 3. Haec virgo venerabilis,<br>Prole fecunda nobili,<br>Locum elegit inclitum<br>Suo sacrandum nomini,         | 6. Hic templum solemnissimum<br>Fundat papa Liberius,<br>Opes dispensat largius<br>Johannesque patricius.      |
| 4. Quem praeter morem solitum<br>Mensis Augusti tempore<br>Pressis solis ardoribus<br>Totum replevit nivibus. | 7. Nos tuos salva famulos,<br>Christe, natus de virgine,<br>Qui pie festa colimus<br>Tuae matris sanctissimae. |
| 5. In visione docuit<br>Tanti causam mysterii,<br>Solemnis habitaculi<br>Benigne pandens ordinem.             | 8. Gloria tibi, Domine,<br>Qui natus es de virgine,<br>Cum patre et sancto spiritu<br>In sempiterna saecula.   |

Brev. ms. Rotomagensae saec. 15. Cod. Rotomagen. 201. — Brev. Pata-  
viense imp. Venetiis 1515. B.

## 22. De Laude sanctae Mariae.

R. Prece pulsemus Christi matrem Mariam,  
Ut impetremus peccatorum veniam.

1. Auroram dictam sermone prophetico,  
Ex qua sol verus ortus est justitiae.
2. Beatam domum dedicatam Domino,  
Jussa ferente Gabriel archangelo.
3. Columbam inter sexaginta reginas  
Et octoginta electas concubinas.
4. David praecelso parientem filium,  
Cujus est thronus manens in perpetuum.
5. Egressa virga Jesse de radice est,  
Florens complexa septeno spiramine.
6. Feminam castam circumdantem masculum,  
Verbum a multis saeculi absconditum.
7. Gratia plenam, obumbratam coelitus,  
Grato adventu sacrosancti spiritus.
8. Hanc imploremus, nostris in auxilium  
Advocatricem esse apud Dominum.
9. Jordanen pleno redundantem gurgite,  
Ripas complentem primi mensis tempore.
10. Kastam turturem, voce, vero sermone  
Se profitentem virum non cognoscere.
11. Lilium inter spinas acutissimas,  
Amicam sponsi solam inter filias.
12. Matrem ac sponsam, sororem et filiam,  
Ancillam quoque regis magni Mariam.
13. Novit quae Christum, vexit nam in saeculum,  
Nullo gravata pondere peccaminum.

14. Ovem, de cuius Dei venit vellere  
Agnus, peccatum mundi hujus tollere.
15. Primam devote offerentem hostiam  
Virginitatem Deo patri placitam.
16. Quam ante partum virginalem integram  
Tam post servatam suae carnis coronam.
17. Rosam fulgentem castitatis robore,  
Matrem spineam observantem honorem.
18. Stellam praeclaram coruscantem fulgore,  
Tanto transacto noctis tatrae tempore.
19. Thalamum structum coelesti conjugio,  
Septem suffultum columnarum numero.
20. Virginem Deum habentem in utero,  
Isaias nobis praedictam oraculo.
21. Xristi pro nobis novis ac veteribus  
Matrem precemur piam peccaminibus.
22. Ymnista fratre pro me licet misero  
Soror exsistat suo supplex filio.
23. Zelum ut hostis antiqui et laqueum  
In regione evadam viventium.

Cod. Bruxellen. 8860—67. saec. 10. — Nach jeder Strophe wiederholt sich der Rundreim; daraus erklärt sich, daß die Anrufungen im vierten Falle stehen. — 1, 1 Aurora dicta. — 2, 1 Beata domus dedicata. — 2, 2 ferentem. — 3, 1 Columba; IX reginas. — 3, 2 Et IXXX electa sunt cubinas. — 5, 2 Flore compleno. — 6, 1 Femina casta. — 7, 1 plena obumbrata. — 7, 2 Gratus adventum. — 9, 2 mensi temporis. — 10, 1 Kasta turture. — 11, 2 Amica sponsi sola. — 13, 1 in sacculum. — 13, 2 Nullam gravata. — 16, 1 virginalis. — 17, 1 Rosa fulgentem. — 18, 1 Stella praeclara. — 18, 2 taeiris corpore. — 19, 1 Thalamo structo. — 19, 2 Reptum suffultum columnarum numerum. — 20, 1 uterum. — 20, 2 oraculum. — 21, 1 Xristus. — 21, 2 pia. — 23, 1 antiqui in laqueum. — Der Verfasser dieses Liedes ist augenscheinlich derselbe, der Nr. 9 dieser Folge gedichtet hat.

### 23. De Omnibus Sanctis.

- |  |   |
|--|---|
| <ol style="list-style-type: none"> <li>1. Exsultent coeli sidera<br/>Quadrique orbis spatia,<br/>Pontus et cuncta condita<br/>Per haec sacra solemnna.</li> <li>2. Regem laudant assidue,<br/>Qui sanctos cunctos hodie<br/>Palmis ornat victoriae<br/>Coronis atque gloriae.</li> <li>3. In sanctorum primordiis<br/>Te decet, rex mirabilis,<br/>Et principale jubilum,<br/>Cunctae plebis obsequium.</li> </ol> | <ol style="list-style-type: none"> <li>4. Ter trinus in agminibus<br/>Ordo fulget angelicus,<br/>Per sua nos suffragia<br/>Ad lucis ducant atria.</li> <li>5. Patriacharum numerus<br/>Et prophetarum cuneus,<br/>Pro nobis rogent omnibus,<br/>Ut simus unus populus.</li> <li>6. Apostolorum caritas<br/>Et martyrum societas<br/>Nostras perducant animas<br/>Mundas ad agni nuptias.</li> </ol> |
|--|---|

- |  |  |
|--|--|
| <p>7. Confessores egregii<br/>Atque doctores incliti<br/>Ad suum nos consortium<br/>Ducant post vitae terminum.</p> <p>8. Maria, Christi thalamus,<br/>Atque chorus virgineus<br/>Cum sanctis simul omnibus<br/>Solvat, quidquid peccavimus.</p> | <p>9. Ibi vera securitas,<br/>Ibi summa felicitas,<br/>Ibi est agni civitas,<br/>Ibi regina caritas.</p> <p>10. Ibi laus, honor, jubilum,<br/>Decus, virtus, imperium,<br/>Quo sine fine concinunt<br/>Hymnum sancti mellifluum.</p> |
|--|--|

Brev. ms. Hispanicum saec. 11. Cod. Londonen. Add. 30848. 2, 3 or-  
nant. — 3, 4 Et cunctis plebs obsequium. — 4, 4 Ad luce ducant. — 9, 3  
est agni caritas. — Die Handschrift ist nicht mozarabisch, sondern römischen  
Ritus, wenngleich in westgotischer Schrift geschrieben.

## 24. De sanctis Apostolis.

- |   |  |
|---|--|
| <p>1. Beatus Christi famulus,<br/>Petrus, quoque apostolus<br/>Insignis ac praecipuus,<br/>Christi amore agnitus.</p> <p>2. Quem ponti juxta litora<br/>Christi occurrit gratia,<br/>Mox ebrius qui spiritu<br/>Corde reliquit saeculum.</p> <p>3. Praeclarus mentis lumine<br/>Post almae carnis tegmine<br/>Cognovit Dei filium<br/>Summique patris coevum.</p> <p>4. Fundamentum immobile<br/>Et gloriosum vas idem,<br/>Christus fixit in lapide<br/>Ecclesiam firmissimam.</p> <p>5. Potestatem praecipue<br/>Coelique claves obtinet,<br/>Ligandi in ecclesia<br/>Atque solvendi gratiam.</p> <p>6. Pastorem bonum et pium<br/>Simon Johannis creditus,<br/>Jesum, inquit, se diligere<br/>Ejusque oves pascere.</p> <p>7. Cujus sacratis gressibus<br/>Umbra adharente corpori<br/>Contactus quosque languidos<br/>Mox faciebat prosperos.</p> | <p>8. In sede quoque optima<br/>Sedet post Antiochia,<br/>Roma cives ditissima<br/>Nobilitavit gratia.</p> <p>9. Cui deditque socium<br/>Christus valde egregium<br/>Paulumque nobilissimum<br/>Virtutis magno thesauro.</p> <p>10. Uterque victo Simone<br/>Glorioso certamine<br/>Sumpsit dejecto daemone<br/>Coronamque martyrii.</p> <p>11. Coruscatque miraculis<br/>Et signis valde optime,<br/>Virtutumque potentia<br/>Punctum lustrant occiduo.</p> <p>12. Germanus pari praeclarus<br/>Et gloria splendidus<br/>In orientis partibus<br/>Andreas sorte est electus.</p> <p>13. Elegit crucis tropheum<br/>Ascendere post magistrum,<br/>Cujus doctrina et gratia<br/>Refulget in ecclesia.</p> <p>14. Jacobus frater Domini<br/>Et Nazareus maxime,<br/>Vir justus ac verissimus,<br/>Episcoporum episcopus.</p> |
|---|--|



- |   |  |
|---|--|
| <p>15. Sedem Hierosolymam<br/>Post passionem Domini<br/>Pro Christi testimonio<br/>Consummavit martyrio.</p>        | <p>17. Discipulorum singuli<br/>Arietesque optimi<br/>Victa mundi superbia<br/>Nunc fruunt magna gaudia.</p> |
| <p>16. Sic Matthaeus in Persida,<br/>Thomas quoque in India,<br/>Johannes certe Asia<br/>Magna replevit gratia.</p> | <p>18. Gloria tibi, Domine,<br/>Gloria unigenito<br/>Una cum sancto spiritu<br/>In sempiterna saecula.</p>   |

Cod. Bruxellen. 8860—67. saec. 10. in. — 2, 3 qui ergänzt. — 3, 1 luminis. — 3, 3 Deus filium. — 4, 1 immobilem. — 4, 2 gloriosa. — 4, 3 fixus in. — 4, 5 Ecclesia firmissima. — 5, 2 optime. — 5, 4 gratia. — 6, 3 Jesu inque se diligit. — 7, 3 languidus. — 7, 4 prosperum. — 8, 2 Lies: Antiochiam? — 8, 3 Lies: Romam cive ditissimam? oder: Romae cives ditissima? — 9, 1 fehlt eine Silbe, que ergänzt; socius. — 9, 3 Paulum quoque. — 9, 4 Virtutes. — 10, 1 Utrique victor. — 10, 2 Glorioso post certamine. — 10, 4 Coronaque. — 12, 1 patri. — 12, 1 fehlt nur scheinbar eine Silbe, da nach der italisch-spanischen Aussprache splendidus zu sprechen. — 12, 3 orientem. — 12, 4 Andream sortem. — 14, 1 Jacob. — 15, 2 passione. — 15, 3 testimonium. — 15, 4 martyrium. — 16, 2 Thomasque. — 16, 3 Lies: Asiam? — 17, 3 Vita mundi.

## 25. De Apostolis.

Ad Vesperas.

- |  |   |
|--|---|
| <p>1. Inter cunctos Christicolae<br/>Excellit apostolicus<br/>Ordo, divinis cultibus<br/>Dicatus specialius.</p> | <p>3. Pro parvis et immania,<br/>Pro caducis perpetua,<br/>Ut quivit Dei gratia<br/>Voluitque potentia.</p>       |
| <p>2. Secutus namque Dominum<br/>Relictis temporalibus<br/>Mercatus est coelestia<br/>Concedentis clementia.</p> | <p>4. Horum, Christe piissime,<br/>Facta nos sequi tribue,<br/>Nostros eos efficiens<br/>Querelis exorabiles.</p> |
5. Hoc summa praestet deitas  
Patris natique unici  
Sanctoquo cum spiramine  
In sempiterno tempore.

Brev. ms. Broniense saec. 15. Cod. Semin. Namurcen. s. n.

## 26. De Apostolis.

Ad Laudes.

- |   |  |
|---|--|
| <p>1. Jam corde puro et laeto<br/>Hymnum canamus Domino,<br/>Apostolis nunc debitam<br/>Ferentes reverentiam.</p> | <p>2. Ut mereamur effici<br/>Horum semper nos famuli,<br/>Spernentes transitoria,<br/>Tendentes ad perennia.</p> |
|---|--|

- |   |  |
|---|--|
| 3. Judex Christus cum venerit,<br>Referre cunctis propria,<br>Nobis non ut supplicia<br>Proveniant sed praemia. | 4. O lumina micantia,<br>Nobis ferte praesidia,<br>Quo mundemur a peccatis<br>Et sociemur superis. |
|---|--|

5. Hoc summa praestet deitas  
Patris natique unici  
Sanctoque cum spiramine  
In sempiterno tempore.

Brev. ms. S. Vitoni saec. 14. Cod. Viridunen. 116. A. — Brev. ms. Bisuntinum saec. 14. Cod. Bisuntin. 63. B. — Brev. ms. S. Vitoni saec. 15. Cod. Viridunen. 117. C. — Brev. ms. Bisuntinum saec. 15. Cod. Bisuntin. 65. D. — Brev. ms. Bisuntinum saec. 15. ex. Cod. Bisuntin. 67. E. — 5, 1 praesta E. — 1, 2 Hymnum dicamus B. — 5, 4 sempiterna saecula E.

### 27. De uno Martyre.

- |  |  |
|--|--|
| 1. Lucifer diem inchoat,<br>Aurora polum lucidat,<br>Mundus laudibus concrepat<br>Martyris festum celebrans.   | 4. Pro poenis tibi praemia<br>Rependit rex perennia,<br>Pro morte beneficia<br>Nunquam deficientia.        |
| 2. Jam nulla vox reticeat,<br>Quin psallat nunc altisona,<br>Hymnilogum laetitiae<br>Alternent voces consonae. | 5. Esto ergo propitius<br>Indultor et magnificus,<br>Ut culpas, quas commisimus,<br>Per te labescant ocus. |
| 3. Ave, Vincenti, praecluis<br>Coelitum consors humilis,<br>Regiae urbis incola,<br>Sidus micans in gloria.    | 6. Sit genitori gloria<br>Nato nec non per omnia<br>Cum spiritu paraclito<br>Ac gratiarum actio.           |

Hymn. ms. Veronensis saec. 11. Cod. Capit. Veronen. 109 dreimal: einmal als de S. Vincentio (A), das zweite Mal als de S. Georgio (B), das dritte Mal als de Communi Martyris (C) — 2, 3 laetitia A. — 3, 1 Ave, Georgi B; Ave, o martyr C. — 3, 4 in gloriam A.

### 28. Plurimorum Confessorum.

Ad Vesperas.

1. Hi sacerdotes Domini sacrati,  
Consecratores Domini fideles  
Atque prudentes famuli fuerunt  
Ecclesiarum.
2. Namque susceptae benedictionis  
Dona servantes studuere, lumbos  
Fortiter cincti, manibus corruscas  
Ferre lucernas.
3. Dum clientelae Domini fatentur  
Esse se factos humiles ministros,  
Debitum cunctae meminere victus  
Solvere sumptum.

4. Sicque suspensi vigilesque, quando  
Januam pulsans Dominus veniret,  
Obviaverunt cito properanti  
Pandere limen.
5. Gloriam summum decus atque laudis,  
Rex tibi regum, deitas perennis,  
Quidquid est rerum, celebret per omne  
Tempus et aevum.

Hymn. ms. Andegavensis saec. 14. Cod. Andegaven. 106. A. — Hymn. ms. Andegavensis saec. 14. Cod. Andegaven. 105. B. — Str. 1—3 incl. ausradiert B. — 3, 1 fatentes A. — Mel.: Iste confessor.

### 29. Plurimorum Confessorum.

Ad Matutinum.

1. Talis ac tanti meriti laborem  
Regis aeterni pietas benigna  
Munerans larga retributione  
Dulciter inquit:
2. Euge, dilecti mihi, sempiterni  
Gaudii mecum bona jam tenete,  
Rebus in paucis quia vos fideles  
Esse probavi.
3. Nam in Abrahae sinibus recepti,  
Jam suae certi solidae salutis,  
Nos adhuc carnis laqueis ligatos  
Solvere curent.
4. Gloriam summum decus atque laudis,  
Rex tibi regum, deitas perennis,  
Quidquid et rerum, celebret per omne  
Tempus et aevum.

Hymn. ms. Andegavensis saec. 14. Cod. Andegaven. 106. A. — Hymn. ms. Andegavensis saec. 15. Cod. Andegaven. 105. B. — Der Hymnus ist wohl nur ein Teil des vorhergehenden; Mel.: Iste confessor.

### 30. Plurimorum Confessorum.

Ad Laudes.

1. Dum sacerdotum celebrant fideles  
Festa solemniter veneranda cultu,  
In tuas laudes honor hic redundat,  
Summe sacerdos.
2. Cujus ex dono potuere sancti  
Saeculi fastus et opes caducas  
Ac voluptatum laqueos tenaces  
Ludificare,

3. Sed nec adversis poterant moveri  
A tuae certi fidei tenore,  
Quos futurorum rata praemiorum  
Spes animabat.
4. Unde post vitae fragiles labores  
Rite decursos, patriae adepti  
Coelicas sedes, solida beati  
Pace fruuntur.
5. Glorïae summum decus atque laudis,  
Rex tibi regum, deitas perennis,  
Quidquid est rerum, celebret per omne  
Tempus et aevum.

Hymn. ms. Andegavensis saec. 14. Cod. Andegaven. 106. A. — Hymn. ms. Andegavensis saec. 14. Cod. Andegaven. 105. B. — 3, 1 adversus B. — 3, 2 Atrie certi B. — Mel.: Iste confessor.

### 31. In festo ss. Praesulum Aeduensium.

Ad Vesperas.

- |   |   |
|---|---|
| 1. Pange, lingua, sacerdotum<br>Laudes et praeconia,<br>Auge cultum, auge votum,<br>Auge sacrificia,<br>Hanc ut plebem, clerum totum<br>Horum juvet gratia. | 4. Nascentis sunt fundamenta<br>Praesentis ecclesiae,<br>Primitiva documenta<br>Coelestis militiae,<br>Per quos primum est inventa<br>Nova porta gratiae.   |
| 2. Hic sunt patres et pastores<br>Gregis Aeduensium<br>Et ipsius protectores<br>Custodesque ovium,<br>Ultiores et defensores<br>In hunc malignantium.       | 5. Pellunt morbos et languores,<br>Reprimunt daemonia,<br>Salutis sunt largitores,<br>Praestant beneficia,<br>Plebis sunt intercessores<br>Et vera auxilia. |
| 3. Qui sua sacra doctrina<br>Destructis erroribus<br>Christi dogmata divina<br>Seruerunt mentibus,<br>Sacri fontis aqua digna<br>Lavantes a sordibus.       | 6. Hujus ergo concionis<br>Sacrata solemnïa<br>Nobis sint remissionis<br>Et peccati venia<br>Et post diem ultionis<br>Requies et gloria.                    |
| 7. Praestet trinitas beata<br>Horum per suffragia,<br>Ut nostra quaeque errata<br>Purgentur et vitia,<br>Huic plebi sit pax data<br>Ibi et in patria.       |   |

Antiph. ms. Aeduense saec. 15. Cod. Semin. Aeduen. 150. A. — Antiph. ms. Aeduense saec. 13. in. Cod. Semin. Aeduen. 151\*. add. saec. 17. B. — Brev. Aeduense imp. Parisiis 1489. C. — Mel.: Pange lingua.

### 32. In festo ss. Praesulum Aeduensium.

Ad Nocturnum.

1. Sanctorum praesulum nova solemnia  
Plebs Aeduensium juncta laetitia  
Celebret, ut horum per patrocinia  
Fruatur regno polorum.
2. Dies recolitur sollemnis et pia,  
Qua jugis agitur horum memoria,  
Ut qui nunc superis fruuntur gloria,  
Orent pro nobis miseris.
3. In te hi plantarunt fidei semina  
Et procul stirparunt deorum numina  
Tibique lavacra baptismi libarunt,  
Per quae purgantur crimina.
4. O celsi patroni, quorum in patria  
In conspectu throni jam lucent praemia,  
Pro vestris famulis stantibus in via  
State precibus sedulis.
5. Et quos educaſtis fidei ferculo  
Et corroborastis doctrinae pabulo,  
Aeterno coelorum in habitaculo  
Pascatis cibo justorum.
6. Te, summa deitas unaque, poscimus,  
Ut praesens civitas a malis omnibus  
Per horum merita servetur, quaesumus,  
Et relaxentur debita.

Antiph. ms. Aeduense saec. 15. Cod. Semin. Aeduen. 105. A. — Antiph. ms. Aeduense saec. 13. in. Cod. Semin. Aeduen. 151\*. add. saec. 15. B. — Brev. Aeduense imp. Parisius 1489. C. — 1, 4 Fruatur regna C. — Mel.: Sacris sollemniis.

### 33. In festo Praesulum Aeduensium.

Ad Laudes.

- |   |   |
|---|---|
| <p>1. Exsulta, felix Aedua,<br/>Tantis ornata patronis,<br/>Qui nunc in coeli curia<br/>Splendidis pollent coronis.</p>   | <p>4. Magnis pleni virtutibus,<br/>Verbo, vitaeque doctrina<br/>Et praedicationibus<br/>Tibi panderunt divina.</p>        |
| <p>2. Quorum fide coronaris<br/>Et dogmate imbueris,<br/>Virtutibus adornaris,<br/>Baptismate ablueris.</p>               | <p>5. Sunt lapides et caementum,<br/>Quibus tibi stat fundata<br/>Supra petrae fundamentum<br/>Domus coelo fabricata.</p> |
| <p>3. Per hos tibi crescunt dona,<br/>Fides tua augmentatur,<br/>Cedunt mala, crescunt bona<br/>Et gloria cummulatur.</p> | <p>6. Quorum quidam bellatores<br/>Hanc sanguine sacraverunt,<br/>Alii vero confessores<br/>Moribus dedicaverunt,</p>     |



7. Vos igitur, o praesules,  
Istam plebem conservate  
Et terris adhuc exsules  
Coelestibus sublevate.

8. Praestet beata trinitas  
Per praesulum suffragia,  
Ut praesens nos celebritas  
Perducat ad coelestia.

Antiph. ms. Aeduense saec. 15. Cod. Semin. Aeduen. 150. A. — Antiph. ms. Aeduense saec. 13. in. Cod. Semin. Aeduen. 151\*. add. saec. 15. B. — Brev. Aeduense imp. Parisius 1489. C. — 1, 1 Exsultet C. — 4, 1 plena C.

### 34. De Virginibus.

Ad Laudes.

1. Suscipe voces pariterque laudes,  
Quas tibi mente promimus devota,  
Sponsa, coelesti copulata regi,  
Beata virgo.
2. Te a primaevo juventutis flore  
Sponsus coelestis adamavit Christus  
Et sibi templum te sacravit aptum,  
In quo maneret.
3. Tetemet ipsam fide decoratam,  
Spe roboratam, caritate plenam,  
Corde benignam, castitate puram  
Christo dicasti.
4. Inde nunc cara Dei margarita  
Et pretiosa vocitaris gemma,  
Te namque plebes utriusque sexus  
Laude frequentant.
5. En, quod superna resides in aula  
Et quod in coelo potens es cum Christo,  
Indicant signa cunctis recolenda  
Et memoranda.
6. Daemones tuis meritis fugantur,  
Claudi curantur, caeci illuminantur,  
Audiunt surdi, eriguntur curvi,  
Muti loquuntur.
7. Virginem inde te rogamus sacram,  
Ut pro peccatis obsecrando nostris  
Veniam nobis impetrare velis,  
Sponsa coelestis.
8. Sicut in tuo Deus nos amore  
Liberet cunctis pius ab adversis  
Atque futuram donet nobis vitam  
Pace perenni.  
Sit Deo patri laus et honor semper,  
Gloria nato et spiritui sancto,  
Quorum majestas et una potestas  
Est in aeternum.

Hymn. ms. Veronensis saec. 11. Cod. Capit. Veronen. 109.

### 35. In Natali Continentium.

Ad Vesp. et Noct.

1. Christe benigne, hujus sanctae tuae  
Festa devote colimus, precantes  
Hanc, tibi quae jam meruere jungi,  
Regna tueri.
2. Vincla nostrorum scelerum resolvat,  
Luce virtutum populos adornet,  
Indicet nobis pietate sola  
Regna superna.
3. Quae rite mundi gaudia caduca  
Respuit sponte Deum diligendo,  
Pro nobis instet, ut eandem viam  
Nos teneamus.
4. Gloria sanctae piae trinitati  
Turba resultet, canat et revolvat,  
Quae manens regnat Deus unus omni  
Tempore saeculi.

Brev. Nemaense imp. s. l. 1499. — 1, 3 qui jam meruere jugi. — 3, 3 eadem. — 4, 2 resolvat..

### 36. In Natali Continentium.

Ad Laudes.

- |   |  |
|---|--|
| <ol style="list-style-type: none"> <li>1. O Christe, rex piissime,<br/>Hujus sanctae suffragio<br/>Horis, momentis omnibus<br/>Munire nos non abnuas.</li> <li>2. Te deprecamur supplices,<br/>Ut ab hoste nos liberes,<br/>Ne valeat seducere<br/>Tuo redemptos sanguine.</li> </ol> | <ol style="list-style-type: none"> <li>3. Ut ore tibi consono<br/>Et corde devotissimo<br/>Possimus omni tempore<br/>Laudes referre debitas.</li> <li>4. Vox laudis et laetitiae<br/>Et gratiarum actio<br/>Regi debentur gloriae<br/>Alacriori studio.</li> </ol> |
|---|--|
5. Precamur omnes, Domine,  
Jesu, redemptor unice,  
Quos redemisti sanguine,  
Sanctis jungas in aethere.

Brev. Nemaense imp. s. l. 1499. — 2, 4 Tuos.

### 37. In Dedicatione Ecclesiae.

- |   |   |
|---|---|
| <ol style="list-style-type: none"> <li>1. Jesu, qui Deus deorum<br/>In Sion es beata,<br/>Quae fulgore radiorum<br/>Tuae lucis ornata<br/>Claris splendet, angelorum<br/>Sedibus ordinata.</li> </ol> | <ol style="list-style-type: none"> <li>2. In aede tibi sacrata<br/>Plebem Christianorum,<br/>Qui tibi mente dicata<br/>Cuncta dicant bonorum,<br/>Benedictione grata<br/>Dita sacramentorum.</li> </ol> |
|---|---|

- |   |   |
|---|---|
| <p>3. Auctor tu qui singulorum<br/>Quaeque sunt derivata<br/>Tuo fonte meritum<br/>Pia per tot patrata,<br/>Ut hominum peccatorum<br/>Redimeres errata.</p> <p>4. Hic, veritas increata,<br/>Vincula solvis cunctorum,<br/>Qui confitentur peccata<br/>Et pascis filiorum<br/>Humanitate velata<br/>Vere animas piorum.</p> | <p>5. Felix ut grex electorum<br/>Nuptiali parata<br/>Tuorum veste donorum<br/>Lampade intret aptata<br/>Oleo pingui coelorum<br/>Palatia exoptata.</p> <p>6. Tibi gratias, oblata<br/>Qui hostia miserorum<br/>Debita luis, placata<br/>Patris ira et tuorum<br/>Sancto spiritu renata<br/>Corda beas sanctorum.</p> |
|---|---|

Collect. ms. hymn. saec. 18. Cod. Parisien. 1094.

### 38. In Liberatione Urbis Aniciensis.

In 1. Vesperis.

- |  |   |
|--|---|
| <p>1. Reginae mundi proelia,<br/>Trophaea matris virginis<br/>Nostra canant encomia<br/>Ad summi laudem numinis.</p> <p>2. O mater admirabilis,<br/>Velut castra fulminibus<br/>Armata, formidabilis<br/>Tartareis cohortibus.</p> <p>3. Tu monstrum ab origine<br/>Cunctis innatum mentibus<br/>In ipso vitae limine<br/>Tuis conculcas pedibus.</p> <p>4. Carnem, mundum et Satanam<br/>Triumpho tui gloriae<br/>Et vastam orbis machinam<br/>Tuae subdis potentiae.</p> | <p>5. Per te Judaeos, ethnicos<br/>Debellavit ecclesia,<br/>Per te fugat haereticos<br/>Et monstra vincit omnia.</p> <p>6. Terra, pontus et flumina<br/>Tuo gaudent obsequio,<br/>Ignis, aër et fulmina<br/>Tuo parent imperio.</p> <p>7. O dux sacrae militiae,<br/>Serpentis regnum dissipa,<br/>Ut summo regi gloriae<br/>Cuncta flectantur genua.</p> <p>8. Praesta, Jesu, sub pedibus<br/>Nostris calcari zabulum,<br/>Ut in tuorum cordibus<br/>Regnes per omne saeculum.</p> |
|--|---|

Sanctorale Cathedralis S. Mariae Aniciensis imp. Anicii 1661.

### 39. In Liberatione Urbis Aniciensis.

Ad Matutinum.

- |  |  |
|--|--|
| <p>1. Pange, lingua, deiparae<br/>Celebranda certamina,<br/>Et triumphos Christiferae<br/>Nostra collaudent carmina</p> <p>2. Iram tremendi numinis<br/>Accendunt mundi scelera,<br/>Sed hanc Mariae virginis<br/>Vincunt materna viscera.</p> | <p>3. O virgo, sole clarior,<br/>Quam saepe mortis vincula<br/>Solvisti morte fortior,<br/>Cuncta proclamant saecula.</p> <p>4. Tu morbos insanabiles,<br/>Salus aegrorum, superas,<br/>Aerumnas implacabiles,<br/>Spes miserorum, dissipas.</p> |
|--|--|

- |   |  |
|---|--|
| <p>5. Tu surdis aures aperis,<br/>Caecos ad lumen revocas,<br/>Mutis vocem restituisti<br/>Et claudis gressum reparas.</p> <p>6. Per te mentes Christicolum<br/>Terrena spernunt gaudia,<br/>Per te malignum saeculum<br/>Et Orci vincunt agmina,</p> | <p>7. Te propugnante fugiunt<br/>Cuncta malorum genera,<br/>Te favente proficiunt<br/>Dilectis tuis omnia.</p> <p>8. Praesta, Jesu, sub pedibus<br/>Nostris calcari zabulum,<br/>Ut in tuorum cordibus<br/>Regnes per omne saeculum.</p> |
|---|--|

Sanctorale Aniciense imp. Anicii 1661.

#### 40. In Liberatione Urbis Aniciensis.

Ad Laudes.

- |   |  |
|---|--|
| <p>1. O Maria deigena,<br/>Coronata sideribus,<br/>Castrorum poli domina<br/>Solis cincta splendoribus.</p> <p>2. Armis induta coelicis<br/>Decem draconis cornua<br/>Tu, mater agni, conteris<br/>Et septem frangis capita.</p> <p>3. Per te derident martyres<br/>Tyrannorum saevitiam,<br/>Per te sacratae virgines<br/>Carnis horrent spurcitiam.</p> <p>4. O virgo, mater virginum,<br/>Tu palmas omnes superum<br/>Sola vincis eximio<br/>Virginitatis lilio.</p> | <p>5. Tuae sunt omnes coelitem<br/>Coronae, tua gloria<br/>Trophaea Christi militum,<br/>Tua jure sunt omnia.</p> <p>6. In nati quippe sanguine<br/>Dira vincentes tartara<br/>Vincunt in matre virgine,<br/>Triumphant super sidera.</p> <p>7. Eja, virili pectore<br/>Sequamur matris proelia,<br/>Vincet mater in sobole,<br/>Crescet vincentis gloria.</p> <p>8. Praesta, Jesu, sub pedibus<br/>Nostris calcari zabulum,<br/>Ut in tuorum cordibus<br/>Regnes per omne saeculum.</p> |
|---|--|

Sanctorale Aniciense imp. Anicii 1661.

#### 41. De Caritate.

1. Christe rex, vita, lux, via et veritas,  
Qui cuncta regis et gubernas omnia,  
Da nobis pacem et veram concordiam  
Caritatemque insuper haec omnia,  
Quae sola regnat perfecta cum Domino.
2. Fides cessabit atque spes in ultima,  
Caritas vero manebit cum Domino,  
Ipsa est namque, quae opprimit vitia,  
Ipsa est virtus, quae depellit omnia,  
Justos exaltat ad coelorum limina,

3. Omnia bona antecedit caritas,  
Malorum radix sola est cupiditas,  
Qui vult perfecte vivere cum Domino,  
Relinquat malum diligatque proximos  
Ex vera fide et corde purissimo.
4. Dum vivi sumus et sani in corpore,  
Sic festinemus emendare vitia,  
Terrena lucra vehementer spernere,  
Amare Deum, diligere proximum,  
Ut consequamur sempiternam requiem.
5. Consideremus divitis duritiam  
Et admiremus Lazari pauperiem  
Metuamusque hominis perfidiam:  
Homo despexit, dilexerunt bestiae,  
Canesque muti delingebant ulcera.
6. Nos quasi fratres diligamus invicem,  
Quia, qui odit, compar est diabolo,  
Deceptor fratrum, detractor aut invidus  
Non erit concors cum justis in requiem,  
Nisi hic prius agat poenitentiam.
7. Dives et pauper mutaverunt gloriam,  
Dives in igne, pauper in sublimia,  
Infelix dives descendit in foveam,  
Mendicus vero conscendit in gloriam  
Inter sanctorum candidata agmina.
8. Reliquit dives mansionem splendidam,  
Post mortem vero sumpsit sibi igneam,  
Amavit aurum et vestem purpuream,  
Idcirco jacet nudus in incendio  
Nullumque ibi recipit auxilium.
9. Mors repentina antecedit miseros  
Et peccatores recludit in carcerem,  
Ibi sunt vermes draconesque pessimi  
Ad devorandum illorum cadavera,  
Qui perseverant in sua perfidia.
10. Heu quam magnus dolor instat reprobis,  
Quam fortis poena subsequitur impios,  
Qui pro peccatis hic non fundunt lacrimas,  
Sed cum dolore stridoreque dentium  
Amara erit illa poenitentia.
11. Gaudent potentes, dum adquirunt munera,  
Mendici dolent prae famis inopia,  
Post finem vero divites in tartara,  
Qui consumpserunt orphanorum lacrimas,  
Pauperes autem pergunt ad sublimia.



12. Terrena lucra damna sunt perpetua,  
Adquirunt aurum et demergunt miseros,  
Avari semper argentum desiderant,  
Cujus aerugo erit in testimonium  
Illis, qui servant mammona in sacculis.
13. Brevis est hujus saeculi calamitas,  
Infelix nimis, caduca et fragilis,  
Velut ut umbra fugit ante oculos,  
Ducit ad poenam sibi consentaneos,  
Mergit in ignem et mortis caliginem.
14. Beatus Victor, Christi martyr inclitus,  
Pro cuius laude hodie conjunximus,  
Sit intercessor apud pium judicem,  
Ut mereamur percipere gloriam  
Et in futuro triumphale praemium.

Cod. Parisien. (ol. Martialen.) 1154. saec. 10. — 1, 1 Christus. — 2, 1 cessavit. — 11, 2 impiis. — 12, 4 lies contempserunt? — 15, 2 laudibus; lies: conjungimur?

#### 42. De Poenitentia.

- |  |  |
|--|--|
| <ol style="list-style-type: none"> <li>1. Ad te, Deus gloriose,<br/>rerum factor omnium,<br/>Lacrimosis clamo gemens<br/>et amaris vocibus:<br/>Poenitenti, Christe, da veniam.</li> <li>2. Brevis est haec vita nimis<br/>Et plena miseriis,<br/>Quam secutus ad coelestem<br/>non levavi animam.<br/>Miserere mei, piissime.</li> <li>3. Confundor et erubescō<br/>ante tuam faciem,<br/>Cum recordor, quanta feci<br/>coram te peccamina.<br/>Ab inferno, Christe, nos libera.</li> <li>4. Delectatus voluptate<br/>carnis vixi reprobe,<br/>Non quaesivi voluntatem<br/>tuam digne facere.<br/>Poenitenti, Christe, da veniam.</li> <li>5. Epulando resolute<br/>me nefandis pollui,<br/>Deceptoris et blandis<br/>corpus meum subdidi.<br/>Miserere mei, piissime.</li> </ol> | <ol style="list-style-type: none"> <li>6. Feci malum plus quam omnes<br/>videntes in saeculo,<br/>Unde tuum supplex posco<br/>jam, Deus, auxilium.<br/>Ab inferno, Christe, nos libera.</li> <li>7. Gloriosam majestatem<br/>et tuam potentiam<br/>Collaudant, adorant cuncti,<br/>quam tremunt, archangeli.<br/>Poenitenti, Christe, da veniam.</li> <li>8. Haec est via nam salutis,<br/>te Deum cognoscere,<br/>Te pro malis exorare<br/>unumquemque propriis.<br/>Miserere mei, piissime.</li> <li>9. Justus es iudex et pius<br/>et rectum iudicium,<br/>In furore tuo, precor,<br/>ne me, Deus, arguas.<br/>Ab inferno, Christe, me libera.</li> <li>10. Karo omnis ad examen<br/>veniet terribile,<br/>Ubi justī exsultabunt<br/>et moerebunt impiī.<br/>Poenitenti, Christe, da veniam.</li> </ol> |
|--|--|

11. Luctu plena dies illa  
et amara reprobis,  
Dies irae, dies illa,  
dies et caliginis  
Miserere mei, piissime.
12. Moeror gravis homicidas  
et raptores plurimos,  
Ebriosos atque molles  
occupabit pariter.  
Ab inferno, Christe, me libera.
13. Non superbi ac discordes,  
odiosi, lubrici,  
Detractores et mendaces  
diem hanc effugient  
Poenitenti, Christe, da veniam.
14. Obstupebunt et marcescent  
omnes illic invidi,  
Concremabit et avaros  
ultrix flamma divites.  
Miserere mei, piissime.
15. Plectet ignis duros corde  
et tempestas valida,  
Justi autem laetabuntur  
coram summo iudice.  
Ab inferno, Christe, me libera.
16. Qui ex tota mente sua  
dilexerunt Dominum,  
Hi gaudentes conregnabunt  
illi in perpetuum.  
Poenitenti, Christe, da veniam.
17. Rex et dicet: maledicti,  
ite vos in tartarum;  
Sanctis vero: benedicti,  
venite ad gloriam.  
Miserere mei, piissime.
18. Sic clauduntur tenebrosi  
peccatores carcere  
Et ardebunt ut damnati  
cum stridore dentium.  
Ab inferno, Christe, me libera.
19. Tunc electi ad promissam  
ibunt laeti patriam,  
Ubi vitam sempiternam  
habebunt cum angelis.  
Poenitenti, Christe, da veniam.
20. Vita illa Deus erit,  
pax atque securitas,  
Quem videbunt congaudentes  
facie ad faciem.  
Miserere mei, piissime.
21. Xriste, rerum fabricator  
et redemptor omnium,  
Suscipe vocem clamantis  
ad te, quaeso, valide.  
Ab inferno, Christe, me libera.
22. Ymnos tibi ut acceptos  
valeam persolvere,  
Da misello de peccatis  
veram indulgentiam.  
Poenitenti, Christe, da veniam.
23. Zelo tuo pectus meum  
fac ardere jugiter,  
Ne flamma gehennae meam  
unquam urat animam.  
Miserere mei, piissime.
24. Luctuosum scripsi rhythmum  
quaerelumque fletibus,  
Quo finito mecum omnes  
clament quoque singuli:  
Ab inferno, Christe, me libera.

Cod. Parisien. (ol. Martialen.) 1154. saec. 10. — 3, 4 digna. — 17, 4 damnatis.

II.

DE SANCTIS.

---



#### 43. De sancto Achatio.

In 1. Vesperis.

- |  |   |
|--|---|
| 1. Sacrae turbae celebremus<br>Virtutum insignia,<br>Voce, voto resonemus<br>Trophea victricia,<br>Quibus apte comprobemus<br>Fidei praeconia.                     | 5. Ob hoc poenis exarantur<br>Fortes testes gratiae,<br>Lapidati flagellantur<br>Instar regis gloriae,<br>Crucifixi coronantur<br>Spinis gentis impiae.       |
| 2. Dignos testes almae crucis<br>Prosequamur laudibus,<br>Qui sub fide Christi ducis<br>Procedunt in milibus,<br>Jubar clarum verae lucis<br>Perferentes mentibus. | 6. Non a fide recesserunt<br>Poenarum ludibriis<br>Nec in poenis defecerunt<br>Fidei praesidiis,<br>Cruciformes perstiterunt<br>In laudum praeconiis.         |
| 3. Christum fide sunt secuti<br>Milites egregii,<br>Quorum fide persecuti<br>Cadunt adversarii,<br>Fide fervent persecuti<br>Causa Dei filii,                      | 7. Hos in Christo veneremur<br>Psalmis, hymnis, canticis,<br>Quos fidenter deprecemur<br>Summi dignos apicis,<br>Ut cum ipsis gloriemur<br>In donis almiscis. |
| 4. Reges temnunt et fautores<br>Horum dolosissimos,<br>Pompas vitant et honores<br>Mundi falacissimos,<br>Virtuosos captant mores<br>In fide clarissimos.          | 8. Gloria sit, Jesu bone,<br>Tibi nunc et jugiter,<br>Qui certantes in agone<br>Adjuvas fideliter<br>Et mercedem das coronae<br>Vincenti viriliter.           |

Brev. ms. Coelestinorum saec. 15. Cod. Mazarin. 357 (733).

#### 44. De sancto Achatio.

Ad Nocturnum.

- |   |   |
|---|---|
| 1. Aeterno regi gloriae<br>Coetus pangat fidelium<br>Triumphum colens hodie<br>Martyrum decem milium. | 2. Currant omnes et singuli<br>Festa recolant annua<br>Rapti de fauce zabuli<br>Coetus laude praecipua. |
|---|---|



- |   |   |
|---|---|
| <p>3. Os, lingua, mens, sensus, vigor,<br/>Extollant vocis organa,<br/>Plaudant nunc cessetque rigor,<br/>Psalter sumant, dent tympana.</p> <p>4. Novum genus militiae<br/>Christo regi deducitur,<br/>Donis praeventum gratiae<br/>Fides vera consequitur.</p> <p>5. Chorus sacratus militum<br/>Fide sternit exercitus,<br/>Fide currit ad meritum<br/>Mundi contemnens strepitus.</p> <p>6. Arma deponunt tristia<br/>Montis Ararat vertice,<br/>Crucis gerunt insignia<br/>Christum fatentur publice.</p> | <p>7. Angelicis oraculis<br/>Fidem norunt catholicam,<br/>Montis praecelsi scopulis<br/>Gustant escam vivificam.</p> <p>8. Pugnant in mundi stadio<br/>Armis fulti potentiae,<br/>Quos non flectit promissio<br/>Nec minae terrent anxiae.</p> <p>9. O nobile collegium<br/>Coeli regna vi capiens,<br/>Morte crucis fers bravium<br/>Mortem vita confodiens.</p> <p>10. Qui sanctos diademate<br/>Nunc decorat in praemio,<br/>Cum utriusque neumate<br/>Sit laus patri cum filio.</p> |
|---|---|

Brev. ms. Coelestinorum saec. 15. Cod. Mazarin. 357 (733).

#### 45. De sancto Achatio.

Ad Laudes.

- |   |  |
|---|--|
| <p>1. Felix chorus jam sonorus<br/>Beatis decem milibus<br/>Hymnum pangat, qui cortangat,<br/>Exultet coelum laudibus</p> <p>2. Sacros viros fide miros<br/>Organo vocis libere<br/>Corde totis colens votis<br/>Jam lucis orto sidere.</p> <p>3. Coetus fortis almae sortis<br/>Currit ad coeli bravium,<br/>Passus dira fide mira,<br/>Christe, redemptor omnium.</p> <p>4. Euphratenos, Gadarenos<br/>Fide vincunt in acie,<br/>Quos prosternunt, dum te<br/>cernunt,<br/>Magnae Deus potentiae.</p> | <p>5. Angelorum beatorum<br/>Doctrinae fulgent radio,<br/>Quem noverunt, ipsam quae-<br/>runt,<br/>Magnos salutis gaudio.</p> <p>6. Regum jussis verae lucis<br/>Tormenta viri subeunt,<br/>Lapidatis, flagellatis<br/>Vexilla regis prodeunt.</p> <p>7. Vincunt duces reges truces<br/>In caritate fervidi,<br/>Cruce cadunt sicque vadunt<br/>Ad coenam agni providi.</p> <p>8. Summo regi cura gregi<br/>Sit laudum ferre munia,<br/>Sic coronet sicque donet<br/>Beata nobis gaudia.</p> |
|---|--|

Brev. ms. Coelestinorum saec. 15. Cod. Mazarin. 357 (733).

#### 46. De sancto Achatio.

Ad Vesperas.

- |   |   |
|---|---|
| 1. Rex gloriose martyrur,<br>Victoria, spes victorum<br>Perduc nos ad consortium<br>Sanctorum decem milium. | 4. Tandem devictis hostibus<br>Sub septem falsis regibus<br>Mors una fuit omnibus<br>Subintrare martyrur. |
| 2. Qui dum ritus gentilium<br>Sequerentur et studium,<br>Ab hostibus perterriti,<br>Coelitus sunt admoniti. | 5. Ex his princeps Achatius,<br>Campi ductor Catherius,<br>Eliades dux inclitus<br>Horum fuit exercitus.  |
| 3. Hinc contemnentes omnia<br>Deorum superstitia<br>Jesu fulti praesidio<br>Victores sunt in proelio.       | 6. Laus sit patri ingenito<br>Ejusque unigenito,<br>Sancto decus paraclito,<br>Tribus perennis gloria.    |

Brev. ms. Aniciense saec. 15. Cod. Capit. Anicien. s. n. A. — Brev. ms. Aniciense saec. 15. Cod. Parisin. 1304. B. — 1, 3 Et perduc ad consortium B. — 1, 4 decem milia B. — 2, 2 et fehlt B. — 2, 3 Ad hostibus eruditi B. — 2, 4 Coelestis sunt AB. — 3, 1 Hic contemnentes A. — 4, 2 falsis fehlt B. — 5, 1 Exhinc princeps B. — 5, 3 Heliades A, Ehades B.

#### 47. De sancto Achatio.

Ad Laudes.

1. Orbis immensi Deus alme rector,  
Cujus est verbum per nos incarnatum,  
Perennes sume in solemnitate  
Martyrum laudes.
2. Qui Eliadi milibusque denis  
In fugam versis Gadarenis mira  
Atque virtute ductorem misisti  
Angelum pacis.
3. Cujus adjuti virtute ministri  
Et Euftratenses atque Gadarenos,  
Centum virorum millia pugnatum  
Sub juga vertunt.
4. Quorum, precamur, pater, interventu,  
Potestas cujus permanet aeterna,  
Nostrasque mentes gloria renitet  
Spiritus almi.

Brev. ms. Aniciense saec. 15. Cod. Capit. Anicien. s. n. A. — Brev. ms. Aniciense saec. 15. Cod. Parisin. 1304. B. — 1, 2 per vos B. — 1, 3 in fehlt B. — 3, 3 Centena AB. — 4, 1 interventum A. — 4, 3 retinet A. — 4, 4 Spiritus sancti A; spiritus almus B.

#### 48. De sancta Adalberga.

Ad Laudes.

- |                               |                               |
|-------------------------------|-------------------------------|
| 1. Nam hic quiescens corporis | 2. Illustret nos et precibus, |
| Clarior nitet miraculis       | Gaudet ubi cum angelis,       |
| In hoc loco monastico,        | Qui celebramus annua          |
| Quem statuit sub ordine.      | Ejus sacra solemnia.          |

3. Laus et perennis gloria  
Deo patri et filio,  
Sancto simul paraclito  
In sempiterna saecula.

Brev. ms. Farense saec. 14. Cod. Mazarin. 349 (761).

#### 49. De sancta Agatha.

- |                            |                               |
|----------------------------|-------------------------------|
| 1. Quem in superna patria  | 4. Ante sedem altissimi       |
| Sacra collaudant agmina,   | Cantica nova concinit,        |
| Huic in terris posita      | Agnum sequendo Domini         |
| Adhaesit virgo Agatha.     | Turbis mixta angelicis.       |
| 2. Quae spretis lenociniis | 5. Nunc propriis pro servulis |
| Ejus obsequens monitis     | Lumen precetur luminis,       |
| De numero prudentium       | Nobis ut donet veniam         |
| Exstitit ipsa virginum.    | Pro delictorum sarcina.       |
| 3. Praeparata lampadibus   | 6. Sit laus patri ingenito    |
| Obviat Christo cursibus,   | Ejusque unigenito             |
| Cui coelorum ostia         | Una cum sancto spiritu        |
| Reserantur sublimia.       | In sempiterna saecula.        |

Hymn. ms. Veronensis saec. 11. Cod. Capit. Veronen. 109. — 4, 4 Turba.

#### 50. De sancta Agatha

- |                             |                            |
|-----------------------------|----------------------------|
| 1. Quod seminavit lacrimans | 4. Ubi castis amplexibus   |
| Nunc metit ovans Agatha,    | Sponso beato jungitur,     |
| Quia in regni solio         | Cum quo regnat feliciter   |
| Locatur cum tripudio.       | Lumen adepta gloriae.      |
| 2. Cui dolor non amplius,   | 5. Cujus nobis clementiam  |
| Luctus non erit nec aestus, | Prece imploret sedula,     |
| Quia ejus ab oculis         | Suum devotis mentibus      |
| Lacrimas Deus deterisit.    | Hic festum celebrantibus   |
| 3. Jam enim hiems transiit, | 6. Sit laus patri ingenito |
| Imber cessit et abiit,      | Ejusque unigenito          |
| Florentes adsunt vineae,    | Una cum sancto spiritu     |
| Flores in terra redolent.   | In sempiterna saecula.     |

Hymn. ms. Veronensis saec. 11. Cod. Capit. Veronen. 109.

# 51. De sancta Agnete.

- |  |   |
|--|---|
| <p>1. Christe, patris altissimi<br/>Verbum et nate virginis,<br/>Intende nostris vocibus<br/>Hymnum tibi canentibus.</p> <p>2. Qui diem hunc ex meritis<br/>Agnētis tuae martyrīs<br/>Nobis dedisti celebrem<br/>Ad laudem tuae gloriae.</p> <p>3. Quae in aetate tenera<br/>Mundi reliquit gloriam,<br/>Te salvatorem omnium<br/>Secuta est et Dominum.</p> <p>4. Haec tua plena gratia<br/>Juvenem prece suscitāt,<br/>Quem inimicus straverat<br/>Ante ejus vestigia.</p> | <p>5. Sed fixa tuis legibus<br/>Flammis statim immergitur,<br/>Expansis orat manibus<br/>Nullis tacta doloribus.</p> <p>6. Nunc pretioso lapide<br/>Ornata, diademate<br/>Ingressa tuum thalamum<br/>Laudis hymnizat canticum.</p> <p>7. Cujus nobis per merita<br/>Cuncta relaxa debita<br/>Et post vitae curricula<br/>Nos transfer ad coelestia.</p> <p>8. Qui cum patre piissimo<br/>Regnas in regno supero,<br/>Simul cum sancto spiritu<br/>Modo et in perpetuum.</p> |
|--|---|

Hymn. ms. Veronensis saec. 11. Cod. Capit. Veronen. 109. — 5, 3 erat manibus. — Mel: Te lucis ante terminum.

# 52. De sancta Agnete.

## Ad Laudes.

- |  |  |
|--|--|
| <p>1. Ortu solis effugante<br/>Nocturnam caliginem<br/>Resolvamus os ut ante<br/>Ad laudandam virginem<br/>Ipsa suae adjuvante<br/>Laudis ad indaginem.</p> <p>2. Mandat praetor spoliari,<br/>Trahunt ad prostibulum,<br/>Lux divina lupanari<br/>Immittit carbunculum,<br/>Domum vetat subintrari<br/>Lux obtundens oculum.</p> <p>3. Crines ejus dilatati<br/>Fiunt ei tunica,<br/>Subvenitur nuditati<br/>Veste missa coelica,<br/>Novi cultus ministrati<br/>De veste angelica.</p> | <p>4. Puer intrans praefocatur<br/>Prae fulgetra luminis,<br/>Turba fremit, accusatur<br/>Tamquam maga criminis,<br/>Plangit pater, suscitatur<br/>Puer prece virginis.</p> <p>5. Pater nato suscitato<br/>Relinquit Aspasium,<br/>Nutrimento ministrato<br/>Paratur incendium,<br/>Quod de coelo rore dato<br/>Poena fit nocentium.</p> <p>6. Gloria et honor Deo,<br/>Agno sine macula,<br/>Hic Agnetis in trophaeo,<br/>Culpae solvat vincula,<br/>Qui rex regum vivit, regnat<br/>Per aeterna saecula.</p> |
|--|--|

Brev. ms. Carnotense saec. 14. Cod. Carnoten. 588. — 1, 5 wieder effugante.

53. De sancto Alano.

Ad Vesperas.

1. Alani meritis inclita gaudia  
Pangamus canticis gestaque fortia,  
Quibus illicitis spretis inania  
Calcans tenet coelestia.
2. Is ortu nobilis ex gente Gallica,  
Corde perhumilis, sub anachorica  
Vita laudabilis, indolis studia  
Egit et memorabilis.
3. Horrendus omnibus clauditur celebris  
Alani jussibus anguis et tenebris  
Pulsis hebetibus medetur palpebris  
Lympha dilapsa manibus.
4. Vestis cilicium, mixtum cineribus  
Panis edulium erat et vepribus  
Septa tugurium cella, quo fratribus  
Sanctum struxit coenobium.
5. O summa deitas, Alani precibus  
Remitte debitas poenas supplicibus  
Et redde perditas coronas sedibus,  
Quas cum sanctis inhabitas.

Brev. Tolosanum imp. Parisiis 1553.

54. De sancto Alano.

Ad Matutinum.

1. Dum Romae visitat sanctorum limina  
Et vocis ilagitat coelica numina,  
Hunc Petrus monitat, quod vitae semina  
Gallis daturus redeat.
2. Francorum arguit regem intrepidus,  
Quem pellens fremuit rex ira turbidus,  
Sed febris rapuit, et sanctum placidus  
Revocans supplex coluit.
3. Regis et plebium conscendit jussibus  
Pastoris solium, sed cum dogmatibus  
Resistit, solitum turba rebellibus  
Reddit fructus ludibrium.
4. Pueris adimit emptis iudicium  
Et Christi imprimit his tirocinium,  
Procellam reprimit atque naufragium  
Imminens prece redimit.



5. O summa deitas, Alani precibus  
Remitte debitas poenas supplicibus  
Et redde perditas coronas sedibus,  
Quas cum sanctis inhabitas.

Brev. Tolosanum imp. Parisiis 1553. Wohl nur Divisio.

55. De sancto Alano.

Ad Laudes.

1. Mundus sub radio collectus tenui  
Momenti spatio patet adspectui  
Sancti, dum serio se contemplatui  
Praebet fervore nimio.
2. Quem prece noluit tortor absolvere,  
Praesul deposuit a ligno propere  
Et supra cubuit orans ac vivere  
Defuncto sanctus praebuit
3. Suum non horruit missos in jugulum,  
Sed aether micuit per montis scopulum  
Et caecos terruit, quibus periculum  
Adimens sanctus adfuit.
4. Longaevus carnea mole deposita,  
Relinquens terrea virtute merita,  
Insigni trabea victori praestita,  
Aula regnat empyrea.
5. O summa deitas, Alani precibus  
Remitte debitas poenas supplicibus  
Et redde perditas coronas sedibus,  
Quas cum sanctis inhabitas.

Brev. Tolosanum imp. Parisiis 1553. — Wohl nur Divisio.

56. De s. Alberto Carmelita.

Ad Vesp. et Noct.

- |   |   |
|---|---|
| 1. Festa patris insignia<br>Praeconcinat ecclesia,<br>Congaudet Catalonia,<br>Exultat et Sicilia.   | 3. Octavi anni circulo<br>Peracto pater filio<br>Affatur, ut alliceret<br>Et nuptui hunc traderet.    |
| 2. Traditur literalibus<br>Albertus puer artibus<br>Et statim in his omnibus<br>Imbuitur devinitus. | 4. Pater decrevit facere<br>Uxori quoque prodere,<br>Sed illa obstat valide<br>Et coepit viro dicere: |

- |  |   |
|--|---|
| <p>5. Nescis, quod voto supplici<br/>Hic datus matri Domini,<br/>Hunc oportet virtutibus<br/>Ornari sacri habitus.</p> | <p>7. Accepta patris gratia<br/>Ad fratrum hic solatia<br/>Carmelitani ordini<br/>Sese donabat Drepani.</p>         |
| <p>6. Ad haec pater obstupuit<br/>Et ultra loqui timuit,<br/>Et sic reginae virginum<br/>Immolaverunt filium.</p>      | <p>8. Cujus nos, Christe, precibus<br/>Supernis junge civibus<br/>Ablatis facinoribus<br/>Et saeculi erroribus.</p> |
9. Praesta, pater ingenite  
Et fili primogenite,  
Cum sacrosancto flamine  
Exaudi omni tempore.

Diurn. ms. Carmelit. saec. 15. Cod. Avenionen. 63. A. — Brev. ms. Carmelit. Jerosolym. saec. 15. Cod. Parmen. Palat. 125. B. — 1, 4 Exsultet A. — 3, 2 pater Alberto B. — 3, 3 alluderet A. — 4, 1 Mater decrevit A. — 6, 4 Immolaverunt Albertum B. — 7, 2 sic solatia A. — 7, 4 donabat Trepani B, compari B.

### 57. De s. Alberto Carmelita.

Ad Laudes.

- |   |   |
|---|---|
| <p>1. Hujus vitae asperitas<br/>Per mundi fulget orbitas,<br/>Nam nodoso cilicio<br/>Carnem domabat clanculo.</p>       | <p>3. Hic vinum semper renuit,<br/>Lympham potare voluit<br/>Ut castitatis tropheo<br/>Sese dotaret opido.</p>      |
| <p>2. Per ferias legitimas<br/>Carnis tulit illecebras<br/>Et super struem palmitum<br/>Nudum stravit corpuseculum.</p> | <p>4. Hujus nos, Christe, precibus<br/>Supernis junge civibus<br/>Ablatis facinoribus<br/>Et saeculi erroribus,</p> |

5. Praesta, pater ingenite.

Brev. ms. Carmel. Jerosol. saec. 15. Cod. Parmen Palat. 125. — 2, 3 fehlen zwei Silben; struem ergänzt. — 3, 2 portare. — 3, 4 Se dotaret.

### 58. De sancto Amato.

Ad Vesperas.

- |   |  |
|---|--|
| <p>1. Amatam, sanctum laudate,<br/>Sedunenses, jugiter,<br/>Aurivillenses, gaudete,<br/>Agaunenses, pariter,<br/>Concinentes invocate,<br/>Ut juvet salubriter.</p> | <p>2. Est hodie laureatus<br/>Confessor, quem colimus,<br/>Et in coelis sublimatus<br/>Hic virgo purissimus.<br/>Nam splendet ut sol togatus<br/>Auri splendidissimus.</p> |
|---|--|

- |   |  |
|---|--|
| <p>3. Monachus et eremita<br/>         Fuit, abbas, presbyter,<br/>         Praesul, lucens bona vita,<br/>         Credens Christo firmiter,<br/>         Est sic veste polymita<br/>         Indutus nobiliter.</p> | <p>4. Sibi clamentis: Amate,<br/>         Per hymnum mirificum<br/>         Et corda vestra levate<br/>         Ad Deum magnificum,<br/>         Quem rogetis indilate<br/>         Psallentes hoc canticum.</p> |
|---|--|
5. Si pro sancto gloriamur,  
 Sint haec nobis praemia,  
 Ut paradiso fruamur  
 Psallentes Alleluja,  
 Ne cum malis irruamur,  
 Donetur et gratia.

Psalt. ms. Sedunense saec. 14. in. Cod. Valerian. s. n. A. — Psalt. ms. Sedunense saec. 14/15. Cod. Valerian. s. n. B. — Psalt. ms. Sedunense saec. 15. Cod. Valerian. s. n. C. — Brev. Sedunense imp. Basileae 1497. D. — Brev. Sedunense imp. s. l. et a. E. — 2, 6 Ut aurum splendidissimus D. — Mel: Pange lingua.

### 59. De sancto Amato.

Ad Nocturnum.

- |  |  |
|--|--|
| <p>1. In excelsis generosi<br/>         Praesulis concinere<br/>         Laudes throni speciosi<br/>         Velint atque promere<br/>         Hymnos cantus gloriosi<br/>         Et voces extollere.</p> | <p>3. Praedicator veritatis<br/>         Plebem replet ferculis<br/>         Doctrinarum trinitatis<br/>         Et auribus sedulis<br/>         Dogmata dat sanctitatis,<br/>         Nomen servat praesulis.</p> |
| <p>2. Nam hunc laudat largitate<br/>         Egenorum concio,<br/>         Justitia, pietate,<br/>         Excellens devotio<br/>         Ipsum beat honestate<br/>         Et jugis oratio.</p>           | <p>4. Thesaurizans castitatem<br/>         Cum supernis ambulat,<br/>         Induens humilitatem<br/>         Superbiam jugulat,<br/>         Conservando pietatem<br/>         Virtutibus pullulat.</p>          |
5. Sit laus summae trinitati,  
 Virtus et victoria,  
 Quae det nobis, ut Amati  
 Gloriosa gaudia  
 Assequamur laureati  
 Post vitam in patria.

Psalt. ms. Sedunense saec. 14. Cod. Valerian. s. n. A. — Brev. ms. Sedunense saec. 14/15. Valerian. s. n. B. — Psalt. ms. Sedunense saec. 15. Cod. Valerian. s. n. C. — Brev. Sedunense imp. Basileae 1497. D. — Brev. Sedunense imp. s. l. et a. E. — Mel: Pange lingua.

## 60. De sancto Amato.

Ad Laudes.

- |  |   |
|--|---|
| 1. Tibi sape loquebantur<br>Angeli tugurio,<br>Daemones repellebantur<br>Pio tuo colloquio,<br>Obsessi liberabantur<br>Devoto suffragio. | 3. Spiritus linguis igneis<br>Supra servos patuit,<br>Jubar radiis rubeis<br>Supra caput micuit<br>Amati, corpus ferreis<br>Catenis qui circuit.    |
| 2. Prece tua stat natura<br>Et cedit miraculo<br>Et amittit sua jura<br>Emanato rivulo<br>De petra percussa dura<br>Coram pio famulo.    | 4. Sobrietas maceravit<br>Carnem nostri praesulis,<br>Prudentia superavit<br>Hostes in periculis,<br>Fortitudo sublimavit<br>Spretis ipsum maculis. |
5. Sit laus summae trinitati.

Psalt. ms. Sedunense saec. 14 in Cod. Valerian. s. n. A. — Psalt. ms. Sedunense saec. 14/15. Cod. Valerian. s. n. B. — Psalt. ms. Sedunense saec. 15. Cod. Valerian. s. n. C. — Brev. Sedunense imp. Basileae 1497. D. — Brev. Sedunense imp. s. 1. et a. E. — 1, 4 Lies: tis? — 2, 3 emittit D. — Der Hymnus Divisio vom vorigen; Mel.: Pange lingua.

## 61. De sancto Ambrosio.

Ad Laudes.

- |  |   |
|--|---|
| 1. Sancta mater ecclesia<br>Exsultet et catholica,<br>Tanto patrono edita<br>Voce clamet dulcisona.  | 4. Hic recepit officium<br>Praesulatus dignissimum<br>Se offerendo ad jugum<br>Propter Dei servitium. |
| 2. Quae rectorem Ambrosium<br>Recepit doctorem pium,<br>Ut gubernaret populum<br>Et fugaret Arianum. | 5. Et in Dei servitio<br>Permansit in hoc saeculo<br>Et in mortis articulo<br>Receptus est a Domino.  |
| 3. Dum clamatur a puero,<br>Postulatur a populo,<br>Viso magno miraculo<br>Fit magna jubilatio.      | 6. Deo patri sit gloria,<br>Ejusque soli filio<br>Cum spiritu paraclito<br>Et nunc et in perpetuum.   |

Brev. Foro juliense imp. Taurini 1495. — Von der Doxologie nur der Anfang.

## 62. De sancto Ambrosio.

Ad Laudes.

- |  |  |
|--|--|
| 1. Ambrosi, doctor inclite,<br>Flos orbis, lux Italica,<br>Devotionis debitae<br>Tibi libamus cantica. | 2. Dono fultum praesagio,<br>Te Roma profert judicem,<br>Mediolani concio<br>Quem vocat in pontificem. |
|--|--|

3. Coelesti fonte genitus  
Jussu fugas daemonia,  
Rebelles quosque coelitus  
Sequestras ab ecclesia.
4. Dum columbina specie  
Te spiritus alloquitur,  
A spiritu nequitiae  
Augustinus convertitur.
5. E coelo fulgens gratia  
Tibi revelat martyres,  
Quod nequis efficacia,  
Desiderando martyr es.
6. Fert Florentina civitas  
Te suscitasse mortuum,  
Fumus Martini visitas  
Promissum solvens mutuum.
7. Graecorum mores imitans  
Sacra promissis officia,  
Perfecte Christo militans  
Laetus potiris gloria.
8. Honor, decus, imperium  
Trino Deo et unico,  
Qui nobis per Ambrosium  
Det regno frui coelico.

Brev. ms. Franciscanum saec. 15. Cod. Parisien. 760.

### 63. De sancto Andrea.

1. Andreas, Christi famulus,  
Dignus Dei apostolus,  
Germanus Petri sanguine,  
In passione socius.
2. Bonam partem sortitus est,  
Sedem regni adeptus est,  
Sedet inter duodecim  
Totidem tribus judicans.
3. Crucem magistri meruit,  
Per quam regnum obtinuit,  
Humilis propter Dominum  
Ascendit in patibulum.
4. Docuit multos populos,  
Quod a magistro didicit,  
Unde per omnem patriam  
Ejus doctrina claruit.
5. Egeas tum, dux impius,  
Idolatra et perfidus,  
Suis praecepit sociis  
Tenere Dei famulum.
6. Flagellis caesum graviter  
A septem ternionibus,  
Dum se despici conspicit,  
Cruci affigi praecipit.
7. Gaudebat Dei famulus  
Talem sortem suscipere,  
Per quam magistri socius  
In passione fieret.
8. Hoc cognoscentes populi  
In confessione socii,  
Omnes post illum properant,  
Quo duci jussus fuerant.
9. Iuxta crucem collecti sunt  
Fere viginti milia,  
Ut de ore apostoli  
Audirent mirabilia.
10. Karitas erat nobilis  
In eorum praecordiis,  
Ut pro amore martyris  
Semperque essent stabiles.
11. Laeti ejus eloquis  
Biduum stant imobiles,  
Neglecto cibo corporis  
Intenti spiritalibus.
12. Mirantes patientiam  
Doctorisque constantiam,  
Indignati dijudicant  
Proconsulis saevitiam.
13. Non recte, dicunt iudici,  
Damnas sed talem hominem,  
Ut ejus patientiam  
Sumpsisset omnis patria.
14. Orat pius et postulat,  
Ne mutetur sententia,  
Dum illum nolunt cernere,  
In nece ejus moti sunt.



- |   |  |
|---|--|
| <p>15. Promittit iudex impius,<br/>Ut solvatur apostolus,<br/>Fidelis Christi populus<br/>Ex hoc laetus efficitur.</p> <p>16. Quaerit iudex dimittere<br/>Nolentem se deponere,<br/>Sic rogat Dei famulus<br/>Magistrum in coelestibus:</p> <p>17. Rex, magister et domine,<br/>Qui plasmasti hominem,<br/>Ut tibi beneplacitam<br/>Offerret conscientiam;</p> <p>18. Suscipe tuum famulum<br/>Pendentem in patibulum,<br/>Andream Christi apostolum;<br/>Sic redditit spiritum.</p> <p>19. Tunc Maximilla nobilis,<br/>Christo Deo amabilis,<br/>Accepit corpus martyris,<br/>Optimum locum sepelit.</p> | <p>20. Versutus serpens contulit,<br/>Qui nocere non desinit,<br/>Judici se projicere<br/>De grandi altitudine.</p> <p>21. Xristi dignus apostolus,<br/>Aeterni regni socius,<br/>Jam sine fine possidet,<br/>Quod ei repromissum est.</p> <p>22. Ymnum ergo, carissimi,<br/>Canamus ejus meritis,<br/>Ut precibus obtineat<br/>Pro nostra indulgentia.</p> <p>23. Zelemus omnes pariter,<br/>Hortemur nos ab invicem,<br/>Ut mereamur effici<br/>Ejus triumphi socii.</p> <p>24. Gloria tibi sit, pater,<br/>Gloria, unigenite,<br/>Una cum sancto spiritu<br/>In sempiterna saecula.</p> |
|---|--|

Brev. ms. Ord. Servorum S. Mariae de Venetiis anni 1473. Cod. Oxonien. Douce 314. — 2, 3 Sed inter. — 3, 3 Humili. — 5, 1 Aegeatha dux. — 6, 3 despiciat conspici. — 6, 4 affigit. — 10, 3 Et pro. — 11, 2 stans. — 11, 3 Negligens cibus. — 11, 4 Intentis. — 12, 3 Indignatis dejudicant. — 14, 2 Ut mutetur Sententiam. — 14, 4 necem. — 16, 2 sed deponere. — 17, 2 Lies: plasmavisti? — 18, 4 Ad Dominum sic reddidit spiritum; die zwei ersten Worte sind als überzählig zu tilgen und dann espiritum zu sprechen. — 19, 1 Maximulam. — 22, 4 Lies: Pro nobis indulgentiam? — 23, 1 Debemus omnes. — 23, 2 Hortemur. — Vor Nr. 17. Divisio ad Laudes.

#### 64. De sancto Andrea.

Ad Vesp. et Noct.

- |  |   |
|--|---|
| <p>1. Coelestis aulae janitor,<br/>Petrus, Andreas pariter,<br/>Germani carne conditi<br/>Et passione socii.</p> <p>2. Germanitatis vinculo<br/>Nectuntur ad supplicia,<br/>Ambo morte calcant solum,<br/>Ambo cruce petunt polum.</p> <p>3. Quibus voce dominica<br/>Haec facta est promissio:<br/>Venite post me, faciam<br/>Vos piscatores hominum.</p> | <p>4. Quo audito discipuli<br/>Statim relictis retibus<br/>Secuti sunt gratissima<br/>Redemptoris vestigia.</p> <p>5. Uno te, Jesu, dogmate<br/>Unoque desiderio<br/>Colunt, adorant, praedicant<br/>Ut magistrum discipuli.</p> <p>6. Hujus, Christe, suffragiis<br/>Nos purges a criminibus<br/>Et pro poenis, quas pro eis<br/>Meremur, nos eripias.</p> |
|--|---|

- |  |   |
|--|---|
| <p>7. Ut cum magni iudicii<br/>Tremenda sors advenerit,<br/>Ne nos perdas cum impiis,<br/>Sed cum electis liberares.</p> | <p>8. Sit trinitati gloria<br/>Saecla per immortalia,<br/>Quae mundum sic irradiat<br/>Per tanta luminaria.</p> |
|--|---|

Brev. Arelatense imp. Arelati 1501. — Vor Str. 5: Divisio ad Nocturnum.

### 65. De sancto Andrea.

Ad Laudes.

- |  |   |
|--|---|
| <p>1. Congratuletur artifex<br/>Et poli globus ignifer,<br/>Tellus resultet dulcibus<br/>Profusae vocis laudibus.</p> <p>2. Simonis Petri socius,<br/>Andreas passus hodie,<br/>In crucis ara positus<br/>Vivens pependit biduo.</p> | <p>3. Pendens pro Christi nomine<br/>Semper docebat populum,<br/>Finem adesse sentiens<br/>Sic exorabat Dominum:</p> <p>4. Magister bone, Domine,<br/>Meum suscipe spiritum,<br/>Quia jam tempus imminet,<br/>Te tenere desidero.</p> |
|--|---|

### 5. Sit trinitati gloria.

Brev. ms. S. Trinitatis Pictavien. saec. 15. Cod. Semin. Pictavien. s. n.  
A. — Brev. Arelatense imp. Arelati 1501. B. — 1, 4 Perfusus B. — Nach  
Str. 4 wiederholt A aus dem vorhergehenden Hymnus: Ut cum dies iudicii  
etc. — Die Doxologie lautet in A: Deo patri sit gloria.

### 66. De sancto Andrea.

Ad Vesperas.

- |   |   |
|---|---|
| <p>1. Gemma fulget duodena,<br/>Lux Andreas, lux serena,<br/>Rete, hamus et sagena,<br/>Fera suffert et amoena.</p> <p>2. Vocem audit Salvatoris,<br/>Rete laxat vi amoris,<br/>Intus lavat, rigat foris,<br/>Praedicator fit honoris.</p> <p>3. Aegeas, dux Achaiae,<br/>Famam audit provinciae,<br/>Quod Andreas egregie<br/>Praedicat regem gloriae.</p> | <p>4. Mox crucem parat Aegeas,<br/>Sed apostolus Andreas<br/>Christi fidem per plateas<br/>Gentes docet erroneas.</p> <p>5. Crucis optat patibulum,<br/>Ascensum praebet sedulum,<br/>Exsultans placat populum<br/>Praesens detestans saeculum.</p> <p>6. Coelestis regi curiae<br/>Honor, virtus et gloria,<br/>Qui nobis donum gratiae<br/>Contulit et spem veniae.</p> |
|---|---|

Brev. Gratianopolitanum imp. Lugduni 1513.

### 67. De sancto Andrea.

Ad Laudes.

- |   |  |
|---|--|
| <p>1. Ecclesiarum titulus,<br/>Andreas Christi famulus,<br/>Mactatur prout vitulus<br/>In ara crucis sedulus.</p> | <p>2. Crucem orat prae gaudio,<br/>Quam longo desiderio<br/>Optaverat et proprio<br/>Exclamavit ore pio:</p> |
|---|--|



## 70. De Angelo Custode.

Ad Laudes.

- |  |  |
|--|--|
| 1. Exsultet coelum laudibus,<br>Resultet terra gaudiis,<br>Coelum, terram communibus<br>Deus nexit officiis. | 4. Nos in campo certaminis<br>Horum celantes gloriam<br>Perversitatem daemonis<br>Vincamus et astutiam.                  |
| 2. Intellectuales coeli<br>Sunt spiritus angelici,<br>Illos praefecit custodes<br>Deus labenti homini.       | 5. O sancte angele Dei,<br>Ab eo qui es commissus,<br>Esto, quaeso, memor mei,<br>Ne peccato sim submissus.              |
| 3. Debilia per fortia<br>Reducuntur, confortantur,<br>Et infima per media<br>Defenduntur, sublevantur.       | 6. Tibi, Christe, splendor patris,<br>Honor sit, laus et gloria,<br>Jubes qui sanctificatis,<br>Nostri ut sint custodia. |

Brev. Rutenense imp. Lugduni 1543.

## 71. De Angelo Custode.

In 2. Vesperis.

- |  |   |
|--|---|
| 1. Laudent astra matutina<br>Conditoris potentiam<br>Et sidera vespertina<br>Per eorum custodiam.              | 4. Nostra angeli laetantur<br>Ad Deum conversione,<br>Laetitia replebuntur<br>Felici assumptione.           |
| 2. Coeli terram illuminant,<br>Fecundant quoque germine,<br>Angelique nos illustrent<br>Affiant divino munere. | 5. Ipsi colligunt gratanter<br>In coelesti collegio,<br>Visitant quosque gratanter<br>Homines in exsilio.   |
| 3. Summis ima sociantur<br>Amicabili foedere,<br>Ac in finem operantur<br>Unum mane et vespere.                | 6. O sancte angele Dei,<br>Ab eo qui es commissus,<br>Esto, quaeso, memor mei,<br>Ne peccato sim submissus. |

7. Tibi, Christe, splendor patris.

Brev. Rutenense imp. Lugduni 1543. — 2, 4 Affluant.

## 72. De sancta Anna.

Ad Vesperas.

- |   |  |
|---|--|
| 1. Ave, mater Anna,<br>Plena melle canna,<br>Cui marem passa<br>Nulla coaequanda, | 2. Ave praedicanda,<br>Superexaltanda,<br>Mater matris poli<br>Regis atque soli. |
|---|--|



- |   |   |
|---|---|
| <p>3. Quam quis nescit fari,<br/>Quamvis sensus clari,<br/>Cui quod est votum,<br/>Constat esse totum.</p> <p>4. Ergo te rogamus,<br/>Tibi supplicamus,<br/>Ut, quod potes, velis,<br/>Prece da nos caelis.</p> | <p>5. Placa nobis natam<br/>Mundo per te datam,<br/>Natum illa suum,<br/>Tu nepotem tuum.</p> <p>6. Laus sit trinitati,<br/>Laus sit unitati,<br/>Laus patri ac nato<br/>Lausque paraclito.</p> |
|---|---|

Brev. ms. Sarisberienae saec. 15. Cod. Londinen. Harl. 1513. A. — Brev. ms. Cantabrigienae saec. 15. Cod. Duacen. 167. B. — Brev. ms. Sarisberienae anni 1434. Cod. Parisin. 17294. C. — Psalt. ms. S. Martini ad Gemellos saec. 15. Cod. Ambianen. 126. D. — Brev. ms. S. Martini ad Gemellos saec. 15. Cod. Ambianen. 113. E. — Brev. Herefordense imp. Roto-magi 1505. F. — Brev. Aberdonense imp. Edinburgae 1510. G. — Brev. Ambianense imp. Parisiis 1530. H.

1, 2 melle manna DEH. — 1, 3 matrem passa DE, mortem passa H. — 2, 3 Matrem D. — Str. 3 lautet in ABCG:

Quam quis velit fari  
Sive venerari,  
Reddet sibi votum  
Christus, per quem totum.

3, 3 Reddet sibi notum C; Reddit sibi votum A; Cui quod est notum H; Cui quod est nomen D. — 4, 2 Ibi supplicamus H: Rogantes supplicamus G. — 4, 4 Prece da de caelis G; Prece dare caelis DEH. — 5, 1 Placans G. — 5, 3 Illa natum G. — 5, 4 Et nepotem tuum DE. — 6, 1 sqq. Entlehnen die Doxologie des Ave maris stella DEH. — Mel.: Ave maris stella. — Das Lied steht unvollständig bei Morel 333, wie er selbst bemerkt, „mit sehr verdorbenem Text“, weshalb es hier aus besseren Quellen wiederholt ist.

### 73. De sancta Anna.

#### Ad Nocturnum.

- |  |   |
|--|---|
| <p>1. In Annae puerperio<br/>Nox fugit hujus saeculi,<br/>Et illuxit cum gaudio<br/>Dies totius populi.</p> <p>2. Haec radix Jesse germinat<br/>Expers cunctis illecebris,<br/>Et germen ejus luminat<br/>Nos sedentes in tenebris.</p> <p>3. Pia mater et humilis,<br/>De qua Maria prodiit,<br/>Tuis adesto famulis,<br/>Quos culpa gravis deprimit.</p> | <p>4. Jam felix et emerita<br/>Manes cum summo iudice,<br/>Succurre, mater inclita,<br/>Ut vivamus pacifice.</p> <p>5. Ut quidquid hic deliquimus<br/>Vitae per immunditiam,<br/>Abstergas illud, petimus,<br/>Per divinam clementiam.</p> <p>6. Patri natoque gloria<br/>Detur cum sancto spiritu,<br/>Qui per Annae suffragia<br/>Conservet nos in exitu.</p> |
|--|---|

Brev. ms. Sarisberienae saec. 15. Cod. Londinen. Harl. 1513. A. — Brev. Cantabrigienae saec. 15. Cod. Duacen. 167. — Brev. ms. Sarisberienae anni 1434 Cod. Parisin. 17294. C. — Brev. Sarisberienae imp. Venetiis 1483. D. — Brev. Aberdonense imp. Edinburgae 1510. E. — Brev. Praedicatorum imp. Venetiis 1514. F. — 1, 3 Ac illuxit F. — 2, 3 Et germen ejus illuminat D; Germen ejus illuminat E; Germen illius illustrat F, lauter Verbesserungsversuche.



# 74. De sancta Anna.

## Ad Laudes.

- |   |  |
|---|--|
| 1. Felix Anna prae aliis,<br>Digna laude fidelium,<br>Mundum replevit gaudiis<br>Per sacrum puerperium.         | 4. Memento, mater inclita,<br>Quam potens es per filiam,<br>Et nobis prece solita<br>Procura Dei gratiam.  |
| 2. Haec de carnis propagine<br>Mariam nobis protulit,<br>Quae suo reddit germine,<br>Quod Eva tristis abstulit. | 5. Ejusque donet precibus<br>Dator bonorum omnium,<br>Ut gaudiis coelestibus<br>Fruamur post exsilium.     |
| 3. O vas coelestis gratiae,<br>Mater reginae virginum,<br>Per te precamur anxie<br>Remissionem criminum.        | 6. Patri natoque gloria<br>Detur cum sancto spiritu,<br>Qui per Annae suffragia<br>Conservet nos in exitu. |

Brev. ms. Sarisberiense anni 1434. Cod. Parisin. 17294. A. — Brev. ms. Cantabrigense saec. 15. Cod. Duacen. 167. B. — Brev. ms. Sarisberiense saec. 15. Cod. Londinen. Reg. 2 A XII. C. — Brev. ms. Sarisberiense saec. 15. Cod. Londinen. Harl. 1513. D. — Brev. Aberdonense imp. Edinburgae 1510 E. — Der Hymnus ist Überarbeitung oder Original von dem Anal. IV, 134 mitgeteilt.

# 75. De sancta Anna.

## Ad Vesperas.

- |  |   |
|--|---|
| 1. Pange, lingua, gloriosae<br>Matronae praeconium,<br>Annae, matris generosae,<br>Cujus puerperium<br>Mundo dedit gratiosae<br>Salutis exordium.                | 4. Chorus ergo noster plaudat<br>Cum devoto carmine,<br>Nam radicem fructu fraudat<br>Et vitae propagine,<br>Quisquis Annam non collaudat<br>Ex tam sancto germine. |
| 2. Arbor vere salutaris,<br>Decoris mirifici,<br>Ramis expansa praeclaris<br>In prole multiplici,<br>Nomen unum, stella maris,<br>Dat personae triplici.         | 5. Sed nos in te veneramur,<br>O mater egregia,<br>Magna, quibus adjuvamus,<br>Dei beneficia,<br>Cujus opem praestolamur<br>Per tua suffragia.                      |
| 3. De prima stella procedit<br>Rex coelorum nobilis,<br>Turba sanctorum succedit<br>Ex duabus reliquis,<br>Erubescat, qui non credit,<br>Quod sit Anna sterilis. | 6. Laus sit summo genitori,<br>Qui creavit omnia,<br>Laudes nostro salvatori<br>Personat ecclesia,<br>Mentium consolatori<br>Sit aequalis gloria.                   |

Brev. ms. Carmelit. Hibern. anni 1489. Cod. Collegii SS. Trinitatis Dublinen. B 3. 10.

76. De sancta Anna.

Ad Nocturnum.

- |   |   |
|---|---|
| 1. Supernae laudis vocibus<br>Nunc plaudant mentis organa<br>Pro feminae virtutibus,<br>Quae nova praestant gaudia. | 4. Hinc extolli promeruit<br>Honoris amplitudine,<br>Quae mundo tristi protulit<br>Matrem misericordiae.      |
| 2. Radix Jesse reffloruit,<br>Appropinquat redemptio,<br>Credientibus apparuit<br>Fructus in flore praevio.         | 5. O nomen quam egregium,<br>Quam transversum concorditer,<br>In omni sensu positum<br>Semper sonat suaviter. |
| 3. Anna dilecta conjugi,<br>Quae sterilis jam fuerat,<br>Exsultans prole nobili<br>Partes Phenennae superat.        | 6. Fecundat allegoricus,<br>Repraesentet ecclesiam,<br>Annam promat historicus,<br>Dicat interpres gratiam.   |
7. Laus patri sit cum filio,  
Sancto quoque spiritui,  
Sit perpes benedictio  
Trino Deo et simplici.

Brev. ms. Carmelit. Hibern. anni 1489. Cod. Collegii ss. Trinitatis  
Dublinen. B 3. 10.

77. De sancta Anna.

Ad Vesperas.

- |   |  |
|---|--|
| 1. Magna mater magnae prolis,<br>Nobilis Anna gratiae,<br>Matrem lucis, veri solis<br>Lactasti sacro ubere. | 3. Ipsa quidem mundi navis,<br>Pacis portus, dux provida,<br>Pietatis fons suavis<br>Et porta lucis fulgida. |
| 2. Gratia tuae filiae<br>Fudit nobis et retulit<br>Divina manus gratiae,<br>Quod Eva tristis abstulit.      | 4. Ob hoc, Anna, te precamur,<br>Fac hanc nobis succurrere,<br>Ut per eam fulciamur<br>Tui precatus munere.  |
5. Praestet nobis hoc caritas  
Dei patris et filii  
Et spiritus benignitas,  
Deus unus, rex gaudii.

Brev. Matisconense imp. Lugduni 1521.

# 78. De sancta Anna.

Ad Nocturnum.

- |   |   |
|---|---|
| 1. O gloriose domina,<br>Mater trium filiarum,<br>Quae rutilant ut lumina<br>Per hoc iter tenebrarum.             | 4. Beata nobis gaudia<br>Dedit atque solatium<br>Maria, prima filia,<br>Per Jesum suum filium.                  |
| 2. Trinam regentem ma-<br>chinam<br>Pro nobis semper exora,<br>Ut omnem solvet animam<br>Te colentum mortis hora. | 5. Solutis jam gemitibus<br>Annae partu praefecundo,<br>Desideratus gentibus<br>Conversari venit mundo.         |
| 3. Exsultet coelum laudibus,<br>Cantemus ei canticum,<br>Annis Anna senilibus<br>Semen peperit mysticum.          | 6. Quaesumus, auctor om-<br>nium,<br>In hac Annae memoria<br>Tu esto nostrum gaudium<br>Mundana vincens gaudia. |

Brev. Matisconense imp. Lugduni 1521.

# 79. De sancta Anna.

Ad Laudes.

- |  |  |
|--|--|
| 1. Matrem virginis Mariae<br>Dignis laudet obsequiis<br>Plebs fidelis in hac die,<br>Resultet terra gaudiis.     | 4. Horum sacro conjugio<br>Fides fulsit et castitas,<br>Concordia, religio,<br>Perfecta Christi caritas.       |
| 2. Matrem istam Annam dictam<br>Colentes totis viribus<br>Vitam ejus benedictam<br>Laetis canamus menti-<br>bus. | 5. Locupletes permanserunt<br>Tripartita substantia<br>Membraque Dei paverunt,<br>Qui regna dat coelestia.     |
| 3. Joachim, viri nobilis,<br>Conjux erat haec domina,<br>Ambo vitae laudabilis<br>Et vera mundi lumina.          | 6. Per ipsorum suffragia<br>Irae tuae tolle plagas<br>Nobis, Deus, et vitia,<br>Quae subruunt mentes<br>vagas. |

7. Laus, honor, virtus, gloria  
Sit divinae trinitati,  
Cui per haec subsidia  
Simus coelo praesentati.

Brev. Lausannense imp. Gebennis 1509 A. — Brev. Matisconense imp. Lugduni 1521 B. — 3, 4 mundi gaudia A. — 4, 1 Horum socio B. — 4, 2 et caritas AB. — 7, 4 Sumus coelo B. — Steht ad Nocturnum A.

# 80. De sancta Anna.

Ad Vesperas.

- |  |  |
|--|--|
| <p>1. Ave, mater pia,<br/>Ex qua nobis orta<br/>Est virgo Maria,<br/>Felix coeli porta.</p> <p>2. Sumens sacrum fetum<br/>Ad salutis omem<br/>Nostrum dele fletum,<br/>Mutans Evae nomen.</p> <p>3. Solve vincla nexis,<br/>Preces nostras nosce,<br/>Sordes lava fessis,<br/>Bona cuncta posce.</p> | <p>4. Monstra, quod sis mater<br/>Matris, per quam suus<br/>Filius et pater<br/>Tulit esse tuus.</p> <p>5. Virgo, matris prece<br/>Pane vitae pastos,<br/>Facias nos faece<br/>Carnis dempta castos.</p> <p>6. Vitam nostram munda,<br/>Ut sic gloriemur<br/>Et luce jucunda<br/>Semper collaetemur.</p> |
|--|--|

7. Sit laus et honoris  
Soli Deo munus,  
Nunc et cunctis horis  
Tribus honor unus.

Antiph. ms. S. Desiderii Avenionen. saec. 15. Cod. Avenionen. I. A. — Brev. Gebennense imp. Gebennae 1479. B. — Brev. Massiliense imp. Lugduni 1530. C. — 2, 2 Ad salutem omnem C; Ad salutis omen B. — 2, 3 Nostra B. — 3, 1 vincla reis B. — 3, 3 lava foedas B. — 4, 3 et fehlt B. — 5, 3 nos fesse C. — 5, 4 Carnis depreca B. — 6, 2 sic fehlt B; Ut congloriemur A. — 6, 2 In luce jucunda B. — 7, 1 laus et honor B. — 7, 2 Deo unus B. — 7, 4 Trinus honor unus AC; Trinus et unus B. — Mel. selbstredend: Ave maris stella.

# 81. De sancta Anna.

Ad Nocturnum.

- |   |  |
|---|--|
| <p>1. Quem terra, pontus,<br/>aethera<br/>Colunt, in Anna cumulat<br/>Christus virtutum munera,<br/>Nam Christum mente bajulat.</p> <p>2. Cui luna, sol et omnia<br/>Subsunt, huic mente libera<br/>Servivit, unde gratia<br/>Replevit Annae viscera.</p> | <p>3. Beata mater munere<br/>Dei, qui nobis natus est,<br/>Per natam tuam libere,<br/>Sub cujus arca clausus est.</p> <p>4. Beata coeli nuntio,<br/>Quo ventris tui foetus est<br/>Salutis reparatio,<br/>Ex qua salvator fusus est.</p> |
|---|--|
5. Gloria tibi, Domine,  
Qui sic disponis singula,  
Ut tuo sistant ordine  
In sempiterna saecula.

Brev. Massiliense imp. Lugduni 1530. — 2, 2 haec mente. — 3, 2 natus es. — 3, 4 clausus es. — 5, 3 lies: suo sistant?

## 82. De sancta Anna.

Ad Laudes.

- |   |   |
|---|---|
| <p>1. O gloriosa domina,<br/>De cujus virgo genere<br/>Coeli regentem culmina<br/>Lactavit sacro ubere.</p>                           | <p>3. Tu regis alti janua,<br/>Virga sumpta de stipite,<br/>Unde per tam praecipuam<br/>Gentes redemptae, plau-<br/>dite.</p> |
| <p>2. Quod Eva tristis ab-<br/>stulit,<br/>Per virginem adeptam est<br/>Quae, dum salutem protulit,<br/>Coeli fenestra facta est.</p> | <p>4. Gloria tibi, Domine,<br/>Qui sic disponis singula,<br/>Ut tuo sistant ordine<br/>In sempiterna saecula.</p>             |
- Brev. Massiliense imp. Lugduni 1530.

## 83. De sancta Anna.

Ad Matutinum.

- |  |   |
|--|---|
| <p>1. Placatus sanctis meritis<br/>Annae, beatae matronae,<br/>Nos, Christo, rex piissime,<br/>Adjunge coeli curiae.</p> | <p>3. Per te quies sit temporum,<br/>Vitae detur solatium,<br/>Pacis redundet commodum,<br/>Medetur omne scandalum.</p> |
| <p>2. Anna Dei mater matris<br/>Nobis subveni miseris,<br/>Quo purgati contagiis<br/>Donis ditemur coelicis.</p>         | <p>4. Ut caritatis gratia<br/>Sic affluamus spiritu,<br/>Quo corde cum suspiriis<br/>Christum sequamur intimis.</p>     |
5. Laus, honor, virtus, gloria  
Deo patri et filio,  
Sancto simul paraclito  
In sempiterna saecula.

Brev. ms. Constantiense saec. 14. ex. Cod. Londinen. Add. 29668. — Brev. ms. Sagiense saec. 15. Cod. Parisin. 1272. B. — Brev. ms. Bajocense anni 1436. Cod. Parisin. 1299. C. — Brev. ms. Constantiense saec. 15. Cod. Parisin. 1300. D. — Brev. ms. Sagiense saec. 15. Cod. Parisin. 13243. E. — Brev. ms. Constantiense saec. 15. Cod. Parisin. Nouv. acq. 425. F. — Brev. ms. Constantiense saec. 15. Cod. Parisin. (Arsen.) 276. G. — Brev. ms. Abrincense saec. 15. Cod. Londinen. Add. 29885. H. — Brev. ms. Franciscan. saec. 15. Cod. Dolen. 39. I. — 1, 4 Admitte coeli B. — 2, 1 Anna Dei genitrix B; matris Dei mater C. — 2, 2 Subveni nobis C. — 3, 3 Ut purgati CD. —

## 84. De sancta Anna.

Ad Laudes.

- |  |  |
|--|--|
| <p>1. Adesto nobis inclita,<br/>Dei matris o genitrix,<br/>Anna, quae in perpetua<br/>Cum Christo regnas gloria.</p> | <p>2. Beata es emerita<br/>Et gloriosa domina,<br/>Cujus per omne saeculum<br/>Pollet virtus et meritum.</p> |
|--|--|



3. Dignare ergo supplicum  
Audire preces pauperum  
Et solita clementia  
Tu defer in dulgentiam.

4. Qui es rex regum, Dominus,  
Deus unus omnipotens,  
Sis benedictus omnia  
Per saeculorum saecula.

Brev. ms. S. Sepulchri Cadomen. saec. 14. in. Cod. Parisin. (Arsen.) 279. A. — Brev. ms. Constantiense saec. 14. ex. Cod. Londinen. Add. 29668. B. — Brev. ms. Sagiense saec. 15. Cod. Parisin. 1272. C. — Brev. ms. Sagiense saec. 15. Cod. Parisin. 13243. D. — Brev. ms. Constantiense saec. 15. Cod. Parisin. (Arsen.) 276. E. — Brev. ms. Franciscan. saec. 15. Cod. Dolen. 39. F. — Psalt. ms. S. Martini ad Gemellos saec. 15. Cod. Ambianen. 126. G. — Brev. ms. S. Martini ad Gemellos saec. 15. Cod. Ambianen. 113. H. — Brev. Ambianense imp. Parisiis 1530. I.

1, 3 O Anna plena gratia GH. — 1, 4 Regnaus in coeli gloria GH. — 2, 1 Beata es et emerita C. — 2, 4 Nomen pollet in meritis GH. — 3, 1 Dignare laude supplicum GH. — 3, 2 vota pauperum GH. — 3, 4 indulgentia CD; Inferas indulgentiam GH. — 4, 1 Qui est GH. — 4, 2 Deus omnipotens E. — 4, 3 Sit benedictus GH.

### 85. De sancta Anna.

Ad Nocturnum.

1. Omnis sanctorum concio  
Claro laudis praeconio  
Matrem attollat virginis  
Tam gloriosi nominis.

3. Stirps Jesse clara floruit,  
Dum Anna rosam genuit,  
Quae tulit Deum filium,  
Florem virtutum omnium.

2. Anna matrona nobilis,  
Virtutibus spectabilis,  
Mira refulget gratia  
Tali dotata filia.

4. Haec filiam cum filio  
Coeli locatam solio  
Laeto jam cernit oculo,  
Sancto salutatur osculo.

5. Deus, lux vera cordium  
Et nobile solatium,  
Fac Annae per suffragia  
Nos tua frui gloria.

Brev. ms. Tornacense saec. 15. Cod. Insulen. 10. A. — Psalt. ms. Leo-  
diense saec. 15. Cod. Mazarin. 385 (221). B. — Brev. Windesheimense imp.  
Schonhoviae 1499. C. — Brev. Andegavense imp. Rotomagi 1504. D. — 1, 1  
Hymnis sanctorum concio D. — 2, 3 refulsit D.

### 86. De sancta Anna.

1. Ave, matris Dei  
Anna mater alma,  
Per quam nostrae spei  
Exaltatur palma.

2. Mater matris Christi,  
Mire dans odorem,  
Virgam protulisti,  
Virga dedit florem.

- |   |  |
|---|--|
| <p>3. Campus salutaris<br/>Facta es, quae rosam<br/>Et olivam paris<br/>Mundo speciosam.</p>  | <p>5. Mater matris piaae,<br/>Fac, ut tua nata<br/>Adsit in hac die<br/>Nobis advocata.</p>      |
| <p>4. Arcae testamenti<br/>Compararis, Anna,<br/>In se continenti<br/>Vas repletum manna.</p> | <p>6. Ambas vos rogamus<br/>Sanctas et felices,<br/>Ut vos sentiamus<br/>Nostras adiutrices.</p> |
7. Laus sit genitori  
Genitaeque proli  
Et consolatori,  
Laus sit Deo soli.

Brev. ms. Diense saec. 15. Cod. Avenionen. s. n. A. — Brev. ms. Diense saec. 15. Cod. Gratianopolitan. 134. B. — Brev. ms. Valentinense saec. 15. Cod. Atrebaten. 1142 (552). C. — Brev. ms. Arelatense saec. 15. Cod. Parisin. 1284. D. — Brev. ms. Aniciense saec. 15. Cod. Parisin. 1304. E. — Brev. ms. Aniciense saec. 15. Cod. Parisin. (Arsen.) 277. F. — Brev. Arelatense imp. Arelati 1501. G. — Brev. Sistaricense imp. Sistarici 1513. H.

### 87. De sancta Anna.

#### Ad Nocturnum.

1. O quam mirifica luce coruscas  
Coeli juncta choris, Anna beata,  
Coelorumque bonis glorificata  
Inter coeligenas aetheris omnes.
2. En ex te processit proles regia  
Stirpis Davidicae, virgo Maria,  
Aeterni regis filia, mater,  
Quam cunctus venerans orbis adorat.
3. Hunc, mater, precibus redde benignum,  
Augeat nobis ut prospera cuncta,  
A quo nos petimus te mediante  
Et nunc et semper gaudia vitae.
4. Ista, pater, fili, spiritus alme,  
Trine Deus nobis confer et une,  
Qui semper nitida vivis in aethra,  
Regnans ac moderans saecula cuncta.

Psalt. ms. Andegavense saec. 14. Cod. Andegaven. 106. A. — Brev. ms. Cenomannense saec. 15. Cod. Sangenovefian. BBl. IV<sup>o</sup>. 14. B. — Brev. ms. Rotomagense saec. 15. Cod. Rotomagen. 200. C. — Brev. S. Audoeni imp. Rotomagi 1521. D. — 2, 3 filia et mater B. — 3, 1 Hinc mater B. — 3, 2 ut nobis AD. — 3, 4 Abiectis tenebris gaudia vitae D. — 4, 1 Praesta pater fili B.

# 88. In Inventionione s. Annae.

Ad Vesperas.

- |   |   |
|---|---|
| 1. Jam dudum lux abscondita<br>Lucet expansis radiis,<br>Et gemma terrae condita<br>Effertur cum prodigiis.         | 6. Nullus flos fructificavit<br>Fructum tam salutarum,<br>Per quem mundus respiravit<br>Tollens Annae mortiferum. |
| 2. O vere mater inclita,<br>O benedicta filia,<br>O regis regum avia,<br>Succurre nobis in via.                     | 7. Ecce novus fons hortorum,<br>Diu terrae conditus,<br>Mentes rigat devotorum<br>Revelatus divinitus.            |
| 3. Hoc corpus diu latuit,<br>Inventum est sub Karolo,<br>Mirandis signis claruit<br>Depositum in patulo.            | 8. Sanctus pastor Auspicius<br>Actus divino flamine<br>Sub tuto reponit corpus<br>Matris virginis Mariae.         |
| 4. Accurrunt sacro corpori<br>Rex, clerus, turbae populi,<br>Congaudent tanto muneri<br>Cuncti, grandes et parvuli. | 9. Quaesumus, auctor omnium,<br>In hoc paschali gaudio,<br>Ut per Annae suffragium<br>Crescat nostra devotio.     |
| 5. Nulla virga sic floruit<br>De radice Jesse nata,<br>Sola Anna germinavit,<br>Per quam mundo lux est orta.        | 10. Gloria tibi, Domine,<br>Qui surrexisti a mortuis,<br>Servos matris et filiae<br>Gaudiis dona perpetuis.       |

Brev. Aptense imp. Lugduni 1532. — „Dominica in albis fit de Inventionione beatissimae Annae matris gloriosae virginis Mariae.“ — 1, 2 expensis. — 7, 4 Revelatum. — Chevalier nennt als Autor Joannes de Roma (!) und citiert Terris, Ste Anne d'Apte (1876), 154.

# 89. In Inventionione s. Annae.

Ad Nocturnum.

- |   |   |
|---|---|
| 1. De tenebris lux oritur<br>Annae reperto corpore,<br>Lampas ardens invenitur<br>Divino fota munere.   | 4. O stupendum miraculum,<br>Caecus videt, surdus audit,<br>Elinguis suscipit verbum,<br>Palam facit, quae non vidit. |
| 2. Emissus odor nimius<br>Totam replet ecclesiam<br>Longe lateque diffusus<br>Super omnem fragrantiam.  | 5. Mentes reddit attonitas.<br>Dum sacram thecam revelat,<br>Hoc agit summa bonitas,<br>Quae sic devotos visitat.     |
| 3. Regali stirpe exorta<br>Regis regum est avia,<br>Nobilis vir hanc invenit<br>Nobilior rex adornavit. | 6. Annue nobis, Domine,<br>Aviae tuae meritis,<br>Ut nos privatos lumine<br>Videamus cum beatis.                      |

7. Quaesumus, auctor omnium,  
In hoc paschali gaudio  
Ut per Annae suffragium  
Crescat nostra devotio.

8. Gloria tibi, Domine,  
Qui surrexisti a mortuis,  
Servos matris et filiae  
Gaudiis dona perpetuis.

Brev. Aptense imp. Lugduni 1532. — 3, 3 Lies: Nobilis rex oder Nobilior adornavit?

#### 90. De sancto Ammone.

1. Arcum coeli praefulgidum  
Inter nebulas gloriae,  
Dic Ammonem, praenitidum  
Lumen hujus ecclesiae.

2. Hic Mansueto praesuli  
Succesit in officio,  
Quem in secreto tumuli  
Digno clauserat studio.

3. Praedecessoris gloriam  
Praesuccessor non minuit,  
Sed sectando justitiam  
Devote Deum coluit.

4. Hic coercet a gregibus  
Lupum rapacem strenue,  
Sacris orationibus  
Deo vacans assidue.

5. Pastor suavi pabulo  
Gregem pascebat jugiter,  
Dum praedicabat populo  
Verbum Dei fideliter.

6. Ortum labem haereticam  
Excluserat a Tullensibus  
Atque fidem catholicam  
Reformavit in omnibus.

7. Dum adest sancti transitus  
Lapso vitae curriculo,  
Ad votum est reconditus  
In Mansueti tumulo.

8. Dehinc alumnum gratiae  
Praesul Hermannus transtulit  
Ac matrici ecclesiae  
Hunc venerandum contulit.

9. Felicis vitae terminum  
Commendant beneficia  
Data filiis hominum  
Per ipsius suffragia.

10. Sanant leprae contagia  
Sancti merita praesulis  
Ac febrium incendia,  
Dum pulsatur a populis,

11. Caecis visum restituit  
Corda curans et corpora,  
Se benignum exhibuit  
Cunctis per longa tempora.

12. Hunc reges cum principibus  
Coluerunt mirifice,  
Magis locum muneribus  
Ditantes honorifice.

13. Patri, nato, paraclito  
Decus, honor, imperium  
Ammonis sancti merito  
Nobis accrescat gaudium.

Brev. ms. Tullense saec. 15. (Privatbesitz) A. — Brev. Tullense imp. Parisius 1510. B.

#### 91. De s. Antonio Abbate.

Ad Vesperas.

1. Exsultet coeli curia  
Pro confessore fulgido,  
Qui nos sua clementia  
Servet ab igne fervido.

2. Puer, in pueritia  
Fugiens puerilia,  
Deum incepit colere  
Corde, verbo et opere.

- |  |   |
|--|---|
| 3. Perfectam sequens regulam<br>Bona sua distribuit<br>Firmansque mentem credulam<br>Deum amare studuit. | 4. Honor Deo et gloria,<br>Qui superna potentia<br>Sublimavit Antonium,<br>Confessorem eximium. |
|--|---|

Brev. ms. Valentinum saec. 15. Cod. Atrebaten. 1142 (552).

## 92. De s. Antonio Abbate.

Ad Laudes.

- |  |   |
|--|---|
| 1. Exsultent gentes gaudiis,<br>Quae coruscantur variis<br>Miraculorum titulis<br>Et virtutum miraculis. | 3. Precibus et vigiliis<br>Et ciborum jejuniis<br>Effectus Deo placidus<br>Mundum vicit intrepidus.       |
| 2. Sanctus signis emicuit,<br>Virtutibus effloruit<br>Effugando daemonia,<br>Spernens eorum proelia.     | 4. Honor sit tibi, Domine,<br>Per quem coruscus lumine<br>Data mundi victoria<br>Victor fulget in gloria. |

Brev. ms. Valentinum saec. 15. Cod. Atrebaten. 1142 (552).

## 93. De s. Antonio Abbate.

- |   |   |
|---|---|
| 1. Pangat chorus laude digna<br>Jubilo praeconii,<br>Plaudat terra mirans signa<br>Incliti Antonii,<br>Et tabescat fraus maligna<br>Infesti daemonii. | 4. Daemonis collisis telis<br>Mundi et anfractibus<br>Nobis datus, ut medelis<br>Succurrat et actibus,<br>Liberemur a quaerelis<br>Ignis et attactibus. |
| 2. Iste sanctus immundorum<br>Ferens multa jacula<br>Spirituum nec eorum<br>Est infectus macula,<br>Sed in medio laborum<br>Arsit sicut facula.       | 5. O minister sanitatis,<br>Velis nos defendere,<br>Salutis et sospitatis<br>Munera impendere,<br>Nobis viam claritatis<br>Aeternae ostendere.          |
| 3. Antra eremi adivit<br>Vastae solitudinis<br>Et labore se contrivit<br>Spe beatitudinis,<br>Quam in Christo stabilivit<br>Turri fortitudinis.       | 6. Jesu Christe, spes sanctorum,<br>Isto dans in homine<br>Mira cernere gestorum<br>Tot in tuo nomine,<br>Miserere peccatorum,<br>Rex aeternae, Domine. |

Brev. ms. Viennense (?) saec. 15. Cod. Lugdunen. 469. — 2, 4 infestus. — 4, 3 modulis.



94. De sancto Antonio Abbate.

Ad Vesperas.

- |  |   |
|--|---|
| 1. Confessoris Antonii<br>Hymnum novum concinimus,<br>Summi digni praeconii,<br>Cujus nunc festa colimus.    | 4. Multis fulget miraculis<br>Iste confessor inclitus,<br>Insignitum ex titulis<br>Sanctus lustrat paraclitus.    |
| 2. Aegyptus clara prae-buit<br>Nobis sanctum Antonium<br>Ortu claro, quo claruit,<br>Hoc habens privilegium. | 5. Ignem exstinguit inferum<br>Igne divino concitus,<br>Morbum curat mortiferum<br>Donum habens hoc coelitus.     |
| 3. A cunis puer editus<br>Vitam deduxit coelibem,<br>Ex toto corde deditus<br>Deo se dat antistitem.         | 6. Viennensis provincia<br>Tanto patrono praeminet,<br>Summo gaudens praeconio,<br>Quae per hunc sanctum obtinet. |
| 7. Deo patri sit gloria,<br>Antonii det praemium,<br>Aeterna quod supplicia<br>Tollantur per suffragium.     |   |

Psalt. ms. Sedunense saec. 15. Cod. Valerian. s. n. A. — Brev. ms. Sedunense saec. 15. Cod. Valerian s. n. B. — Brev. ms. Tarentasiense saec. 15. Cod. Lugdunen. 478. C. — Brev. Sedunense imp. Basileae 1497. D. — Brev. Tarentasiense imp. Lugduni 1519. E. — 3, 1 Ad cunis E. — 3, 4 Dum se dat C. — 4, 1 Multi fulgent C. — 4, 2 inclitus C. — 4, 3 Insignitum fehlt C. — 4, 4 lustrans C. — 6, 1 Vianensis C.

95. De s. Antonio Eremita.

Ad Laudes.

- |   |  |
|---|--|
| 1. Magnifici Antonii<br>Canamus hymnum, socii,<br>Quem colunt per ecclesias<br>Cuncti fideles hodie.        | 5. Exempla quorum colligens<br>Inhaeret sic virtutibus,<br>Ut omnes ipsum asserent<br>Et nuncupent deicolam.       |
| 2. Hic in Aegypto editus<br>Non infimis parentibus,<br>Aetate fungens tenera<br>Se levat abstinencia.       | 6. Hunc contra hostis perfidus<br>Bella movit crudelia,<br>Multis temptans insidiis<br>Servum Christi prosternere. |
| 3. Nam post parentum obitum<br>Sibi relicta vendidit<br>Et tribuit pauperibus<br>Secutus evangelium.        | 7. Sed fultus Dei famulus<br>Virtutum forti robore,<br>Hinc impetus tyrannicos<br>Contemnit mirabiliter.           |
| 4. Mundi relinquens jurgia<br>Iter agit per arduum,<br>Solum quaerendo famulos<br>Sub Christi jugo positos. | 8. Panis et aquae modicum<br>Hic sumit post interitum<br>Solarem, se tugurio<br>Recipiens sub juncceo.             |

9. Laudemus cuncti Dominum,  
Qui nunc colunt Antonium,  
Coeli coronet gloria,  
In qua regnat per saecula.

Orat. ms. Juliani Regis saec. 15. Cod. Parisien. 757. — 1, 4 Cuncti er-  
gänzt. — 8, 4 juncteo.

96. De s. Antonio Eremita.

In 2. Vesperis.

- |  |  |
|--|--|
| 1. Regis in summi filio<br>Praesens exsultet concio,<br>Antonio qui gloriae<br>Coronam dedit hodie.              | 4. Jam hora facta prandii<br>Panis, ante dimidii<br>Lati per corvum, copia<br>Duplatur Christi gratia. |
| 2. Ut sol fulsit in tenebris,<br>Dum in Aegypti latebris<br>Vita et verbo splenduit<br>Ac signis multis claruit. | 5. Nutu divino veniunt<br>Leones et efficiunt<br>Justo sepulchrum homini<br>Servum juvantes Domini.    |
| 3. Fuit sanctus Antonius<br>Paulum videndi anxius,<br>Deserti primum incolam<br>Sincerumque deicolam.            | 6. Vir Dei a daemonibus<br>Maceratus verberibus<br>Evasit cruce dusiis<br>Fugans minis, imperiis.      |
| 7. Sit trinitati gloria,<br>Virtus, honor per omnia,<br>Antonii quae precibus<br>Nos ditet in coelestibus.       |  |

Brev. ms. Lirinense saec. 15. Cod. Parisin. 10486. A. — Brev. Foro-  
juliense imp. Taurini 1495. B. — 1, 2 exsultat B. — 2, 2 Divino Aegypti  
B. — 3, 1 sacratus B. — 6, 3 crucem B, duxiis AB; „dusi Gallorum lingua  
sunt daemones, Silvanis et Faunis similes.“ August. Civ. 15, 23.

97. De sancto Augustino.

Ad Nocturnum.

- |   |  |
|---|--|
| 1. Augustine, lux doctorum<br>Ex fulgente lumine,<br>Fugator haereticorum<br>Cum exulto fame,<br>Fuisti Christianorum<br>Fax interno flamine. | 3. Fuisti eremitarum<br>Fundator praecipuus,<br>Exstitisti viduarum<br>Instructor mellifluus,<br>Omnium conjugatarum<br>Praeceptor assiduus. |
| 2. Exstitisti forma morum<br>In sancta ecclesia,<br>Ornamentum clericorum<br>Vitae relucientia,<br>Dux fuisti populorum<br>Verbi resonantia.  | 4. Egenorum educator<br>Fuisti cum lacrimis,<br>Captivorum liberator<br>Commotus ab intimis,<br>Orphanorum defensator<br>Juribus verissimis. |

5. Tibi, Deus, decanemus  
 Hunc hymnum alacriter,  
 Tibi quoque laudes demus  
 Cum affectu dulciter,  
 Trinitati personemus  
 Pio corde jugiter.

Cod. Oxonien. Canon. Script. Eccl. 89. saec. 15.

## 98. De sancto Augustino.

Ad Nocturnum.

- |   |   |
|---|---|
| 1. Laetetur omne saeculum,<br>Regem laudemus Dominum,<br>Novum cantemus canticum<br>Et nobile tripudium.            | 3. Quem docuit Ambrosius,<br>Vir prudens et catholicus,<br>Cujus doctrinam tenuit<br>Christumque sequi studuit. |
| 2. Nam Augustinus inclitus,<br>De clara stirpe genitus,<br>Christi factus discipulus,<br>Mundum relinquens penitus. | 4. Sit honor patri Domino<br>Et ejus unigenito<br>Una cum sancto spiritu<br>Et nunc et in perpetuum.            |

Brev. ms. Franciscan. saec. 15. Cod. Dolen. 39. A. — Brev. Nemaense imp. s. l. 1519. B.

## 99. De sancto Apollinare.

Ad Vesperas.

- |   |  |
|---|--|
| 1. Exsulta cleri concio,<br>Gaude, plebis devotio,<br>Apollinaris gratia<br>Felix, plaude, Valentia.    | 3. Honestae vitae merita<br>Mundo signis exhibita<br>Declaravere populis<br>Famam beati praesulis.           |
| 2. Hunc sancta generositas<br>Et generosa sanctitas<br>Dignum fecit splendescere<br>Pontificali sidere. | 4. Regis uxor obtinuit,<br>Quod ipse rex non meruit,<br>Nam per vestis suffragium<br>Vis est ablata febrium. |
5. In una trino gloria  
 Sit laus non transitoria,  
 Qui sublimavit inclitis  
 Apollinarem meritis.

Brev. ms. Valentinense saec. 15. Cod. Atrebaten. 1142 (552).

## 100. De sancto Apollinare.

Ad Laudes.

- |  |  |
|--|--|
| 1. O quam felix suffotio<br>Potum negante fluvio,<br>Qua donum Christi cernitur<br>Et vir sanctus reficitur. | 2. Dum tumet unda fluminis<br>Vento furente turbinis,<br>Mox cuncta fiunt prospera<br>Tranquillitate libera. |
|--|--|

- |   |  |
|---|--|
| <p>3. Praesul passus injuriam<br/>Sua sponte dat veniam<br/>Et solvens poenae subditum<br/>Malignum fugat spiritum.</p> | <p>4. Columnarum proceritas<br/>Et cereorum claritas<br/>Testantur, vitam praesulis<br/>Coruscare miraculis.</p> |
|---|--|

5. In una trino gloria.

Brev. ms. Valentinense saec. 15. Cod. Atrebaten. 1142 (552).

101. De sancto Aptonio.

Ad Vesperas.

- |   |  |
|---|--|
| <p>1. Sancte Dei gloriose,<br/>Aptoni egregie,<br/>Coelo coruscus insidens<br/>innixus perpetuo,<br/>Tu Deo semper ministras<br/>in coeli palatio.</p> <p>2. Qui es superno lumine<br/>regnans tu perenniter,<br/>Plasma signatum coelitus,<br/>triumphans cum tropheo,<br/>Nos ad te pie currentes<br/>junge poli solio.</p> <p>3. Parentibus infecundis<br/>natus est Aptonius,<br/>Nomen allatum coelitus<br/>decorans Engolismam,<br/>Potens verbo, venerandus,<br/>coelo semper inhians.</p> | <p>4. Quaesumus hujus plenius<br/>nos tueri, Domine,<br/>Tanti patroni precibus<br/>servos tuos protege,<br/>Hostis fugetur noxius,<br/>nobis, Christe, annue.</p> <p>5. Sic nos triumpho nobili<br/>laureatos justitiae<br/>Tuis aptet conspectibus<br/>junctos tibi gloria,<br/>Quo semper te perfruamur<br/>in coelesti patria.</p> <p>6. Sit laus summae trinitati,<br/>virtus et victoria,<br/>Patri, proli, spiritui,<br/>omnes una usia,<br/>Fac, meritis Aptonii<br/>laetemur in gloria.</p> |
|---|--|

Offic. ms. Engolismensia saec. 16. Cod. Burdigalen. 81. — 2, 1 superni luminis. — 2, 3 Plasmas.

102. De sancto Aptonio.

Ad Laudes.

- |   |   |
|---|---|
| <p>1. Summe Deus altissime,<br/>Confessorum rex et decus,<br/>Tu gloria es et portus<br/>Ad te confugientium.</p> <p>2. Angelico praemonita<br/>Eugenia oraculo<br/>Infecunda et sterilis<br/>Geminos parit filios.</p> <p>3. Ausonius, Aptonius,<br/>Columnae Mauritaniae,<br/>Nomine dati coelitus<br/>A summo coeli cardine.</p> | <p>4. In Christo nondum renatis<br/>Egregius Martialis<br/>Parentum intuens fidem<br/>Utrumque fonte levavit.</p> <p>5. Dehinc vacans theoriae<br/>Aptonius continuae<br/>Domini verbi bajulus<br/>Et praedicator exstitit.</p> <p>6. Fratris sui Ausonii<br/>Imitator per omnia<br/>Cunctis est acclamantibus<br/>Engolis praesul electus.</p> |
|---|---|

7. Summae sit laus trinitati,  
Unus Deus et usia,  
Ipsius ut Aptonii  
Perennes simus gloria.

Officia ms. Engolismensia saec. 16. Cod. Burdigalen. 81.

### 103. De sancto Arrigio.

In 2. Vesperis.

1. Chorus ut praesens laudes eximii  
Praesulis exaltet, sancti Arigii,  
Tu, Christe, da, ut mens nostra in laudibus  
Pura sit omnibus.
2. Praesul hic beatus saeculi fugit fastus,  
Docuit populum, sic rexit saeculum,  
Ut digne laudibus sitque venerandus  
Per orbis climata.
3. Nivernis jucunda sit ejus doctrina  
Atque laetabunda, dum duxit carina,  
Dizezia adsit, ei per fluvium  
Dans domicilium.
4. Istius praesulis noscunt suffragia  
Privati oculis, ejus fastigia  
Nota in saeculis, ita egregia  
Pandamus notulis.
5. Honor sit datus summae trinitati,  
In coelis beatus confessor cohorti  
Summe trabeatus sedes det, ut laeti  
Cum eo regnemus.

Grad. ms. Nivernense anni 1532. Cod. Parisien. 908. — 5, 3 Summe transbeatus sedes.

### 104. De sancto Armagilo.

- |  |  |
|--|--|
| 1. Armagili celebremus<br>Devote solemnia<br>Et eidem laudes demus<br>Cum cordis laetitia,<br>Quem honorat, honoremus,<br>Summi regis curia. | 3. Ad Britannos transfretavit<br>Prius linquens omnia,<br>Quem Francorum rex vocavit<br>Ad sua consilia,<br>Caecum, claudum hic curavit<br>Cum multis in Gallia. |
| 2. Ex Anglorum non exili<br>Genitus prosapia,<br>In aetate puerili<br>Faciens magnalia,<br>Deo servit non servili<br>Amore sed latria.       | 4. Qui sex annos remeatus<br>De regis licentia,<br>In deserto commoratus<br>Ciborum penuria,<br>Carnem mactat, consolatus<br>Sola Dei gratia.                    |



- |   |   |
|---|---|
| <p>5. Illuc manens eremita<br/> <i>Habens Dei gratiam,</i><br/> Mira fecit infinita<br/> Deo donans gloriam,<br/> Fama volat, quod sit ita<br/> Per totam provinciam.</p> | <p>6. Omnes aegros, bruta sanat,<br/> <i>Feminam a sanguine,</i><br/> Daemon fugit, fons emanat,<br/> Monstrum mergit flumine,<br/> Omnem morbum hic persanat<br/> Jesu Christi nomine.</p> |
|---|---|
7. Summo regi laudes demus  
Cum honoris gloria  
Et eidem prolixemus,  
Ut obtenta venia  
Cum hoc sancto jubilemus  
In coelesti patria.

Collect. ms. hymn. saec. 18. Cod. Parisien. 1094. — Der Hymnus ist offenbar ein alter. Chevaliers Repertorium Hymnologicum citiert ein Brevier von Rennes von 1514, das ich nicht gesehen, das aber offenbar auch dem Veranstalter des Repertoriums nicht vorgelegen hat.

### 105. De sancto Audomaro.

Ad Vesperas.

- |   |  |
|---|--|
| <p>1. Christi praesul egregie<br/> Et confessor, Audomare,<br/> Natalibus clarissime,<br/> Vota precantum suscipe.</p>        | <p>4. Divino namque numine<br/> Lampas accensa fundere<br/> Non cessabat lucifluum<br/> Semper redundans oleum.</p>      |
| <p>2. Praefulgens gemma praesulum,<br/> Spes, fides supplicantium,<br/> Pium confer auxilium<br/> Placando nobis Dominum.</p> | <p>5. Hanc specialem gratiam<br/> Tibi Christus concesserat.<br/> Ut pateat in populis,<br/> Quod vera luce frueris.</p> |
| <p>3. Qui circa tuum tumulum<br/> Post hujus vitae transitum<br/> Longo sub usu temporum<br/> Lumen dedit continuum.</p>      | <p>6. Nostris ergo pectoribus<br/> Tuis sacratis precibus<br/> Aeternae lucis gaudia<br/> Infundat Christi gratia.</p>   |
7. Hoc summa praestet deitas,  
Patris, natique spiritus,  
Quorum par est immensitas  
Et eadem aeternitas.

Brev. ms. Catalaunense saec. 14. in. Cod. Parisin. (Arsen.) 595. add. saec. 14. A. — Brev. Audomarense imp. Parisiis 1518. B.

### 106. De sancto Audomaro.

Ad Nocturnum.

- |  |   |
|--|---|
| <p>1. Sopore carnis obruto<br/> Mentisque terso nubilo<br/> Hymnum canamus Domino,<br/> Regi coelorum inclito.</p> | <p>2. Qui sanctum nobis tribuit<br/> Audomarum eximium,<br/> Mirabilem virtutibus<br/> Ac fulgidum miraculis.</p> |
|--|---|

3. Hic spreta mundi gloria  
Carnis vicit illecebras  
Ac solo Christi ambitu  
Terrena cuncta respuit.
4. Nactus enim monasticae  
Beatam normam regulae  
Luxovii cum proprio  
Se patre natum subdidit.

5. Unde regalis jussio  
Et plebis supplicatio  
Contranitentem rapuit  
Pontificemque statuit.
6. Hic fidem nobis tradidit,  
Nam nosse patrem monuit  
Et natum non reticuit  
Flamenque sanctum docuit.

7. Deo patri sit gloria.

Brev. ms. Catalaunense saec. 14. in. Cod. Parisin. (Arsen.) 595. add.  
saec. 14. A. — Brev. Audomarense imp. Parisiis 1518. B. — 2, 2 eximius A.

### 107. De sancto Audomaro.

1. Aeterna lux credentium,  
Perpes corona praesulum,  
Jesu, redemptor omnium,  
Votis fave poscentium.
2. In hac sacrata nobilis  
Festivitate praesulis  
Hymnum canentes dicimus,  
Adesto nobis, quaesumus.
3. Hic Audomarus inclitus,  
Fulgens fide clarissimus,  
Caduca sprevit culmina,  
Desiderans perennia.
4. Plebis gregem qui creditae  
Verbi cibans dulcedine  
Ad laeta coeli pascua  
Tua vocavit gratia.
5. Pastor bonus nam claruit  
Doctorque verus floruit,  
Signis coruscans fulgidis  
Et actuum miraculis.
6. Quod praedicavit famine  
Sancto repletus flamine,  
Complevit hoc mitissimus  
Factis et almis moribus.
7. Exempli rite gentibus  
Praebendo cum dogmatibus,  
Inventus est in omnibus  
Pollens sacris virtutibus.
8. Jam nunc polorum sedibus,  
Junctus choris coelestibus,  
Ut sol micat in gloria  
Promissa sumens praemia.
9. Cujus precatus munere,  
Rex Christe clementissime,  
Indulgeas, deposcimus,  
Nobis scelus, quod gessimus.
10. Mundi peracto termino  
Ut ipsius consortio  
Dignis fruamur praemiis  
Et sempiternis gaudiis.
11. Sit trinitati gloria,  
Deo patri cum filio,  
Cum spiritu paracrito  
Et nunc et in perpetuum.

Brev. Audomarense imp. Parisiis. 1518.

### 108. De sancta Aurea.

1. Divinis donis Aurea  
Conforme nomen habuit,  
Cujus caro virginea  
Ut aurum pura nituit.
2. Spectandam fulva species  
Dat auro pulchritudinem,  
Decorat pulchra facies,  
Plus fides sponsi virginem.

- |  |  |
|--|--|
| <p>3. Aurum per ignem transiens<br/>         Probatur solidissimum,<br/>         Sic virgo poenas patiens<br/>         Invictum probat animum.</p> | <p>4. Sit Christo regi gloria,<br/>         Qui coronavit Auream,<br/>         Per ejus det suffragia<br/>         Perennem nobis lauream.</p> |
|--|--|

Cod. Bruxellen. (ol. S. Laurentii Leodien.) 18653 — 57. saec. 11. add. saec. 15.

### 109. De sancto Ausonio.

Ad Vesperas.

- |   |   |
|---|---|
| <p>1. Exsultet plebs fidelium,<br/>         Christo pangant praeconium,<br/>         Qui est corona martyrum<br/>         Et certa spes credentium.</p> <p>2. In quo quicumque militat,<br/>         Dum perseverat, superat,<br/>         Ut post laborem gaudeat,<br/>         Quem sibi Christus sociat.</p> <p>3. In quo vicit Ausonius,<br/>         Agonista fortissimus,<br/>         Engolismae clarissimus<br/>         Civitatis episcopus.</p> <p>4. In qua degens innumeras<br/>         Coelo direxit animas,<br/>         Credenti grande bravium,<br/>         Incredulo iudicium.</p> | <p>5. Hic inde saluberrimi<br/>         Non obliviscens moniti,<br/>         Sed imitando Dominum<br/>         Pervenit ad martyrium.</p> <p>6. Cujus intercedentibus<br/>         Apud te, Christe, precibus<br/>         Ignosce peccatoribus,<br/>         Ne pereamus funditus.</p> <p>7. Vitam concede coelibem,<br/>         Mentem confirma fragilem,<br/>         Ut cum virtutum lampade<br/>         Ad te possimus currere.</p> <p>8. Summo patri sit gloria<br/>         Cum filio infinita<br/>         Paraclitoque flamine<br/>         Et nunc et saeclo perfrui.</p> |
|---|---|

Offic. ms. Engolismensia saec. 16. Cod. Burdigalen. 81. — 8, 3 Et nunc et saeclo perdit Hs.

### 110. De sancto Ausonio.

Ad Matutinum.

- |   |  |
|---|--|
| <p>1. Ad redemptoris omnium<br/>         Triumphale praeconium<br/>         Solemne ducat gaudium<br/>         Coetus Engolismensium.</p> <p>2. Quorum salutis praevis<br/>         Et legifer Ausonius<br/>         Hac luce per martyrium<br/>         Coeleste sumpsit bravium.</p> <p>3. Hic cum quibusdam fratribus,<br/>         Veritatis doctoribus,<br/>         Est missus Aquitaniae<br/>         Minister sapientiae.</p> | <p>4. Suscepit pontificium.<br/>         Sic patris egit studium,<br/>         Ut, quod docebat facere,<br/>         Primus complebat opere.</p> <p>5. Sed cum gens quaedam Vandala<br/>         Ferens in Christum scandala<br/>         Vastaret Aquitaniam,<br/>         Venit hanc ad provinciam.</p> <p>6. Hic itaque salubria<br/>         Christi sequens vestigia<br/>         Pro commendatis ovibus<br/>         Semet objecit hostibus.</p> |
|---|--|

- |  |   |
|--|---|
| <p>7. Quem regis lictor protinus<br/>Oblatum sibi cominus<br/>In civitatis exitu<br/>Collo privat et spiritu.</p> <p>8. Quae gloria sit animae,<br/>Corpus probat exanime,<br/>Quod abscissis cervicibus<br/>Caput resumeit manibus.</p> | <p>9. Quod detulit cum gloria<br/>Mira Dei potentia,<br/>Donec illic seposuit,<br/>Ubi nunc usque jacuit.</p> <p>10. Summo patri sit gloria<br/>Cum filio infinita<br/>Paraclitoque flamine<br/>Et nunc et saeculo perfrui.</p> |
|--|---|

Offic. ms. Engolismensia saec. 16. Cod. Burdigalen. 81.

### III. De sancto Ausonio.

Ad Laudes.

- |   |  |
|---|--|
| <p>1. Ausoni, vir egregie,<br/>Nomen habens audaciae,<br/>Assertor audax Domini,<br/>Tuo concordans nomini.</p> <p>2. Sancte martyr et pontifex,<br/>Adesto nobis opifex<br/>Apud summum pontificem,<br/>Quem praestolamur iudicem.</p> | <p>3. Ut cum discussor aderit<br/>Et mundum judicaverit,<br/>Tuae simus victoriae<br/>Participes et gloriae.</p> <p>4. Sit trino regi Domino<br/>Laus jugis absque termino,<br/>Qui triumphat in praemio,<br/>Quod contulit Ausonio.</p> |
|---|--|

Offic. ms. Engolismensia saec. 16. Cod. Burdigalen. 81.

### III. De sancto Auspicio.

In 1. Vesperis.

- |  |  |
|--|--|
| <p>1. Hoc rite festum gentibus<br/>Est celebrandum omnibus,<br/>Quo pontifex Auspicius<br/>Fit angelorum socius.</p> <p>2. Hoc habitans in saeculum<br/>Tulit decus egregium,<br/>Plus diligendo Dominum,<br/>Quam corpus ipse proprium.</p> <p>3. Hinc per amorem Domini<br/>Temnit libamen idoli.<br/>Jussu captus nequissimi<br/>Dire multatur iudicis.</p> | <p>4. Dejectum per simulacrum<br/>Perdit pedem sanctissimum,<br/>Conteritur ac cerebrum<br/>Corpus simulque reliquum.</p> <p>5. Sic alacer in Domino<br/>Vitam finit continuo,<br/>Fuso cruore proprio<br/>Coeli dantur pro praemio.</p> <p>6. Nunc te precamur pariter,<br/>Auspici, praesul inclite,<br/>Quo coelico juvamine<br/>Fultos ducas in aethere.</p> |
|--|--|

7. Gloria patri ingenito,  
Ejusque unigenito  
Una cum sancto spiritu  
In sempiterna saecula.

Brev. Aptense imp. Lugduni 1532. — 2, 1 Hoc habitans in saeculum  
statt Inhabitans hoc saeculum? Vgl. den folgenden Hymnus 3, 3.

### 113. De sancto Auspicio.

Ad Nocturnum.

- |   |   |
|---|---|
| 1. Hoc in festo decus omne<br>et pia laus Domino<br>Decantetur ab adstante<br>nunc fideli populo,<br>Qui laetatur pro benigno<br>sanctorum solatio.       | 5. Nunc precamur aggregati<br>hoc in festo pariter,<br>Nos tuum qui celebramus<br>solemne fideliter,<br>Ne sinas nos perturbari<br>ab iniquo principe.          |
| 2. Quos glorificat in coelis<br>pro forti martyrio<br>Perpetimque dat laetari<br>cum coetu angelico,<br>Jubilat qui novum carmen<br>trino personis Deo.   | 6. Ne seducat hoc redemptos<br>vitae nos in tempore<br>Aequae jam de coelo lapsus<br>pro splendoris crimine<br>Et ligni vetiti gustum<br>praesumpsit exsolvere. |
| 3. Cum quo credimus regnare<br>praesulem Auspiciū,<br>Qui super defertur astra<br>forte per martyrium<br>Et pro fide Dei passus<br>carnis est supplicium. | 7. Concede sed execrare<br>hujus vitae gaudia<br>Et respuere nefanda<br>sanguinum imperia,<br>Quo fidelium sequamur<br>tuorum vestigia.                         |
| 4. Ubi te, pastor Auspici,<br>lux perornat mystica,<br>Et collaudat vox sanctorum<br>ac simul angelica,<br>Et assignat deaurata<br>pago Christi dextera.  | 8. Gloriam patri canamus<br>gloriamque filio,<br>Gloriam flamini sacro,<br>tribus in solo Deo,<br>Qui regnat per infinita<br>saeculorum saecula.                |

Brev. Aptense imp. Lugduni 1532. — 6, 5 lies: Qui ligni?

### 114. De sancto Auspicio.

Ad Laudes.

1. Summi pontificis festus in orbe  
Est dies eximia laude probandus,  
Quo linquens saeculum scandit ad aethra  
Christo dante sibi gaudia coeli.
2. Qui coelum proprio sidere ornat,  
Quem laus melliflua rite perornat,  
Sanctorum propria carmina laudant,  
Praesens cum jubilo concio clamet.
3. Hic fessis requies spesque laboris,  
Forma praespiciui patris, honorem  
Dantis pro meritis quisque beatis,  
Illustrat proprio lumine sanctos.



4. Virtus magna patris, laus pia nati,  
Honor splendifluus flaminis almi  
Coelorumque decus, pax angelorum,  
Quem pia pariter prece rogemus.
5. Protege pia nos jussa tenentes,  
Et quod letiferum perdere vulnus  
Temptat sub modico pectoris antro,  
Purga omnimoda peste fugata.
6. Sed tua doce nunc lege catervas,  
Quo Christum proprio corporis ore  
Laudent, qui patriam ducit in altam  
Justos quoque pia jussa tenentes.
7. Te precamur, pater, undique juncti,  
Quo nobis veniam coelitus datam  
Fusa prece pia impetret ipse,  
Cum Christo jugiter quo maneamus.
8. Sit laus summa patri, sit genitoque,  
Sit decus eximium flamini sacro,  
Perpes semper honor omne per aevum,  
Virtus sancta simul tribus in uno.

Brev. Aptense imp. Lugduni 1532. — 2, 1 proprio videre decoratur. — 3, 1 requies fessis. — 3, 2 Fama perspicui; honorent. — 5, 1 nos pia. — 6, 1 tuas nunc leges doce. — 3, 1 summo.

## 115. De sancta Barbara.

Ad Vesperas.

- |  |  |
|--|--|
| 1. Illuxit nobis hodie<br>Dies digna memoriae,<br>Resultet vox ecclesiae<br>Cantet carmen laetitiae.     | 5. Diebus atque noctibus<br>Vacabat Dei laudibus,<br>Quam coruscare pluribus<br>Hic fecit mirabilibus.           |
| 2. Haec est dies eximia,<br>In qua virgo egregia<br>Barbara cum laetitia<br>Migravit ad coelestia.       | 6. Consumpta tandem gladio<br>Cruoris fluxu nimio,<br>Angelorum collegio<br>Est adjuncta cum gaudio.             |
| 3. Quam ortam de gentilibus<br>Pie respexit Dominus,<br>Ornans ipsam virtutibus<br>In annis puellaribus. | 7. Sponsa Dei et filia,<br>Cui conregnas in gloria,<br>Per tua nos suffragia<br>Erue a miseria.                  |
| 4. Freta divina gratia<br>Mundi respexit gaudia<br>Potentum et connubia<br>Cunctaque transitoria.        | 8. Christe, redemptor omnium,<br>Per Barbarae suffragium<br>Da nobis vitae praemium<br>Post hoc carnis exsilium. |

9. Honor, virtus et gloria  
Pro Barbarae victoria  
Sit trinitati simplici  
Et unitati triplici.

Brev. Audomarense imp. Parisiis 1518. — 7, 2 Cui regnas in gloria.

116. De sancta Barbara.

Ad Nocturnum.

- |   |  |
|---|--|
| 1. Surgentes a cubilibus<br>Hymnum Deo referimus,<br>Qui Barbaram coelestibus<br>Junxit comptam virtutibus. | 4. Signum crucis haec marmori<br>Impressit digito sui,<br>Quod cunctis adhuc hodie<br>Ostenditur visibile. |
| 2. Hanc gemmam tulit Tuscia<br>Ex gentili prosapia,<br>Unde gaudet ecclesia<br>Coelestis atque curia.       | 5. Quae castitatis lilio<br>Candes, rubes martyrio,<br>Nos coeli contubernio<br>Junge tui suffragio.       |
| 3. Quae dum vixit, per varia<br>Renitebat insignia,<br>Hinc transvecta ad atria<br>Coeli patrat magnalia.   | 6. Jesu, nostra redemptio,<br>Nos Barbarae praesidio<br>Omni libera vitio<br>Et gehennae incendio.         |
| 7. Deo patri ingenito<br>Ejusque unigenito<br>Cum spiritu paraclito<br>Sit laus et jubilatio.               |  |

Brev. Audomarense imp. Parisiis 1518.

117. De sancta Barbara.

Ad Vesperas.

1. O quam glorifica laudis honore,  
Inter virgineos, Barbara, coetus  
Excellens meritis, clara trophaeo,  
Omnis te celebrat coelicus ordo.
2. Tu pulsas tenebris, luce recepta  
Verum fassa Deum, nomina sacra  
Es patris, geniti, flaminis almi,  
Unum sed Dominum cuncta regentem.
3. Post haec magnamino corde furorem  
Patris, divitias, dogmata vana  
Gentilesque deos, Barbara, spernis,  
Constanti retinens pectore Christum.
4. Crudeles superas inde tyranni  
Fastus, carnificum verbera, saevos  
Aptatae lateri lampadis ignes  
Tu perfers, teneras secta papillas.

5. Christus terrifico carcere clausam  
Toto te laceram corpore sanat,  
Cervicem genitor dissecat ense,  
Extemplo periit fulminis ictu.
6. O nostrum precibus terge reatum  
Sacris, virgo, tuis donet et arcem  
Nobis aetheream trinus et unus,  
Cui summus sit honor lausque perennis.

Psalt. Cenomannense imp. 15\*\*. — Mel. natürlich die des Marienhymnus gleichen Anfangs.

### 118. De sancta Barbara.

Ad Laudes.

1. Dum tuos clerus jubilans agones  
Atque praeclaros recinit triumphos  
Et tibi puro modulatur ore,  
Barbara, laudes:
2. Vota servorum, rogitamus, audi  
Ac tuis Christum precibus serena,  
Ut pia nostri sceleris reatum  
Mente resolvat.
3. Christe, victricum rutilans corona  
Virginum, per quem fragilis domavit  
Sexus atroces roseo tyrannos  
Sanguine fuso,
4. Barbarae miti veniam precantes  
Cerne nunc vultu famulos, cruore  
Quos redemisti proprio benignus  
In crucis ara.
5. Laus, honor, virtus, decus et potestas  
Sit tibi semper, deitas creatrix,  
Persolvens mentes hominum volucris  
Ocius aura.

Psalt. Cenomannense imp. 15\*\*.

### 119. De sancta Barbara.

Ad Vesperas.

- |   |   |
|---|---|
| 1. Promat voce dulcisona<br>Coetus hic fidelium,<br>Mente clangat almiphona<br>Barbarae martyrrium,<br>Cujus prece fit consona<br>Pangere praeconium. | 2. Arce nimis eminenti<br>Dioscori filia<br>Clausula fuit et ingenti<br>Ejus forma nimia,<br>Uti denegaret genti<br>Tactus et alloquia. |
|---|---|

- |  |   |
|--|---|
| <p>3. Quando crevit, tunc neglexit<br/>         Subire connubium<br/>         Dictaque patris contempsit,<br/>         Humanum consortium<br/>         Vitans, haec casta despexit,<br/>         Bonum dans initium.</p> | <p>5. Post haec pater conqueritur<br/>         De templi structione,<br/>         A filia componitur<br/>         Pro mystico sermone,<br/>         Sic jussi, et perficitur<br/>         Mea intentione.</p> |
| <p>4. Instruitur divinitus<br/>         Baptizata flamine,<br/>         Imperans, ne templi situs<br/>         Pagano cacumine<br/>         Fiat, sed per sacros ritus,<br/>         Instructos spiramine.</p>           | <p>6. Insensatus eam pater<br/>         Disponit occidere<br/>         Mente nubilus et ater,<br/>         Lenonibus tradere,<br/>         Nudam jubet evidenter<br/>         Per hanc viam ducere.</p>       |
7. Gloria tibi, Domine,  
 Qui cum unigenito  
 Reguas et sancto flamine  
 Tu nostri memor esto,  
 Ut laetemur sine fine  
 Corpore deposito.

Brev. ms. S. Petri Carnoten. saec. 14. Cod. Carnoten. 565. add. saec. 15/16. — 2, 5 Ut denegaret. — 3, 5 haec casta de gruit. — 7, 6 Corpore fehlt.

## 120. De sancta Barbara.

Ad Laudes.

- |   |  |
|---|--|
| <p>1. Laetabunda solemnitas<br/>         Generosae virginis<br/>         Per mundi claret orbitas,<br/>         Quae splendore numinis<br/>         Gratulatur post habitas<br/>         Poenas pelle criminis.</p> | <p>4. Saevus pater ejus latus<br/>         Discerpit tunc acriter,<br/>         Ignis sibi applicatus<br/>         Urit hanc crudeliter,<br/>         Mamma torta per meatus<br/>         Fluit cruor dulciter.</p>              |
| <p>2. Ferox judex acriori<br/>         Cogitat de supplicio,<br/>         Et hanc Christus grandiori<br/>         Confortat de praemio,<br/>         Si spiritu fortiori<br/>         Dimicet in stadio.</p>        | <p>5. Nuda duci cum jubetur<br/>         Mox angelus adfuit,<br/>         Ab impiis ne videretur<br/>         Candida operuit<br/>         Stola, velat nec videtur,<br/>         Sed nimium profuit.</p>                        |
| <p>3. Virgo pendens alligatur<br/>         Pedibus equuleo,<br/>         Caput ejus maceratur<br/>         Durissimo malleo,<br/>         Cruciatur nec gravatur<br/>         Propitiante Deo.</p>                  | <p>6. Praeses furit et tabescit<br/>         Corde, mente, spiritu,<br/>         Quod gladiis finire nescit<br/>         Nec quovis cruciatur,<br/>         Qui hoc patri tunc expressit<br/>         Tradens gravi fremitu.</p> |

- |   |   |
|---|---|
| <p>7. Imminente exitio<br/>         Voce quaerit humili:<br/>         „Detur sacra communio<br/>         Migranti vita vili,<br/>         Si corde mea passio<br/>         Colatur credibili;</p> <p>8. Fulmen fuga me precanti<br/>         Dilueque commissa.“<br/>         Grata fore fert oranti<br/>         Vox coelitus emissa:<br/>         Occurrit sponso donanti<br/>         Gaudia repromissa.</p> | <p>9. Post hoc caput evellitur<br/>         A proprio genitore,<br/>         Qui descendens consumitur<br/>         Teterrimo fulgure,<br/>         Quod nec cinis invenitur<br/>         Mansisse de corpore.</p> <p>10. Gloria tibi, Domine,<br/>         Qui cum unigenito<br/>         Regnas et sancto flamine,<br/>         Tu nostri memor esto,<br/>         Ut laetemur sine fine<br/>         Corpore deposito.</p> |
|---|---|

Brev. ms. S. Petri Carnoten. saec. 14. Cod. Carnoten. 565. add. saec. 15/16. — 1, 6 pelle criminis soviel als corpore peccati? — 2, 2 ist eine Silbe zuviel; lies: Terret hanc supplicio, oder ähnliches. — 2, 3 hanc ergänzt; es fehlt eine Silbe. — 4, 1 latus ejus. — 4, 3 applicatur. — 4, 6 cruori. — 5, 5 volat. — 5, 6 profuit. — 7, 5 nulla passio. — 8, 5 Occurrere.

## 121. De sancta Barbara.

Ad Laudes.

- |   |  |
|---|--|
| <p>1. Ave, sponsa Christi,<br/>         Cujus ob amorem<br/>         Barbara fudisti<br/>         Proprium cruorem.</p> <p>2. Pulchra, prudens, munda,<br/>         Fortis in agone,<br/>         Frueris jucunda<br/>         Dei visione.</p> <p>3. Neque patris ira<br/>         Saevi et evecti,<br/>         Nec a Christo dira<br/>         Poena potes flecti.</p> | <p>4. Cui pastor index<br/>         Luit poenas justas,<br/>         Oves Deus vindex<br/>         Vertit in locustas.</p> <p>5. Te Christus invisit<br/>         Carcere manentem,<br/>         Stolum albam misit<br/>         Te nudam tegentem.</p> <p>6. Torta multis poenis<br/>         Tandem decollata,<br/>         Gaudes in amoenis<br/>         Coeli coronata.</p> |
|---|--|

7. Deo laus pro bonis  
 Barbarae tributis,  
 Cujus prece donis  
 Ditet nos salutis.

Brev. ms. Aquicinctense saec. 15. Cod. Duacen. 158. A. — Brev. Matisconense imp. Lugduni 1552. B. — 2, 2 Factis in agone B. — 2, 2 evicti B. — Mel. natürlich Ave maris stella.

## 122. De sancta Barbara.

Ad Nocturnum.

- |  |  |
|--|--|
| <p>1. Prima mundi divisio<br/>         Choro, tubis et cithara<br/>         Trinitatem cum gaudio<br/>         Laudat in sancta Barbara.</p> | <p>2. Quae trinitati serviens<br/>         Sub ejus typo statuit<br/>         Tres fenestras aperiens,<br/>         Quod pater corde doluit.</p> |
|--|--|



- |   |   |
|---|---|
| <p>3. Haec, inquit, sancta trinitas<br/>Illustrat omnem hominem,<br/>Ob hoc patris impietas<br/>Insurrexit in virginem.</p> <p>4. Hanc fides, spes et caritas<br/>Trinitati consimulant,<br/>Cujus agon et castitas<br/>Clare per orbem rutilant.</p> | <p>5. Cordis, oris et corporis<br/>Trina fulsit munditia,<br/>Pascens intus et deforis<br/>Dilectum inter lilia.</p> <p>6. Patrem tortorem per fidem<br/>Vicini in poenis patiens,<br/>Cujus passa tyrannidem<br/>Migrat ad Deum moriens.</p> |
|---|---|
7. Trino Deo et simplici  
Laus hujus pro victoria,  
Cujus prece nos supplici  
Perducat ad coelestia.

Brev. ms. Aquicinctense saec. 15. Cod. Duacen. 158. A. — Brev. Matisconense imp. Lugduni 1552. B. — 4, 2 Trinitati fehlt A; concilient A. — 4, 3 Ejus agon A. — 5, 1 Cordis et oris corporis B. — 6, 1 perfidum A. — 6, 3 Aquo passa B. — 6, 4 Migravit Deo B.

### 123. De sancta Barbara.

Ad Vesperas.

- |   |  |
|---|--|
| <p>1. Gaude, sponsa Christi,<br/>Quae mundum vicisti,<br/>Daemonem fugasti<br/>In tuo fervore.</p> <p>2. Saevissimi patris<br/>Plura dira passa,<br/>Per te nunc offertur<br/>Dulcis hymnus Deo.</p> <p>3. Pluribus quae annis<br/>Fidem abscondisti,<br/>Ut fieres summo<br/>Martyr Deo digna.</p> <p>4. De turri descendens<br/>Structuram intrasti,<br/>Tres nempe fenestras<br/>Fieri jussisti.</p> | <p>5. Ut mansio tota<br/>Trino lustraretur<br/>Lumine infuso<br/>Solio de sancto.</p> <p>6. Tu patrem spernendo<br/>Patri Deo vero<br/>Melodia laudis<br/>Fis Barbara virgo.</p> <p>7. Tonitrua pelle<br/>Longius a nobis<br/>Fulguraque saeva,<br/>Vera sponsa Christi.</p> <p>8. Uni trino Deo<br/>Laudes persolvamus,<br/>Patri filioque<br/>Gloriam canamus.</p> |
|---|--|

Diurn. ms. Benedictin. saec. 15. Cod. Parisien. 10530. — 4, 3 fenestras fehlt. — Mel. natürlich Ave maris stella.

### 124. De sancta Barbara.

Ad Laudes.

- |   |   |
|---|---|
| <p>1. Exsulta nunc, ecclesia,<br/>De virginis victoria,<br/>Quam plebs fidelis invocat<br/>Vota depromens debita.</p> | <p>2. O sacra virgo Barbara,<br/>Nulla pavens supplicia,<br/>Constans ad bella Domini<br/>Fregisti falsa idola.</p> |
|---|---|

- |  |  |
|--|--|
| <p>3. Muta spernens simulacra,<br/>Deum colebas sedule,<br/>Vacans orationibus<br/>Et amaris singultibus.</p> <p>4. Proinde pater improbus<br/>Te graviter insequitur,<br/>Mallens te interimere<br/>Quam idola relinquere.</p> <p>5. Demum mucrone impio<br/>Perfossa reddis Domino<br/>Spiritus cum tripudio,<br/>Beata virgo Barbara.</p> | <p>6. Inde precamur seduli,<br/>Memento, martyr, quaesumus,<br/>Ut per te nos exaudiat,<br/>Qui te benigne refovet.</p> <p>7. Conserva nos a turbine<br/>Tempestatumque fulmine,<br/>Toto precatu supplici<br/>Commenda nos altissimo.</p> <p>8. Ad sacrum cujus tumulum<br/>Exstant in testimonium<br/>Opilioniis crimine<br/>Ex ovibus locustulae.</p> |
|--|--|
9. Pangamus omnes pariter  
Patri laudes et genito  
Unaque sancto flamine  
Et nunc et in perpetuum.

Diurn. ms. Benedictin. saec. 15. Cod. Parisin. 10530.

## 125. De sancta Barbara.

Ad Laudes.

- |  |   |
|--|---|
| <p>1. O lux beata trinitas,<br/>Pro tuae lucis radio<br/>Nostra clamat humilitas<br/>In hujus vitae stadio.</p> <p>2. Ad te mentes humiliter<br/>Convertimus cum Barbara,<br/>Illumina subtiliter,<br/>Quae tu creasti pectora.</p> <p>3. Lustra nos illo jubare,<br/>Lux omnes fugans tenebras,<br/>Quo tu mentales Barbarae<br/>Illuminasti latebras.</p> <p>4. Hausit haec vase tenero<br/>Sic de superno nectare,<br/>Quod novit, quia numero<br/>Congaudet Deus impare.</p> | <p>5. Nam trium delectabilis<br/>Fenestrarum apertio,<br/>Quid est, nisi mirabilis<br/>Trinitatis assertio?</p> <p>6. Quis modo perscrutabitur<br/>Sapientum gentilium,<br/>Cur trina lux illabatur<br/>Sic mentibus humilium?</p> <p>7. Creans nobis impresseras<br/>Tuam similitudinem,<br/>Opus tuum ne deseras,<br/>Tuam salves imaginem.</p> <p>8. Haec a nostra memoria<br/>Nunquam cedat dignatio,<br/>Tibi laus sit et gloria,<br/>Sit jugis jubilatio.</p> |
|--|---|

Brev. ms. Cameracense saec. 15. Cod. Parisin. 17295. A. — Brev. ms. Tornacense saec. 15. Cod. Duacen. 163. B. — Brev. Tornacense imp. Parisiis 1479. C. — Brev. Bisuntinum imp. s. l. et a. D. — Brev. Cameracense imp. Parisiis 1479. E. — Brev. Tornacense imp. Parisiis 1509. F. — Brev. S. Gudilae Bruxellen. imp. 1512. G.

## 126. De sancta Barbara.

Ad Vesp. et Noct

- |  |   |
|--|---|
| 1. Beata nobis gaudia<br>Martyrium dat Barbarae,<br>Quam trahit ad coelestia<br>Summae Deus clementiae.            | 4. Beata, cujus brachiis<br>Saxa tacta obediunt,<br>Dum manu signum imprimis,<br>Vexilla regis prodeunt.            |
| 2. Ad coenam agni providi<br>Invitaris, qua resides,<br>Agno junguntur nobili,<br>Quocunque pergis, vir-<br>gines. | 5. Aurea luce coelitus<br>Ducitur virgo carcere,<br>Plagae curantur penitus<br>Jam lucis orto sidere.               |
| 3. Rerum creator optime,<br>Per eam te testificas<br>In turris terno lumine,<br>O lux beata trinitas.              | 6. Rex Christe clementis-<br>sime,<br>Haec passa te magnificat,<br>Audita benignissime<br>Vox clara, ecce, intonat. |
7. Audi, benigne conditor,  
Per eam hic nos protegens,  
Aeternae sit vitae dator,  
Verbum supernum prodiens.

Brev. ms. Bisuntinum. saec. 15. Cod. Bibl. Archiep. Remen. s. n. A. —  
Brev. Turonense imp. Parisiis 1522. B. — Brev. Lochense imp. Turonibus  
1536. C. — 3, 3 In turmis B. — 4, 3 Dum magnum signum BC.

## 127. De sancta Barbara.

Ad Vesperas.

- |   |  |
|---|--|
| 1. Laetetur aula coelica,<br>Laetetur mundi curia,<br>Barbaram coelo redditam<br>Cantet omnis ecclesia. | 3. Ad fontem vitae sitiit<br>Et fontem vitae reperit,<br>Nimis fota dulcedine<br>Nil novit ultra flebile.    |
| 2. Haec in terrenis posita<br>Coeli ambivit atria<br>Fluenta vitae sitiens<br>Et terrena fastidiens     | 4. Nulla valet vox promere,<br>Nullus sensus concipere,<br>Qua pascatur dulcedine,<br>Quanto fruatur lumine. |
5. Laudetur inde genitor  
Cum suo unigenito,  
Laudetur sanctus spiritus  
Cum patre ens et filio.

Brev. Vapincense imp. Vapinci 1499. — 1, 3 Barbara. — 2, 2 ambiunt  
patria. — 4, 1 Alleluja valet vox. — 5, 2 Cum suo genito. — 5, 4 patre  
ejus et. — Inhaltlich scheint das Lied ein hymnus de Communi virginum.

128. De sancto Barnaba.

Ad Vesperas.

- |  |  |
|--|--|
| 1. Refulge nostris sensibus<br>Sancti spiritus gratia,<br>Ut Barnabae apostoli<br>Digna pangant praeconia.   | 6. Nam primus Antiochiae<br>Romaeque fidem docuit<br>Et Lombardiae urbibus<br>Mediolanum praetulit.                    |
| 2. Urbs Mediolana nobilis,<br>Cur siles laudes praesulis,<br>Dogma cujus et actio<br>Est tua sublimatio?     | 7. Id statuens metropolim<br>Rite dicando Domino,<br>Fide, doctrina, praesule<br>Clerum ornans cum populo.             |
| 3. Hic sui agri pretium<br>Apostolorum pedibus<br>Obtulit, ut pro Domino<br>Pugnaret expeditus.              | 8. Cyprina docens oppida<br>Post haec a turba perfida<br>Ictibus duris quatitur,<br>Deo libatus uritur.                |
| 4. Ortus de stirpe Domini<br>Simonis, Judae, Jacobi<br>Frater fuit et socius<br>Sancti Pauli apostoli.       | 9. Hunc primum nostrum prae-<br>sulem<br>Precemur corde supplici,<br>Rorem divinum conferat,<br>Nobis plantatae fidei. |
| 5. Cum quo multa miracula<br>Patravit atque dogmata<br>Graecis, Latinis, Barbaris<br>Fidem contulit populis. | 10. Ne sua pravo dogmate<br>Maculetur ecclesia,<br>Sed purgata zizaniis<br>Consurgat ad coelestia.                     |

11. Gloria tibi, Domine.

Brev. ms. Franciscan. saec. 15. Cod. Parisin. 760.

129. De sancto Barnaba.

Ad Laudes.

- |   |   |
|---|---|
| 1. Coeli superna agmina,<br>Vestra date suffragia<br>Et vos, fratres, concinite<br>Hymnum beati Barnabae.   | 4. Carnem cremasti ignibus,<br>Tu speculum in omnibus,<br>Et ideo cum angelis<br>Laetaris in coelestibus. |
| 2. Hic vana mundi respuens,<br>Philosophia praepollens<br>Sicut sidus emicuit,<br>Splendor ejus non latuit. | 5. Laetare tu, Liguria,<br>De tanto patre Barnaba,<br>Jussu cujus Anathalon<br>Fide lustravit populum.    |
| 3. O beate Christicola,<br>Nostra coerce crimina,<br>Vexatos qui languoribus<br>Tuis sanasti precibus.      | 6. Praesta, pater piissime,<br>Apostoli juvamine<br>Ut post mundi curricula<br>Regna petamus coelica.     |

Brev. ms. Franciscan. saec. 15. Cod. Parisin. 760.

### 130. De sancto Barnardo.

Ad Matutinum.

- |   |   |
|---|---|
| <p>1. Magnae dies laetitiae<br/>Nobis illuxit coelitus,<br/>Barnardus thronum gloriae<br/>Praesul conscendit inclitus.</p> <p>2. Virtus in statu saeculi,<br/>Monachalis perfectio<br/>Dignitatumque tituli<br/>Hunc attollunt praeconio.</p> | <p>3. Felix plebs Romanensium,<br/>Quae singulari gloria<br/>Patronum tam egregium<br/>Habet in coeli curia.</p> <p>4. Trino Deo laus debita<br/>Reddatur atque gloria,<br/>Qui nos per hujus merita<br/>Ducat ad coeli gaudia.</p> |
|---|---|

Brev. ms. Valentinense saec. 15. Cod. Atrebaten. 1142 (552). A. — Brev. S. Barnardi in Romanis imp. in Romanis 1518. B.

### 131. De sancto Bartholomaeo.

Ad Vesperas.

- |   |  |
|---|--|
| <p>1. Recolentes apostoli<br/>Triumphum Bartholomaei<br/>Mente psallamus humili<br/>Christo, ejusdem principi.</p> <p>2. In cujus pugnans nomine<br/>Apostolus mirifice<br/>Hostis victa tyrannide<br/>Culmen conscendit gloriae.</p> <p>3. Fidelis declaratio,<br/>Fert poenarum multitudo<br/>Ab Astragis imperio<br/>Dum privaretur corio.</p> | <p>4. Intra manus carnificum<br/>Non tacens evangelium<br/>Per capitis sententiam<br/>Coelo tradidit animam.</p> <p>5. Supremo ergo principi<br/>Supplicemus et militi,<br/>Ut illi regi Domino<br/>Conjungamur cum famulo.</p> <p>6. Ut ea, quae commisimus,<br/>Condonet rex piissimus<br/>Amici sui precibus<br/>Coelique jungat civibus.</p> |
|---|--|
7. Praestet pater ingenuus  
Ejusque unigenitus,  
Deus et homo filius,  
Hoc et amborum spiritus.

Brev. ms. Aniciense saec. 15. Cod. Capit. Anicien. s. n. A. — Brev. ms. Aniciense saec. 15. Cod. Parisin. 1304. B. — 3, 1 Fidelis ut relatio A. — 5, 3 Illi qui regi Domino A. — 5, 4 Coelestia condonet famulo A. — 6, 1 amissimus B. — 6, 4 fehlt B. — 7, 4 Hoc est A.

### 132. De sancto Bartholomaeo.

Ad Vesperas.

- |   |  |
|---|--|
| <p>1. Sublime saeculis gaudium<br/>Chorus persolvat omnium,<br/>Claro resultans lumine<br/>Apostolorum gloriae.</p> | <p>2. De quorum sorte splendida<br/>Bartholomaeus emicat<br/>Condignus apostolico<br/>Vocari patrocinio.</p> |
|---|--|



- |   |  |
|---|--|
| <p>3. Qui compar inter principes<br/>Orbis terrarum iudices<br/>Defendat nos examine<br/>Severitatis ultimae.</p> | <p>4. Cui plaudunt insignia<br/>Miraculorum milia,<br/>Ut protestatur India,<br/>Per te redempta gratia.</p> |
|---|--|
5. Praesta, salvator omnium,  
Quo constat omne saeculum,  
Bartholomaei precibus  
Nos jungas in coelestibus.

Brev. ms. S. Theodorici saec. 12. Cod. Remen. 289. A. — Brev. ms. Theodorici saec. 14. Cod. Remen. 292. B. — 3, 3 Defendat nox A.

### 133. De sancto Benedicto.

1. Ut tuae vitae, Benedicte, laudes  
Nunc tui digne famuli canamus,  
Cordis impuri maculam tu apte  
Solve precatu.
2. Tu monachorum pater et magister  
Coelibem vitam sacer edidisti  
Atque doctrinae documenta signis  
Ipse probasti.
3. O nimis felix pater alme semper  
Angelis vita, spiritu prophetis,  
Patribus signis, Domini ministris  
Par documentis.
4. Est satis solos alios venire  
Et suas Christo animas lucrari,  
Tu subornatus grege centuplato  
Appetis astra.
5. O tot a Christo redimite sertis,  
Quot tuis scriptis animas lucraris,  
Inter has et nos simul adnotari,  
Sancte, precare.
6. Hoc pater praestet, hoc idem parentis  
Unicus natus sibi comperennis,  
Hoc sacer flatus, Deus unus omni  
Tempore saeculi.

Hymn. ms. Corbejense saec. 11. Cod. Ambianen. 131. A. — Brev. ms. Anglicanum saec. 10. Cod. Londinen. Harl. 2961. B. — Brev. ms. Nobiliacense saec. 13. Cod. Burdigalen. 85. C. — Vgl. Stephenson p. 72 sq. D. — 1, 3 macula tu pete C. — 1, 4 Solvi precatu C. — 2, 2 Celebem vitam D. — 2, 3 doctrina B, doctrinis C; documento A. — 3, 2 spiritus A. — 4, 1 satis sanctum alios BCD. — 4, 2 lucrare C. — 4, 3 Tu pater alme BD; Tu pater sancte C; grege cum centeno BCD. — 5, 1 Quo tot a A; Castra per orbem BCD, concentu resultant D, cantu resultant B, cantantur resultant C. — 5, 2 Et tuis scriptis animae lucrantur BCD. — 5, 4 precari B. — 6, 2 cum perennis C. — 6, 3 Deus unus una A. — 6, 4 Omne per aevum A. — Mel. nach 1, 1 und 3, 1 jedenfalls: Ut queant laxis.

### 134. De sancto Benedicto.

Ad Vesperas.

- |   |  |
|---|--|
| 1. Gloriosae civitatis<br>jam receptus moenibus,<br>Benedicte, pater sancte,<br>vacas Dei laudibus,<br>Primos gradus sanctitatis<br>tenens in sublimibus.           | 4. Cum falcastrum de profundo<br>sursum aquae rediit,<br>Tunc natura jussu tuo<br>sua jura perdidit,<br>Ita Deus vitam tuam<br>commendat miraculis.        |
| 2. Hoc cadaver mortuorum<br>redivivum loquitur,<br>Hoc caecorum plurimorum<br>visibus adstruitur,<br>Quod majestas deitatis<br>tuis paret precibus.                 | 5. Ista fiunt manifesta<br>per terrarum spatia,<br>Hinc laetantur boni greges<br>sub tua custodia,<br>Quia tibi non resistunt<br>quaelibet incommoda.      |
| 3. Quidam per te fluctus maris<br>pressit Petro tutius,<br>Fide currens ac revertens<br>non complutis pedibus,<br>Talis virtus est adscripta<br>Benedicti laudibus. | 6. Hinc laus tibi, sancte pater,<br>hinc honor et gloria,<br>Cujus sola dominatur<br>ubique potentia,<br>Cujus regnum non vacillat<br>per aeterna saecula. |

Brev. ms. S. Albini Andegaven. saec. 15. ex. Cod. Andegaven. 108.  
A. — Brev. S. Albini Andegaven. imp. Andegavi 1531. B. — Steht zum  
festum translationis in A.

### 135. De sancto Bernhardino.

In 1. Vesperis.

- |  |   |
|--|---|
| 1. Gaude, mater ecclesia,<br>Novum producens filium,<br>Cujus sacra solemnna<br>Plebs recenset fidelium.       | 5. Jesum voce melliflua<br>Eructavit in gentibus,<br>Dicens quaeque superflua<br>Praeter ipsum credentibus. |
| 2. Ortus de Massa creditur<br>Bernhardinus ex tempore,<br>Sed Aquilae congregitur<br>Coelum migrans e corpore. | 6. Virtutem, poenam, gloriam<br>Praedicavit et vitia<br>Atque mortis memoriam<br>Orbis terrae per spatia.   |
| 3. O beata nativitas,<br>Sacer quoque puerulus,<br>In quo fulsit fecunditas<br>Virtutum atque cumulus.         | 7. Sic a peccatis populum<br>Conatus est disjungere<br>Amorisque per vinculum<br>Semper Deo conjungere.     |
| 4. Nam ejus conversatio<br>Vitae nec non primordia<br>Fervensque praedicatio<br>Salutis sunt exordia.          | 8. Laus Christo Jesu debita<br>Sanctoque suo pariter<br>Bernhardino sit reddita<br>Ab omnibus concorditer.  |

Antiph. ms. Franciscan. Hibern. saec. 15. Cod. Coll. S. Trinitatis Dublinen. B 1. 2. A. — Psalt. ms. Franciscan. Mosaetrajecten. saec. 15. Cod. Hagen. J 4. B. — Brev. ms. Franciscan. de Brageriaco saec. 15. Cod. Burdigalen. 88. C. — Brev. ms. Franciscan. saec. 15. Cod. Parisin. 1049. D. — Brev. ms. Franciscan. saec. 15. Cod. Parisin. 13 244. E. — Brev. ms. Franciscan. saec. 15. Cod. Parisin. 1314. F. — 2, 1 de messa D. — 7, 1 Hic a peccatis D.

### 136. De sancto Bernhardino.

#### Ad Nocturnum.

- |  |   |
|--|---|
| 1. Splendor paternae gloriae<br>Mundo mire resplenduit,<br>Dum Bernhardinus varie<br>Divina luce claruit.    | 5. Nam monens hic salubriter<br>Reos ad poenitentiam,<br>Clamabant unanimiter<br>Dei misericordiam.           |
| 2. Haec lux serenum contulit<br>Caliginosis mentibus,<br>Dum verba vitae protulit<br>Ad ipsum confluentibus. | 6. Caedebant immanissime<br>Duris carnem funiculis,<br>Plangentes amarissime<br>Peccata coram populis.        |
| 3. Quis sane fari poterit,<br>Ad Deum quanto studio<br>Peccatores converterit<br>Doctrinae lucis radio?      | 7. Exemplum poenitentiae<br>Praebabant isti ceteris,<br>Linquentes indulgentiae<br>Formam sequendae posteris. |
| 4. De sacris his operibus<br>Attestatur Italia,<br>Quae de contritis cordibus<br>Fatur Dei magnalia.         | 8. Hujus ducatu semita<br>Reos ad Christum dirigat<br>Bernardini per merita,<br>Ejus iram qui mitigat.        |

Antiph. ms. Franciscan. Hibern. saec. 15. Cod. Collegii S. Trinitatis Dublinen. B 1. 2. A. — Psalt. ms. Franciscan. Mosaetrajecten. saec. 15. Cod. Hagen. J 4. B. — Brev. ms. Franciscan. de Brageriaco saec. 15. Cod. Burdigalen. 88. C. — Noct. ms. Franciscan. saec. 15. ex. Cod. Lugdunen. 476. D. — Brev. ms. Franciscan. saec. 15. Cod. Parisin. 1049. E. — Brev. ms. Franciscan. saec. 15. Cod. Parisin. 1314. F. — Brev. ms. Franciscan. saec. 15. Cod. Parisin. 13 244. G. — 1, 2 mire splenduit E. — 4, 3 Atque contritis B. — 4, 4 Fantur EF.

### 137. De sancto Bernhardino.

#### Ad Laudes.

- |  |  |
|--|--|
| 1. Beata coeli gaudia<br>Sanctus cum sanctis obtinet<br>Bernhardinus per media<br>Meritorum, quae retinet. | 4. Praedicator egregius<br>Cunctos docens utilia,<br>Cordis cujus vox ocius<br>Tangebatur penetralia.    |
| 2. Sacra vita promeruit<br>Jugis atque continua,<br>Quod adipisci debuit<br>Dona, quae sunt perpetua.      | 5. Usuras, meretricia,<br>Fraudes, lites compescuit,<br>Pompas et quaeque vitia<br>Detestando prohibuit. |
| 3. Hic pius et amabilis<br>Exstitit ab initio,<br>Castus, pauper et humilis,<br>Cavens ab omni vitio.      | 6. Sospitatis debilium<br>Collator fit salvificus<br>Defunctorumque plurium<br>Suscitator magnificus.    |

7. Signa quippe sunt omnia,  
Quod sanctus iste varie  
Meruerit perennia  
Gaudia coeli curiae.

8. Laudetur sancta trinitas,  
Virtute cujus facta sunt,  
Bernardinique sanctitas,  
Per quem donata consistunt.

Antiph. ms. Franciscan. Hibern. saec. 15. Cod. Coll. S. Trinitatis Dublinen. B 1. 2. A. — Psalt. ms. Franciscan. Mosaetrajecten. saec. 15. Cod. Hagen. J. 4. B. — Brev. ms. Franciscan. de Brageriaco saec. 15. Cod. Burdigalen. 88. C. — Brev. ms. Franciscan. saec. 15. Cod. Parisin. 1049. D. — Brev. ms. Franciscan. saec. 15. Cod. Parisin. 1314. E. — Brev. ms. Franciscan. saec. 15. Cod. Parisin. 13244. F. — 1, 1 Sacrata coeli gaudia D. — 1, 4 qui retinet F. — 2, 1 Vita sacra C. — 2, 2 Jugis ac continua D, Vicens atque E, Jugis atque continentia B. — 5, 3 Pompas atque vitia E. — 6, 1 Hospitatis (falsche Initiale) D; Hospitalis E. — 7, 1 Si qua quippe D. — 7, 3 Meruit D. — 8, 2 Cujus virtutes facta sunt E. — 8, 4 Per quam D, dogmata C.

### 138. De sancto Bernhardino.

In 2. Vesperis.

1. Proles clara, Christo cara,  
Divino freta munere,  
Mundo datur, plebs laetatur  
Jam lucis orto sidere.

2. Bernhardinus, vir divinus  
In salutem credentium  
Ardet totus, per te motus,  
Jesu, lux vera mentium.

3. Dum prudenter et ardentem  
Hic praedicando resonat,  
Obsecrando, increpando  
Vox clara, ecce, intonat.

4. Sic enervat et praeservat  
Plures a culpae sordibus,  
Hinc jucundus adsit mundus,  
Exsultet coelum laudibus.

5. Mundum istum propter Christum  
Calcans et cuncta terrea,  
Quaerens Deum mox in eum  
Lux, ecce, surgit aurea.

6. Hinc languores et dolores,  
Morbos sanat et vulnera,  
Quo censetur, quod meretur  
Aeterna Christimunera.

7. Miracula per saecula  
Fiunt ejus per media,  
Quisque curet, ut procuret  
Beata nobis gaudia.

8. Jesum laudat, quem collaudat  
Tota coelestis curia,  
Sic laudetur, per quem detur  
Aeterna coeli gloria.

9. Hunc precemur, quod locumur  
Sacro sanctorum agmini,  
Ut ita sit, nobis adsit  
Iste confessor Domini.

10. Qui nos servet et praeservet  
A morsu canis rabidi  
Nosque ducat et perducatur  
Ad coenam agni providi.

Antiph. ms. Franciscan. Hibern. saec. 15. Cod. Coll. S. Trinitatis Dublinen. B 1. 2. A. — Psalt. ms. Franciscan. Trajecten. saec. 15. Cod. Hagen. J. 4. B. — Brev. ms. Franciscan. de Brageriaco saec. 15. Cod. Burdigalen. 88. C. — Brev. ms. Franciscan. saec. 15. Cod. Parisin. 1049. D. — Brev. ms. Franciscan. saec. 15. Cod. Parisin. 1314. E. — Brev. ms. Franciscan. saec. 15. Cod. Parisin. 13244. F. — 4, 1 Hic emanat D. — 6, 3 censetur et DF; testetur quod. E. — 7, 3 ut fehlt. D. — Str. 9 und 10 fehlen DEF.



139. De sancto Bernhardino.

Ad Vesperas.

1. Magne Francisci celeberrime nate,  
Digna tam sacri soboles parentis,  
Tam sacrae stirpis pretiose fructus,  
O Bernhardine.
2. Nunc ades miti placidoque vultu  
Et pias audi meritisque laudes,  
Quas tibi laeto modulamur ore  
Turba fidelis.
3. Sancta praeluxit teneris ab annis  
Flosculis tamquam tua vita flagrans,  
Sobrium mirae referens et altae  
Mentis odorem.
4. Mox graves mundi fugiens labores  
Liber et tanta rabie malorum  
Te Deo cunctis penitus relictis  
Sponte dicasti.
5. Laeta jucundae capiens quietis  
Dona terrenis meliora cunctis  
Atque tranquillae placidaeque pacis  
Gaudia carpens.
6. Laus tibi, summe pater atque fili,  
Quique procedis simul ex utroque,  
Spiritus sancte, Deus unus idem,  
Laus tibi semper.

Brev. ms. Franciscan. saec. 15. Cod. Parisin. (Arsen.) 101. — 1, 2 sobolis. — 1, 4 O fehlt. — 2, 1 lies adsis?

140. De sancto Bernhardino.

Ad Nocturnum.

1. Surge nec tantum tibi crede natum,  
Cerne labentem populum fidelem  
Atque doctrinis monitisque sanctis  
Fortiter insta.
2. Nemo te lingua melior modisve  
Aptior mentes hominum movere,  
Sive turbatas rabido furore  
Sive remissas.
3. Mira sunt, quae tu quasi cultor agri,  
Optimus parens, bona seminasti,  
Unde virtutum seges orta crevit  
Tanta per omnes.



4. Unde tot diri scelerum reatus  
Eruti tamquam tribuli nocentes,  
Nec minus linguae tua vita compar  
Factaque dictis.
5. Quippe qui magnos apices et amplas,  
Qui facultates, totiens rogatus  
Spernis praeesse tenuisque vitae  
Ductus amore.
6. Laus tibi, summe pater atque fili,  
Quique procedis simul ab utroque,  
Spiritus sancte, Deus idem unus,  
Laus tibi semper.

Brev. ms. Franciscan. saec. 15. Cod. Parisin. (Arsen.) 101. — 3, 2  
Optimus pacem Hs. — 5, 3 Spernes Hs.

#### 141. De sancto Bernhardino.

Ad Laudes.

1. Clara sic cunctis tua facta virtus,  
Sic tuae sanctae vaga fama vitae,  
In dies major celebratiorque  
Coepit haberi.
2. Sic gravi tandem miseraque liber  
Mole terrena jubilans tulisti  
Digna pro tantis meritis supernae  
Praemia vitae.
3. Ut memor nostri, veluti solebas  
Ante morboris animis mederi,  
Omnibus morbis ita nunc gravata  
Corpora cures.
4. Gaudeat, quae te genuit Senensis,  
Ipsa quae nomen tibi gloriosum  
Insubris dedit, Aquilana quae te  
Patria servat.
5. Gaudeant omnes animae beatae,  
Spiritus omnis simul angelorum,  
Cum quibus felix habitas per aevum  
Omne triumphans.
6. Laus tibi, summe pater atque fili,  
Quique procedis simul ab utroque,  
Spiritus sancte, Deus idem unus,  
Laus tibi semper.

Brev. ms. Franciscan. saec. 15. Cod. Parisin. (Arsen.) 101. — 3, 4 curas. —  
4, 3 dedit ergänzt.

## 142. De sancto Bernhardino.

Ad Vesperas.

- |   |   |
|---|---|
| 1. Auctor orbis, victor morbis,<br>O quem virgo parturiit,<br>Bernhardinus vespertinus<br>Proles de coelo prodiit.    | 5. Almam prolem, pulchrum florem<br>In comitatu gloriae<br>Deus pavit et plantavit<br>En gratulemur hodie.      |
| 2. Alnum patrem, verum fratrem<br>Paupertatis tugurio<br>Vis professum, das confessum<br>In coelesti collegio.        | 6. Urbs serena tanto plena<br>Jam exsultat dotario,<br>Dic patenter, dic valenter:<br>Laus regi plena gaudio.   |
| 3. Aquilana, urbs vesana<br>Tunc adspexit miracula,<br>Sine fletu, sine metu<br>Plaude, turba pauper-<br>cula.        | 7. Urbs severa tunc revera<br>Multorum caedem civium<br>Statuisti, hunc misisti<br>Jesu, lux vera men-<br>tium. |
| 4. Decus morum extollitur<br>Per tantum patrem penitus<br>Et cuncti orbi noscitur<br>Franciscus, vir catho-<br>licus. | 8. Vivat Deus Nazaraeus,<br>Pater, verbum, paraclitus,<br>Nos confortare, visitare.<br>Veni, creator spiritus.  |

Brev. ms. Franciscan. anni 1463. Cod. Oxonien. Miscell. Liturg. 206.

A. — Brev. ms. Franciscan. saec. 15. Cod. Parisin. 1046. B. — 4, 2 Franciscus vir catholicus B. — 4, 4 Per tantum patrem penitus B. — 7, 2 sedem B.

## 143. De sancto Bernhardino.

Ad Laudes.

- |   |   |
|---|---|
| 1. Laudet Deum diluculo<br>Uterque chorus mutuo,<br>Per Bernhardinum inclitum<br>Mundum salvantem perditum. | 4. Caecis lumina renovat,<br>Arentes artus solidat,<br>Tabentes sensus sospitat,<br>Quos languor jam consumpserat.  |
| 2. Quo gaudet sine schismate<br>Jubilaeus annus coelitus,<br>Coronat diademate<br>Hunc praesul apostolicus. | 5. Hic foris templum praedicans<br>Cadentem sedat pluviam,<br>Absens migrantem viderat<br>Suae nutricis animam.     |
| 3. Qui vita et prodigiis<br>Per cunctum orbem rutilat,<br>Salutisque suffragiis<br>Fideles Christi visitat. | 6. Hinc omne laudet saeculum<br>Patrem, verbum, paraclitum,<br>Huic celebrans solemniam,<br>Sed pro merendi gratia. |

Brev. ms. Franciscan. anni 1463. Cod. Oxonien. Miscell. Liturg. 206.

A. — Brev. ms. Franciscan. (?) saec. 15. Cod. Londinen. Harl. 2864. B. — Brev. ms. Franciscan. anni 1492. Cod. Monacen. 23152. C. — Brev. ms. Franciscan. saec. 15. Cod. Parisin. 1046. D. — 1, 1 Deus D. — 2, 2 coelicus A. — 3, 4 Fidelesque C. — 4, 1 lumen ABD. — 4, 4 tam consumpserat C, tam praesumpserat BD. — Str. 5 fehlt C. — 5, 2 cedat fumiam D. — 6, 1 Hinc fehlt BC, verschrieben D.

144. De s. Bernhardo Monthono.

- |  |  |
|--|--|
| <p>1. Sancti spirat laus Bernardi<br/>Boni sicut ordo nardi,<br/>Qui signatur monte Jovis<br/>Sanctus esse signis novis.</p> <p>2. Est infernus mons Jovinus<br/>Caritatis factus sinus,<br/>Ibi Christus adoratur<br/>Et pascitur et potatur.</p> | <p>3. Fecit domum in inferno,<br/>Regi curam dat aeterno,<br/>Et quod porta fuit mortis,<br/>Paradisi patet portis.</p> <p>4. Per Bernardum est infernus<br/>Locus factus nunc supernus,<br/>Interveniatur pro nobis,<br/>Lapsis nimis montis Jovis.</p> <p>5. Deo patri gloriemur,<br/>Suum natum veneremur,<br/>Sanctum flamen collaudare<br/>Debet coelum, terra, mare.</p> |
|--|--|

Brev. ms. Montis Jovis saec. 13/14. Cod. Angelicus D V 9. add. saec. 15. — An anderer Stelle ist ein zweiter Hymnus zugeschrieben gewesen mit dem Anfang: Laudes Deo promittite Turbae piorum inclitae, das meiste ist aber vom Buchbinder abgeschnitten.

145. De sancto Blaano.

Ad Vesperas.

1. Christe, cunctorum praesulum corona,  
Permanens solus praesul sempiternus,  
Festa Blaani praesulis nos digne  
Fac celebrare.
2. Hic calcans mundi cuncta blandimenta  
Servire tibi digno famulatu  
Studuit semper, cum mansit in hujus  
Corpore mortis.
3. Multiplicavit dispensator prudens  
Sic sibi pauca commissa talenta,  
Quod supra multa coelo constitutus  
Gaudio regnat.
4. Quo, pie Christe, illius obtentu  
Te deprecamur, tanto cum patrono  
Fac conregnare culpis expiatis  
Servulos et nos.
5. Sit regi summo doxa, laus et virtus,  
Qui regnans unus tribus in personis  
Cuncta creavit, regit et per saecula  
Nescia finis.

Brev. Aberdonense imp. Edinburgae 1510. — 2, 3 fehlen zwei Silben; coelo ergänzt.

146. De sancto Blaano.

Ad Laudes.

- |   |   |
|---|---|
| 1. Turba refulsit coelica,<br>Plaudat chorus fidelium,<br>Digna Blaani merita<br>Commemorans alacriter.             | 4. Mire messorum reficit,<br>Cadit praedo per flumina,<br>Ignoscentisque praesulis<br>Servus abegit pecora. |
| 2. Hic Dei verbum praedicans<br>Gentes convertit perfidas,<br>Conversos per miracula<br>Crebra Christo consolidans. | 5. Christum rogemus supplices,<br>Ut per hujus precamina<br>Peccata pie condonans<br>Sua det nobis gaudia.  |
| 3. Piscem coxit spiramine,<br>Ignem profert ex digitis,<br>Regis natum ter suscitatur<br>Addens visum cum specie.   | 6. Sit Deo laus et gloria,<br>Trino simul et simplici,<br>Solus qui providentia<br>Cuncta regit mirabilis.  |

Brev. Aberdonense imp. Edinburgae 1510.

147. De sancta Blandina.

In Vesp. et Laud.

- |  |   |
|--|---|
| 1. Rex aeternae, piissime,<br>Tu fidelium redemptor,<br>Atque Blandinae protector<br>Virginis benignissime.    | 4. Tremunt videntes daemones<br>Hanc in gloriam erectam,<br>Ut ergo per viam rectam<br>Nos eamus omnes, ores.         |
| 2. Quae ascendit ad gloriam<br>Per martyrii triumphum<br>Atque passionis scyphum,<br>Quem bibit, et victoriam. | 5. Tu esto nobis gaudium,<br>Contra morbos et vitia<br>Adjutrix et propitia<br>Et singularis domina.                  |
| 3. Ut animae potentiam<br>Trinam rex noster protegat<br>Actusque nostros dirigat,<br>Suam roget clementiam.    | 6. Hinc te precantes quaesumus,<br>Fac, ut nobis Deus parcat<br>Nosque ad gloriam ducat<br>Sempiternam, quam optamus. |

Brev. Athanatense imp. in Coenobio Athanatensi 1520. — 1, 4 fehlen drei Silben; virginis ergänzt. — 3, 4 Tuam roget. — 4, 4 oret; der Reim mit 4, 1 sowie die folgenden Strophen scheinen ores zu fordern. — 5, 2 Blandina contra morbos et vitia.

148. De sancta Blandina.

Ad Nocturnum.

- |   |   |
|---|---|
| 1. Jesu, redemptor unice,<br>Martyrum dux et gloria,<br>Tu Blandinam mirifice<br>Sublimasti victoria, | 2. Quam traxisti daemonia,<br>Mundum carnemque vincentem,<br>Vitia quoque omnia<br>Et terrena conculcantem. |
|---|---|

- |   |   |
|---|---|
| <p>3. Penatum penetrans claustra<br/>Valde fidelis et fervens,<br/>Martyrii petit antra,<br/>In quibus monstratur constans.</p> | <p>5. Tu esto nostrum gaudium<br/>In hoc fallibili mundo,<br/>Ut attingamus bravium,<br/>Prius tamen corde mundo.</p> |
| <p>4. Ipsa nunc coelo residens<br/>Te rogamus, o domina,<br/>Ut Deus nobis sit clemens,<br/>Fac, per saecula sempiterna.</p>    | <p>6. Gloria donetur patri<br/>Jesuque, ejus filio,<br/>Atque sancto spiritui<br/>Nunc et aeo perpetuo.</p>           |

Brev. Athanatense imp. in Coenobio Athanatensi 1520.

#### 149. De sancto Blasio.

- |   |  |
|---|--|
| <p>1. Adstemus mente vigili<br/>Summo summorum principi<br/>RecurSIONe annua<br/>Lucis agentes gaudia.</p>            | <p>3. Hunc invocemus intimis<br/>Suspiriis et lacrimis<br/>Ut in exactu judicis<br/>Poenas excuset meritis.</p>  |
| <p>2. Qua beatum pontificem,<br/>Sanctae legis opificem,<br/>Blasium chorus coelitum<br/>Conjunxit per martyrium.</p> | <p>4. Concedat hoc ingenitus<br/>Ingenitoque genitus<br/>Et ex utroque prodiens,<br/>Unus cuncta diffiniens.</p> |

Hymn. ms. Veronensis saec. 11. Cod. Capit. Veronen. 109.

#### 150. De sancto Blasio.

Ad Vesperas.

- |   |   |
|---|---|
| <p>1. Athletae magni Blasii<br/>Personemus praeconia,<br/>Mediante propitii<br/>Patravit beneficia.</p>               | <p>4. Examinatur acriter<br/>Per diversa supplicia,<br/>Quem consolatur dulciter<br/>Christi misericordia.</p>      |
| <p>2. Praefulget innocentia,<br/>Mentis odor diffunditur,<br/>Sic in urbe Sebastia<br/>Fidelibus praeficitur.</p>     | <p>5. Sic per lictoris gladium<br/>Transit ad coeli solium,<br/>Secum ducens consortium<br/>Duorum innocentium.</p> |
| <p>3. Praesul latere cupiens<br/>Solis vacat coelestibus,<br/>In publicum deveniens<br/>Crebris micat virtutibus.</p> | <p>6. Sit trinitati gloria<br/>Triumphanti per Blasium,<br/>Cujus nobis praeconia<br/>Procurent vitae praemium.</p> |

Brev. ms. Nemaucense saec. 15. Cod. Roman. 1189. Sessor. 138. — 1, 3  
lies: Medicantis propitii? — 1, 4 Petrantis. — 2, 4 proferre. — 3, 1  
laetare. — 5, 1 per dictoris. — 5, 3 Cecum ducens,



# 151. De sancto Blasio.

Ad Laudes.

- |   |   |
|---|---|
| 1. Cultorem Christi Blasium,<br>Clarum mirandis titulis,<br>Praesens laudet collegium<br>Et exaltet in populis. | 4. Consummat tirocinium<br>Martyr Christi per gladium,<br>Sic rex creator omnium<br>Justum solvit stipendium. |
| 2. Fidem servans catholicam,<br>Mentem gerens angelicam<br>Et vitam apostolicam<br>Coronam civit coelicam.      | 5. Hujus triumphi gloria<br>Claret et innocentia<br>Triumphantis et gratia<br>Signorumque frequentia.         |
| 3. Septem devotae feminae<br>Sacrum cruorem colligunt<br>Sicque pro Christi nomine<br>Dira perferre diligunt.   | 6. Sit trinitati gloria<br>Triumphanti per Blasium,<br>Cujus nobis praeconia<br>Procurent vitae praemium.     |

Brev. ms. Nemaense saec. 15. Cod. Roman. 1189. Sessor. 138. — 1, 4 exsultet. — 3, 4 proferre.

# 152. De sancto Blasio.

Ad Vesperas.

- |   |  |
|---|--|
| 1. Cordis, oris tripudio<br>Congratulemur Blasio<br>Et in ejus constantiam<br>Christo canamus gloriam.      | 4. Clamat inter supplicia:<br>Christus in sua gratia<br>Me confortat et ideo<br>Poenas, ait, non timeo.    |
| 2. Vir bonae praesul indolis<br>Sebasteis ab incolis<br>Fit martyr suo sanguine<br>Fuso pro Christi nomine. | 5. Collum truncatur capite,<br>Directo scandit tramite<br>Honore pro victoria<br>Coronatur in gloria.      |
| 3. Idola spernens capitur,<br>Captus flagellis caeditur<br>Ferreisque pectinibus<br>Laniatur in carnibus.   | 6. Ejus, o Christe, precibus<br>Tuis parce supplicibus,<br>Unus patri cum flamine,<br>Gloria tibi, Domine. |

Brev. ms. Aquense saec. 15. Cod. Parisin. 2061. A. — Brev. ms. Aniciense saec. 15. Cod. Capit. Anicien. s. n. B. — Brev. ms. Valentinense saec. 15. Cod. Atrebaten. 1142 (552). C. — Brev. Forojuliense imp. Taurinis 1495. D. — Brev. Arelatense imp. Arelati 1501. E. — Brev. Aptense imp. Lugduni 1532. F. — 1, 2 Congratuletur A. — 2, 1 Sebastis et ab D. — 5, 1 Celum truncatur DE, Telo truncatus B. — 5, 4 Honoratur in A.

# 153. De sancto Blasio.

Ad Laudes.

- |  |   |
|--|---|
| 1. Nostris intende laudibus,<br>Qui laudas in coelestibus<br>Trinum Deum mirificum,<br>Martyr Dei, qui unicum. | 2. Da, Blasi, supplicantibus,<br>Quod Christus te poscentibus<br>Promisit se tribuere<br>Tui precatus munere. |
|--|---|

- |  |  |
|--|--|
| <p>3. Cum puer morti deditus<br/>Per te sanatur coelitus,<br/>Mortis per tua merita<br/>Soluta sunt jam vincula.</p> | <p>5. Cum Blasio fac vivere<br/>Suumque festum colere<br/>Nos semper devotissime,<br/>Praesta, pater piissime.</p> |
| <p>4. Te lacus sursum tenuit,<br/>Qui gentiles absorbit,<br/>Fisos in idolatria,<br/>Deo patri sit gloria.</p>       | <p>6. Ab utroque lux radians,<br/>Hic radia nos expians,<br/>Simplex et sola deitas,<br/>O lux beata trinitas.</p> |

Brev. ms. Aquense saec. 15. Cod. Parisin. 1061. A. — Brev. ms. Aniciense saec. 15. Cod. Capit. Anicien. s. n. B. — Brev. ms. Valentinense saec. 15. Cod. Atrebaten. 1142 (552). C. — Brev. Forojuliense imp. Taurinis 1495. D. — Brev. Arelatense imp. Arelati 1501. E. — Brev. Aptense imp. Lugduni 1532. F. — 4, 1 Te locus sursum D; De lacu sursum B. — 4, 3 Philosophos idolatria A; Fisos in E; Fijos in D. — 5, 4 Jesu piissime AD.

#### 154. De sancta Brigida.

- |   |   |
|---|---|
| <p>1. Phoebi diem fert orbita<br/>Plenum decoris gratia,<br/>Qui Brigitae pro laurea<br/>Mundo ministrat gaudia.</p>          | <p>5. Ob Salomonis gloriam<br/>Reliquit Aethiopiam,<br/>Ornant olivae vasculum,<br/>Regale sumat ferculum.</p>        |
| <p>2. Hanc spina tamquam lilium<br/>Stirps protulit mortalium,<br/>Splendore carnis nobilem,<br/>Candore carnis caelibem.</p> | <p>6. Haec gemma regis fulgida<br/>Numae kalendis sarcina<br/>Soluta carnis coelica<br/>Conscendit ad palatia.</p>    |
| <p>3. Haec pro supernis ceteras<br/>Carnis fugit blanditias,<br/>Aegris tulit levamina<br/>Egentibus cibaria.</p>             | <p>7. Ubi laborum praemio<br/>Jam compta flore lacteo<br/>Gregi adhaeret candido,<br/>Agnoscat canens altissimo.</p>  |
| <p>4. Sponsaque per suffragium<br/>Hostile vicit proelium,<br/>Signis et actu vivere<br/>Se monstrat arvis coelice.</p>       | <p>8. Ah, nos pudoris speculum<br/>Virtute duc precaminum,<br/>Laudemus ut pro gratia<br/>Tecum regentem saecula.</p> |
9. Laus sit patri, laus filio,  
Laus flammis sanctissimo,  
Uni substantialiter  
Trinoque personaliter.

Hymn. ms. Hibern saec. 10/11. Cod. Coll. S. Trinitatis Dublinen. E 41.  
2. — 3, 1 supernis cedere. — 4, 2 Hostile vicit praemium. — 6, 2 Der Todestag der Heiligen ist der erste Februar, der vom Dichter Numae Kalendae genannt wird, weil der Monat Februar der römischen Überlieferung zufolge von Numa Pompilius eingeführt worden.

155. De sancto Caesario.

Ad Vesp. et Noct.

- |   |   |
|---|---|
| <p>1. Salve, Dei o athleta<br/>verusque deicola,<br/>Numeratus inter membra<br/>ejus beatissima,<br/>Cum quo gaudes in superno<br/>coelorum palatio.</p> <p>2. Cum fuisti hujus vitae<br/>clausus taetro carcere,<br/>Extendisti ad supernum<br/>clarum lumen patriae,<br/>Ubi magno cum decore<br/>laetaris magnifice.</p> <p>3. Miserere tuae plebi,<br/>tibi tantum supplici,<br/>Veniam poscens delicti<br/>criminosi populi,<br/>Veneno commaculati<br/>foetido diaboli.</p> | <p>4. Incolarum coelicorum<br/>junctus es a Domino,<br/>Cui servisti devoto<br/>corde et purissimo,<br/>Cum quo gaudes in praepulchro<br/>sanctorum collegio.</p> <p>5. Exoramus toto nisu<br/>cordis, mentis gemitu,<br/>Ut sanctorum in conventu<br/>laetemur intuitu,<br/>Gaudeamus atque visu<br/>regis Domini Jesu.</p> <p>6. Deo patri sit praecelsa<br/>et aeterna gloria,<br/>Ejus proli laus devota<br/>cum luce clarissima,<br/>Flamini sit laus sonora<br/>in aeterna saecula.</p> |
|---|---|

Brev. Arelatense imp. Arelati. 1501. — 3, 6 fetitudo diaboli. — 6, 1 sic praecelsa.

156. De sancto Caesario.

Ad Laudes.

- |   |  |
|---|--|
| <p>1. Felix dies jam resurgit<br/>clarus atque nobilis,<br/>Revehit qui festum nobis<br/>praesulis Casarii,<br/>Illius pii pastoris<br/>nobis tam amabilis.</p> | <p>2. Ora, pater, ora, pastor,<br/>pro devoto populo.<br/>Monachorum, clericorum<br/>sacro pro collegio,<br/>Ut immunes ab inferno<br/>copulemur Domino.</p> |
|---|--|
3. Sit laus patri, sit laus proli  
et sancto spiritui,  
Qui nos peccatis dimissis  
liberet ab inferis,  
Societ cum sanctis suis  
angelicis civibus.

Brev. Arelatense imp. Arelati 1501.

157. De sancto Cannato.

Ad Vesperas.

- |  |   |
|--|---|
| <p>1. Gaudeat urbs Massilia<br/>Per sanctorum solemnia,<br/>Pastor cujus est Cannatus<br/>Conjunctus ei Maurontus.</p> | <p>2. Ambo simul cum ceteris<br/>Sanctis orent pro servulis,<br/>Remittat eis scelera,<br/>Qui regna dat coelestia.</p> |
|--|---|

- |   |  |
|---|--|
| <p>3. Ut valeant conscendere,<br/>Ubi regnat rex gloriae,<br/>Et cum sanctorum coetibus<br/>Congaudeant coelestibus.</p> <p>4. Tu, praeclare Antonine,<br/>Qui es pastor justitiae,<br/>Ora pro nobis Dominum,<br/>Ne temptemur per malignum.</p> | <p>5. Et post mortis exsilia<br/>Tecum simus in gloria,<br/>Et cum sanctis martyribus<br/>Jungamur confessoribus.</p> <p>6. Sit laus patri cum filio,<br/>Sancto simul paraclito,<br/>Qui per eorum merita<br/>Nos perfrui det gloria.</p> |
|---|--|

*Brev. Massiliense imp. Lugduni 1530.*

### 158. De sancto Cannato.

*Ad Laudes.*


- |   |   |
|---|---|
| <p>1. Rex Christe o piissime,<br/>Qui es formator machinae,<br/>Cui servivit Cannatus,<br/>Bonus, sanctus atque castus.</p> <p>2. In deserto commedebat<br/>Radices dum consistebat,<br/>Nam loci prae angustia<br/>Ejus aquae sunt pocula.</p> | <p>3. Ut tibi, Christe, serviret<br/>Regnumque mundi sperneret,<br/>Quod eidem veniebat,<br/>Verbum tuum audiebat.</p> <p>4. Sit laus patri cum filio,<br/>Sancto simul paraclito,<br/>Qui per eorum merita<br/>Nos perfrui det gloria.</p> |
|---|---|

*Brev. Massiliense imp. Lugduni 1530.*

### 159. De sancto Cantio.

*Ad Vesperas.*

- |  |   |
|--|---|
| <p>1. In honore trinitatis<br/>Laudem tribus sociis,<br/>O fideles, impendatis<br/>Paribus praeconiis<br/>Ac tres pares attendatis<br/>Vita, nece, praemiis.</p> <p>2. Hos attollit per Romanos<br/>Atavos nobilitas,<br/>Quos appellat Cantianos<br/>Nominis aequalitas,<br/>Hos adunit ut germanos<br/>Fides, spes et caritas.</p> <p>3. Erat autem haec germana<br/>Romae praesens concio,<br/>Cum per urbem inhumana<br/>Perstrepebat jussio,<br/>Quod in plebe Christiana<br/>Saeviret occisio.</p> | <p>4. Jussionis hujus durae<br/>Audita saevitia<br/>His exire fuit curae<br/>Urbis saevae moenia,<br/>Ubi mortis incursum<br/>Spondentur stipendia.</p> <p>5. Dum Romanae sunt relictæ<br/>Urbis appenditia,<br/>Urbem petunt, quae tunc dicta<br/>Erat a Aquileia,<br/>Ubi credunt, quod restricta<br/>Magis sit malitia.</p> <p>6. Sed vult secus operari<br/>Dei dispensatio,<br/>Quae lucernam occultari<br/>Non perfert sub modio,<br/>Nam ut queant coronari,<br/>Maturat martyrio,</p> |
|--|---|





7. Urbis intrant simul fores,  
Ad quam simul properant,  
Ubi vident saeviores,  
Quam Romae reliquerant,  
Nam ad ictus se lictores  
Contra sanctos efferant.
8. Illic vinclis subjacebat,  
Quorum non est numerus,  
Illum regem qui colebant,  
Cujus regnat humerus,  
Per quem vinci se videbant  
Lucifer et inferus.
9. Dum sanctorum divulgatur  
Adventus fidelium,  
Dehinc lictor delegatur  
Deferens imperium,  
Jovi chorus ut cogatur  
Ferre sacrificium.
10. Sancti jussum audientes  
Unum Deum praedicant,  
Plures deos diffidentes  
Uni Deo supplicant,  
Christianos se dicentes  
Christum sic magnificent:
11. Una Deo confitemur  
In Christum nos credere,  
Quem omnino profitemur  
Velut summum colere,  
In quo sumus et movemur,  
Qui nobis est vivere.
12. Est in florem virgae Jesse  
Credendum realiter,  
Nulli potens est prodesse  
Ille miser Jupiter,  
Hunc qui colunt, est necesse  
Condemnari turpiter.
13. Dum responsa germanorum  
Geruntur ad judicem:  
Decet, inquit, ut deorum  
Dedecus mox vindicem  
Sententia, quod eorum  
Quisque perdat verticem.
14. Ut recedant, colloquuntur  
Sancti, pro saevitia,  
Jugo muli conjunguntur  
Ad viae servitia,  
Sed viarum corrumpuntur  
Intra parva spatia.
15. Hujus viae velox gressus  
Non est fugae vitium,  
Sed apertus est professus  
Servorum fidelium,  
Quos ad mortem indefessus  
Ducit ad martyrium.
16. Sancti simul comprehensi  
Persequentum rabie,  
Consequenter dantur ensi  
Et sic sunt in requie,  
Quorum villa nunc Stampensi  
Quiescunt reliquiae.
17. Coelum post ingrediuntur,  
Subintrant identiter,  
Nam ad mortem non traduntur  
Aliter et aliter,  
Una hora sed plectuntur  
Et ab uno pariter.
18. Res miranda, digna dictu,  
Dei surgens opere,  
Quod furoris in conflictu  
Mortis dato vulnere  
Lac in ipso coepit ictu  
Ferientis fluere.
19. Sit laus summae trinitati,  
Sit honor et gloria,  
Pro qua sancti simul pati  
Pensarunt supplicia,  
Ut in donis compensati  
Meterent duplicia.

Cod. Parisin. 17331. saec. 16. — 4, 1 dirae. — Vor Str. 7 Divisio ad Nocturn. — 9, 2 wieder sanctorum fidelium; adventus Konjektur. — 11, 1 confitentur. — 11, 2 se credere. — 11, 3 profitentur. — Vor Str. 13 Divisio ad Laudes. — 16, 2 Per quentem rabie. — Mel.: Pange lingua.



160. De ss. Caprasio et Venantio.

1. Sanctorum merita pangamus, socii,  
Caprasii, Venantii, quorum vestigia  
Sequamur humili corde et opere  
Laudantes digne Dominum.
2. Primus pastor fuit docens discipulum,  
De stirpe regia natum sed gratia,  
Qua fiunt omnia, fonte baptismatis  
Renatum plene reddidit.
3. Hi sunt, quos inclita haec tenet insula,  
Quos multi martyres, sed plus confessores  
Ac plures praesules sese secuti sunt  
Ad regna juste coelica.
4. Athleta juvenis, offer obsequia  
Pro tuis famulis, per tua merita  
Duc nos ad bravia, quibus inhabitas,  
Per tuas sanctas semitas.
5. Te, trina deitas unaque, poscimus,  
Ut tu nos visites horum precatibus,  
Nos quoque collocans tuis agminibus  
Finitis vitae cursibus.

Brev. ms. Lirinense saec. 15. Cod. Parisin. 10486. — 3, 4 juste coelestia. — 5, 3 collocens.

161. De sancto Cassiano.

Ad Laudes.

- |   |  |
|---|--|
| 1. Exsultent mundi climata,<br>Regio magis Gallica<br>Cassianoque cantica<br>Voce depromat physica.         | 5. Post transfretavit maria,<br>Repertus est in Gallia<br>Docens Dei magnalia<br>Per populos aequalia.     |
| 2. Fundatoris coenobii<br>Testis Victoris Domini,<br>Cassiani mellifui<br>Festum colamus cernui.            | 6. Construxit post coenobium<br>Honore Dei martyrum<br>Sat ingens et maritimum<br>Et cunctis famosissimum. |
| 3. Hic natione Scycticus,<br>Omni doctrina fulgidus,<br>Minus nullo sublimius,<br>Quod se patet legentibus. | 7. Pater hic in Massilia<br>Fratrum est quinque milia,<br>Valde quibus utilia<br>Descripsit mirabilia.     |
| 4. Effectus puer monachus<br>Et eremita publicus<br>Vixit in illis partibus<br>Sanctus plenus dogmatibus.   | 8. Cujus fulget Italia<br>Doctrina cum Hispania,<br>Ut lampade Titania<br>Cunctam pellens vesaniam.        |

- |  |  |
|--|--|
| <p>9. Perpetrata post mystica<br/>Prole nam cum Davidica<br/>In patria politica<br/>Magnus regnat coelicola.</p>   | <p>10. Cassiane sanctissime,<br/>Roga Deum saepissime,<br/>Tuus sequatur gregulus,<br/>Quo pervenisti praevious.</p> |
| <p>11. Laudetur semper trinitas,<br/>Omnis prorsus divinitas,<br/>In Cassiani gloria<br/>Cum ingenti victoria.</p> |  |

Brev. ms. S. Victoris Massiliensis anni 1497 (Privatbesitz). — Ganz so findet sich der Hymnus auch in dem spätern Proprium von Marseille, imp. 1568, nur dafs unsere Quelle 7, 4 Desumpsit statt descripsit liest.

### 162. De sancto Cassiano.

Ad Nocturnum.

- |  |   |
|--|---|
| <p>1. Audi, Deus, clamantium<br/>Ad te preces, adstantium<br/>In Cassiani gloria<br/>Ac transitus memoria.</p>               | <p>5. Hunc Galliae degentibus<br/>Aegyptus ex parentibus,<br/>Plenum dedit dogmatibus<br/>Charisma sancti spiritus.</p> |
| <p>2. Qui nominis causa tui<br/>Oblitus est rerum sui<br/>Fecitque vim multam sibi,<br/>Habere quo posset tibi.</p>          | <p>6. Hunc per Dei consilia<br/>Deveniens Massiliam<br/>Fecit duo coenobia<br/>De speciali copia.</p>                   |
| <p>3. Nam dum beate vivere<br/>Parvus puer decerneret,<br/>Non haesitavit mittere<br/>Collum jugo sub regulae.</p>           | <p>7. Hinc plurimarum virginum<br/>Ac monachorum milium<br/>Christo dicat mox agmina<br/>Sanctus pater sub regula.</p>  |
| <p>4. Perfectus hinc Christicola<br/>Per vasta deserti loca<br/>Famem sitimque et frigora<br/>Per longa suffert tempora.</p> | <p>8. Post multa quorum milia,<br/>Quae misit ad coelestia,<br/>Deductus ipse postmodum<br/>Ad coelicum palatium.</p>   |

9. Sit laus patri cum filio  
Sanctoque cum paraclito,  
Qui Cassiano gloriam  
Concessit et victoriam.

Brev. ms. S. Victoris Massilien. anni 1497 (Privatbesitz). — 2, 3 vim multa sui. — 2, 4 lies: Placere quo? — 5, 2 lies: Aegyptiis?

### 163. De sancto Castore.

In 1. Vesperis.

1. Concinens festum celebret fidelis  
Plebs sacer noster, quia scandit aethra  
Hodie sanctus merito refulgens,  
Comptus honore.

2. Urbe Aptensi renitet beatus  
Castor et pastor pariterque dignus,  
Pontifex noster simul et sacerdos  
Mansit in aevum.
3. Nobilis natus generis probatur  
Ac parentelae legitur senilis,  
Dives effectus dapibus gazarum,  
Doctus honeste.
4. Qui legens multum studiis repletur,  
Lecta novit quam potius legisset  
Atque sic fluctus rapuit profundos,  
Doctus ut esset.
5. Inde, quas mundo reparavit actus,  
Ad Deum prorsus revehuntur, usus  
Sicque, quo vixit, Domino dicavit  
In paradisum.
6. Gaudet amplecti pietatis usum,  
Pauper in rebus maluit teneri,  
Ut Deo junctus potuisset astris  
Dives haberi.
7. Gloriam patri referamus almo  
Ac suae proli simul aequae sancto  
Flamini, semper Deus est et unus  
Omne per aevum.

Brev. Aptense imp. Lugduni 1532. — 1, 3 refulget.

#### 164. De sancto Castore.

Ad Nocturnum.

- |   |   |
|---|---|
| 1. Confessorum consortio<br>Castor collega colitur,<br>In sanctorum rosario<br>Confessor hic inseritur. | 4. Terrena Castor gaudia<br>Caduca sprevit penitus<br>Anhelans ad coelestia,<br>Vitam contemplans coelitus. |
| 2. Apte Castoris praesulis<br>Vita fulget in gratia,<br>Insignita miraculis<br>Devotione praevia.       | 5. Honestae vitae opera<br>Hic in terra exercuit,<br>Ob quam sanctorum foedera<br>Castor pius promeruit.    |
| 3. Salutis verbum docuit<br>Et fidei insignia,<br>Aptae plebi dum praefuit<br>Verus pastor in gratia.   | 6. Roga, Castor, summum regem<br>Et sanctorum collegia,<br>Ut conservet tuum gregem<br>A daemonis versutia. |

Brev. Aptense imp. Lugduni 1532.

165. De sancto Castore.

Ad Laudes.

- |  |   |
|--|---|
| <p>1. Castor, praesul Aptensium,<br/>Aptam rexit in gratia,<br/>Convertens infidelium<br/>Coetus a gastrimargia.</p> <p>2. Tempus erat pluviosum,<br/>Dum hic Manancham pergeret,<br/>Nubilosum et ventosum,<br/>Ut vix se quisquam nosceret.</p> <p>3. Sed cereus lumen dabat<br/>Nec hic vento exstinguitur,<br/>Quem in manu deportabat<br/>Largus, nec imbre moritur.</p> <p>4. Castor missam celebrabat<br/>Salvatoris ecclesia,<br/>Nemo sibi ministrabat<br/>Nisi dia collegia.</p> | <p>5. Largus inde divulgare<br/>Volens facti praeconia,<br/>Sanctus ei: noli, care,<br/>Revelare coelestia.</p> <p>6. Si dixeris, quae videris,<br/>Perdes vitae solatia,<br/>Mortis casu decideris<br/>Ad loci trini spatia.</p> <p>7. Id idem Largo contigit,<br/>Quod hic sanctus praedixerat,<br/>Nam mortis casu cecidit,<br/>Quia non haec celaverat.</p> <p>8. Deo patri laus, gloria<br/>Detur et unigenito,<br/>Cui virtus, potentia<br/>Sancto simul paraclito.</p> |
|--|---|

Brev. Aptense imp. Lugduni 1532.

166. De sancto Cataldo.

Ad Vesperas.

- |  |   |
|--|---|
| <p>1. Cataldus, pudicitiae<br/>Flos et candoris lilium,<br/>Sanctitatis et gratiae<br/>Vas et honor fidelium.</p> <p>2. Splendens doctrinae radiis<br/>Virginis domum fabricat<br/>Radiansque prodigiis<br/>A morte functos revocat.</p> | <p>3. Factus in vitae speculum<br/>In praesulem eligitur,<br/>Pandit scripturae pabulum,<br/>Christi fides erigitur.</p> <p>4. Gaude, Tarenti civitas,<br/>Tali ditata corpore,<br/>Cujus mira suavitas<br/>Infirmos firmat robore.</p> |
|--|---|

5. Deo patri sit gloria.

Colgan Acta SS. Hiberniae p. 556 ex „Officio S. Cataldi Confessoris etc. imp. Parisiis 1607“.

167. De sancto Cataldo.

Ad Laudes.

- |  |   |
|--|---|
| <p>1. Pange, lingua, mirifici<br/>Confessoris praeconium,<br/>Qui nos prece multiplici<br/>Ducat ad coeli gaudium.</p> <p>2. Cataldus, cujus hodie<br/>Recolitur memoria,<br/>Jam revelata facie<br/>Regem cernit in gloria.</p> | <p>3. Hic mortuos resuscitat<br/>Visumque caecis tribuit,<br/>Hic daemones suppeditat,<br/>Linguas mutorum acuit.</p> <p>4. Curantur et lunatici<br/>Confessoris praesidio,<br/>Sanantur et frenetici<br/>Repulso procul vitio.</p> |
|--|---|

- |  |  |
|--|--|
| <p>5. Surdi patenter audiunt,<br/>         Lepra mundatur propere,<br/>         Contracti cursum capiunt<br/>         Hujus precatus munere.</p> | <p>6. Quae vox, quae lingua promere<br/>         Tot admiranda sufficit?<br/>         Nam versu cuncta stringere<br/>         Vox inexperta deficit.</p> |
|--|--|

7. Deo Patri sit gloria.

Colgan, l. c. p. 558. A. — Brev. Gallicano-Siculum imp. Venetiis 1527.  
 B. — Str. 4 und 5 fehlen A.

### 168. De sancto Christophoro.

- |   |  |
|---|--|
| <p>1. Pange, lingua, Christophori<br/>         Celebre martyrium,<br/>         Cui nunc angelorum chori<br/>         Aula triumphantium<br/>         Cantus jubulant decori<br/>         Nutu regis gentium.</p> <p>2. Nobis liquet, quod hic satus<br/>         Cananaeo germine,<br/>         Corde servit inaltatus,<br/>         Satan lusit tegmine,<br/>         Sed cui dabat famulatus,<br/>         Miro linquit ordine.</p> <p>3. In suprema meta sectae<br/>         Positus, sermonibus<br/>         Eremitae dum directe<br/>         Obaudit in omnibus,<br/>         Portat, palpat Christum recte<br/>         Humeris et manibus</p> | <p>4. Verbum per hunc seminatur,<br/>         Quo populis proficit,<br/>         Casside mox cruciatur,<br/>         Sed rumphea deficit,<br/>         Statim coelum praestolatur,<br/>         Sic habet, quod sufficit.</p> <p>5. Tantum ergo Palaestritam<br/>         Veneremur cernui,<br/>         Nobis ut det post hanc vitam<br/>         Luce sancta perfrui,<br/>         Nostram dirigens semitam<br/>         Et supplens defectui.</p> <p>6. Genitori genitoque<br/>         Christophori crucio,<br/>         Procedenti ab utroque<br/>         Honor, benedictio<br/>         In aeternum, ultra quoque<br/>         Perpes sit laudatio.</p> |
|---|--|

Psalt. ms. S. Fusciani saec. 12. Cod. Ambianen. 19. add. saec. 14/15.  
 A. — Psalt. ms. S. Fusciani saec. 15. Cod. Ambianen. 20. add. saec. 15. B.

### 169. De sancto Christophoro.

Ad Veperas.

- |  |   |
|--|---|
| <p>1. Laudes dicamus Domino<br/>         Christophori martyrio,<br/>         Quem Dagnus decollaverat,<br/>         Antequam sibi crederat.</p> <p>2. Sagitta fixa lateri<br/>         Impervio Christophori<br/>         Exsiliit in oculum<br/>         Caecando Dagnum miserum.</p> <p>3. Et sanguis aromaticus<br/>         Admistus terra martyris<br/>         Hujus caecati lumina<br/>         Clare referunt omnia,</p> | <p>4. Aquilina et Nicea,<br/>         Ambae sorores, sustinent<br/>         Per supradictum martyrem<br/>         Sertum sui martyrii.</p> <p>5. Flores et frondes virgula<br/>         Emisit hujus plurimos<br/>         Omnes virides, martyre<br/>         Jubente ligno egredi.</p> <p>6. Per cujus mirabilia<br/>         Sunt quadraginta milia<br/>         Octo Christum credentia<br/>         Et martyrem sequentia.</p> |
|--|---|



7. Laus, honor sit altissimo,  
Qui contulit Christophoro  
Laudes perennes martyri  
In saeculorum saecula.

Brev. ms. Franciscan. saec. 15. Cod. Parisin. 760. — 2, 2 Impredio  
Christophori Hs.

170. De sancto Christophoro.

Ad Laudes.

- |  |  |
|--|--|
| 1. Militantis ecclesiae<br>Exsultet chorus hodie<br>Pro triumpho victoriae<br>Tuae, martyr Christophore.     | 4. Quadringentorum militum<br>Te capere volentium<br>Mentes convertis ad Deum<br>Spernendo regis mandatum.       |
| 2. Tuam testantur gloriam<br>Virtutes ac miracula,<br>Quae te fecisse in vita<br>Sancta canit ecclesia       | 5. Dagni regis imperio<br>Subjiciuntur gladio,<br>Coronantur martyrio<br>In paradisi gaudio.                     |
| 3. Tu es insignis genere,<br>Tu Samson fortitudine,<br>Tu David pulchra facie,<br>Tu Paulus verbo doctrinae. | 6. Trino Deo et simplici<br>Laus, honor, virtus, gloria,<br>Qui nos prece Christophori<br>Ducat ad coeli gaudia. |

Brev. ms. Franciscan. saec. 15. Cod. Parisin. 760. — 3, 1 Tua signi  
genere Hs.

171. De sancto Christophoro.

Ad Laudes.

- |   |  |
|---|--|
| 1. Christophori collaudemus<br>Virtutum praeconium,<br>Gloriosum recitemus<br>Ipsius martyrium,<br>Ut per eum penetremus<br>Coeleste palatium.        | 4. Martyr orat, nec crematur<br>Nec sagittis tangitur,<br>Sagitta reciprocatur,<br>Lumen regis petitur,<br>Terra sanguine rigatur,<br>Regi visus redditur. |
| 2. Jacens humi prae dolore<br>Mulier erigitur,<br>Terra fixa virga flore<br>Vernans ramis oritur,<br>Plebs miratur miro more,<br>Populus convertitur. | 5. Christophore, veritatis<br>Doctor fulgens gratia,<br>Post tantae calamitatis<br>Praesentis dispendia<br>Fac aeternae claritatis<br>Nobis dari gaudia.   |
| 3. Rex turbatur, transmittuntur<br>Milites egregii,<br>Deum laudant, consequuntur<br>Coronam martyrii,<br>Mulieres patiuntur<br>Gemmis laetae bravii. | 6. Sit laus summo genitori<br>Perennis ingenito,<br>Una summo redemptori,<br>Patris unigenito,<br>Par decus consolatori,<br>Inclito paraclito.             |

Brev. ms. Lemovicense saec. 15. Cod. Mazarin. 350 (787). — 3, 3 laudant sequuntur. — 3, 6 Gemis letinavi Hs., die Fassung im Texte Konjektur; die Handschrift ist in beispielloser Weise mit den widersinnigsten Textkorruptionen gespickt. — 4, 2 Ne sagittis. — 4, 4 Lumen regis poitur.

## 172. De sancto Christophoro.

Ad Vesp. et Noct.

- |  |   |
|--|---|
| 1. Solemnitatis annuae<br>Colere mente memori,<br>Christe, tu nobis annue<br>Sancti diem Christophori. | 4. Fulgentem sic virtutibus<br>Dagnus injuste rapuit,<br>Coram regis adspectibus<br>Christum laudando micuit. |
| 2. Jam ejus praedicatio<br>Dedit pluribus pascua<br>Verae lucis cum gaudio<br>Coelicaque palatia.      | 5. Inclusus tandem carcere<br>Procul pulsus erroribus<br>Jesum dedit cognoscere<br>Quibusdam mulieribus.      |
| 3. Confirmatus miraculo<br>Monstratus virga florida<br>Fructiferaque populo,<br>Quae prius erat arida. | 6. Una patri cum genito<br>Sit sempiterna gloria<br>Pneumatique paraclito<br>Lausque per cuncta saecula.      |

Brev. ms. Vivariense saec. 15. Cod. Avenionen. 219. — 4, 2 Digno in-  
uste. — 5, 2 fehlen 2 Silben; pulsus ergänzt.

## 173. De sancto Christophoro.

Ad Laudes.

- |  |  |
|--|--|
| 1. Miranda sancti passio<br>Christophori recolitur,<br>Qui salubri memoria<br>Coelesti dono fruitur.           | 4. Ignea laesus casside<br>Flammis diris exurit<br>Angelicisque placide<br>Viribus hic eripitur.           |
| 2. Vir iste venerabilis<br>Veritatem edocuit,<br>Sed Dagnus, rex inutilis,<br>Justum damnare studuit.          | 5. Augetur inde laesio,<br>Nam sagittis injicitur,<br>Igneo tandem gladio<br>Caput erecto caeditur.        |
| 3. Innocens pedes vinculis<br>Manusque vinculatus est,<br>Diris caeditur virgulis,<br>Ferrea virga laesus est. | 6. Tu coeli qui cum civibus<br>Gaudes, precare Dominum,<br>Tuis adjuti precibus<br>Mundemur labe criminum. |
7. Sit genitori gloria  
Semper et unigenito,  
Dentur atque praeconia  
Spiritus paraclito.

Brev. ms. Vivariense saec. 15. Cod. Avenionen. 219. — 3, 2 Manusque  
vincitur obest Hs. — 5, 2 sagittis insinitur.

174. De sancta Clara.

Ad Vesperas.

- |   |  |
|---|--|
| <p>1. Clarum nomen effunditur,<br/>Sacrum nomen extenditur,<br/>Facto doctrina proditur,<br/>Virtus divina panditur.</p> <p>2. Construuntur coenobia<br/>Vasta per orbis spatia,<br/>Crescit sororum copia,<br/>Claret matris notitia.</p> <p>3. Defecit virtus corporis<br/>Morto prolixi temporis,<br/>Sumit augmentum roboris<br/>Virtus sacrati pectoris.</p> | <p>4. Tandem languore premitur,<br/>Laeta nimis egreditur,<br/>Dies extrema clauditur,<br/>Spiritus coelo redditur.</p> <p>5. Te prosequentes laudibus<br/>Piis faveto precibus,<br/>Adesto postulantibus<br/>Tuis, virgo, supplicibus.</p> <p>6. Virginis hujus merito<br/>Laus patri sit ingenito,<br/>Gloria unigenito,<br/>Virtus summa paraclito.</p> |
|---|--|

Brev. ms. Franciscan. saec. 15. Cod. Dolen. 34. — 3, 4 sacrati corporis.

175. De sancta Clara.

Ad Matutinum.

- |  |  |
|--|--|
| <p>1. Sub paupertatis regula<br/>Patris Francisci ferula,<br/>Docta Christi discipula,<br/>Luce respersit saecula.</p> <p>2. Mundus et caro vincitur,<br/>Matri Christi connectitur,<br/>Christo prorsus innititur,<br/>Pauperem pauper sequitur.</p> <p>3. Spretis nativo genere,<br/>Carnis et mundi foedere<br/>Clauditur velut carcere<br/>Dives superno munere.</p> | <p>4. Clauditur velut tumulto<br/>Nequam subdita saeculo,<br/>Patet in hoc ergastulo<br/>Solum Dei spectaculo.</p> <p>5. Tegmina carnis vilia<br/>Urgens famis inedia,<br/>Arta quoque jejunia<br/>Praestant orandi studia.</p> <p>6. Virginis hujus merito<br/>Laus patri sit ingenito,<br/>Gloria unigenito,<br/>Virtus summa paraclito.</p> |
|--|--|

Brev. ms. Mariae de Pembroke, Comitissae Valentiae saec. 14. Cod. Cantabrigen. Dd. V 5. A. — Brev. ms. Franciscan. saec. 15. Cod. Turonen. 148. B. — Brev. ms. Franciscan. saec. 15. Cod. Dolen. 34. C. — Str. 1 und 2 fehlen C. — 1, 3 Doctrina Christi B. — 2, 3 Christus B.

176. De sancta Clara.

Ad Nocturnum.

- |   |   |
|---|---|
| <p>1. Exsultate, jubilate,<br/>Pauperis matris filiae,<br/>Convocatae, congregatae<br/>A solis ortus cardine.</p> | <p>2. De novella tuis cella,<br/>De paupertatis camera<br/>Dempta solo, data polo,<br/>Lux, ecce, surgit aurea.</p> |
|---|---|

3. Tu electa, praelecta,  
Quam sibi sponsus copulat,  
Regnans, clara virgo Clara,  
Aurora lucis rutilat.
4. Tu oliva primitiva,  
Gemma primarum pauperum,  
Quam honoras et decoras,  
Jesu, corona virginum.
5. Laus et honor tibi, soror,  
Qui jam te ditat pauperem,  
Cujus dotes, ejus sortes  
Urbs beata Jerusalem.
6. Pauper miles, cito dives,  
Tibi dantur stipendia,  
Pro servata fide data  
Aeterna Christi munera.
7. Introisti, sponsa Christi,  
In coelesti palatio,  
Ubi vivis. spes captivis,  
Jesu, nostra redemptio.
8. Tibi, Christe, laudes istae,  
Pater et frater hominis,  
Verbum patris, [fructus matris],  
Consors paterni luminis.

Brev. ms. Franciscan. saec. 14/15. Cod. Parisin. 1290. — „In tono:  
Decus morum.“

### 177. De sancta Clara.

Ad Laudes.

1. De terra caliginosa  
Lux novella nascitur,  
Nobis stella luminosa  
De tenebris oritur,  
Quando de spincto rosa  
Nostro jam colligitur.
2. Vita vivit gloriosa  
Rosa, quae non moritur,  
Atque vitis gratiosa  
Viti vitae jungitur,  
Virgo pauper, filiosa  
Jam in coelis colitur.
3. Novum germen paupertatis  
Virginum plantamina,  
Novus fructus castitatis  
Novo victu lamina  
Sunt tuae fecunditatis  
Nobis testimonia.
4. Christus, verbum veritatis,  
Judex et justitia,  
Princeps omnis caritatis,  
Summi patris gloria,  
Dux tuae virginitatis  
Permanet in saecula.
5. Virgo principula gerens  
Sororum militiae,  
Pede basiliscum terens  
Hostili sub acie,  
Cum coelesti rege quaerens  
Foedus amicitiae.
6. Impetra nobis, o clemens,  
Spiritus lactitiae,  
Sponsa regnum Dei tenens,  
Sponsa coeli gloriae,  
Sponsa sponso jam adhaerens,  
Sororum primitiae.
7. Virgo, mater orphanarum,  
Fave nostris precibus,  
Cito turbam filiarum  
Duc te terrae facibus,  
Para locum nuptiarum  
Pro tuis pauperibus.
8. Gratia, simplex et trine,  
Tibi, Christe Domine,  
Usia mentis divinae  
Lumenque de lumine,  
Qui cum patre sine fine  
Regnas et cum flamine.

Brev. ms. Franciscan. saec. 14/15. Cod. Parisin. 1290. — „Cantatur in  
tono: Pange lingua.“



# 178. De sancta Clara.

In 2. Vesperis.

- |   |   |
|---|---|
| 1. Coeli concentum hodie<br>Sed et astrorum numerum<br>Auxisti multifarie,<br>Conditor alme siderum.            | 5. Exemplar poenitentium<br>Carnis calcato vitio,<br>Te potitur in praemium,<br>Jesu, nostra redemptio.               |
| 2. Ecce Claram recolimus,<br>Sidus in orbe coelico,<br>Claram clarere dicimus<br>Ex more docti mystico.         | 6. Hinc minores nostri plaudant,<br>Solemnitati consonat,<br>Dum sorores Claram laudant,<br>Vox clara, ecce, intonat. |
| 3. Quanta sibi charismata<br>Collata sunt ex ordine,<br>Mundi perpendant climata<br>A solis ortus cardine.      | 7. In conflictu viri fortes<br>Esse per hujus meritum<br>Mercamur et consortes,<br>Deus, tuorum militum.              |
| 4. Dum mnas quendam multiplicat<br>Vitam ducens spiritalem,<br>Te sibi jure vendicat,<br>Urbs beata Hierusalem. | 8. Ut post mundi dispendium<br>Insultus atque taedia<br>Succedant in stipendium<br>Beata nobis gaudia.                |
| 9. Patri, nato, spiritui<br>Decus, honor, imperium<br>Nunc et semper, sicut fuit<br>Primo dierum omnium.        |   |

Brev. ms. Johannaë Ebroicae, reginae Franciae, † 1371 (Privatbesitz).  
A. — Brev. ms. Mariae de Pembroke, Comitissae Valentiae saec. 14. Cod. Cantabrigen. Dd V 5. B. — Brev. ms. Card. Borbonii saec. 16. Cod. Parisin. 1288. C. — Brev. ms. Franciscan. saec. 15. Cod. Turonen. 143. D. — 4, 1 Dompnas quondam C; mnas quosdam B. — 5, 1 poenitentiae C. — 5, 3 ponitur A. — 6, 2 consonant C. — 7, 1 vidi fortes C. — 8, 2 taedium B. — 8, 3 Juste cordant dispendium A.

# 179. De sancta Clara.

In 2. Vesperis.

- |  |   |
|--|---|
| 1. Stella clara et praeclara<br>Aeterni solis radio<br>Te nunc duce gaudet luce,<br>Jesu, nostra redemptio.      | 4. Clara, vana et mundana<br>Doctrina hujus pereunt,<br>In quo viro modo miro<br>Vexilla regis prodeunt.              |
| 2. Intus, foris vi amoris<br>Illuxit Clarae claritas,<br>In qua fulget et refulget,<br>O lux beata trinitas.     | 5. Nutu Christi genuisti<br>Fulgentem prolem moribus,<br>De quo dono vere bono<br>Exsultet coelum laudibus.           |
| 3. Christo claram rexit Claram<br>Franciscus ultor invidi,<br>Clara corda duce chorda<br>Ad coenam agni providi. | 6. Fugat mortem, pellit fortem,<br>Panemque habent filiae,<br>Turba pascit, sed haec facit<br>Summae Deus clementiae. |



- |   |   |
|---|---|
| <p>7. Sibi agnus, leo magnus<br/>Respondit vera hostia,<br/>Perquam dantur, quae sperantur,<br/>Beata nobis gaudia.</p> | <p>8. Deus pater, Jesus frater<br/>Nostros gubernet exitus,<br/>In hoc festo Clarae gesto<br/>Veni, creator spiritus.</p> |
|---|---|

Brev. ms. Franciscan. saec. 14. Cod. Vatican. 4753. A. — Brev. ms. Minorum de Brageriaco saec. 15. Cod. Burdigalen. 88. B. — 2, 3 que refulget A. — 3, 1 clara rexit Clara A. — 3, 2 elector invidi A. — 4, 3 In quo miro A. — 6, 1 Fugans B. — 6, 2 filii A. — 7, 1 Tibi agnus B. — 7, 2 Responset A.

### 180. De sancto Clemente.

- |   |  |
|---|--|
| <p>1. Voce digna personemus<br/>Clementis insignia,<br/>Tanto patri jubilemus<br/>Mente fraude nescia,<br/>Ut cum ipso respiremus<br/>In coelesti curia.</p> <p>2. Ternus papa piscatorem<br/>Moribus insequitur,<br/>Horum praetendens errorem<br/>Gentiles alloquitur<br/>Et Hebraeos legis florem<br/>Christicolas pascitur.</p> <p>3. In Clementem excitatur<br/>Per cives contentio,<br/>Et baptismum sacrum datur<br/>Theodoro, Sisinnio,<br/>In insulam deportatur<br/>Caesaris imperio.</p> <p>4. Ubi plures unda lavit<br/>Pulsos in exilium<br/>Et in Christo confirmavit<br/>Phoeben et Cornelium,<br/>Agnus pede conculcavit<br/>Fluminis indicium.</p> | <p>5. Ancora collo alligata<br/>Subter undas gemit,<br/>Exspiravit mente rata<br/>Ad Deum, quem coluit,<br/>Plebs fidelis fit orbata<br/>Tanto patre, doluit.</p> <p>6. Huic larem praeparavit<br/>Angelicis manibus<br/>Subtus fretum, quem ornavit,<br/>Marmoreis saxibus,<br/>In quo corpus collocavit,<br/>Hoc notum fit omnibus.</p> <p>7. Per septenum retrocedit<br/>Mare miliarium<br/>Et sepulchrum plebs, quae credit,<br/>Poscens beneficium<br/>Videt, palpat, nullum laedit,<br/>Matri reddit filium.</p> <p>8. Genitorem collaudemus,<br/>Ejus unigenitum<br/>Puro corde rogemus<br/>Flamenque paraclitum,<br/>Ut in coelis habitemus<br/>Clementis per meritum.</p> |
|---|--|

Brev. ms. Sedunense anni 1459. Cod. Valerian. s. n. — 2, 6 Christicolas vestitur Hs. — 3, 4 Theodoro dreisilbig wie Theodoro. — Vor Str. 5 Divisio.

### 181. De sancta Clotilde.

Ad Vesperas.

- |  |  |
|--|--|
| <p>1. Gaude, mater ecclesia,<br/>Clotildis ad solemnia,<br/>Pro qua congaudent angeli,<br/>Laetentur omnes populi.</p> | <p>2. Pulchra, prudens, egregia<br/>Terreni regis filia,<br/>Regis uxor et socia<br/>Fit ex divina gratia.</p> |
|--|--|

- |  |   |
|--|---|
| <p>3. Infidelem Chodovaeum<br/>Coetumque fortem militum<br/>Jugo Christi supposuit,<br/>Quod pia prece meruit.</p> | <p>4. O quam regni primordia<br/>Rex informatur latria,<br/>Creduntque de militia<br/>Francorum tria milia.</p> |
|--|---|
5. Summo regi sit gloria,  
Qui nutu regit omnia  
Solut ante principium  
Et nunc et in perpetuum.

Cod. Parisin. 917. saec. 15. — Mel.: *Mysterium ecclesiae.*

## 182. De sancta Clotilde.

Ad Laudes.

1. Rex regum, Christe, cuncta qui gubernas,  
Te deprecamur festa recolentes  
Sanctae Clotildis, gratiae coelestis  
Munera dona.
2. Haec quondam regis filia terreni  
Regi fidelis infideli data,  
Quem supplex Christo meruit renasci  
Precibus almis.
3. Mira reginam praedicant insigne:  
Francorum fides, unctio de coelis,  
Vinum de fonte, redolens cadaver,  
Gloriae testis.
4. Nunc, pia mater, quaesumus, memento  
Proprii gregis, quos pane terreno  
Nutris, hos sancto refice precatu  
Veniam poscens.
5. Sit summo regis decus et potestas,  
Qui suos facit reges in excelsis,  
Praepotens solus, verus et beatus,  
Rex in aeternum.

Cod. Parisien. 917. saec. 15. — Mel.: *Iste confessor.*

## 183. De sancto Columba.

Ad Vesperas.

- |   |   |
|---|---|
| <p>1. Concinat nostra concio<br/>Laudes Columbae debitas,<br/>Ad quem sacra devotio<br/>Preces effudit meritas.</p> | <p>3. Nam imitatus Abraham<br/>Coram relinquens patriam,<br/>Saecli pompam despiciens,<br/>Nil praeter Deum diligens.</p> |
| <p>2. Qui regali prosapia<br/>Ortus est in Hibernia<br/>Et tenera infantia<br/>Adspirat ad coelestia.</p>           | <p>4. Christi secutus monita,<br/>Per quem fecit miracula,<br/>Jussit aquam contrahere<br/>Vini naturam propere.</p>      |

- |  |   |
|--|---|
| <p>5. Hic dum esset puerulus<br/>Coelesti dono praeditus,<br/>Vitam defunctis reddidit,<br/>Quo mortis jura repulit.</p> <p>6. Idem de petra solvere<br/>Fecit aquam mirifice,<br/>Ut mundaret a crimine,<br/>Quem lavit in baptisate.</p> | <p>7. Sanctae crucis signaculo<br/>Salutem donans populo<br/>Morbos fugavit languidis<br/>Vitamque dedit mortuis.</p> <p>8. Caecis lumen aperuit,<br/>Claudis gressum restituit,<br/>Surdus auditum praebuit,<br/>Mutis loquelam tribuit.</p> |
|--|---|
9. Hujus nos patrociniis  
Sublevemur et meritis  
Ad coelorum palatia,  
Quo perfruamur gloria.

Brev. Aberdonense imp. Edinburgae 1509. — 4, 1 Ipsi secutus monita  
mit falscher Initiale.

#### 184. De sancto Columba.

Ad Nocturnum.

- |  |  |
|--|--|
| <p>1. Festum Columbae celebre<br/>Lacti nocturno tempore<br/>Recolamus magnopere<br/>Cum votum modulamine.</p> <p>2. Qui natus stirpe regia<br/>Virgo fuit infantia,<br/>Mundi despexit gaudia<br/>Sola gliscens coelestia.</p> <p>3. Qui signa magna fecerat,<br/>Omnes morbos curaverat<br/>Et ventura praedixerat,<br/>Vitam defunctis dederat.</p> | <p>4. Hostes, bella sedaverat,<br/>Coeli cives adspexerat,<br/>Bona, verbis quae dixerat,<br/>In se factis compleverat.</p> <p>5. Insulans hic praeerat,<br/>Septem annis rex fuerat,<br/>Utraque jura dederat,<br/>Rex et doctor hic steterat.</p> <p>6. Monachorum sanctissime,<br/>Pater Columba, suscipe<br/>Preces nostras, nos protege<br/>Et viam pacis dirige.</p> |
|--|--|

7. Praesta, pater piissime.

Brev. Aberdonense imp. Edinburgae 1509.

#### 185. De sancto Columba.

Ad Laudes.

1. Aurora rutilat lucis praenuntia,  
Laetos nos excitat a somnolentia,  
Volentes celebre festum recolere  
Columbae venerabilis.
2. Qui fuit humilis, mitis, affabilis,  
Vultu vir hilaris, vir venerabilis,  
Ortu vir nobilis, vir statu stabilis,  
Corpore castus et mente.

3. Columbae merita et signa singula,  
Facta prophetica, clara miracula  
Vel dictis dicere vel scriptis scribere  
Nemo novit totaliter.
4. Relinquens patriam, caram Hiberniam,  
Per Christi gratiam venit Britanniam,  
Per quem idonea vitae primordia  
Rex gentis sumpsit Britannae.
5. O pater patriae, pastor egregie,  
Columba, tribue nobis spem veniae,  
De labe criminum nostrorum omnium  
Nos munda, sancte Columba.
6. Qui nobis tribuit peccati veniam,  
Reatum diluat et donet patriam,  
Nos tuos famulos, omnes catholicos  
Commenda regi gloriae.
7. Sit laus perpetua, sit semper gloria  
Patri et filio, sancto paraclito,  
Simplici Domino, qui regit omnia  
Per cuncta semper saecula.

Brev. Aberdonense imp. Edinburgae 1509. — 2, 4 lies: Mente castus et corpore? — 4, 4 gentis scripsit Britanniae.

### 186. De sancto Columbano.

Ad Vesp. et Noct.

- |  |   |
|--|---|
| 1. Auctori mirabilium<br>Cantemus novum canticum<br>Sublata cujus gratia<br>Nostra frustantur merita.          | 5. Corvus Noe despiciens,<br>Eliae quamvis serviens,<br>Chirothecas, quas abstulit<br>Furtim, patenter attulit. |
| 2. Quibus ergo miraculis<br>Enituit in populis<br>Columbanus sanctissimus,<br>Dicamus in sequentibus.          | 6. Pro bove, quem necaverat,<br>Ursus onus subierat,<br>Bovis implens officium<br>Jussu patris ut proprium.     |
| 3. Hunc paritura filium<br>Vidit mater per somnium<br>De sinu solem surgere<br>Et terris lucem fundere.        | 7. De trunco lapsus cuneus<br>Os frontis fregit protinus,<br>Quod sanctus Dei famulus<br>Sputo sanavit citius.  |
| 4. Hic factus alter Moyses<br>Traxit de petra latices,<br>In colligendis messibus<br>Suspendit imbrem nubibus, | 8. Mundavit leprae maculam,<br>Daemonum fugans copulam<br>Febricitantem feminam<br>Sanat per Dei gratiam.       |

9. Patrata cujus gratia  
Sunt tanta mirabilia,  
Nos et hunc locum protege,  
Rex in aeternum Domine.

Brev. ms. Bobbiense saec. <sup>11</sup>/<sub>12</sub>. Cod. Taurinen. F II 10. add. saec. 12.  
A. — Offic. ms. Bobbiensia saec. 15. Cod. Taurinen. F II 22. B. — Brev.  
ms. Montis S. Eugenii saec. <sup>14</sup>/<sub>15</sub>. Cod. Senen. F VIII 17. C. — Messing-  
ham, Florilegium Insulae Sanctorum p. 413. D. — „Duo sequentes hymni  
repti sunt in libro officiorum sancti Columbani et successorum ejus Attalae  
et Bertulphi.“ D. — 1, 1 Actori BC. — 3, 3 De sinu lucem B. — 3, 4 Et terris  
lumen C. — 4, 4 imbrem ruribus C. — 5, 1 Corvus hoc despiciens B. —  
5, 2 Quamvis Eliae B. — 7, 1 lasus cuneus A. — 8, 2 fugant A.

187. De sancto Columbano.

Ad Laudes.

- |  |  |
|--|--|
| 1. Dum messem frater meteret<br>Et digitum incideret,<br>Beati patri precibus<br>Caesus sanatur digitus.   | 4. Vas insufflatum solvitur<br>Et per frusta dividitur,<br>Quo facto admirabili<br>Sunt stupefacti barbari.  |
| 2. Paucis cervissae potibus<br>Et ex duobus panibus<br>Omnino fit largissimus<br>Potus cibusque fratribus. | 5. Cantemus ergo pariter,<br>Quod David cantat jugiter:<br>Mirabilis est Dominus<br>In suis sanctis omnibus. |
| 3. Christi favente gratia<br>Implentur pomptuaria,<br>Ne panis a penuria<br>Fratrum periret copia.         | 6. Patrata cujus gratia<br>Sunt tanta mirabilia,<br>Nos et hunc locum protege,<br>Rex in aeternum, Domine.   |

Brev. ms. Bobbiense saec. <sup>11</sup>/<sub>12</sub>. Cod. Taurinen. F II 10. add. saec. 12.  
A. — Offic. ms. Bobbiensia saec. 15. Cod. Taurinen. F II 22. B. — Brev.  
ms. Montis S. Eugenii saec. <sup>14</sup>/<sub>15</sub>. Cod. Senen. F VIII 17. C. — Messingham,  
Florilegium 1. c. D. — 2, 3 Omnibus fit D. — 3, 1 spirante gratia C. —  
5, 2 cantat David C.

188. De sancto Columbano.

- |   |   |
|---|---|
| 1. Nostris solemnis saeculis<br>Refulget dies inclita,<br>Qua sacer coelos Columba<br>Ascendit ferens trophaea. | 4. Aegri sanantur ocus,<br>Cautes producit latices,<br>Piscis in usum praebetur,<br>Cedit imber a segete.           |
| 2. Sed priusquam eum mater<br>In auras lucis ederet,<br>E sinu solem prospicit<br>Terris lumen diffundere.      | 5. Prolemque capit sterilis,<br>Ales rapinam reddidit,<br>Farre horeum augetur,<br>Abscissa caro sospes est.        |
| 3. Qui post altus Hibernia,<br>Sacro edoctus dogmate,<br>Gallica arva adiens<br>Plebi salutem tribuit,          | 6. Tactus videt nec cernitur,<br>Sentit damna ergastulum,<br>Fugit pestis ab homine,<br>Quam daemon saevus miserat, |



- |   |  |
|---|--|
| <p>7. Liger scapham retinet,<br/>Ablata furto prodeunt,<br/>Caecusque lumen recipit,<br/>Praebendo cibus augetur.</p> | <p>8. In escas alites veniunt,<br/>Ferae jussis obediunt,<br/>Fides patrare conscia<br/>Novit, quae poscit, omnia.</p> |
|---|--|
9. Gloria tibi, trinitas,  
Aequalis una deitas  
Ante omnia saecula  
Et nunc et in perpetuum.

Hymn. ms. Bobbiensis saec. 10. Cod. Taurinen. G VII 18. A. — Hymn. ms. Bobbiensis saec. 11. Cod. Taurinen. G V 38. B. — Passion. ms. Bobbiense saec. 11. Cod. Taurinen. F IV 12. C. — Brev. ms. Bobbiense saec. 11/12. Cod. Taurinen. F II 10. D. — Pass. ms. saec. 10. Cod. Bruxellen. 8518—20. E. — Messingham l. c. 414. F.

1, 2 Refulgit A. — 1, 4 Ascendens A. — 2, 4 lucem F. — 4, 2 Cautus producant F. — 4, 3 usu ABC. — 4, 4 Caedit F. — 5, 1 que fehlt E. — 6, 3 Farris horreo BDEF. — 7, 1 Ligeris scapham E; sprich escapham. — 8, 1 ales E.

„Hymnum in missa sancti Columbani.“ B; F bemerkt: „Istuel etiam in Bobbiensi libro Jonae habetur cum hac inscriptione: Hymnum subdidi, quem in ejus transitu praecipiat canere, quia primus quem vobis nuper transmisi ejus virtutes non continet [so in rubro Taurinen. F IV 12.]. Ex hoc titulo colligunt aliqui Jonam hujus hymni auctorem esse.“ — Dies ist in der That, das Mindeste zu sagen, höchst wahrscheinlich.

### 189. De sancto Desiderio.

- |   |   |
|---|---|
| <p>1. Deus, tuorum militum<br/>Sors et corona praesulum,<br/>Per tui sancti meritum<br/>Te nobis da propitium.</p>    | <p>4. O quam devotus exstitit<br/>Hic sanctus in martyrio,<br/>Qui caput suum praestitit<br/>In Dei sacrificio.</p> |
| <p>2. Celebrantes victoriam<br/>Beati Desiderii<br/>Post tantam fac miseriam<br/>Summi consortes gaudii.</p>          | <p>5. Pro patris tam eximii<br/>Solemni natalitio<br/>Devotas ejus filii<br/>Dent laudes Dei filio.</p>             |
| <p>3. Hic sanctus Desiderius<br/>Pro Christo fuso sanguine<br/>Factus sanctorum socius<br/>Lumen videt in lumine.</p> | <p>6. Te rogamus suppliciter,<br/>Pater, succurre filiis,<br/>Ne damnemur finaliter<br/>Pro perpetratis vitiis.</p> |

7. Patri, nato, spiritui  
Laus, honor, virtus, gloria,  
Qui nos sanctorum coetui  
Sua conjungat gratia.

Collect. hymn. ms. saec. 18. Cod. Parisien. 1094. — Daß der Hymnus trotz der jungen Quelle ein alter ist, beweist der Reim, der auf das 13. oder 14. Jahrhundert weist. Dasselbe gilt von den zwei folgenden Hymnen.

190. De sancto Desiderio.

- |  |  |
|--|--|
| 1. Recolamus passionem<br>Martyris egregii<br>Ac certamen et agonem<br>Sancti Desiderii,<br>Ut ad Christi visionem<br>Simus ejus socii.                                    | 5. Scelerato coram rege<br>Stante Desiderio<br>Pro commisso sibi grege<br>Caput offert gladio<br>Sicque boni patris lege<br>Triumphat martyrio.          |
| 2. Dum per gentem Vandalorum<br>Vastaretur Gallia,<br>Nutu regis Angelorum<br>Sua fert constantia<br>Stragem ipsam barbarorum<br>Lingonis, qua aderat.                     | 6. Victor ejus sceleratus<br>Damnatus amentia<br>Clamat velut insensatus<br>Currando per moenia,<br>Ad portam excerebratus<br>Via jacet media.           |
| 3. Muros frangunt, scalis scandunt<br>Intrant urbem Vandali,<br>Praesul regem deprecatur<br>Pro salute populi,<br>Quem rex torve contemplatur,<br>Sed nec fovet praesulem. | 7. Gloriose Desideri,<br>Tuis posce precibus<br>Regem regum, misereri<br>Sic tuis supplicibus,<br>Ut supernis inmisceri<br>Mereamur civibus.             |
| 4. Non movetur rex eorum<br>Super plebe misera,<br>Sed in nece diversorum<br>Sua complet scelera,<br>Necant matres parvulorum<br>Et ipsos ad ubera.                        | 8. Sit laus summa trinitati,<br>Honor, virtus, gloria,<br>Quae det nobis per beati<br>Martyris suffragia,<br>Ut cum ipso laureati<br>Regnemus in patria. |

Collect. hymn. ms. saec. 18. Cod. Parisien. 1094.

191. De sancto Desiderio.

- |  |  |
|--|--|
| 1. Christe, redemptor omnium,<br>Vita, virtus credentium,<br>Nos tui sancti precibus<br>In mundi rege fluctibus.   | 4. Poenas atroces pertulit<br>Ob Christi testimonium,<br>Ipse se totum obtulit,<br>Caput, finem et medium. |
| 2. Pravis frequenter motibus<br>Nos carnis pungunt stimuli,<br>Et diversis insultibus<br>Nos vexant membra zabuli. | 5. O pastorem egregium,<br>Qui mortem non pertimuit,<br>Sed pro tutela omnium<br>Se gladiis opposuit.      |
| 3. Contra tot ictus hostium<br>Athletam constituimus<br>Beatum Desiderium,<br>Quem nobis fidum credimus.           | 6. Nos pietatis oculo,<br>Pater sancte, considera<br>Et ab omni periculo<br>Tuo precatu libera,            |

7. Trinitati sit gloria,  
Decus et jubilatio,  
Quae trahat nos ad gaudia  
Cum sancto Desiderio.

Collect. ms. hymn. saec. 18. Cod. Parisien. 1094.

192. De sancto Dionysio.

- |  |   |
|--|---|
| 1. Coeli cives, adplaudite<br>Mundi jucundo lumini,<br>Quo inlustratur coelitus<br>Hujus diei gratia.    | 6. Clemente, Romae praesule,<br>Jubente venit Galliam,<br>Cui jubar solis splendidi<br>Inluxit signis, fame.      |
| 2. Praeelsa fides martyr<br>Sacrique vita antistitis,<br>Dionysii nobilis,<br>Hodie palmam suscepit.     | 7. Tandem repulso daemone<br>Constructo sacro opere<br>Poenis adfectus maximis<br>Caesa cervice coelum petit.     |
| 3. Areopago Athenae<br>Regis sumpsit diadema<br>Coelestis gemmam fulgidam<br>Dionysium sophistam.        | 8. Ave, pater, scandens polum,<br>Ave, pie visens solum,<br>Annuæ festi munera<br>Tua sacra praesentia.           |
| 4. Paulo docente speculum<br>Habet fides fidelium<br>Et spiculum gentilitas,<br>Quem ante murum noverat. | 9. Offer, sacerdos optime,<br>Gemitus nostros et preces,<br>Firma fidem, martyr Dei,<br>Moresque nostros corrige. |
| 5. Miro clarescens dogmate<br>Inluminavit Graeciam<br>Et inclitus hinc pontifex<br>Urbem Romanam adiit.  | 10. Ope gubernata fragiles<br>In mundi hujus pelago<br>Atque exutos corpore<br>Pie, benignus, suscipe.            |
11. Quo sine fine gloriam  
Deo patri et filio  
Una cum sancto spiritu  
Tecum canamus perpetim.

Cod. Parisin. (ol. Sandionysian.) 2832 saec. 9. A. — Clm. Monacen. (ol. Emmeramen.) 14843. saec. 9. B. — Cod. Bernen. 455. saec. 10. C. — Brev. ms. Schafflariense saec. 14. Clm. Monacen. 17030. D. — Brev. Matisconense imp. Lugduni 1521. E.

Diesen merkwürdigen Hymnus hat schon Daniel I auf einer nicht paginierten Seite aus Halloix nachgetragen. Bei dem Alter des Liedes scheint seine Wiederholung aus den Quellen gerechtfertigt. — 1, 2 Mundo jucundo lumine D. — 1, 3 inlustratus AE. — 1, 4 Diei hujus C. — 3, 1 Areopagus ecclesia. Daniel. — 3, 2 Regi sumpsit B; gemma fulgida D; grammam fulgidam A. — 3, 4 Dionysius sophista D. Diese Strophe ist nach Daniels Lesart und Interpunktion schlechthin unfasslich. Zu construieren ist: Regis coelestis diadema sumpsit gemmam fulgidam, Dionysium [sel.] sophistam, [ex] Areopago Athenae. — 5, 1 Miro clarescens B. — 5, 2 Inluminavit gratia B. — 5, 3 hunc B; hic D. — 5, 4 Orbem Romam adiit B. — 6, 3 splendide B; splendidum D. — 7, 2 Constructus B. — 7, 3 affictus D. — 7, 4 hat eine Silbe zu viel: coelum petiit B; Caesa cervice capitis D; Daniel liest coelum adit, allein der Hymnus kennt sonst keine Elision. Vgl. 1, 2;

1, 3; 2, 2; 3, 1; 4, 4 u. s. w. — 8, 3 *Annua festa B; Annui festi D.* — 9, 3 *fide B.* — 10, 1 *Christe gubernat D.* — 10, 4 *benigne. D.* — 11, 1 *gloria C.* — 11, 4 *In sempiterna saecula. D.*

Man hat als Verfasser des Liedes Eugen von Toledo genannt, und noch Chevaliers Repertorium Hymnologicum bezeichnet diesen ohne Weiteres als Autor. In der That hat A die Worte: „*Hymnus Eugenii episcopi de s. Dionysio.*“ Man mag sich mit dieser Angabe abfinden, wie immer man will, so viel ist sicher, dafs an Eugen III. von Toledo als Verfasser dieses Liedes nur der denken kann, der den Weg vom Denken zum Nachdenken noch nicht gefunden. Wahrscheinlich stammt das Lied aus der Schmiede von St. Denis und vielleicht hätte Hilduin den Verfasser nennen können, wenn dies ihm gefaßt hätte.

### 193. De sancto Dionysio.

Ad Vesperas.

1. Ut beatorum validos agones  
Martyrum dignis modulemur hymnis,  
Lividos nostri, Deus alme, cordis  
Rumpe tumores.
2. Dum sui mortem Domini pavescens  
Nocte sol taetra radios recondit,  
Re stupet mira sapientis haerens  
Mens Dionysii.
3. Nox, ait, caecans oculos repente  
Signat e coelo jubar adfuturum,  
Quod suis ortas radiis refellet  
Orbe tenebras.
4. Dogma laturus fidei, magister  
Gentium, Paulus populos per omnes  
Atticos cultus dubios revelat  
Famine divo.
5. Audiens Dionysius superni  
Verba praeconis simulacra divum  
Spernit et Christi famulis precatur  
Connumerari.
6. Caecus obscuris oculis ab ortu  
Missus a Paulo tenebras fugante  
Intuens curam medici sereno  
Praedicat ore.
7. Hinc Deo laudes júbilusque clarus  
Imperatori resonent supremo,  
Qui sua tantos numerat senatu  
Morte redemptos.

194. De sancto Dionysio.

Ad Nocturnum.

1. Post salutaris lavaeri receptam  
Gratiam Dionysius cohaerens  
Sedulus Paulo solida cibari  
Quaeritat esca.
2. Optime doctus patriae dicatur  
Pontifex urbis, monitus sacratos  
Audiunt cives, populi Jesum pars  
Maxima credit.
3. Commori primis fidei ministris  
Ardet ac Romam properantes aedem  
Ambo coelestem capiunt Neronis  
Vindicis ira.
4. Spiritu Clemens meliore tactus  
Gallias, inquit, Machari, subito,  
Demonum cultu vario refertae  
Consule genti.
5. Pergit accinctus fidei mucrone,  
Praedicat Christum vacuus timoris,  
Mitigat signis animos feroces  
Parisiorum.
6. In virum saevit furiosus ardor  
Flaminum turbae, gladios inermis  
Arcet et miti capiunt rogati  
Dona salutis.
7. Hinc Deo laudes jubilusque clarus  
Imperatori resonent supremo,  
Qui sua tantos numerat senatu  
Morte redemptos.

Brev. Andegavense imp. Rotomagi 1504. — 3, 2 properante sedem.

195. De sancto Dionysio.

Ad Laudes.

1. Christianorum numerositati  
Invidens hostis fremit et dolosi,  
Imperatoris refricat tumorem  
Domitiani.
2. Ille praefectum feritate plenum  
Ad senem mittit populum docentem,  
Quem suis sisti jubet ad tribunal  
Verbere caesum.



3. Sacra culturae renuit profanae,  
Eruens flammis rabidos ferarum  
Impetus sedat, cruce pendet acri  
Vulnere fixus.
4. Carceris septo nimius refulget  
Splendor, en, Christus facie serena  
Porrigens panem famulo sacratum  
Dulcius inquit:
5. Care, complendum tibi sume pignus,  
Est patris regno tibi magna merces,  
Pro quibus poscis, tribuetur illis  
Munus habendum.
6. Principis jussu ferienda praebent  
Martyres ferro sua colla laeti,  
Spiritus sistunt super astra, terrae  
Corpora reddunt.
7. Pendulis truncum manibus cadaver  
Vectitat caesum caput, angelorum  
Concinit coetus, populi caterva  
Concomitatur.
8. Hinc Deo laudes jubilusque clarus  
Imperatori resonent supremo,  
Qui sua tantos numerat senatu  
Morte redemptos.

Brev. Andegavense imp. Rotomagi 1504.

## 196. De sancto Edmundo.

Ad Vesperas.

- |   |  |
|---|--|
| 1. Edmundus, martyr inclitus,<br>Anglorum rex sanctissimus,<br>Hac luce palmam nobilem<br>Triumphans coelo intulit. | 3. Tuorum murmur pauperum<br>Exaudiat, fac, meritum<br>Et ad coelestis perferat<br>Regis pius causidicus.  |
| 2. Tulit jubar hoc splendidum<br>Opima tellus Anglica,<br>Quo splendet omne saeculum<br>Et coelis crescit gaudium.  | 4. Favorem Christi coelitus<br>Nostis placis impetret,<br>Urbs ut gravata sentiat<br>Donatum indulgentiae. |
| 5. Precantum votis annuat<br>Pater Deus cum filio<br>Simul cum sancto spiritu<br>Per saeculorum saecula.            |  |

Hymn. ms. Anglo-Saxonic. saec. 10/11. Cod. Londinen. Vesp. D XII. —  
3, 1 Quorum murmur Hs. — 4, 3 Orbs Hs.; lies vielleicht Plebs? —  
Vgl. Stephenson 148.

197. De sancto Edmundo.

Ad Nocturnum.

1. Laurea regni redimitus olim,  
Rex Eadmundus, decus orbis hujus,  
Nunc suis adsit famulis, precamur,  
Supplici voto.
2. Hac die coeli fruitur secretis,  
Qua triumphalem meruit coronam,  
Nactus ex Dani gladiis tyranni  
Sanguine palmam.
3. Cujus exsectum caput ore pronò  
Trux lupus foveat famulatus illi,  
Donec ad notum rediit cadaver  
Vulneris expers.
4. Unde, rex martyr, tibi magnus honos,  
Integer membris muculaeque purus,  
Fungeris digno meritis honore  
Talibus hymnis.
5. Sit honor patri jugis et perennis,  
Qui tuos signis decorat triumphos,  
Cujus obtentu pius ipse parcat  
Trinus et unus.

Hymn. ms. Anglo-Saxonicus saec. 10/11. Cod. Londinen. Vesp. D XII. —  
2, 3 gladius Hs. — 4, 1 magnus haeres Hs. — 4, 2 puris Hs. — Vgl.  
Stephenson 149.

198. De sancto Edmundo.

Ad Laudes.

- |  |   |
|--|---|
| <ol style="list-style-type: none"> <li>1. Laus et corona militum,<br/>Jesu, tibi certantium,<br/>Hujus triumpho subditis<br/>Intende regis martyris.</li> <li>2. Hac rex Eadmundus die,<br/>Raptus cruento commate,<br/>Sese flagrorum stigmatè<br/>Coelo receptus exiit.</li> </ol> | <ol style="list-style-type: none"> <li>3. Devinctus acri stipite<br/>Loris cruentis undique<br/>Dani tribunal exsecrat<br/>Ac numen ejus improbat.</li> <li>4. Qui terebrati spiculis<br/>Regis cruorem combibit,<br/>Quem pro suis fidelibus<br/>Velle mori conjicimus.</li> </ol> |
| <ol style="list-style-type: none"> <li>5. Nos hac Eadmundus die<br/>Rex martyr aptet gratiae,<br/>Quo perfruamur coelitem<br/>Bonis per omne saeculum.</li> </ol>  |   |

Hymn. Anglo-Saxonicus saec. 10/11. Cod. Londinen. Vesp. D XII. —  
2, 2 Raptos cruentos commate. — 2, 3 stigmati. — 2, 4 Coelo reptus. —  
3, 1 Devinctus. — 4, 1 terebratis. — 5, 3 Qua. Vgl. Stephenson 149 u. f.

# 199. De sancto Eligio.

Ad Vesperas.

- |  |   |
|--|---|
| <p>1. Nube mentis religata<br/>Nox haec noctem nesciat,<br/>Sacrae nocti reformata<br/>Vita vocem condiat,<br/>Ut utraque laus ornata<br/>Laudato conveniat.</p>   | <p>4. Idem multis restauravit<br/>Locis monasteria<br/>Et abunde procuravit<br/>Cunctis necessaria,<br/>Quos in sanctae solidavit<br/>Regulae concordia.</p>            |
| <p>2. Sanctus Dei dum sculpebat<br/>Regis utensilia,<br/>Textus sacri praeferebat<br/>Oculis eloquia,<br/>Quibus rapta mens ardebat<br/>Amplecti coelestia.</p>    | <p>5. Sic relucens puritate<br/>Tam praeclari speculi,<br/>Praesul prius dignitate<br/>Virtutis quam tituli,<br/>Occurrebat sanctitate<br/>Mox futuro praesuli.</p>     |
| <p>3. Carnem laetus constrictabat<br/>Cilicino sacculo,<br/>Pane tantum sustentabat<br/>Ac aceti poculo,<br/>Sic de carne triumphabat<br/>Carnis in ergastulo.</p> | <p>6. Hujus ergo celebretur<br/>Devote solemnitas<br/>Et sic ei praesentetur<br/>Nostrae laudis parvitas,<br/>Ut, quod minus laus meretur,<br/>Suppleat benignitas.</p> |

## 7. Gloria et honor Deo.

Brev. ms. Carnotense (?) saec. 13. in. Cod. Vatican. 4756. — Mel. ist die des Pange lingua.

# 200. De sancto Eligio.

Ad Nocturnum.

- |   |  |
|---|--|
| <p>1. Divinae laudi sedula<br/>Praesentis vox collegii<br/>Fidem, vitam, miracula<br/>Sancti pangat Eligii.</p>   | <p>5. Pius, justus et sobrius<br/>Totum se Deo contulit,<br/>Cum verbi Dei nuntius<br/>Dormienti sic intulit:</p>        |
| <p>2. Verbo, virtute, sanguine<br/>Lemovicis enituit,<br/>Latens sub fabri nomine<br/>Late lucerna claruit.</p>   | <p>6. Eligi, preces superat<br/>Miserentis largitio,<br/>A timore te liberat<br/>Poenae culpa remissio.</p>              |
| <p>3. Ut advenit Lutetiam,<br/>Regis ibi Lotharii<br/>Plenam favor in gratiam<br/>Proximit aurificii.</p>         | <p>7. Mox exitus recoluit<br/>Ex diffusa fragrantia,<br/>Quod votum spes obtinuit<br/>Et fructum poenitentia.</p>        |
| <p>4. Artis in exercitio<br/>Fabrum contemplans omnium,<br/>Quaestus fabrili pretio<br/>Famem pavit egentium.</p> | <p>8. Nos ergo sic aedificet<br/>Exemplis poenitentiae,<br/>Ut spem nostram certificet<br/>Fructus aeternae gloriae.</p> |

Brev. ms. Carnotense (?) saec. 13. Cod. Vatican. 4746. — 3, 1 Et advenit Lutheriam Hs. — 7, 1 fehlt die Initiale.

## 201. De sancto Eligio.

Ad Laudes.

- |  |  |
|--|--|
| <p>1. Lucis ortum matutinae<br/>Laus illustret, quam divinae<br/>Vis informet gratiae,<br/>Lux in corde, laus in ore<br/>Dilantur, ut actore<br/>Respiremus veniae.</p> <p>2. Pari voto requisitus,<br/>Immo raptus et invitus<br/>Vir sanctus Novio<br/>In pastorem declaratur,<br/>Sic collega sublimatur<br/>Audoenus Rotomo.</p> <p>3. Praeter onus dignitatis<br/>Omni cura pietatis<br/>Adimplevit opera,<br/>Hos communis eligebat,<br/>Quorum scrustas abradebat<br/>Et tergebat ulcera.</p> | <p>4. Pseudosectas exstirpavit,<br/>Simoniam suffocavit<br/>In Gallorum finibus,<br/>Christianos persecuti<br/>Christi fidem sunt secuti<br/>Verbis et virtutibus.</p> <p>5. Surdi, clausi vel leprosi<br/>Fistulave jam corrosi<br/>Tortique daemoniis<br/>Vota plene consecuti<br/>Grates ejus dant virtuti<br/>De tot beneficiis.</p> <p>6. Et nos supplicemus ei,<br/>Fune suo nostrae spei<br/>Religetur anchora,<br/>Prece cujus applicemus,<br/>Ab hoc mari properemus<br/>Ad aeterna litora.</p> |
|--|--|

Brev. ms. Carnotense (?) saec. 13. Cod. Vatican. 4756 — 2, 6 Rodomo. —  
6, 4 verschrieben: petenus.

## 202. De sancto Eliseo.

Ad Laudes.

- |  |   |
|--|---|
| <p>1. Umbra nocturna defluat,<br/>Aurorae lux iradiat,<br/>Beata coeli claritas<br/>Prophetam sanctam praemiatur.</p> <p>2. Qui testamenti veteris<br/>Cultor erat Judaicus,<br/>Nunc spiritu, non literis<br/>Fit comprehensor coelicus.</p> <p>3. Carnis exutus tegmine<br/>Defensor est mortalium,<br/>Dum vivens immortaliter<br/>Dat vitae patrocinium.</p> | <p>4. Jesu, tuorum gloria,<br/>Perennis autor luminis,<br/>Per Elisaei merita<br/>Parce servorum debitis.</p> <p>5. Ut grex Carmeli positus<br/>In hujus vallis eremo<br/>Te pastorem inveniat<br/>Ad vitam sine termino.</p> <p>6. Patri cum verbo pariter<br/>Sit honor, virtus, gloria,<br/>Laus sit sancto spiritui<br/>Per sempiterna saecula.</p> |
|--|---|

Brev. ms. Carmelit. Hibern. anni 1489. Cod. Coll. ss. Trinitatis Dublinen.  
B 3. 10.

## 203. De sancto Eutropio.

- |  |   |
|--|---|
| <p>1. Aeternum regem gloriae<br/>Collaudet plebs fidelium,<br/>Qui corona laetitiae<br/>Coronavit Eutropium.</p> | <p>2. Hic Babylone genitus<br/>Et Admirandi filius<br/>Christo se jungit penitus,<br/>Patrem linquit puer pius.</p> |
|--|---|

- |   |   |
|---|---|
| <p>3. Romam venit, Petrum quaerit,<br/>A quo praesul efficitur,<br/>Per Neronem Petrus perit,<br/>Post quem Clemens praeficitur.</p> <p>4. Pastor missus a Clemente<br/>Civitate Xantonica,<br/>Christo semper haeret mente,<br/>Nil quaerens praeter coelica.</p> <p>5. Lapidatur, flagellatur,<br/>Ense caesus et ascia,<br/>Verberatur et lucratur<br/>Coelestis regni gaudia.</p> | <p>6. Sic certavit fideliter<br/>Mundana spernens praemia,<br/>Patri, matri praebens iter,<br/>Per quod regnant in gloria.</p> <p>7. Quaesumus, auctor omnium,<br/>In hoc paschali gaudio<br/>Ab omni mortis impetu<br/>Tuum defende populum.</p> <p>8. Gloria tibi, Domine,<br/>Qui surrexisti a mortuis,<br/>Cum patre et sancto spiritu<br/>In sempiterna saecula.</p> |
|---|---|

Brev. ms. Lemovicense saec. 15. Cod. Pianoren. M. 21. — 4, 3 fehlen zwei Silben; haeret ergänzt.

#### 204. De ss. Fabiano et Sebastiano.

- |   |   |
|---|---|
| <p>1. In sanctorum solemniss<br/>Laudes solvamus Domino,<br/>Ut ipsorum suffragio<br/>Tandem captemus praemia.</p> <p>2. O praesul invictissime<br/>Fabianeque inclite,<br/>Ut mereamur veniam,<br/>Audi rogantes servulos.</p> <p>3. Martyr Dei egregie,<br/>Intende melos gloriae,<br/>Sebastiane belliger,<br/>Immensi regis signifer.</p> <p>4. Devotos tibi famulos<br/>Peccati sorde languidos<br/>Sana, virtutum artifex<br/>Verbique sator multiplex.</p> | <p>5. Linguae torpentis vinculum<br/>Absolve fandi dans donum,<br/>Ut quondam mutae feminae<br/>Christi ditatus munere.</p> <p>6. Per sagittarum jacula<br/>Rogamus, patris vernula,<br/>Per rivos tui sanguinis<br/>Iram remove iudicis.</p> <p>7. Ut tecum laudes perpetim<br/>Christo canamus affatim<br/>Tuis erepti precibus<br/>A poenis infernalibus.</p> <p>8. Laus sit parenti Domino,<br/>Laudes canamus unico,<br/>Laudes amborum flamine<br/>Per tempora laudabili.</p> |
|---|---|

Diurn. ms. Benedictin. saec. 15. Cod. Parisien. 10530. — Vgl. Annal. XIV a. Nr. 36.

#### 205. De sancto Felice.

Ad Vesperas.

- |  |   |
|--|---|
| <p>1. Gratuletur haec concio<br/>Devoto nunc obsequio,<br/>In Felicis memoria<br/>Laudes solvat ecclesia.</p> <p>2. Contemnens Felix saeculum<br/>Factus est nobis speculum<br/>Justitiae, sua vita<br/>Monstratur nobis semita.</p> | <p>3. Hic pauper in nundo fuit,<br/>Solam tunicam habuit,<br/>Secunda si forte fuit,<br/>Ilanc pauperi distribuit.</p> <p>4. In habitu procedere<br/>Felix gaudebat paupere<br/>Caletque fervore Dei,<br/>Quem noscit cultus fidei.</p> |
|--|---|



- |  |  |
|--|--|
| <p>5. Felix, vita laudabilis,<br/>In morte fit mirabilis,<br/>Miris fulgens virtutibus<br/>Coeli gaudet cum civibus.</p> | <p>6. Salva nos, Christe, precibus<br/>Hujus, cujus cineribus<br/>Daemonum fit expulsio<br/>Et salvandi promissio.</p> |
|--|--|

Brev. ms. Bethuniense saec. 16. Cod. Atrebaten. 884.

### 206. De ss. Felice, Fortunato et Achilleo.

Ad Vesperas.

- |  |   |
|--|---|
| <p>1. Fidelium devotio<br/>Sonet hymnum cum laudibus<br/>Cruciatus martyribus<br/>Claro paschali gaudio.</p>             | <p>3. Verus largitor veniae,<br/>Donum supernae gratiae<br/>Dona nobis per meritum,<br/>Deus, tuorum militum.</p>       |
| <p>2. Qui truncantur crudeliter<br/>Praecepto ducis fervidi,<br/>Hinc traducti feliciter<br/>Ad coenam agni providi.</p> | <p>4. Sit tibi laus et gloria,<br/>Pro quo caeduntur famuli<br/>Et passi sunt martyria,<br/>Jesu, salvator saeculi.</p> |

Brev. ms. Valentinense saec. 15. Cod. Atrebaten. 1142 (552).

### 207. De ss. Felice, Fortunato et Achilleo.

Ad Laudes.

- |  |  |
|--|--|
| <p>1. Splendor paternae gloriae,<br/>Per martyrum suffragia<br/>Confer in coeli requie<br/>Beata nobis gaudia.</p>     | <p>3. Impetrate nos vivere,<br/>Qui regnatis in aethera,<br/>Ut possimus attingere<br/>Aeterna Christi munera.</p>       |
| <p>2. Viri Dei sanctissimi,<br/>Quorum firmus est animus,<br/>Sunt in poenis fortissimi<br/>Dei fide, qua vivimus.</p> | <p>4. Sit tibi laus et gloria,<br/>Pro quo caeduntur famuli,<br/>Et passi sunt martyria,<br/>Jesu, salvator saeculi.</p> |

Brev. ms. Valentinense saec. 15. Cod. Atrebaten. 1142 (552).

### 208. De ss. Ferreolo et Ferrutio.

Ad Vesperas.

- |  |  |
|--|--|
| <p>1. Psallat chorus fidelium<br/>Festum resolvens annum,<br/>Quo martyres in curia<br/>Locati sunt siderea.</p> | <p>4. Quorum nos patrocinia<br/>Ad coeli ducant gaudia,<br/>Ut regnemus cum angelis<br/>In sacris tabernaculis.</p>          |
| <p>2. Sacerdos hic Ferreolus,<br/>Irenaei discipulus,<br/>Sacris refulsit moribus<br/>Dignisque actionibus.</p>  | <p>5. Protegatur Chrysopolis<br/>Horum sanctis suffragiis,<br/>Per quos agnovit Dominum<br/>Suae salutis pretium.</p>        |
| <p>3. In sacro namque dogmate<br/>Resplenduit mirifice<br/>Cum levita Ferrutio,<br/>Athleta Christi maximo.</p>  | <p>6. Cui laus, virtus, imperium<br/>Per omne manens saeculum,<br/>Qui regnat trinus unice<br/>Cuncta regens iustissime.</p> |

Brev. ms. Bisuntinum saec. 13. Cod. Frauenfelden. Y 24 A. — Brev. ms. Bisuntinum saec. 15. Cod. Vatican. Ottobon. 972. B. — Brev. ms. Bisuntinum saec. 14. Cod. Bisuntin. 63. C. — Brev. ms. Bisuntinum saec. 15. Cod. Bisuntin. 69. D. — Brev. ms. Bisuntinum saec. 15. ex. Cod. Bisuntin. 67. E. — Brev. ms. Bisuntinum saec. 15. Cod. Bibl. Archiep. Remen. s. n. F. — Brev. Bisuntinum imp. s. l. et. a. G.

## 209. De sancto Fereolo.

### Ad Vesperas.

1. O regis bonitas, o sapientia,  
Cujus militibus sunt ea praemia,  
Quae mens exprimere non valet auxia,  
Sic vincit patientia.
2. In coelis redolent serta micantia,  
Distinguunt varios munera propria,  
Martyr sume rosas, accipe lilia,  
Quae, virgo, tua gloria.
3. Exsul fervor, hiems non vacat imbribus,  
Scit, qui pascit eos, et dator et cibus,  
A sanctis lacrimas tergere vultibus,  
Ens solus satis omnibus.
4. Quantis suppliciis quotve doloribus  
Palnam martyrii sumpsit ab hostibus,  
Victor Ferreolus narrat ovariantibus,  
Commutans mala dulcibus.
5. Pandit militiae signa refulgida,  
Tam carnis tumidae verbera livida  
Quam trunci capitis vulnera rescida,  
Clamant agmina florida.
6. Te, summa deitas, unica, vivida,  
Collaudat pariter concio candida,  
Donet militibus rex data splendida,  
Dilectus patris Idida.

Brev. Sosmense imp. Parisiis 1548.

## 210. De sancto Ferreolo.

### Ad Nocturnum.

1. Nunc voces, socii, pangite festas,  
Rerum Christe potens, summa potestas,  
O quam magnifice munera praestas  
His, quos vera tibi junxit honestas.
2. Tanti Ferreolus regis amori  
Devinctus patrio cessit honori,  
Nolens militiae parcere flori,  
Sed curvare magis colla furori.

3. Mundum despiciens largus avorum,  
Vestes, dona, genus sanguine clarum,  
Coelum suspiciens plus sibi carum,  
Gustavit calicem mortis amarum.
4. Quam sanctae calicis potus amatur,  
Tempus vindemiae cum recolatur,  
Martyr vindemians vindemiatur,  
Mercedemque capit, ut capiat.
5. Patri, quem metuunt aequora, venti,  
Christo, cujus erit gloria genti,  
Sancto spiritui corda replenti,  
Trino laus et honor cunctipotenti.

Brev. Sosmense imp. Parisiis 1548.

## 211. De sancto Ferreolo.

Ad Laudes.

1. O quam praecipiti mersa profundo  
Mens lictoris hebet dedita mundo,  
Sanctum corde pio, corpore mundo  
Morte perire facit plus verecundo.
2. Non contra gladios arma paravit,  
Ferrum Ferreolus corde micavit,  
Quo tectus faciem non galeavit  
Ferratasque manus non trepidavit.
3. Dum mortem patitur, plus patientis  
Mens audacter agit quam ferientis,  
Virtus, martyr, erat ferrea mentis,  
Per quam tela parum ferrea sentis.
4. Granati similis fractio mali  
Mittit grana foras de penetrali,  
Sic confracta caro fragmine tali  
Virtuti dat iter spiritali.
5. Patri, quem metuunt aequora, venti,  
Christo, cujus erit gloria genti,  
Sancto spiritui corda replenti,  
Trino laus et honor cunctipotenti.

Brev. Sosmense imp. Parisiis 1548.

## 212. De sancta Fide.

Ad Vesperas.

- |   |  |
|---|--|
| 1. Adest dies laetitiae<br>Sanctaeque Fidis gaudium,<br>Quam vocavit rex gloriae<br>Ad summum coeli praemium. | 2. Haec est virgo sanctissima<br>De numero prudentium,<br>Sancta Fides, laetissima<br>Inter choros laetantium. |
|---|--|

- |  |   |
|--|---|
| <p>3. Fulsit Fides martyrio,<br/>         Servans corpus virgineum<br/>         Salutis desiderio,<br/>         Regnum optans aethereum.</p> | <p>4. Virgo Fides egregia,<br/>         Ora pro nobis Dominum,<br/>         Ut det per tua merita<br/>         Coelorum plenum gaudium.</p> |
| <p>5. Gloria patri Domino,<br/>         Filio et paracrito,<br/>         Qui vitam sine termino<br/>         Det nobis coeli solio.</p>      |   |

Brev. ms. Cisterciën. Gallic. saec. 13/14. Cod. Casanaten. B VI 5 (1191).  
 add. saec. 14.

### 213. De sancta Fide.

Ad Laudes.

- |   |   |
|---|---|
| <p>1. Ad laudes hujus virginis<br/>         Cantemus omnes dulciter,<br/>         Ut ad fructum dulcedinis<br/>         Veniamus alacriter.</p> | <p>3. Nunc cantemus humiliter<br/>         Sanctae Fidis officium,<br/>         Ut gaudeamus jugiter<br/>         Inter choros laetantium.</p>      |
| <p>2. Clara voce decantemus<br/>         Sanctae Fidis victoriam,<br/>         Omnipotentem laudemus<br/>         Per fidei constantiam.</p>    | <p>4. Gaudeat praesens concio<br/>         De sancta Fide virgine,<br/>         Quae gaudet coeli solio<br/>         Splendens coelesti lumine.</p> |

5. Gloria patri Domino.

Brev. ms. Cisterciën. Gallic. saec. 13/14. Cod. Casanaten. B VI 17 (1191).  
 add. saec. 14.

### 214. De sancta Fide.

Ad Nocturnum.

- |   |   |
|---|---|
| <p>1. In matutinis cantemus<br/>         Sanctae Fidis praeconia,<br/>         Filium Dei laudemus,<br/>         Qui det nobis coelestia.</p> | <p>3. Laudemus tantam virginem<br/>         Nec non ejus martyrium,<br/>         Ut ad beatitudinem<br/>         Veniamus coelestium.</p>   |
| <p>2. Agennae gaude civitas<br/>         Agens Fidis memoriam,<br/>         Quam decoravit sanctitas<br/>         Propter suam victoriam.</p> | <p>4. Cantemus omnes hodie<br/>         Sanctae Fidis memoriam,<br/>         Quam vocavit rex gloriae<br/>         Ad paradisi gloriam.</p> |

5. Gloria patri Domino,  
 Filio et paracrito,  
 Qui vitam sine termino  
 Det nobis coeli solio.

Brev. ms. Cisterciën. Gallic. saec. 13/14. Cod. Casanaten. B VI 17 (1191).  
 add. saec. 14.

## 215. De sancta Fide.

Ad Vesperas.

- |   |   |
|---|---|
| <p>1. Feri fides fida Fides<br/>famosis fragoribus<br/>Ferunt festi festa Fidis<br/>feriis felicibus,<br/>Ferveat falanx fidelis<br/>festivis favoribus.</p> <p>2. Fides est cantanda nobis<br/>non illa, qua credimus,<br/>Sed puella, Aquitanis<br/>praelecta virginibus<br/>Vita sive fide claris,<br/>inserta martyribus.</p> <p>3. Quae mundi, sexus, aetatis,<br/>parentum delicias<br/>Despexit, procorum preces,<br/>delatorum insidias,<br/>Curiae turbas [minaces]<br/>et praefecti furias.</p> | <p>4. Virgas, fustes, sudes, uncus,<br/>laminas, equuleum,<br/>Ungulas, crates, catastas,<br/>carceres, exsilium,<br/>Laqueos, ruinas, fretum,<br/>ignem, [aquam], gladium.</p> <p>5. Pro quo nempe, pro te, Christo,<br/>cui se paciscitur,<br/>Quaeque cupit, optat, ambit,<br/>suspirat, amplectitur,<br/>Diligit, amat et ardet,<br/>cui juncta jungitur.</p> <p>6. Jam nunc de tali corona<br/>intra sponsi thalamum<br/>Decorata tueatur<br/>se precantem populum<br/>Et canentem sibi clerum<br/>hoc epithalamium.</p> |
|---|---|

Brev. ms. Bethuniense saec. 16. Cod. Atrebaten. 384.

## 216. De sancto Finniano.

Ad Vesperas.

- |   |  |
|---|--|
| <p>1. Adest, dies laetitiae,<br/>Cleri gaudent cum jubilo,<br/>Refulsit sol justitiae,<br/>Qui prius erat sub nubilo.</p> <p>2. Gratuletur Hibernia,<br/>Freta doctore coelitus,<br/>Quo cleri contubernia<br/>Reformantur divinitus.</p> <p>3. Erroris iter devium,<br/>Quo sine fine curritur,<br/>Per hujus magisterium<br/>A nobis intercluditur.</p> | <p>4. Qui prius longe fuimus<br/>A Christo Dei filio,<br/>Nunc ei propinquavimus<br/>Hujus almi auxilio.</p> <p>5. Vergente mundi vespere<br/>Sacer in saxo panditur,<br/>Virtute Dei dexteræ<br/>De saxo comprehenditur.</p> <p>6. Praesul Midensis inclitus,<br/>Thomas de Leodegario<br/>Virtute sancti spiritus<br/>Hunc vexit annuario.</p> |
|---|--|
7. Per te, pater cum filio  
Consolatorque spiritus,  
Haec praesens Dei concio  
Dono ditetur coelitus.

Brev. ms. Hibernicum saec. 13. Cod. Oxonien. Miscell. Liturg. 215. A. — Colgan, Acta SS. Hiberniae p. 400 B. — 4, 3 ei fehlt B. — Str. 6 fehlt B.



217. De sancto Finniano.

Ad Nocturnum.

- |   |   |
|---|---|
| <p>1. Rosa crevit de lilio<br/>Vernanti rubens folio,<br/>Speciosus prae filiis<br/>Superno sedet solio</p> <p>2. Sic hic flos in Hibernia<br/>Odorem famae sparserat,<br/>Ut ad se contubernia<br/>Clericorum allexerat.</p> | <p>3. Hujus rosae de foliis<br/>Apes sacratae suxerant<br/>Mel, quod in territoriis<br/>Suis abunde vexerant.</p> <p>4. O quam praeclarum flosculum<br/>Clara parit Talicia,<br/>Ad cujus oris osculum<br/>Morbi cedunt et vitia.</p> |
|---|---|
5. Christe, fove sub casulis  
Nexos dolore vario,  
Tuis nos junge rosulis  
In coelesti rosario.

Brev. ms. Hibernicum saec. 15. Cod. Oxonien. Miscell. Liturg. 215. A. — Colgan, Acta SS. Hiberniae p. 400 B. — 2, 3 a se contubernia A. — 3, 4 Suis postea vexerant B. — 5, 1 sub caulis A. — 5, 2 Vexas dolore A, Vexatos dolore B.

218. De sancto Finniano.

Ad Laudes.

- |  |   |
|--|---|
| <p>1. Colatur a fidelibus<br/>Clonardensis ecclesia<br/>Pietatis operibus<br/>Impensis, elemosyna.</p> <p>2. Nativus de Lagenia,<br/>Qui sprexit nomen regium,<br/>Hic sumpsit infra moenia<br/>Legendi privilegium.</p> <p>3. Trium virorum milium<br/>Sorte fit doctor humilis,<br/>Verbi his fudit fluvium<br/>Ut fons emanans rivulis.</p> | <p>4. En hic rexit in literis<br/>Viae vicinus regiae,<br/>Hic se jungebat superis,<br/>Hic transfertur egregie.</p> <p>5. Felix pusilla civitas,<br/>Quondam ditata moribus,<br/>Nunc auri latet claritas<br/>Thesauri sub arboribus.</p> <p>6. Fragrans odor de tumulo<br/>Cum mirorum frequentia<br/>Probant in Christi famulo<br/>Mentis summam clementiam.</p> |
|--|---|
7. Per te, pater cum filio  
Consolatorque spiritus,  
Haec praesens cleri concio  
Dono ditetur coelitus.

Brev. ms. Hibernicum saec. 15. Cod. Oxonien. Miscell. Liturg. 215. A. — Colgan, Acta SS. Hiberniae p. 401. B. — 1, 4 elemosynis B. — 2, 2 Quo sprexit A. — 5, 3 aurei B. — 5, 4 sub laboribus B. — 6, 2 minorum frequentia B. — 6, 3 Probavit in Jesu famulo A. — 6, 4 summa clementia A.

219. De sancto Finniano.

In 2. Vesperis.

- |  |   |
|--|---|
| 1. Finnianus lingua gnarus<br>Nostrae currat memoriae,<br>Quem instruxit et illuxit<br>Deus summae clemen-<br>tiaae. | 4. Clemens iste, Jesu Christe,<br>Te collaudat a faucibus,<br>Coram throno de patrono<br>Exsultet coelum lau-<br>dibus. |
| 2. Tulis Mauri census auri<br>Reperitur sub cinere,<br>Finnianus lucet clarus<br>Jam lucis orto sidere.              | 5. Finnianum tibi carum<br>Qui fecisti per spiritum,<br>Has cohortes fac consortes,<br>Deus, tuorum militum             |
| 3. Vi divina mire trina<br>Resuscitavit funera,<br>Hic dum vivit, acquisivit<br>Aeterna Christi munera.              | 6. Praesul digne, nunc benigne<br>Juva, qui sumus pavidī,<br>Nos te duce duc in luce<br>Ad coenam agni providi.         |

Brev. ms. Hibernicum saec. 15. Cod. Oxonien. Miscell. Liturg. 215. —  
4, 2 a paucibus. — 5, 3 Hos.

220. De sancta Flavia.

Ad Matutinum.

1. Virginis sacratae cantica Flaviae  
Psallamus modulīs devote consonis,  
Quae Christo principi placere maluit  
Temnendo impia ducis affamina.
2. Haec a consulibus Romae majoribus  
Clementis consulis sororis filia  
Perpulchra nituit in orbe genita,  
Praepollens jugiter stirpe praenobili.
3. Spornendo respuit mandata consulis,  
Sequendo monita sanctorum dulcia,  
Quos Petrus maximus Christo lucraverat,  
Lavacro baptismi sacro regenerans.
4. His matrem puellae Plautillam nomine  
Salutis chrismate volens adnectere,  
Studens peragere mox ipse praevious  
Crucis supplicio migrat ad aethera.
5. Tunc Clemens pontifex sedem apostoli  
Regebat residens, sacro velamine  
Quam Christo sacravit, quae mala pertulit  
Recitans modulet nostra nunc cithara.
6. Accensus carnifex igne libidinis  
In sanctae virginis necem excogitat,  
Post celsa plurima sanctorum capita  
Nec nomen percipi cupit diutius.

7. Saltando crepuit inter convivia  
Animum virginis malens avertere,  
Sed agna patiens stat immutabilis  
Sitiens anxia vitae principium.
8. Animo rabido iudex nequissimus  
Mandat lictoribus igne supposito  
Adustam perdere, impletur illico  
Saeva praesumptio binis cum sociis.
9. Orantes pariter trino sub nomine  
Praemittunt spiritus ad regna coelica,  
Linquentes corpora terrae jacentia,  
Videndo Dominum cernunt in gloria.
10. Trinitas beata simul et unitas,  
Quaesumus, abluas nostra facinora,  
Donando praemia nobis perpetua,  
Salus permaneat cuncta per saecula.

Miss. ms. Cantuariense saec. 14. Cod. Parisin. (Arsen.) 135 add. saec. 14. —  
Mel.: Almi prophetae progenies pia; vor Str. 6 Divisio ad Laudes. — 2, 4  
stirpe nobili. — 4, 2 Salus crismate . . . . . adnectare. — 5, 1 Tu Clemens. —  
5, 4 fehlt eine Silbe; nunc ergänzt. — 7, 1 Saltendo. — 7, 4 principi. —  
9, 2 Promittunt.

## 221. De sancto Floro.

Ad Vesperas.

1. O quam stelligera sede tuorum  
Inter praecipuos discipulorum  
Florum glorificas, sophia Christe,  
Virtus summa patris, splendor, imago.
2. Qui sol justitiae verus ab arce  
Descendis supera, defuit unquam  
Ullo modo tibi vis radiando,  
Quaerere, quod periit, salvificare?
3. Et hic egregius ejus alternus,  
Quem nunc concelebrat concio fratrum,  
Cujus precibus se saepe tueri  
Ac praestante Deo congratulantur,
4. A Christo legitur sponte fuisse  
Adscitus Domino series inter  
Martyrum cuneumque duodenum  
Ad dandum salubre praedicamentum.
5. Hic primus lutea pastor in urbe,  
Praebens plebiculae pabula vitae,  
Commissam Domino mnam sibi Christo  
Lucratus geminam obtulit olim.

6. Obnixis precibus unde rogamus  
Christum nunc Dominum, corde benigno  
Quod nobis meritis propitietur  
Tanti pontificis sitque misertus.
7. Ipsi summus honor, gloria perpes,  
Lux, splendorque decus, sit decor atque,  
Qui cum patre suo, neumate almo  
Est per saecula Deus trinus et unus.

Brev. ms. Claromontense saec. 15. Cod. Parisien. 1274. — 1, 1 suorum. — 1, 3 glorificant. — 2, 2 inquam. — 2, 3 Nullo modo; Lücke von zwei Silben; tibi ergänzt. — 3, 3 tueris. — 4, 1 A ergänzt. — 4, 3 cuneum qui. — 6, 1 O niris precibus.

## 222. De sancto Floro.

Ad Laudes.

1. Rex Deus nostris faveat benignus  
Laudibus gratis, pietatis auctor,  
Quas sui Flori canimus modici  
Tempore festi.
2. Quem sua clemens bonitate dudum  
Legit electum, statuit connexum  
Congregans Christus numero suorum  
Discipulorum.
3. Obsequens Petro sociatus iste  
Ejus ut fidus comes in remotis  
Praedicans Christum Dominum cum illo  
Semper amavit.
4. Galliis nam post ab eo directus  
Praesul ingressus Lutevensem urbem,  
Qua sedens primus populum sacraivit  
Omnipotentī.
5. Postmodum vero monitis libenter  
Appetens divis aliena rura  
Reddidit flatum Domino beatum  
Mirificatus.
6. Hujus nunc tanti meritis hierarchae,  
Christe, placatus miserere nobis,  
Qui veterinosum sublevasti mundum  
Morte jacentem!
7. Sit, Deus, decus, honor et potestas,  
Laus, salus perpes tibi comperenni  
Cum patre, sancto spiritu per omne  
Saeculum. Amen.

Brev. ms. Claromontense saec. 15. Cod. Parisin. 1274. — 1, 3 modicum; lies: modesti? — 2, 3 Gregans Christus. — 3, 3 Dominum ergänzt. — 4, 1 ab eo ergänzt. — 4, 2 egressus. — 5, 1 monitus. — 5, 3 reddit. — 5, 4 Mirificatu. — 6, 1 nunc ergänzt. — 6, 4 jacendum. — 7, 2 nec nemmi.

223. De sancto Foillano.

- |   |  |
|---|--|
| <p>1. Exsultet coeli regia,<br/>Laetetur praesens curia,<br/>Quia regnat in patria<br/>Praesul noster cum gloria.</p> | <p>4. Fontis locus martyrii<br/>Demonstrat privilegium<br/>Et fossas sancto corpori<br/>Fossae parat obsequium.</p>    |
| <p>2. Foillanus nunc sequitur<br/>Agnum, quocunque ierit,<br/>Et martyri conceditur,<br/>Quidquid Deum rogaverit.</p> | <p>5. Sursum leventur animi<br/>Ad praesulis praesidium,<br/>Quo magis detur Domini<br/>Perennis vitae bravium.</p>    |
| <p>3. Ignis columna claruit<br/>Solum tangens et sidera,<br/>Quae reperiri docuit<br/>Nocte sanctorum funera.</p>     | <p>6. Praesta, pater ingenite,<br/>Jesu, cum sancto flamine,<br/>Ut Foillani precibus<br/>Jungemur in coelestibus.</p> |

Colgan, Acta SS. Hiberniae p. 102 ohne Angabe einer Quelle A. — Acta SS. Oct. XIII p. 444 aus Prop. Leodiense imp. 1666. B. — Str. 1 und 2 fehlen A. — 4, 3 Et fehlt A. — 4, 4 Fossae ist hier Eigennamen (Fosse). — Die Bollandisten teilen denselben Hymnus l. c. 443 mit „ex officiis ecclesiae Fossensis superiore saeculo editis“. Der Vergleich zeigt, daß dies eine sog. „Verbesserung“ im Geschmacke der Zeit ist. — Eben solche Verbesserungen sind die drei l. c. vorhergehenden, derselben Quelle entstammenden Hymnen. Sie sind hymnologisch wertlos.

224. De sancto Foillano.

Ad Completorium.

- |  |  |
|--|--|
| <p>1. Respiremus in beati<br/>Foillani memoria,<br/>Attollamus praelibati<br/>Praesulis solemniam,<br/>Consurgamus excitati<br/>In ejus praeconia.</p>     | <p>3. Tandem ductus in deserta<br/>Sacro ducente spiritu,<br/>Ab impiis Apollinis<br/>Pius occisus nemore,<br/>Fossas translatus divino<br/>Nutu quiescit corpore.</p> |
| <p>2. Oriundus ex Hibernis<br/>Regali prosapia,<br/>Sub tenerrima aetate<br/>Crescens sapientia,<br/>Vitae florens sanctitate<br/>Sprevit transitoria.</p> | <p>4. O patrone praelecte,<br/>Tua per suffragia,<br/>O Foillane, Deum flecte,<br/>Impetrata venia<br/>Ut aeternae conferatur<br/>Vitae nobis gloria.</p>              |

Ex Cod. ol. Fossatensi Acta SS. Oct. XIII, 444. A. — Str. 1 ist dem Reimofficium gleichen Anfangs auf Hubertus entlehnt und danach zu korrigieren: 1, 1 Attollamusque A. — 1, 5 Hinc consurgamus A. — 2, 1 Hibernia A. — 2, 3 mox aetate A. — 2, 5 Vitaeque A. — 3, 3 sqq. Pius ab impiis Ampollinis occisus nemore Fossas translatus nutu divino quiescit corpore. — 4, 1 Patrone Dei praelecta A.



225. De sancto Foillano.

Ad Vesperas.

- |   |   |
|---|---|
| 1. Novis hymnorum modulis<br>Christo canamus gloriam,<br>Foillani pontificis<br>Venerando memoriam.         | 6. Hunc Ultanus comitatur,<br>Gertrudis patrimonio<br>Fossis doctor collocatur<br>Signorum fulgens radio.             |
| 2. Auctor nostri collegii<br>Gregisque pastor crediti,<br>O Foillane, quaesumus,<br>Fer opem nobis omnibus. | 7. Tandem supremo tramite<br>Pinxisti rosas sanguine,<br>Cum dira sectus framea<br>Transisti coeli sidera.            |
| 3. Quondam lucerna vitreis<br>Maris Hiberni sedibus<br>Procedens sol ut aureus<br>Nostris es ortus finibus. | 8. Nunc summum tenens bravium<br>Agnumque sequens praevium<br>Nostris peccatis, poscimus,<br>Medere sanctis precibus. |
| 4. Miro clarescens dogmate<br>Urbem Romanam adiit,<br>Carnis fatiscens artubus<br>Mortis futurae praescius. | 9. Ave, pater Foillane,<br>Ave martyr et patrone,<br>Tuo psallentes nomini,<br>Junge choris coelestium.               |
| 5. Martino Romae praesule<br>Jubente venit Galliam,<br>Cui jubar solis splendidi<br>Illuxit signis, fame.   | 10. Ne nos illudat zabulus<br>Hac nocte suis fraudibus,<br>Sed cum subjectis artubus<br>Vigil quiescat spiritus.      |

11. Christo sit laus et gloria  
Ac Foillano gaudia,  
Qui nos in lucis curia  
Aeterno ditet praemio.

Ex Cod. ol. Fossatensi Acta SS. Oct. XIII, 444 A. — Dieser Hymnus ist augenscheinlich auf Melodie und Leisten des Dionysius hymnus „Coeli cives applaudite“ gemacht, welchen man oben vergleiche. Diese Wahrnehmung ermöglicht es, einige Fehler zu heben. — 4, 1 Vir obclarescens meritis; verbessert nach dem Dionysius hymnus 5, 1. — 5, 1 Romae pontifice, vgl. hymn. Dionys. 6, 1. — 5, 4 fame fehlt; ergänzt nach hymn. Dion. 6, 4. — 7, 2 rosae; lies: Tinxisti Fossas sanguine?

226. De sancto Foillano.

Ad Laudes.

- |   |  |
|---|--|
| 1. Clara prius Hiberniae<br>Lux Foillane patriae,<br>Nostrae post umbris obsitae<br>Lumen dedisti Galliae.                | 3. Nunc lucis compos coelicae<br>Nostras tenebras discute,<br>Quas cultor noctis horridae<br>Densat frequenti daemone. |
| 2. In qua perfectis omnibus,<br>Quae docet sanctus spiritus,<br>Quod summum vitae decus est,<br>Beatus martyr factus est. | 4. Hac nocte, qua tartaream<br>Fregit servator januam,<br>Ab ipsa mundi victima<br>Tranquilla nobis impetra.           |

- |   |  |
|---|--|
| <p>5. Ut mane cum surrexerit<br/>Et justis apparuerit,<br/>Nos Galilaeos faciat<br/>Coelosque secum transferat.</p> | <p>6. Deo patri sit gloria<br/>Ejusque soli filio<br/>Cum spiritu paraclito<br/>Et nunc et in perpetuum.</p> |
|---|--|

Ex Cod. ol. Fossatensi Acta SS. Oct. XIII, 444. — 1, 3 imbris Hs.: Die Konjektur der Acta SS. *tenebris* trifft nicht das Richtige, da *post* des vorhergehenden *prius* wegen zu halten ist.

## 227. De sancto Fulcranno.

Ad Vesperas.

- |  |  |
|--|--|
| <p>1. O Lodovensis civitas,<br/>Imple coelum praeconiis,<br/>Fulcranno laudes debitas<br/>Totis cane praecordiis.</p>    | <p>4. Exemplar factus praesulum<br/>Fame corpus edomuit,<br/>Commissi gregis sedulum<br/>Se pastorem exhibuit.</p>             |
| <p>2. Hic sanctus totus aureus<br/>Illustrat corda gentium,<br/>Ut sole vibrans clipeus<br/>Collustrat juga montium.</p> | <p>5. Et praefuit et profuit<br/>Gregem pastor circumfovens,<br/>Quem supra petram statuit<br/>Dictis et factis commonens.</p> |
| <p>3. Cum animarum regimen<br/>Suscepit dono gratiae,<br/>Fulcrum fuit ad columnen<br/>Lodovensis ecclesiae.</p>         | <p>6. Per vitae magisterium<br/>Nos, pater fervens spiritu,<br/>Duc ad coeli palatium<br/>Ereptos ab interitu.</p>             |

Chronologia Praesulum Lodovensium, auctore Joh. Plantavitio de la Pause. 1634. p. 71.

## 228. De sancto Fulcranno.

Ad Matutinum.

- |  |  |
|--|--|
| <p>1. Plaudat Fulcranni patria,<br/>Cantus addantur plausibus,<br/>Tota psallat vicinia,<br/>Exsultet coelum laudibus.</p> | <p>4. Suae discessum animae<br/>Novit, sepulchrum praescius<br/>Benedicens fit ultimus<br/>Ales diei nuntius.</p>    |
| <p>2. Verna cum abstinencia<br/>Conjungebat silentium,<br/>Dempto cum quinta feria<br/>Primo dierum omnium.</p>            | <p>5. Et cum efflaret animam<br/>Dixit plenus constantiae:<br/>Meum assume spiritum,<br/>Summae Deus clementiae.</p> |
| <p>3. Nudos textit et aluit<br/>Pia gerendo viscera<br/>Et illos lavans meruit<br/>Aeterna Christi munera.</p>             | <p>6. Patri, nato, paraclito<br/>Decus, honor et gloria,<br/>Sint hujus sancti merito<br/>Aeterna nobis gaudia.</p>  |

Chronologia praesulum Lodovensium p. 73.

## 229. De sancto Fulcranno.

Ad Laudes.

- |   |   |
|---|---|
| <p>1. Vacans, Lodeva, laudibus<br/>Fulcranno laudis jubulum<br/>Propina bonis moribus,<br/>Vita mortis periculum.</p> <p>2. Nescivit praesul inclitus<br/>Labem pudoris nivei,<br/>Ejus lilia spiritus<br/>Horti spirat empyrei.</p> <p>3. Ab obsessio daemionum<br/>Fugavit precum stimulo,<br/>Consecravit hospitium<br/>Ardens crucis signaculo.</p> | <p>4. Et ter Gibretum ambiens<br/>Suis evertit precibus,<br/>Et praedones ejiciens<br/>Praecludit viam fraudibus.</p> <p>5. Consummans vitae spatium<br/>Se dejecit ad pulverem,<br/>Sub corpore cilicium<br/>Sterni jussit et cinerem.</p> <p>6. Patri, nato, spiritui,<br/>Uni Deo sit gloria,<br/>Nosque sanctorum coetui<br/>Fulcranni jungat gratia.</p> |
|---|---|

Chronologia praesulum Lodovensium p. 73.

## 230. De sancto Fursaeo.

- |  |   |
|--|---|
| <p>1. Laeta plaumat Hibernia<br/>Latiniaci moenia<br/>Choro coruscat júbilo<br/>Pulso moeroris nubilo.</p> <p>2. Clarum struit coenobium,<br/>Fratrum ponit consortium,<br/>Aqua scaturit baculo<br/>Sed fixa terrae in arido.</p> | <p>3. Matróna vobis improba<br/>Sancti supra ecclesiam<br/>Gemit argenti millia<br/>Tam multa, inquit perdit.</p> <p>4. Fursae, lampas sideris,<br/>Tui memor sis generis,<br/>In nos cum mors jam pendulum<br/>Suum fuderit jaculum.</p> |
|--|---|
5. Clausa natus de virgine  
Jesu, spei fons unice  
Cum patre et sancto spiritu  
Pius salvet in transitu.

Colgan. Acta SS. Hiberniae p. 89 „ex Arnolde Wion. lib. 3. Ligni vitae.“  
Aus der gleichen Quelle entnommen, findet sich der Text mit den gleichen Fehlern Acta SS. Jan. II. 400 u. f. — 2, 4 lies fixa terrae sabulo. — Str. 3 ist total verdorben; vorab ist 1, 1 vobis sinnlos. Die Geschichte, auf die vermutlich angespielt wird, steht Acta SS. l. c. 406 (nr. 8) und 414 (cap. II).

## 231. De sancto Fusciano.

Ad Laudes.

- |   |   |
|---|---|
| <p>1. Speciosus splendens, Christe,<br/>in omnipotentia,<br/>Qui sanctorum exstas decus<br/>et fomes sensificus,<br/>Fusciani nobis atque<br/>Victorici martyrum,</p> | <p>2. Gentiani quique donas<br/>celebrare praemia,<br/>Petimus, ipsorum ut nos<br/>muniant suffragia,<br/>Quorum tibi pretiosa<br/>complacuit passio.</p> |
|---|---|
3. Gloria et honor Deo.

Brev. ms. Meldense saec. 15. Cod. Parisin. 1054. A. — Diurn. ms. Meldense (?) saec. 15. Cod. Parisin. 1069. B.

232. De sancto Gabriele.

- |  |  |
|--|--|
| <p>1. Veneremur Gabrielem,<br/>summi regis nuntium,<br/>Per quem Deus delegavit<br/>sacrum ministerium,<br/>Ex virgine incarnandum<br/>Jesum suum filium.</p>      | <p>3. Gabriel, virtus divina,<br/>debiles fortifica,<br/>Ut vincamus inimicum,<br/>veni, nos corrobora,<br/>Ut post mortem conregnemus<br/>intra coeli limina.</p> |
| <p>2. Paranympheus Dei missus<br/>ad Mariae thalamum,<br/>Ad hoc Deus te elegit<br/>suum secretarium,<br/>Fidem praebens virgo parens<br/>et concepit Dominum.</p> | <p>4. Gloria et honor Deo<br/>usquequo altissimo,<br/>Una patri filioque,<br/>inclito paracrito,<br/>Cui laus est et potestas<br/>per aeterna saecula.</p>         |

Brev. ms. Tolosanum saec. 14. Cod. Tolosan. 74. A. — Brev. ms. Aniciense saec. 15. Cod. Capit. Anicien. s. n. B. — Brev. ms. Romanum saec. 15. Cod. Parisin. 13286. C. — 1, 3 Deus fehlt B. — 1, 5 incarnatum B. — 2, 5 suum salutarium B. — 3, 4 Christi nos corrobora B. — Zu vergl. ist Anal. XVI, Nr. 219.

233. De sancto Gabriele.

Ad Vesperas.

- |   |  |
|---|--|
| <p>1. Sancta mater ecclesia<br/>Tam militans quam triumphans<br/>Gabrielis praeconia<br/>Est hodie solemnizans.</p>     | <p>4. Virgo sacra certis horis<br/>Cum Gabriele loquitur<br/>Fitque mater salvatoris,<br/>Nec virginitas perditur.</p> |
| <p>2. Sacratumque collegium<br/>Angelum hunc veneratur<br/>Spirituum coelestium,<br/>Cum ibidem laureatur.</p>          | <p>5. O Gabriel gratissime,<br/>Cum virgine tunc conferens,<br/>Nunc desolatis maxime<br/>Adsit grate subveniens.</p>  |
| <p>3. Dum Gabriel praeconizat,<br/>Verbum Dei concipitur,<br/>Synagoga jam declinat,<br/>Et lex nova tunc nascitur.</p> | <p>6. Ora nunc pro ecclesia<br/>Repleta multis fletibus,<br/>Verus pastor dominia<br/>Teneat tuis precibus.</p>        |
7. Sit laus, honor et gloria  
Trinitati deificae,  
Quae angelos in patria  
Exaltavit mirifice.

Brev. Grassense imp. s. l. et a. (1528).

234. De sancto Gabriele.

Ad Laudes.

- |  |   |
|--|---|
| <p>1. Tibi, Christe, splendor patris,<br/>vita, virtus cordium,<br/>In conspectu angelorum<br/>votis, voce psallimus,<br/>Aeternantes concrepando<br/>melos damus vocibus.</p> | <p>3. Vocabitur hic Johannes,<br/>propheta altissimi,<br/>Ex utero suae matris<br/>sanctus erit certius,<br/>Fitque pater totus laetus<br/>Gabrielis vocibus.</p> |
| <p>2. Zachariae jam turbato<br/>archangelus loquitur,<br/>Ne timeas, inquit ei,<br/>datur tibi filius,<br/>In cujus nativitate<br/>fit gaudium gentibus.</p>                   | <p>4. O angele venerande,<br/>pastorem ecclesiae<br/>Fac laetari et gaudere,<br/>nec formident filii<br/>Redire ad pium patrem<br/>sic non erunt devii.</p>       |
5. Gloriam patri melodis  
personemus vocibus,  
Gloriam Christo canamus,  
gloriam paraclito,  
Qui trinus Deus et unus  
exstat ante saecula.

Brev. Grassense imp. s. l. et a. (1528).

235. De sancto Gabriele.

Ad Vesperas.

- |   |  |
|---|--|
| <p>1. Ordo ut juris postulat,<br/>Gaudere omnes audeant,<br/>Dum Gabriel nunc bajulat<br/>Nova, unde congaudeant.</p>     | <p>4. Ipse Deus ultionum<br/>Pius pater est effectus,<br/>Perit cultus nationum,<br/>Sanctus crescit nunc affectus.</p>  |
| <p>2. Nullus unquam ad mortales<br/>Missus est talis bajulus,<br/>Qui faciat commensales<br/>Ejus, cujus est famulus.</p> | <p>5. Illum ergo veneremur,<br/>Per quem sumus sublimati,<br/>Ab angelis reveremur,<br/>Postquam sumus Christo nati.</p> |
| <p>3. Per te lux nova oritur,<br/>Nova per te sunt omnia,<br/>Virgo parit, mors moritur,<br/>Umbra perit et somnia.</p>   | <p>6. Gloria sit trinitati,<br/>Per nuntium Gabrielem<br/>Nos jungat aeternitati<br/>Atque populum fidelem.</p>          |

Antiph. ms. Francisc. Hibern. saec. 15. ex Cod. Coll. S. Trinitatis  
Dublinen. B 1. 2. A. — Brev. Bisuntinum imp. Parisiis 1531. B. — 5, 1  
Illud ergo A. — 5, 2 Per quod A.



### 236. De sancto Gabriele.

#### Ad Nocturnum.

- |   |   |
|---|---|
| <p>1. Archangelus in conclave<br/>Per ostium non patulum<br/>Virginis intrat, ut Ave<br/>Offerens salvet saeculum.</p> <p>2. Exsequitur officium,<br/>Dulci fatur eloquio,<br/>Turbat ejus judicium<br/>In tam grandi proloquio.</p> <p>3. Tunc maxima pertractantur<br/>In isto consistorio,<br/>Virgo claudit, quae mandantur,<br/>Mentis suae armario.</p> | <p>4. Plenitudo est temporis,<br/>Jubet natum incarnari<br/>Pater in templo corporis<br/>Ejus nobisque donari.</p> <p>5. Archangelus pacificat<br/>Post territam ejus mentem.<br/>Altum opus clarificat<br/>Et aemuli ferit dentem.</p> <p>6. Gloria sit trinitati<br/>Per nuntium Gabrielem,<br/>Nos jungat aeternitati<br/>Atque populum fidelem.</p> |
|---|---|

Antiph. ms. Franciscan. Hibern. saec. 15. Cod. Coll. SS. Trinitatis Dublinen. B 1. 2. A. — Brev. Bisuntinum imp. Parisiis 1531. B. — 3, 4 Mentis in armario A. — Die Doxologie lautet in A:

Gloria sit trinitati,  
Quae fecit per Gabrielem  
Haec et ejus bonitati  
Grates reddimus fidelem,

wo wohl in der dritten Zeile cujus statt ejus, in der vierten vielleicht gratem (!) zu lesen oder fidelem zu Gabrielem zu ziehen ist.

### 237. De sancto Gabriele.

#### Ad Laudes.

- |   |  |
|---|--|
| <p>1. Gabrielis sancti laudes<br/>Nunciet virgo Maria,<br/>Si proloqui secum audet,<br/>Paedicet cum Zacharia.</p> <p>2. Praeservat matrimonium<br/>Virginem ab infamia,<br/>Nam tulit testimonium<br/>Praeco de castimonia.</p> <p>3. Dum Christus in agonia<br/>Sudat, venit hunc confortans,<br/>Qui verbo portat omnia,<br/>Ut sufferat, fit exhortans.</p> | <p>4. Satis exstat credibile,<br/>De angelis fuit unus,<br/>Qui sepulchri ad cubile<br/>Praedixit non esse funus.</p> <p>5. In mortis sacrae triduo<br/>Christi matrem confortavit,<br/>De actu ejus arduo<br/>Alta nova reportavit.</p> <p>6. Non defuit ascendenti<br/>Inter magnos praecipuus,<br/>Qui adfuit descendenti,<br/>Christi praeco tam strenuus.</p> |
|---|--|
7. Laus sit semper trinitati  
Sicut et ab initio,  
Bonis verbi incarnati  
Fruamur cum hoc nuntio.

Antiph. ms. Franciscan. Hibern. saec. 15. Cod. Coll. S. Trinitatis Dublinen. B 1. 2. A. — Brev. Bisuntinum imp. Parisiis 1531. B. — Brev. Apertense imp. Lugduni 1532. C. — 2, 1 Hic serrat B. — Str. 4—7 stehen in B auch als selbständiger Hymnus ad Completorium.

# 238. De sancto Georgio.

## Ad Vesperas.

- |   |  |
|---|--|
| <p>1. Scandit caelum mittens telum,<br/>         Draconi figens acrius,<br/>         Flagrans miles, nostras viles<br/>         Terras linquens Georgius.</p> | <p>3. Docet rudes hoc, quod tu des,<br/>         Christe Deus, potentiam,<br/>         Quos convertit et avertit<br/>         Baptismi praebens gratiam.</p>   |
| <p>2. Hic venustus haud exustus<br/>         Florem indutus speciem,<br/>         Intus nitet, cum evitet<br/>         Obscoenam mundi faciem.</p>            | <p>4. Fraudem cernit, hanc consternit,<br/>         Virum prospectans daemo-<br/>           num,<br/>         Quem delusum, cruce fusum<br/>         Mittit averno dissonum.</p> |
| <p>5. Patrem, natum, miles, datum<br/>         Alnum deposce meritis,<br/>         Ut victores allectores<br/>         Trudamus procul abditis.</p>           |  |

Brev. ms. Parisiense (?) saec. 15. Cod. Carpolopolitan. 146. A. — Brev. ms. Parisiense saec. 14. Cod. Parisin. 1024. B. — Brev. ms. Parisiense saec. 14. Cod. Parisin. 1263. C. — Brev. ms. Parisiense saec. 15. Cod. Parisin. 1291. D. — Brev. ms. Parisiense saec. 14/15. Cod. Parisin. (Arsen.) 660. E. — 1, 1 Cadit micans celum C; coelum micans telum BE. — 1, 2 fidens C. — 2, 1 Hic vir justus hanc exustus C; Hic non ustus aut exustus BE. — 2, 4 cum enitet D. — 3, 2 Deus clementiam D. — 3, 3 aut avertit C. — 3, 4 praebens fehlt C. — 4, 1 Fraudem fuit et refundit C. — 4, 2 Unum prospectans BE, Rumen prospectans C. — 4, 4 Mittit a verbo C. — Str. 5 lautet in C: Patrem natum miles datum alnum deposce mentis victores tuideamus procul abditis. Amen.

# 239. De sancto Georgio.

## Ad Laudes.

- |   |   |
|---|---|
| <p>1. O athleta, victor, laeta,<br/>         Georgi, fulgens laurea,<br/>         Te laudamus, hic ovamus,<br/>         Lux, ecce, surgit aurea.</p>        | <p>3. Multos terror vicit, error<br/>         Multorum palam dissonat,<br/>         Cum egressus vir nec fessus,<br/>         Vox clara, ecce, intonat.</p> |
| <p>2. Fide rectus, spe provectus,<br/>         Quem fruens ignit caritas,<br/>         Mortem spernit, vitam cernit,<br/>         O lux beata trinitas.</p> | <p>4. Christum fatur, quo datur<br/>         Strages firmavit comitum,<br/>         Stat tribunus, princeps unus,<br/>         Deus, tuorum militum.</p>    |
| <p>5. Ergo fortem contra mortem<br/>         Poscat mens ducem saucia,<br/>         Ut existat, quae nunc distat,<br/>         Aeterna coeli gloria.</p>    |   |

Brev. ms. Parisiense (?) saec. 15. Cod. Carpolopolitan. 146. A. — Brev. ms. Parisiense saec. 14. Cod. Parisin. 1024. B. — Brev. ms. Parisiense saec. 15. Cod. Parisin. 1291. C. — Brev. ms. Parisiense saec. 14/15. Cod. Parisin. (Arsen.) 660. D. — 1, 1 virgo laeta C. — 1, 3 huic oramus A. 3, 1 Multa terror BCD. — 3, 3 vix nec B. — 4, 1 Ipsum fatur A. — 4, 2 firmat A, firmatur B. — 5, 1 Virgo fortem C.

## 240. De sancto Georgio.

Ad Vesp. et Noct.

- |  |  |
|--|--|
| 1. Sancti Georgii martyr<br>Laudent hoc festum militis,<br>Qui sunt in mundi ordine<br>A solis ortus cardine,      | 5. Cuncta peccata ablue<br>Nostra pie et tribue<br>In terra pacem omnibus<br>Nunc sancte nobis spir-<br>ritus. |
| 2. Laudent in coelis hodie<br>Cum summo rege gloriae,<br>Sanctus miles tam nobilis<br>Consors paterni luminis.     | 6. Gloria tibi, Domine,<br>Qui servas nos quotidie<br>Concedat tua gratia<br>Beata nobis gaudia.               |
| 3. Militem hunc sanctissimum<br>Ad summum coeli gaudium<br>Duxisti tu Georgium,<br>Christe, redemptor om-<br>nium. | 7. Quaesumus, auctor saeculi,<br>Omnes, ut nostri oculi<br>Te valeant respicere<br>Et tibi laudes reddere.     |
| 4. Contra draconem nobili<br>Dedisti posse militi<br>Et paradisi gaudium,<br>Rex Christe, factor om-<br>nium.      | 8. Gloria tibi, Domine,<br>Qui surrexisti hodie,<br>Cum patre et sancto spiritu<br>In sempiterna saecula.      |

Psalt. ms. Sedunense saec. 15. Cod. Valerien. s. n. A. — Brev. Sedunense imp. Basileae 1497. B. — 1, 2 hoc fehlt AB, ist nachgetragen B. — 8, 2 Qui surrexisti a mortuis A.

## 241. De sancto Georgio.

Ad Laudes.

- |  |   |
|--|---|
| 1. Sermone blando nobilem<br>Laudemus sanctum militem,<br>Quem coronavit hodie<br>Pater aeternae gloriae.      | 4. Rex Christe, clementissime,<br>Tu laudes nostras suscipe<br>Et nobis cum laetitia<br>Da sempiterna gaudia. |
| 2. Ille cum esset juvenis,<br>Pugnavit tamquam nobilis<br>Contra draconem fortiter,<br>Quem occidit viriliter. | 5. Quaesumus, auctor saeculi,<br>Omnes, ut nostri oculi<br>Te valeant respicere<br>Et tibi laudes reddere.    |
| 3. Purgemus nostra crimina<br>Et omnes cum laetitia<br>Laudemus hunc fortissimum<br>Militemque sanctissimum.   | 6. Gloria tibi, Domine,<br>Qui surrexisti hodie,<br>Cum patre et sancto spiritu<br>In sempiterna saecula.     |

Psalt. ms. Sedunense saec. 15. Cod. Valerien. s. n. A. — Brev. Sedunense imp. Basileae 1497. B. — Mel: Sermone blandus angelus.

## 242. De sancto Georgio.

In 2. Vesperis.

- |  |  |
|--|--|
| <p>1. Ad coenam agni providi,<br/>Fac, ut nos sancti angeli<br/>Ducant cum sancto milite,<br/>O sancte pater inclite.</p> <p>2. Christe, redemptor om-<br/>nium,<br/>Duxisti tu Georgium<br/>Sanctum ad coeli gaudium,<br/>Militem nobilissimum.</p> <p>5. Quaesumus, auctor omnium,<br/>Ut uber verum gaudium<br/>Praestes in omni tempore<br/>Et terrae de coeli rore.</p> | <p>3. Nunc sancte nobis spi-<br/>ritus<br/>In terra pacem omnibus<br/>Da et nostra peccamina<br/>Cuncta dele et crimina.</p> <p>4. Aeternae rex altissime,<br/>Qui surrexisti hodie,<br/>Sancti patris juvamine<br/>Nos reple sancto lumine.</p> |
|--|--|

Brev. Sedunense imp. Basileae 1497.

## 243. De sancto Georgio.

Ad Vesperas.

- |  |   |
|--|---|
| <p>1. Exsulta, cleri concio,<br/>In martyris solemnio<br/>Quam coronavit hodie<br/>Magnae Deus potentiae.</p> <p>2. Tormentorum saevitias<br/>Et tyranni nequitias<br/>Exsuperans viriliter<br/>Vivit regnans feliciter.</p> | <p>3. O martyr invictissime,<br/>Qui certasti legitime,<br/>Semper in adjutorium<br/>Intende supplicantium.</p> <p>4. Praestet hoc nobis deitas,<br/>Cui est summa bonitas,<br/>Cum qua regnat superius<br/>Felix miles Georgius.</p> |
|--|---|

Brev. ms. Valentinense saec. 15. Cod. Atrebaten. 1142 (552).

## 244. De sancto Georgio.

Ad Laudes.

- |   |  |
|---|--|
| <p>1. Christe, redemptor omnium,<br/>Sanctificans Georgium,<br/>Perduc nos ad coelestia<br/>Per ipsius suffragia.</p> <p>2. Salvavit regis filiam<br/>A draconis voragine,<br/>Convertens Alexandriam<br/>Matrem baptismi sanguine.</p> | <p>3. Magum fortem exsuperans<br/>Quam felici martyrio<br/>Confortavit de praemio,<br/>Coclos eidem reserans.</p> <p>4. Aperi nobis januam,<br/>Deus, coeli pro meritis<br/>Dilecti tui militis,<br/>Dans coronam perpetuam.</p> |
|---|--|

Brev. ms. Valentinense saec. 15. Cod. Atrebaten. 1142 (552). — 3, 4  
Coelus ejusdem Hs.

### 245. De sancto Georgio.

Ad Vesp. et Noct.

1. Incliti martyris mira prodigia  
Narrent fidelibus . . . . .  
. . . . ., ut ad suffragia  
Ejusdem currant singuli.
2. Contemptis idolis egenis tribuit  
Hic miles nobilis cuncta, quae habuit,  
Sequi pauperrimus postmodum voluit  
Christum, ductorem saeculi.
3. Necatus acriter serrarum vulnere,  
Dum jussit Christi vox eundem vivere,  
Surrexit citius martyr de funere  
Laudans Christi magnalia.
4. Coelesti Domino sit laus et gloria,  
Quem noscunt principem tellus et maria,  
Hic nos admittere in sua curia  
Dignetur cum gaudentibus.

Brev. ms. Viennense saec. 14. Cod. Parisien. 1285.

### 246. De sancto Georgio.

Ad Laudes.

- |   |   |
|---|---|
| 1. Exsultent Christi milites<br>In beato Georgio,<br>Qui tot adjunxit comites<br>Coelestium collegio. | 3. Hic natam regis eruit<br>A dracone saevissimo,<br>Plebs nequam inde meruit<br>Dare laudes altissimo. |
| 2. Rore mundatam coelico<br>Ducis uxorem perfidi<br>Actu vocat mirifico<br>Ad coenam regis providi.   | 4. Regi coeli egregio<br>Melos canamus gloriac,<br>Qui contulit Georgio<br>Regna coelestis patriac.     |

Brev. ms. Viennense saec. 14. Cod. Parisien. 1285.

### 247. De sancto Gervasio.

1. Martyrum felix certantium gloria,  
Militum Christi mors ubique splendida,  
Qua victa dextrae saevientis ungula  
Vitae merentur laetabundae praemia.
2. Inter quos tantae dignitatis proceres  
Cum fratre gaudet Gervasius jugiter,  
Quorum trophaea venerantes inclita  
Christo devota personemus carmina.



3. Hos uno claro genitore genitos  
Lucem dedisti, pie rex, per populos,  
Quos una die socialis unitas  
Vexit ad coelum laureatos pariter.
4. Fraterno ibi conjugati bravio  
Aeterno laeti perfruuntur gaudio,  
De Jesu dulci satiati corpore  
Ejus potantur et perenni sanguine.
5. Ergo plorantes imploramus supplices,  
Ne preces nostras super astra positas  
Effectu posse impetretis prospere,  
Quo vestro laeti frequentemur munere.
6. Precantes vide, veneranda trinitas,  
Precantes solve, sempiterna deitas,  
Quam decet honor, virtus atque gloria  
Per infinita saeculorum saecula.

Brev. ms. saec. 14. Cod. Parisien. 1259. — 3, 1 Vos uno. — 4, 3 satiari. — 5, 2 sq. verdorben; man erwartet preces nostrae und statt posse etwas wie careant.

#### 248. De ss. Gervasio et Protasio.

Ad Laudes.

- |   |  |
|---|--|
| 1. In martyrum solemnibus<br>Gervasii et Protasii<br>Lactetur plebs fidelium,<br>Laudes Deo canentium.            | 6. Clauduntur in coenaculo<br>Annorum decem spatio,<br>Orationi dant suum<br>Et lectioni studium.        |
| 2. Horum parentum nomina<br>Vitalis et Valeria,<br>Qui gloriosi martyres<br>Christoque sunt amabiles.             | 7. Hoc ordine clarissima<br>Haec duo luminaria<br>Accendit par devotio,<br>Lucere fecit passio.          |
| 3. Hos una mater edidit<br>Ejusdem partu temporis,<br>Quos nexuit plus sanctitas,<br>Quam sanguinis propinquitas. | 8. Bonorum semper invidus<br>Dolet videns diabolus,<br>A talibus se decipi<br>Et per eos a plurimis.     |
| 4. Qui derelicti parvuli<br>Parentibus a mortuis,<br>Si tamen fas est dicere,<br>Sic mortuos non vivere.          | 9. Produxit ergo iudicem<br>Iniquitatis et trucem,<br>Qui Christianos plurimis<br>Affligeres ludibriis.  |
| 5. Exinde sanctimoniam<br>Sequuntur et substantiam<br>Dant prorsus indigentibus<br>Christum sequentes penitus.    | 10. Nostras preces exaudiat<br>In unitate trinitas,<br>Vestrosque nos collegio<br>Conjungat in perpetuo. |

Brev. ms. Gebennense saec. 15. Cod. Gebennen. ml. 36 b. A. — Brev. Gebennense imp. Gebennae 1479. B. — Brev. S. Petri Gebennen. imp. Gebennae 1556. C. — Str. 7 fehlt A. — 8, 1 Honorum semper B. — 9, 4 Affligerent ABC.

249. De sancto Gonerio.

Ad Vesperas.

- |   |   |
|---|---|
| 1. Gonerio decantemus<br>Laudes et praeconia,<br>Cordi vocem concordemus,<br>Sic stemus constantia,<br>Ut cum ipso jubilemus<br>In coelis Alleluja.               | 6. Cum hoc ipsi percipiunt,<br>Moti poenitentia<br>Clamant corde, incipiunt<br>Poscere suffragia,<br>Sanitatem recipiunt<br>Alvandi praesentia.                       |
| 2. Spe robustus, fide clarus<br>indutusque moribus,<br>Mundo placens, Deo carus<br>Erogatis opibus<br>Sua linquit, sibi rarus<br>Et largus pauperibus.            | 7. Tunc Alvandus consolatur<br>Cernens hoc miraculum,<br>Plebs exsultat et laetatur<br>Et statim per populum,<br>Quod gestum est, promulgatur<br>In saeculi saeculum. |
| 3. Gonerius dum recessit<br>Ex partibus Angliae,<br>Ad populum mox accessit<br>Minoris Britanniae,<br>Plebs ac clerus sibi cessit<br>Totius vicinia.              | 8. Miraculis cumulatur<br>Hujus Armoricia,<br>Per suorum honoratur<br>Operum magnalia,<br>Laus in terris sibi datur<br>Et in coelis gloria.                           |
| 4. Dum intendit hic culturae<br>Terrae non fructiferae,<br>In se sentit oppressurae<br>Vim turbae pestiferae,<br>Hunc feriunt non de jure<br>Rupto dextro latere. | 9. Patriarchae consolantur,<br>Hunc prophetae nutriunt,<br>Apostoli venerantur,<br>Martyres custodiunt,<br>Confessores famulantur,<br>Virgines obediunt.              |
| 5. Mox dum sanctum vi faciunt<br>Ad terram procumbere,<br>Iram Dei mox sentiunt<br>In ipsos descendere,<br>Res miranda, caeci fiunt<br>Atque muti propere.        | 10. Throni namque celsitudo<br>Triplexque hierarchia,<br>Angelorum multitudo,<br>Tota coeli curia,<br>Coeli, terrae latitudo<br>Dant ei praeconia.                    |
| 11. Genitori genitoque<br>Laus et jubilatio,<br>Salus, honor, virtus quoque<br>Sit et benedictio,<br>Procedenti ab utroque<br>Compar sit laudatio.                |   |

250. De sancto Gregorio.

1. Gaudeat sancta nunc mater ecclesia,  
Fulta doctrinis et canticis divinis,  
Magni pastoris, eximii doctoris  
In festo sancti praesulis Gregorii.
2. Qui auro, gemmis, sericis indumentis  
Se nudans Christi fit pauper et monachi  
Vilia quaerit, monasteria condit,  
Septem praediis large ditans propriis.
3. Celebs monachus fit abbas largifluus,  
Strenuus rector pauperumque dilector,  
Dat ut naufrago argenteam angelo  
Scutellam marcis ceteris erogatis.
4. Papa fit urbis, caput totius orbis,  
In forma Christi corpus monstrat digiti,  
Servum servorum primus scribit se ipsum,  
Humilis praesul, pius inopum consul.
5. Scriptis insudat, homilias praedicat.  
Narrat exempla, dilucidat obscura,  
Salvat Trajanum justum, licet paganum,  
Febribus aeger, sed facundia pulcher.
6. Sit Deo patri sempiterna gloria,  
Sit coaeterno laus et honor filio,  
Sit coaequali laus sancto spiritui,  
In caput sancti qui sedit Gregorii.

Brev. Tornacense imp. Parisius 1509. — 3, 4 ceteris sic erogatis. —  
6, 2 coaeterna. — 6, 3 coaequalis.

251. De sancto Guillermo.

Ad Vesperas.

- |   |   |
|---|---|
| 1. Laudet vocis in iubilo<br>Guillelmum ducem inclitum<br>Monachorum devotio<br>Laudis exsolvens debitum. | 4. Factus de domo regia<br>Stat primus inter consules,<br>Sana praebens consilia<br>Laudatur inter principes. |
| 2. Hic ex nobili Francia<br>Clarior natus parentibus<br>Floruit ab infantia<br>Scientiarum dotibus.       | 5. Demum relinquens omnia<br>Desertum petit asperam,<br>Contra mundana vitia<br>Statum assumens pauperum.     |
| 3. Ingens armorum probitas<br>Laudat adolescentiam,<br>Cui non deest castitas<br>Juxta mundi lasciviam.   | 6. Fundato monasterio<br>Monachi sumpsit habitum,<br>Sub quo Deo propitio<br>Ad coelos fecit transitum.       |

7. Sit trinitati gloria  
Pro tanti patris laudibus,  
Qui nos trahat ad coelica  
Suis conformes actibus.

Brev. ms. Gellonense (Saint Guillem du Désert) saec. 15. Cod. Pessulanus 19: 1<sup>o</sup> fol. 153 b. A; 2<sup>o</sup> fol. 733 b. B. — 2, 4 doctibus A. — 3, 4 laciviam A. — 5, 3 Extra mundana B. — 7, 4 conformet A.

## 252. De sancto Guilermo.

Ad Nocturnum.

- |  |   |
|--|---|
| 1. Hymnis dignum coelestibus<br>Digne Guilermum militem<br>Laudemus in virtutibus<br>Et cunctis bonis divitem. | 3. Post expletam militiam<br>Crucis confractis hostibus<br>Transit ad poenitentiam<br>Spretis mundanis omnibus. |
| 2. Ex praeclara progenie<br>Natus moribus claruit,<br>Unde fit pater patriae,<br>Cum ejus fama splenduit.      | 4. Monachali sub habitu<br>Erexit monasterium,<br>In quo felici transitu<br>Vires devicit hostium.              |

5. Sit trinitati gloria.

Brev. ms. Gellonense saec. 15. Cod. Pessulanus 19: 1<sup>o</sup> fol. 154 a. A; 2<sup>o</sup> fol. 734 a. B. — 4, 1 Monachi sub habitu B.

## 253. De sancto Guilermo.

Ad Laudes.

- |   |   |
|---|---|
| 1. Patrem, patronum, speculum<br>Cura, titulo, moribus,<br>Qui carnem, hostem, saeculum<br>Suis vicit virtutibus, | 3. In mundo dives, nobilis,<br>Probitate clarissimus,<br>Pro Christo pauper, humilis<br>Fit monachorum infimus. |
| 2. Laudet mater ecclesia<br>Purificatis mentibus,<br>Guilermum, per quem praemia<br>Meretur in coelestibus.       | 4. Oratione sedula<br>Vicit hostem et opere<br>Sancto carnem et saecula<br>Pauper divino munere.                |

5. Sit trinitati gloria.

Brev. ms. Gellonense saec. 15. Cod. Pessulanus 19: 1<sup>o</sup> fol. 154 a. A; 2<sup>o</sup> fol. 741 a. B. — 1, 3 saeculum fehlt A.

## 254. De sancta Helena.

—Ad Nocturnum.

1. Praeclaris Helenae vocibus almae  
Psallat cum sociis hic chorus omnis,  
Qua lux justitiae stirpis et altae  
Lampas nobilitat, splendor honorat.

2. O regum genitrix, mater et orbis,  
Qua tendit patulos Gallia fines,  
Quondum Roma tibi condere laudes,  
Nunc te percelebrant Remica plebes.
3. Vexillum fidei jusque trophaei,  
Quo Christus Dominus vicerat hostem,  
Per te conspicuum nunc replet orbem  
Humano generi dando salutem.
4. Per te clara patent signa salutis  
Sacrato populis fonte renatis,  
Dum crux viperea peste carentes  
Salvat vivifico munere turbas.
5. Praesta supplicibus vitae redemptis,  
Per sublime crucis mite trophaeum  
Diri diffugiant eminus hostes,  
Et nos hinc capiant sidera cives.

Brev. ms. Remense saec. 14. Cod. Remen. 200 (154). A. — Brev. ms. Remense (?) saec. 15. | Cod. Mazarin. 372 (776). B. — 1, 1 Praecelsis B. — 2, 3 concelebrat B. — 4, 4 turbis B. — 5, 2 mire trophaeum B.

## 255. De sancta Helena.

Ad Laudes.

- |  |  |
|--|--|
| 1. Jesu, redemptor gentium,<br>Sanctae, precamur, Helenae<br>Solemnitatis gaudio<br>Voto feramur supplici.           | 4. Quam castus ardor feminae,<br>Mundi triumphans principem<br>Regale tempsit commodum,<br>Regale fert commercium. |
| 2. Cujus pio certamine<br>Crucis trophaeum nobile<br>Nobis resectum panditur<br>Errore tectum perfido.               | 5. Rerum sator, te poscimus,<br>Ejus precatu servulis<br>Praestes medelam vulnorum<br>Pellens doli contagium.      |
| 3. Haec sceptrae saeculi totius<br>Coelestis aulae particeps<br>Spernens, egenis subditur<br>Materque fit clientium. | 6. Sit laus, honor et gloria<br>Celso patri cum filio,<br>Sancto simul paraclito<br>In sempiterna saecula.         |

Brev. ms. Remense (?) saec. 15. Cod. Mazarin. 372 (776).

## 256. De s. Helena Trecensi.

Ad Vesp. et Noct.

- |   |   |
|---|---|
| 1. Pange, lingua, gloriosae<br>Virginis praeconium<br>Atque mentis ulcerosae<br>Deponens flagitium,<br>Offer Deo gratiosae<br>Laudis sacrificium. | 2. Dei laudent officinam<br>Vota, voces omnium,<br>Urbem tamen Trecassinam<br>Majus decet gaudium<br>Propter datam medicinam<br>Contra carnis vitium. |
|---|---|



- |   |  |
|---|--|
| <p>3. Ave, Deo desponsata<br/>         Patrona Trecensium,<br/>         Porphyrio praesignata<br/>         Per hibernum lilium,<br/>         Habens quoque nondum nata<br/>         Cum matre colloquium.</p>   | <p>5. Quando templi celebrari<br/>         Contigit encennia,<br/>         Hoc debere consecrari<br/>         Pro Mariae gloria,<br/>         Palam fatur, licet fari<br/>         Negaret infantia.</p> |
| <p>4. Duo simul haec patravit<br/>         Praeclara miracula,<br/>         Quando nimbos impetravit<br/>         Ens sub divo parvula,<br/>         Nulla tamen irrigavit<br/>         Cunas ejus guttula.</p> | <p>6. Gloria et honor Deo<br/>         Usquequo altissimo,<br/>         Una patri filioque,<br/>         Inclito paraclito,<br/>         Cui laus est et potestas<br/>         Per aeterna saecula.</p>  |

Brev. ms. Trecense saec. 13. Cod. Trecen. 1147. A. — Brev. ms. Trecense saec. 14. Cod. Trecen. 1148. B. — Brev. ms. Trecense saec. 15. Cod. Trecen. 1847. C. — Brev. ms. Trecense saec. 15. Cod. Trecen. 1981. D. — Diurn. ms. Trecense saec. 15. Cod. Parisin. 13237. E.

## 257. De sancta Helena.

Ad Laudes.

- |   |  |
|---|--|
| <p>1. Palma ramum inclinavit<br/>         Helenae dans epulum,<br/>         Sponsus ei destinavit<br/>         Per columbam annulum,<br/>         Ex quo multis temperavit<br/>         Suae carnis stimulum.</p> | <p>4. Calix simul et contentum,<br/>         Tam aqua quam vasculum,<br/>         Commutatur in argentum<br/>         Post Helenae poculum,<br/>         Quod probatum est inventum<br/>         Et purum et tinnulum.</p> |
| <p>2. Dum Helenam praesul rite<br/>         Lavat aquis fontium,<br/>         Dextra Dei signo vitae<br/>         Signat baptisterium,<br/>         Quod videntes eremitae<br/>         Ferunt testimonium.</p>   | <p>5. Dum sub pinu capiebat<br/>         Somnum in meridie,<br/>         Turtur pulsa serviebat<br/>         Aestus intemperie<br/>         Atque muscas abigebat<br/>         Ab Helenae facie.</p>                       |
| <p>3. Nihil prorsus minoravit<br/>         Ignea voracitas<br/>         Luminare, quod gestavit<br/>         Renata virginitas,<br/>         Sed, ut sacrista probavit,<br/>         Prima mansit quantitas.</p>  | <p>6. Gloria et honor Deo<br/>         usquequo altissimo,<br/>         Una patri filioque,<br/>         inclito paraclito,<br/>         Cui laus est et potestas<br/>         per aeterna saecula.</p>                    |

Brev. ms. Trecense saec. 13. Cod. Trecen. 1147. A. — Brev. ms. Trecense saec. 14. Cod. Trecen. 1148. B. — Brev. ms. Trecense saec. 15. Cod. Trecen. 1847. C. — Brev. ms. Trecense saec. 15. Cod. Trecen. 1981. D. — Diurn. ms. Trecense saec. 15. Cod. Parisin. 13237. E. — 4, 6 stinnulum E. — Der Hymnus erscheint fast als bloße „Divisio“ des vorigen.

258. De sancto Hieronymo.

Ad Vesp. et Noct.

- |   |  |
|---|--|
| 1. Verbum supernum prodiens,<br>Thesaurum sapientiae<br>Hieronymus effodiens<br>Fit celsae vas scientiae. | 4. Scripturam curam masticat<br>Exponens vir catholicus,<br>Figuram duram ruminat<br>Hic doctor evangelicus.   |
| 2. Hostes prostravit rigide<br>Cum veritatis jaculis,<br>Alumnos Christi fervide<br>Fovet amoris pabulis. | 5. Strictam vivendi formulam<br>Hieronymus prae ceteris<br>Artamque viae regulam<br>Dat verbis, vita, literis. |
| 3. De petra mel dulcissimum<br>Sugit doctor sapidius,<br>Saxum cujus durissimum<br>Dat oleum liquidius.   | 6. Trino Deo et simplici<br>Laus, honor, virtus, gloria,<br>Qui nos prece Hieronymi<br>Perducat ad coelestia.  |

Brev. Tornacense imp. Parisiis 1509. — Zum Officium: Sancti Hieronymi clara praeconia.

259. De sancto Hieronymo.

Ad Laudes.

- |  |   |
|--|---|
| 1. Hieronymi solemnia<br>Jam pange dulci carmine,<br>Gaudens, mater ecclesia,<br>De tantae prolis germine. | 4. Deserti domus horrida<br>Semivivum non terruit,<br>Aestas fervebat torrida<br>Nec vitae rigor marcuit.     |
| 2. Nam felix doctor hodie<br>Subvehitur ad aethera,<br>Mundum luce scientiae,<br>Vita replens aetherea.    | 5. Eremitarum praemium<br>Hic eremita percipit,<br>Simul doctorum bravium<br>A Christo doctor accipit.        |
| 3. Virgo coronam virginum<br>Hieronymus promeruit<br>Squaloresque carnalium<br>Acerbius deseruit.          | 6. Trino Deo et simplici<br>Laus, honor, virtus, gloria,<br>Qui nos prece Hieronymi<br>Perducat ad coelestia. |

Brev. Tornacense imp. Parisiis 1509. — 2, 3 Mundum coelesti scientiae — 4, 4 meruit.

260. De sancto Hilario.

Ad Vesperas.

1. Laudes, Christe, tibi voce jucunda,  
Mentis laetitia, moribus aptis  
In quocumque loco reddere semper  
Sanctorum cupiunt vota tuorum.
2. Ilis non carnis onus, non furor hostis,  
Non pressura gravis, non vitiorum  
Incentiva queunt tollere dignis  
Decantanda modis cantica laudum.

3. Nam pro judiciis haereticorum  
Multos Hilarius pauper et exsul  
Propter te voluit ferre labores,  
Nec laudum tacuit victor honores.
4. Doctrinas varias impietatis  
Figmentique novi verba profana  
Verbis simplicibus sic reprobavit,  
Quod gens bella movens victa quievit.
5. Confidenter agens pastor honestus  
Et doctor celebris magnus in orbe,  
Defensor fidei fortis in hostes  
Vinci non potuit, vincere novit.
6. Laus et summus honor sit genitori,  
Sit nato pariter spirituique,  
Quorum quisque Deus, tres Deus unus,  
Nostrum quisque bonum nunc et in aevum.

Brev. ms. Lucionense saec. 14. Cod. Parisin. 1033. A. — Brev. ms. Pictaviense saec. 15. Cod. Parisin. 1057. B. — Brev. ms. Pictaviense saec. 15. Cod. Pictavien. 39. C. — Hymn. ms. Andegavensis saec. 14. Cod. Andegaven. 106. D. — Brev. ms. Lingonense saec. 15. Cod. Calmontan. 26. (Invent. Robert) E.

## 261. De sancto Hilario.

Ad Laudes.

1. O quam magnificus quamque benignus  
In sanctis Dominus, gratia cujus  
Illis magna parat, multa revelat,  
Quae damnosa malis littera velat.
2. Nam quae legis erant tecta figuris  
Aut sensu dubio dicta latebant,  
Ipsis interior noscere donat  
Et verbis propriis dicta referre.
3. Argumenta quibus convenienter  
Inconcessa probant, falsa refutant,  
Adjungit fidei, sicque fideli  
Fiunt clara magis, firma rebelli.
4. Errorum latebras prodere gnarus,  
Certos de dubiis edere sensus,  
Prudens Hilarius novit et ipsum  
Verborum facies nulla fefellit.
5. Fallaces nebulas haereticorum  
Veri luce tulit lumine pleno,  
Sol caecis animis, splendida caeli  
Urbi stella suae, lucifer orbi.

6. Laus et summus honor sit genitori,  
 Sit nato pariter spirituique,  
 Quorum quisque Deus, tres Deus unus,  
 Nostrum quisque bonum nunc et in aevum.

Brev. ms. Lucionense saec. 14. Cod. Parisin. 1033. A. — Brev. ms. Pictaviense saec. 14. Cod. Parisin. 1057. B. — Brev. ms. Pictaviense saec. 15. Cod. Pictavien. 39. C. — Brev. ms. Lingonense saec. 15. Cod. Calmontan. 26. (Invent. Robert) D. — 1, 4 vellat A. — 2, 1 Jam quae legis A.

## 262. De sancto Hilario.

In Vesperis.

- |  |   |
|--|---|
| 1. Lumen serenum Galliae,<br>Hilarium nunc praesulem,<br>Verum diem qui possidet,<br>Canamus ore, pectore.         | 5. Res mira causae contigit,<br>De clade vitam sumere<br>Hostem sui, plus horruit,<br>Cum se flagellis subdidit.  |
| 2. Plenus superno munere<br>Doctor micans ecclesiae,<br>Christi pio pro nomine<br>Exsul fuit Seleucia.             | 6. Labor coronam praebuit,<br>Sudor quietem contulit,<br>Amore Christi perfruens,<br>Quae vult, benignus obtinet. |
| 3. Tormenta, vincla pertulit,<br>Famem, sitim non horruit,<br>Quod poena major intulit,<br>Perfecit illud gloriae. | 7. Soluta firmat corpora,<br>Claudis refert vestigia,<br>Febrem anhelis pectoris<br>Coelesti rore decutit.        |
| 4. Pro rege miles exiit,<br>Pugnans triumphum percipit,<br>Victo Arriano Caesare<br>Coeli stat ante principem.     | 8. Caecis diem dat consciam,<br>Nascendo quam non noverant,<br>Deus suis fidelibus,<br>Quae postulat, non abnuat. |
| 9. Gloria tibi, Domine,<br>Gloria unigenito<br>Cum spiritu paraclito<br>Nunc et per omne saeculum.                 |   |

Cod. Parisin. 1146. saec. 14. A. — Brev. ms. Pictaviense saec. 16. Cod. Pictavien. 40. B. — Brev. Audomarense imp. Parisiis 1518. C. — 1, 2 hunc praesulem A. — 4, 4 Felix stat ante. — 7, 4 rore detusit B.

## 263. De sancto Honorato.

- |   |  |
|---|--|
| 1. Pangat chorus Lirinensis,<br>Resultet terra gaudiis<br>Arelatensis, canticis<br>Festivet festum praesidis. | 3. Hic eripiens a daemone<br>Regis natam et praemium<br>Athletam Christi Karolum<br>Postulavit de carcere. |
| 2. Hos instruxit, hos cibavit,<br>Dum frumenta cumulavit,<br>Egens dives abundavit<br>Annali cursu tempore.   | 4. Anolinus erigitur<br>Ab Honorato, nititur<br>Hic caput infra subdere,<br>Virtutem coepit noscere.       |

- |  |  |
|--|--|
| <p>5. Post passus est supplicium<br/>Videns fratrem occumbere,<br/>Gloriosum Venantium<br/>Intuitus in aere.</p> | <p>6. Superstes cruce signavit,<br/>Lirum rinum visceravit,<br/>Lympha de petra manavit<br/>Trino vocato nomine.</p> |
|--|--|
7. Patri detur potentia  
Filioque prudentia,  
Spiritu clementia  
In sempiterna saecula.

Brev. ms. Lirinense saec. 15. Cod. Parisien. 10486. A. — Brev. Foro-  
julienne imp. Taurini 1495. B. — Brev. Grassense imp. Lugduni 1528. C. —  
2, 3 divus A. — 3, 1 eripens A. — 5, 2 succumbere BC. — 5, 4 Intuitus  
est ABC. — 6, 1 signat A. — 6, 2 Lyrum rynum visceravit BC, Lirum  
rinum visce munit A.

#### 264. De sancto Honorato.

- |  |   |
|--|---|
| <p>1. Ignis lucens Andronicus<br/>Polum attingens filius,<br/>Uterque parens anxius<br/>Occultat visum spiritus.</p>   | <p>4. Negat pastum adjiciens<br/>Omne quod cupit sapiens.<br/>Servis suis obediens,<br/>Facit Jesus omnipotens.</p> |
| <p>2. Cervus occurrit coetui<br/>Istum admovent cursui,<br/>Ut congruebat statui<br/>Senis adduxit manui.</p>          | <p>5. Hic commutatus gratia<br/>Cervi sequens vestigia<br/>Haerentis sua cornua<br/>Equum cepit ad vincula.</p>     |
| <p>3. Cervus ille prosiliens<br/>Mox est factus obediens,<br/>Quot annis pascis inquit<br/>Antiquo dixit nesciens.</p> | <p>6. Patri detur potentia<br/>Filioque prudentia,<br/>Spiritu clementia<br/>In sempiterna saecula.</p>             |

Brev. ms. Lirinense saec. 15. Cod. Parisin. 10486. A. — Brev. Valen-  
tinum anni 1420. Cod. Parisin. (Arsen.) 105. B. — Brev. Valentinense imp.  
Neapoli 1489. C. — „Sequens hymnus dicitur super annum, quando fit de  
sancto Honorato.“ A. — 1, 4 Occultans A. — 3, 3 annis pasti. — 4, 2 quod  
coelum capiens A. — 5, 1 comitatus A, tunc mutatus C.

#### 265. De sancto Huberto.

- |  |  |
|--|--|
| <p>1. Christi praesul egregie,<br/>Huberte beatissime,<br/>Cujus discurrunt merita<br/>Per ampla terrae spatia.</p>      | <p>4. Ergo bone tu pontifex,<br/>Curationum opifex,<br/>Qui cunctis te rogantibus<br/>Fidelis ades medicus;</p>      |
| <p>2. Fac ad Christum pertingere<br/>Tuae preces familiae,<br/>Quae multis nexa vinculis<br/>Ad te suspirat humilis.</p> | <p>5. Hanc medelam familiae<br/>Da in utroque homine,<br/>Ut post mundi curricula<br/>Tecum simus in patria.</p>     |
| <p>3. Ut divinam clementiam<br/>Sibi reddas propitiam,<br/>Ne sit, pater, ulterius<br/>Tuis orba virtutibus.</p>         | <p>6. Hoc summa praestet deitas,<br/>Patris natiue unitas<br/>Sanctoque cum spiramine<br/>In sempiterno tempore.</p> |

Brev. ms. S. Waldetrudis Monteu. saec. 15. Cod. Duacen. 164. — 6, 2  
natiue unii Hs.



266. De sancto Hugone.

Ad Vesperas.

- |  |  |
|--|--|
| <p>1. <i>Mysterium eximia</i><br/> <i>Deitatis signaculum</i><br/> <i>Hugonem dat Valentia,</i><br/> <i>Vitae valentis speculum.</i></p> <p>2. <i>Sola fruens haec gratia</i><br/> <i>Profert Hugonem flosculum,</i><br/> <i>Castri novi militia</i><br/> <i>Castris Dei primipulum.</i></p> | <p>3. <i>Vates post ab infantia</i><br/> <i>Hugo petit avunculum,</i><br/> <i>Lugdunensis ecclesia</i><br/> <i>Doctrinae praestat pabulum.</i></p> <p>4. <i>Mysterium hac nescia</i><br/> <i>Tanti fructus manipulum</i><br/> <i>Ad se trahit Burgundia</i><br/> <i>Hugonem, Christi famulum.</i></p> <p>5. <i>Sit trinitati gloria,</i><br/> <i>Unitaque cummulum</i><br/> <i>Honoris et praeconia</i><br/> <i>Demus per omne saeculum.</i></p> |
|--|--|

Brev. ms. Valentinense saec. 15. Cod. Atrebaten. 1142 (552). Der Text dieses und des folgenden Hymnus ist schlecht überliefert. Derselbe findet sich, womöglich noch schlechter bestellt, Acta SS. April. I, 47. B. — 1, 1 *Magistrum eximium* B, wobei eine Silbe und der Reim mit 2, 3 abhanden kommen. — 2, 1 *haec gratia* B. — 2, 2 *flosculus* A. — 2, 4 *Castri divini primipulum* B. — 4, 1 *Monasterium hoc messuit* B; der absolute Ablativ *hac nescia* bezieht sich auf das vorhergehende *Lugdunensis ecclesia*; statt *hac nescia mysterii* schreibt der Dichter *nescia mysterium* (nach *nescire mysterium*), eine im mittelalterlichen Latein häufige Kasusverwechslung.

267. De sancto Hugone.

Ad Laudes.

- |  |  |
|--|--|
| <p>1. <i>Vere plenus munditia</i><br/> <i>Cisterciensem titulum</i><br/> <i>In domo Miratoria</i><br/> <i>Sumit Hugo vestibulum.</i></p> <p>2. <i>Pastores dant consilia,</i><br/> <i>Leoncelli capitulum</i><br/> <i>Firma fratrum concordia</i><br/> <i>Offert Hugoni baculum.</i></p> | <p>3. <i>Sic magni providentia</i><br/> <i>Bona vallis hunc calculum</i><br/> <i>Sibi sumit ex filia,</i><br/> <i>Hugonis gubernaculum.</i></p> <p>4. <i>Rogemus, ut de patria</i><br/> <i>Gratiae mittat rivulum,</i><br/> <i>Quibus digna praesentia</i><br/> <i>Juge monstrat miraculum.</i></p> <p>5. <i>Sit trinitati gloria.</i></p> |
|--|--|

Brev. ms. Valentinense saec. 15. Cod. Atrebaten. 1142 (552). — Acta. SS. 1. c. B. — 1, 2 *Cisterciensi titulum* B. — 1, 3 *domo Muratoria* B. — 1, 4 *Subit Hugo* B. — 2, 2 *Liunceli* B, *Notre Dame de Lyncell* oder *Leoncel*. — 3, 1 *Sic magi providentia* A; *Sic magni viri provident* B, unter Beseitigung des Reimes. — 3, 3 *filia*, das Tochterkloster. — 4, 1 *Rogemus te de patria* A. — 4, 2 *Gratiarum* B.

268. De sancto Jacobo.

Ad Vesperas.

1. *Pangat nostra Deo carmina cohors*  
*Et laudum recinat vota ferendo,*  
*Cum concentibus in Jacobi festo*  
*Resultet, recolat voce sonora.*

2. Qui dux Hispaniae numine divo  
Collatus populis primus nec amplis,  
Cujus festa dies splendet in arvis,  
Laeta plebs reboat cantibus almis.
3. Quem Christus Dominus pontificatu  
Extollit socians laetus alumnum,  
Nec non martyrio consecrat alnum,  
Plebi Hesperiae dando patronum.

Brev. ms. Viennense saec. 15. Cod. Parisien. 1285. — 1, 2 laudum retinet vota. — 1, 3 Cum consimis Jacobi festa. — 1, 4 Resultet nec et recolit voce. — 2, 4 plebs roborat. — 3, 1 Dominus ponti; ficatu erganzt.

### 269. De sancto Jacobo.

Ad Laudes.

- |   |   |
|---|---|
| <ol style="list-style-type: none"> <li>1. Odas phalanx persplendida<br/>Christo resultet praedia,<br/>Cum Jacobi solemnia<br/>Recoluntur solemnia.</li> <li>2. Qui se vocantem Dominum<br/>Sequens mente promptissima<br/>Mundi reliquit omnia,<br/>Patrem simul et retia.</li> </ol> | <ol style="list-style-type: none"> <li>3. Cujus amore nominis<br/>Amplectens mortem corporis<br/>Victor polorum cuneis<br/>Adnexus est sidereis.</li> <li>4. Sit trinitati gloria,<br/>Qui Jacobum consortia<br/>Transvexit ad aetherea<br/>Per cuncta semper saecula.</li> </ol> |
|---|---|

Brev. ms. Viennense saec. 14. Cod. Parisien. 1285.

### 270. De sancto Jacobo.

Ad Vesp. et Noct.

- |   |   |
|---|---|
| <ol style="list-style-type: none"> <li>1. Felix mater ecclesia<br/>Tali tuta munimine<br/>Nec non felix Hispania<br/>Tanto lustrata lumine.</li> <li>2. Quae vivi cedis radio,<br/>Plebs penitus indocilis,<br/>Laetaris nunc suffragio<br/>Mortui fortis pugilis.</li> </ol> | <ol style="list-style-type: none"> <li>3. Laetaris novo cantico<br/>Matutino et vespero,<br/>Concento plaudis coelico<br/>Claro refulgens Hespero.</li> <li>4. Ex loco, ubi nascitur,<br/>Typum gerit Luciferi,<br/>Sed tumulo, quo clauditur,<br/>Lucem assumit Hesperii.</li> </ol> |
|---|---|
5. Sit laus patri cum filio,  
Sancto simul paraclito,  
Qui Jacobi praesidio  
Mundo succurrat perditio.

Brev. Massiliense imp. Lugduni 1530.

### 271. De sancto Jacobo.

Ad Laudes.

- |  |  |
|--|--|
| <ol style="list-style-type: none"> <li>1. Exsultet dignis gaudiis<br/>Tota mater ecclesia<br/>Et Jacobi praeconiis<br/>Devota cantet carmina.</li> </ol> | <ol style="list-style-type: none"> <li>2. Johannis frater scribitur<br/>Ex utrisque parentibus<br/>Eisque fides mergitur<br/>Et gaudiis perennibus.</li> </ol> |
|--|--|

- |  |  |
|--|--|
| <p>3. <i>Conjunctus Dei filio</i><br/> <i>Affinitate sanguinis</i><br/> <i>Locatur coeli solio</i><br/> <i>Dignus honore culminis.</i></p> | <p>4. <i>Pro passionis poculo</i><br/> <i>Coeli consendit solium,</i><br/> <i>In ipsiusque tumulo</i><br/> <i>Patet jube praesidium.</i></p> |
|--|--|

5. *Sit laus patri cum filio.*

*Brev. Massiliense imp. Lugduni 1530.*

## 272. De sancto Jacobo.

*Ad Vesperas.*

- |   |   |
|---|---|
| <p>1. <i>Gloriosa dies ista</i><br/> <i>praesentat laetitiam</i><br/> <i>Et illustret luce vera</i><br/> <i>praesentem ecclesiam,</i><br/> <i>Gaudiorum et salutis</i><br/> <i>ministrans materiam.</i></p> <p>2. <i>Hac piscator ille magnus</i><br/> <i>a captura piscium</i><br/> <i>Linquens patrem, linquens rete,</i><br/> <i>sed ditans officium</i><br/> <i>Ad coeleste de terreno</i><br/> <i>transit mercimonium.</i></p> | <p>3. <i>Jam non hospes, sed colonus,</i><br/> <i>sed confessor curiae,</i><br/> <i>Quam venustat et delectat</i><br/> <i>lux aeternae gloriae,</i><br/> <i>Sit adjutor et protector</i><br/> <i>praesentis familiae.</i></p> <p>4. <i>Gloria et honor Deo</i><br/> <i>usquequo altissimo,</i><br/> <i>Una patri filioque,</i><br/> <i>inclito paraclito,</i><br/> <i>Cui laus est et potestas</i><br/> <i>per aeterna saecula.</i></p> |
|---|---|

*Brev. ms. Dervense saec. 14/15. Cod. Calmontan. 30. A. — Brev. ms. Andegavense saec. 15. Cod. Massilien. Eb. 303. B. — Brev. ms. Andegavense saec. 15. Cod. Sangenovefian. BBl. VIII<sup>o</sup> 24<sup>2</sup>. C. — Hymn. ms. Andegavensis saec. 14. Cod. Andegaven. 105. add. saec. 15/16 D. — Hymn. ms. Andegavensis saec. 14. Cod. Andegaven. 106. add. saec. 15/16. E. — Brev. Andegavense imp. Rotomagi 1504. F. — 1, 1 *Gloriosa fides Jacobi* F. — 1, 2 *Jacobi per gratiam* C. — 1, 3 *Nos illustret* C. — 1, 4 *et sanctam ecclesiam.* — 2, 1 *Hic piscator* C.*

## 273. De sancto Jacobo.

*Ad Nocturnum.*

- |  |   |
|--|---|
| <p>1. <i>Solemne nobis gaudium</i><br/> <i>Reduxit ordo temporum,</i><br/> <i>Quo per beatum Jacobum</i><br/> <i>Lustratur plebs fidelium.</i></p> <p>2. <i>Hic evocante gratia</i><br/> <i>Liquit patrem et retia</i><br/> <i>Et est secutus Dominum</i><br/> <i>Piscator factus hominum.</i></p> <p>3. <i>Hunc claritatis visio,</i><br/> <i>Sancta transfiguratio,</i><br/> <i>Cum se tribus exhibuit,</i><br/> <i>Unum de tribus habuit.</i></p> | <p>4. <i>Hunc et testem agoniae</i><br/> <i>Fons assumpsit clementiae,</i><br/> <i>Quando filius hominis</i><br/> <i>Sudavit guttas sanguinis.</i></p> <p>5. <i>Hic per Herodis gladium</i><br/> <i>Vitae percurrrens stadium</i><br/> <i>Et muneratus bravio</i><br/> <i>Coeli sedet in solio.</i></p> <p>6. <i>Regi superno gloria,</i><br/> <i>Qui verbo fecit omnia,</i><br/> <i>Quem videre cum gratia</i><br/> <i>Mereamur in gloria.</i></p> |
|--|---|

Brev. ms. Dervense saec. 14/15. Cod. Calmontan. 30. A. — Brev. ms. Andegavense saec. 15. Cod. Massilien. Eb. 303. B. — Brev. ms. Andegavense saec. 15. Cod. Sangenovefian. BBl. VIII<sup>o</sup> 24<sup>2</sup>. C. — Hymn ms. Andegavensis saec. 14. Cod. Andegaven. 105. add. saec. 15/16. D. — Hymn. ms. Andegavensis saec. 14. Cod. Andegaven. 106. add. saec. 15/16. E.

274. De sancto Jacobo.

Ad Vesperas.

- |  |  |
|--|--|
| 1. Exsultet coeli curia,<br>Laetetur et ecclesia<br>Celebrando solemniam<br>Jacobi cum laetitia.           | 3. O pater benignissime,<br>Apostole sanctissime,<br>Tibi digne psallentia<br>Corda reple laetitia.      |
| 2. Afflictis dat solatium,<br>Doloribus remedium<br>Datque cunctis consilium<br>Inconsultisque gaudium.    | 4. Et cum judex adveneris,<br>Separa nos a miseris,<br>Vitae rependens bravium<br>In choro gratulantium. |
| 5. Deo patri sit gloria,<br>Cujus gaudet praesentia,<br>Sanctus Jacobus hodie,<br>Fulgens palma victoriae. |  |

Brev. ms. Romanum saec. 15. Cod. Parisien. 13236.

275. De sancto Jacobo.

Ad Vesperas.

1. Annue gregi, pater benignissime,  
Tibi canenti voce devotissima,  
Ut, quae peccando graviter commisimus,  
Culpas condones poscentibus veniam.
2. Solve ligatos peccatorum vinculis,  
Reddens captivis dragmam prius perditam,  
Ut tecum laeti gratulemur pariter  
Associati sanctorum collegio.
3. Salva clamantes, Christe, tibi famulos  
Precibus horum, quos credimus iudices  
Esse futuros in die iudicii,  
Cum quibus regnat laureatus Jacobus.
4. Sit tibi virtus, laus et jubilatio,  
Honor, potestas, decus et imperium,  
In trinitate qui manes omnipotens  
Et nunc et semper per aeterna saecula.

Brev. ms. Parisiense saec. 15. Cod. Parisin. 1051. — 1, 3 Ut qui. — 2, 1 Dole ligatos. — Mel.: Annue, Christe, saeculorum Domine.

276. De sancto Jacobo.

Ad Nocturnum.

- |  |   |
|--|---|
| <p>1. Exsultet chorus omnium<br/>In coelo gratulantium,<br/>Recolendo solemniam<br/>Sancti Dei praeconia.</p>    | <p>4. Salutem dat corporibus<br/>Morbis obsessis gravibus,<br/>Restaurat multis perditam<br/>Cum fide sibi credita.</p> |
| <p>2. Laetetur terra gaudiis<br/>Apostoli suffragiis,<br/>Laeta manus operibus,<br/>Sanctis ejus virtutibus.</p> | <p>5. Quaeramus corde sedulo,<br/>Nos solvat a periculo,<br/>Cum Christus iudex venerit<br/>Et consors illi fuerit.</p> |
| <p>3. Desolatis dat gratiam,<br/>Pius auget substantiam,<br/>Revocat ad solatia<br/>Vitae precantum taedia.</p>  | <p>6. Praestet beata trinitas,<br/>Concedat simplex unitas,<br/>Ut Jacobi suffragiis<br/>Coeli fruamur gaudiis.</p>     |

Brev. ms. Romanum saec. 15. Cod. Parisin. 13236. A. — Brev. ms. Parisiense saec. 15. Cod. Parisin. 1051. B. — 1, 2 In choro B. — 2, 3 Laeti miris operibus B. — 2, 4 Factis ejus B. — 4, 4 Confide B. — 6, 1 Praesta B. — 6, 2 Concede B.

277. De sancto Illidio.

In Vesp. et Noct.

1. Summe sacerdos, rector et custos,  
Dux Arvernensis, praesul insignis,  
Vernula Dei, sacer Illidi,  
Pangimus tibi.
2. Praesens submissa tibi caterva  
Te patrem suum amando pium  
Consona voce, devota mente  
Afferat laudes.
3. Alta, profunda simul et plana,  
Quaeque creata sunt et formata,  
Concinant melum, recolant sanctum,  
Te laude dignum.
4. Satanas exit et tibi cedit,  
Prosilit claudus, et videt caecus,  
Et puer sanus febriens laetus  
Suos dat cantus.
5. Aeger et inops, debilis, impos,  
Viduae necne quidquid est omne,  
Ad tuas laudes dent simul voces,  
Tu, sancte, preces.



6. Gloria Deo laus sitque nato,  
 Flamini sancto honor in aevo,  
 Qui regis sceptrum possidens mundum,  
 Rex saeculorum.

Brev. ms. S. Victoris Massilien. anni 1497 (Privatbesitz). — 1, 2 Advernensis. — 2, 4 laude. — 4, 2 claudus eum det caecus. — 4, 3 sanas. — 4, 4 det. — 5, 1 debilis impos.

## 278. De sancto Illidio.

Ad Laudes.

- |  |   |
|--|---|
| 1. Jam carmine mellifluo<br>Odas persolvat concio,<br>Illidium sic recolat,<br>Ut mundo clarum faciat. | 3. Patrat mira quotidie<br>Christi praesul juvamine,<br>Agat, ut simus caelibes<br>Ejusque doni compotes.   |
| 2. Est sanctitate nobilis,<br>Virtutibus et meritis,<br>Natam regis Treverici<br>Liberavit a daemone.  | 4. Sancte tu praesul, releva,<br>Quos premit caro terrea,<br>Ut nos tuo suffragio<br>Tecum jungamur Domino. |
| 5. Laus patri sit cum filio,<br>Honor et jubilatio,<br>Atque sancto paracrito<br>Perpes sit veneratio. |   |

Brev. ms. S. Victoris Massiliens. anni 1497 (Privatbesitz). — 2, 3 tremeriti Hs.; vgl. Acta SS. Juni I, 418.

## 279. De sancto Imerio.

- |  |  |
|--|--|
| 1. Antistitis magnifici,<br>Confessoris Imerii<br>Praeclara mirabilia<br>Promant justa praeconia.              | 5. Claudos curat et debiles<br>Divino nutu, daemones,<br>Morbos depellit noxios,<br>Caecos adornat oculos.   |
| 2. Quamquam ejus miracula<br>Sit dicere non omnia,<br>Unum tamen de milibus<br>In nostris sonet vocibus.       | 6. Surdis auditus redditur,<br>Mutorum lingua solvitur,<br>Artus parent officiis<br>Praefati sancti meritis. |
| 3. Hujus patris ad tumulum<br>Jacenti caeco strenuum<br>Lumen reduxit frigida<br>Lympha cadens de situla.      | 7. Istius, Deus, precibus<br>Da veniam sceleribus,<br>Nobis succurre miseris<br>Et salva patrociniis.        |
| 4. A magnis plumbum traditum<br>Argentum fit mirificum,<br>Appensa lance quotiens,<br>Crevit et libra totiens. | 8. Sit tibi laus et gloria,<br>Decus, perpes victoria,<br>Honor, virtus ingenito<br>Et nunc et in perpetuum. |

Brev. ms. Romano Augustin. saec. 16. Cod. Oxonien. Miscell. Liturg. 165. — 2, 2 Lücke von vier Silben; non omnia ergänzt. — 4, 1 A magnus. — 4, 3 Appense. — 5, 1 und 2 sind umgestellt. — 8, 4 Et fehlt.

280. De ss. Innocentibus.

- |  |  |
|--|--|
| 1. Sancti infantes martyres<br>De plebe Bethlemitica,<br>Jesum laudemus Dominum<br>Pro vestra tanta gloria.    | 5. Rachel plorans nam filios<br>Consolarique noluit,<br>Cum mortua erant viscera,<br>Quae cernit in coelestibus. |
| 2. Magi Herodi nuntiant<br>Stellam, quam nuper viderant,<br>Callide habet quaerere,<br>Quem vellet interimere. | 6. O magnumque mysterium<br>Et tam pium martyrium,<br>Infantes colla ambiunt,<br>Honorem sacrum sentiunt.        |
| 3. Illi deludunt impium<br>Nec nuntiant mysterium,<br>Tyrannus sic infremuit<br>Delere cunctos teneros.        | 7. Jesus portatus Aegyptum,<br>Fugerat regem pessimum,<br>Infans infantem suscepit,<br>Quia dilexit martyres.    |
| 4. Vox in Rama audita est,<br>Ululatus gravissimus,<br>Natos matribus auferunt,<br>Occiduntur pro Domino.      | 8. Ut sub altare Domini<br>Tempus quiescant modicum,<br>Dum venit, quod desiderant,<br>Orent pro nobis Dominum.  |

9. Praesta, pater piissime.

Hymn. ms. Veronensis saec. 11. Cod. Capit. Veronen. 109. — 6, 3 colla lambiunt. — 7, 1 Aegyptus.

281. In Natali Innocentium.

1. Laudet exsultans Dominumque terrae,  
Christus insontes vegetans ad astra  
Martyres, miris decorans coronis  
Munere vitae.
2. Vocibus necdum poterant fateri  
Gloriam Christi, moriendo sancti  
Fantur et palma renitent triumphi  
Laude perenni.
3. Dum putat Christum jugulare natum,  
Mactat inbelles pueros Herodes  
Hostis, elingues perimens phalanges  
Morte cruenta.
4. Agmen infantum gladiis peremptum  
Evolat celsum penetrando regnum  
Atque post agnum graditur ferentem  
Gaudia lucis.
5. Unde condignas referamus odas  
Principi Christo pietate summo,  
Tanta quo servi capiunt pusilli  
Dona salutis.

Brev. ms. Hispanicum saec. 12. Cod. Lond. Add. 30849. — 1, 2 insontens. — 3, 3 elinguis peribens. — Von der Doxologie ist nur der Anfang: „Sit tibi splendor patris atque forma“ vorhanden. Die Handschrift ist nicht mozarabischen Ritus.

282. De sanctis Innocentibus.

Ad Laudes.

- |  |   |
|--|---|
| 1. In hac die solemnitas<br>Agatur omni populo<br>In cantico et júbilo<br>In laude patris omnium.      | 4. Infauste rex et impie,<br>Christum petens occidere,<br>Regni metu, quod possides,<br>Cur saevis in innoxios? |
| 2. Qua innocentes parvuli<br>Herodes jussit perimi,<br>In arce regis superi<br>Vitae coronam capiunt.  | 5. Te digna petit ultio,<br>Nam mox necasti proprios<br>Natos furoris stimulo,<br>Qui alios occideras.          |
| 3. Quos nulla culpa polluit<br>Nec operis nec faminis,<br>Dirus orbavit gladius<br>Imperio nequissimi. | 6. Gloria tibi, Domine,<br>Qui natus es de virgine,<br>Cum patre et sancto spiritu<br>In sempiterna saecula.    |

Diurn. ms. Benedictin. saec. 15. Cod. Parisien. 10530.

283. De s. Johanne Evangelista.

- |  |  |
|--|--|
| 1. Johannis in principio<br>Verbum fuisse testatur<br>Et apud Deum et ipsum<br>Deum, modo caro factum.     | 3. In aurum virgas mutavit,<br>Vilia saxa in gemmas,<br>Letale bibit poculum<br>Et evasit periculum.         |
| 2. Qui supra pectus Domini<br>Arcana verba didicit,<br>Quem ipse matri virgini<br>Virginem dedit custodem. | 4. Reddidit vitae mortuos,<br>Docte vicit haereticos,<br>Errores cunctos depulit<br>Et fidem Christi docuit. |
| 5. Laus, honor, virtus, gloria<br>Deo patri et filio<br>Una cum sancto spiritu<br>In sempiterna saecula.   |  |

Hymn. ms. Veronensis saec. 11. Cod. Capit. Veronen. 109. — 1, 4 modo carne factum. — 3, 3 Letabile bibit.

284. De sancto Joseph.

- |   |   |
|---|---|
| 1. O veneranda trinitas,<br>Jesus, Joseph et Maria,<br>Quam conjunxit divinitas<br>Caritatis concordia. | 3. Hic virgo servit virgini<br>Humili benignitate,<br>Sed virgineo germine<br>Ampliori caritate.              |
| 2. Mater, virgo puerpera,<br>Parit in diversorio,<br>Cui Jesus sugit ubera,<br>Gaudet Joseph obsequio.  | 4. Magna laus humilitatis<br>In Joseph, sed in virgine<br>Major, et in deitatis<br>Prole laus est in culmine. |

- |   |  |
|---|--|
| <p>5. Hunc humilitatis thronum<br/>Trinis distinctum gradibus<br/>Tantaeque gratiae donum<br/>Nunc extollamus laudibus.</p> | <p>6. Ut humilitatis vitam<br/>Suis sequi suffragiis<br/>Donetur et per gratiam<br/>Aeternis frui gaudiis.</p> |
| <p>7. Amen dicamus singuli<br/>Huic sacro coetui trino<br/>Laudes canentes servuli<br/>Uni trinoque domino.</p>             |  |

Joh. Gersonii doctoris et cancellarii Parisiensis Tertia pars operum Parisiis 1606 p. 128. — Steht hier unmittelbar hinter der Sequenz Ad Joseph mittitur und mit der Aufschrift: „Finis“. Das „finis“ bezog sich in der dem Drucke zu Grunde gelegten Hsch. aber auf die vorhergehende Sequenz; das folgende ist ein Hymnus. Der Druck ist fehlervoll: 2, 2 Facit in diversorio — 3, 3 germini. — 3, 4 Amplius charitate. — 5, 3 Tantoque.

### 285. De sancto Joseph.

#### Ad Nocturnum.

- |  |  |
|--|--|
| <p>1. Joseph, virgo castissime,<br/>Sponse matris dignissimae,<br/>Fer opem nobis omnibus<br/>Ad te confugientibus.</p>  | <p>4. Ex illo semper genitus<br/>Tuus putatur filius,<br/>Universum qui condidit.<br/>Se tibi sponte subdidit.</p>     |
| <p>2. Cunctipotentem Dominum<br/>Portas Mariae filium,<br/>Qui non habet initium,<br/>Te habuit nutritium.</p>           | <p>5. Hunc nobis pasci profuit,<br/>A morte nos eripuit,<br/>Pro nobis ipse mortuus,<br/>Et nos per illum vivimus.</p> |
| <p>3. Coelum replet laetitia<br/>Per te constrictus fascia,<br/>Quem ponis in praesepio,<br/>Patris manet in gremio.</p> | <p>6. Joseph, nutritor gloriae,<br/>In hac valle miseriae<br/>Fac nos per tua merita<br/>Satiari in patria.</p>        |
| <p>7. Sit laus patri et filio,<br/>Ex tua sponsa genito,<br/>Sanctoque cum spiramine<br/>In sempiterno tempore.</p>      |  |

Brev. ms. Romanum saec. 15. Cod. Parisien 13244.

### 286. De sancto Isarno.

- |   |   |
|---|---|
| <p>1. Diem festum celebremus<br/>in divinis laudibus,<br/>Quo beatus est Isarnus<br/>exemptus praesentibus<br/>Et optatis praesentatus<br/>Domini conspectibus.</p> | <p>2. Vir fuit hic singularis<br/>et gregis dominici<br/>Pastor, vita et sermone<br/>clarus et miraculis,<br/>Unicum decus in Christo<br/>sui paene temporis.</p> |
|---|---|

- |   |   |
|---|---|
| <p>3. Quem beate nunc viventem<br/>in coelesti gloria<br/>Et a Christo obtinere<br/>posse, quae vult, omnia<br/>Crebra, quae per eum fiunt,<br/>testantur miracula.</p> <p>4. Hujus pio complacatus,<br/>bone rex, precamine,<br/>Jesu redemptor, ab omni<br/>culparum gravamine<br/>Absolutos nos concede<br/>innocenter vivere.</p> | <p>5. Quo tui fidelis servi<br/>fulti patrocínio<br/>Ac de mundi procellosi<br/>eruti naufragio,<br/>Tuo mereamur semper<br/>frui patrocínio.</p> <p>6. Trino Deo simplicique<br/>sit aeterna gloria,<br/>Unus honor, una virtus,<br/>eadem potentia,<br/>Qui vivit et regnat Deus<br/>per omnia saecula.</p> |
|---|---|

Brev. ms. S. Victoris Massilien. anni 1497 (Privatbesitz). — Das doppelte patrocínium 5, 2 und 5, 6 findet sich noch in den späteren Proprien, ist also kein Fehler der Handschrift.

### 287. De sancto Ivone.

Ad Vesperas.

- |   |   |
|---|---|
| <p>1. Aeternae vitae praeconis,<br/>Promat Ivonis cantica<br/>Plebs cum coelicis civibus<br/>Modulantibus coelica.</p> <p>2. Prima vox sanctae Mariae<br/>Regem collaudat gloriae,<br/>Qui celebranti adfuit<br/>Et cunctis clarus patuit.</p> <p>3. Hinc angeli, archangeli<br/>Carmen canunt Deo caeli,<br/>Cui reddito caputio<br/>Hinc steterunt in prandio.</p> <p>4. Prophetarum poetarum merita<br/>Laudant, qui dixit in vita,<br/>Eremum de eremita<br/>Quod exiret, et fit ita.</p> | <p>5. Apostoli jubent coli<br/>Regi poli solemnina,<br/>Qui edens turpis assistens,<br/>Hic fit recedens gloria.</p> <p>6. Martyres vires corporis<br/>Et laboris certamina<br/>Laudant et cantant cum eo<br/>Nunc coram Deo carmina.</p> <p>7. Confessores juxta mores<br/>Huic honores crescere<br/>Volunt, colunt actu pari,<br/>Hunc gloriare munere.</p> <p>8. Virgines post tot ordines<br/>Nolentes fines transgredi<br/>Canunt Deo, sunt cum eo<br/>In aethereo comedi.</p> |
|---|---|

9. Laudes, plebs omnis, dicito  
Deo patri ingenito  
Cum suo unigenito  
Et flamini his unico.

Brev. ms. S. Sepulchri saec. 15. Cod. Parmen. Palat. 186. A. — Brev. ms. Turonense saec. 15. Cod. Parisin. 1032. B. — Brev. Dolense imp. Parisiis 1519. C. — 7, 4 Huic gloriam manere C.



288. De sancto Ivone.

Ad Nocturnum.

- |   |   |
|---|---|
| 1. Divo Ivoni cantica<br>Det catholica natio,<br>Constat in coeli curia<br>Grata ratificatio.           | 4. Surgit ut sol adolescens<br>Nullis umbratus nebulis,<br>Labem peccati nesciens,<br>Carnis carens piaculis. |
| 2. De nobili prosapia<br>Proles sancta propagatur,<br>Ita matri per somnia<br>Voce data prophetatur.    | 5. Scholis Paris Orlenisque<br>Juvenis proficiscitur,<br>Ubi juris utriusque<br>Peritiam nanciscitur.         |
| 3. Pueritia stupuit,<br>Cernens hujus initia,<br>Dum virtutibus studuit<br>Ejusque cavit vitia.         | 6. Qui litium forensium<br>Judex datus deifice,<br>Parat dare rationem<br>Christo probatam judice.            |
| 7. Da, Christe, nos tanti patris<br>Supplici patrocinio<br>Pace data cum beatis<br>Perfrui contubernio. |   |

Legenda ms. Treconensis saec. 15. Cod. Parisien. 1148. — 6, 1 Menstium forensium Hs.

289. De sancta Katharina.

Ad Vesperas.

- |   |   |
|---|---|
| 1. In Katharina virgine<br>Laudemus sponsum virginum,<br>Qui suo fuso sanguine<br>Redemit genus hominum.        | 5. His offensus Maxentius<br>In sanctam saevit acrius,<br>Fame, vinclis et verbere<br>Torquens eam in carcere.    |
| 2. Claris orta natalibus<br>Claris refulget moribus,<br>Et per virtutes inclitas<br>Geminatur nobilitas.        | 6. Custos adest angelicus,<br>Cibus offertur coelicus,<br>Dumque rotis affigitur,<br>Plebs furens flammis uritur. |
| 3. Haec Christi fidem adstruit,<br>Idola vana respuit,<br>Quos prius hostes habuit,<br>Doctrinis sacris imbuit. | 7. Hinc jubente Maxentio<br>Triumphans caesa gladio<br>Ope plebis angelicae<br>Jacet in Sina vertice.             |
| 4. Cedunt doctores virgini<br>Artis obliti pristinae<br>Nec non ignis voragini<br>Dantur pro Christi nomine.    | 8. Sit laus patri ingenito,<br>Sit nato, sit paraclito,<br>Quem Katharina coluit,<br>Per quem coronam meruit.     |

Brev. ms. Bisuntinum saec. 14. Cod. Bisuntin. 63. A. — Brev. ms. Bisuntinum saec. 15. Cod. Vatican. Ottobon. 672. B. — Brev. ms. saec. 15. Cod. Bisuntin. 68. C. — Brev. ms. Bisuntinum saec. 15. Cod. Bisuntin. 69. D. — Brev. ms. Bisuntinum saec. 15. Cod. Parisin. 10487. E.

## 290. De sancta Katharina.

### Ad Completorium.

- |   |   |
|---|---|
| 1. Coelestis concio<br>Pangat cum gaudio<br>In his Katharinae<br>Festis eximiae.      | 5. Virgo gloriosa,<br>Omni laude digna,<br>Te ore laudamus,<br>Corde confitemur.    |
| 2. Sponsa creatoris<br>Sub spiritus sancti<br>Vixit disciplina<br>Virtute miranda.    | 6. O virginum gemma<br>Cunctis veneranda,<br>Votis nostris, pia,<br>Adsiste parata. |
| 3. Gemma claritatis,<br>Norma sanctitatis,<br>Flos pudicitiae,<br>Clemens virgineale. | 7. Dulce te laudare,<br>Bonum te amare,<br>Transfer nos, o pia,<br>Tecum in patria. |
| 4. Haec dies gaudii,<br>In qua viva Christi<br>Offertur hostia<br>Sanguine sacrata.   | 8. Sit laus Deo patri,<br>Nato, spiritui,<br>Virgini gloria<br>Per aeterna saecula. |

Brev. ms. Cisterciense Gallicum saec. 13. Cod. Casanat. A. IV. 47  
(1465). add. saec. 14.

## 291. De sancta Katharina.

### Ad Vesperas.

- |  |  |
|--|--|
| 1. Lux annua revolvitur,<br>Festa dies recolitur,<br>Laus debita persolvitur<br>Katharinae memoria.      | 3. Per corporis martyrium<br>Nequam vicit Maxentium,<br>Ad coeli gaudens solium<br>Katharina transvecta est. |
| 2. Hac die coepit vivere,<br>Qua visa est deficere,<br>Per corporis martyrium<br>In sinum ducta Abrahae. | 4. O quanta fulget gloria<br>Viventium in patria,<br>Honore bino fruitur,<br>Res simplex licet fuerit.       |
| 5. Per te fiat propitius<br>Nobis pater et filius,<br>Cum quibus vivit spiritus<br>Aequalis in potentia. |  |

Brev. ms. Lemovicense saec. 15. Cod. Pianoren. M. 21. A. — Brev.  
ms. Lemovicense saec. 15. Cod. Turonen. 154. B. — Brev. ms. Lemovicense  
saec. 15. Cod. Mazarin. 350 (787) C.

## 292. De sancta Katharina.

### Ad Laudes.

- |  |   |
|--|---|
| 1. Virgo pro Christo moritur,<br>Martyr coelum ingreditur,<br>Sic martyris et virginis<br>Binis ornata floribus. | 4. Regnat, quia regina est,<br>Regis Christi nam sponsa est,<br>Sed, o felix commercium,<br>Morte sumpsit imperium. |
| 2. Est ergo dies gratiae,<br>Dies plena laetitiae,<br>Dies impensa veniae<br>Hujus beatae virginis.              | 5. O Katharina domina,<br>Virgo clemens et regina,<br>In his tuis solemnibus<br>Nos purga cunctis vitiis.           |
| 3. Adsit sibi adstantibus,<br>Laudes suas canentibus<br>Et de supernis sedibus,<br>Quibus regnat, nos audiat.    | 6. Per te fiat propitius<br>Nobis pater et filius,<br>Cum quibus vivit spiritus<br>Aequalis in potentia.            |

Brev. ms. Lemovicense saec. 15. Cod. Pianoren. M 21 A. — Brev. ms. Lemovicense saec. 15. Cod. Turonen. 145. B. — Brev. ms. Lemovicense saec. 15. Cod. Mazarin. 350 (787). C. — 3, 1 nobis adstantibus C.

## 293. De sancta Katharina.

### Ad Vesperas.

- |  |   |
|--|---|
| 1. Katharinae solemnia<br>Nobis ministrant gaudia,<br>Ad decus sacrae virginis<br>Odas promamus carminis.      | 4. Imperator Maxentius<br>Hac visa factus anxius<br>Petit ejus conjugium,<br>Fugit illa Maxentium.        |
| 2. Cujus pater, rex Graeciae,<br>Mentem secutus filiae<br>Illam doceri voluit,<br>Alexandriae studuit.         | 5. Ad disputandum venerat,<br>Docta doctores superat,<br>Fidem victos edocuit,<br>Inde tyrannus fremuit.  |
| 3. Fonte lota baptismatis<br>In Christi forma dogmatis<br>Fulget ut sidus radians,<br>Se Christianam glorians. | 6. Regi sine principio<br>Sit laus una cum filio,<br>Adsitque nobis coelitus<br>Charisma sancti spiritus. |

Brev. ms. Aniciense saec. 15. Cod. Capit. Anicien. s. n. A. — Brev. ms. Aniciense saec. 15. Cod. Parisin. 1304. B. — Brev. ms. Aniciense saec. 15. Cod. Parisin. (Arsen.) 278. C. — 2, 1 rex gratiae C. — 2, 4 Alexandria B.

## 294. De sancta Katharina.

### Ad Laudes.

- |  |  |
|--|--|
| 1. Katharinam in carcere<br>Christus dignatur visere,<br>Comitatus virginibus<br>Ut stellae radiantibus. | 2. Per hanc uxor Maxentii<br>Militesque Porphyrii<br>Conversi cum Porphyrio<br>Christi dantur consortio. |
|--|--|

- |   |  |
|---|--|
| <p>3. Haec in tormentis strenua<br/>Christo flectebat genua,<br/>Tandem truncata gladio<br/>Coronatur martyrio.</p> | <p>4. Manus corpus angelica<br/>Terra sistit Arabica,<br/>In monte Sina conditur,<br/>Oleum inde nascitur.</p> |
|---|--|

5. Regi sine principio.

Brev. ms. Aniciense saec. 15. Cod. Capit. Anicien. s. n. A. — Brev. ms. Aniciense saec. 15. Cod. Parisin. 1804. B. — Brev. ms. Aniciense saec. 15. Cod. Parisin. (Arsen.) C. — 1, 2 dignatus est visitare A. — 1, 3 Comitatur BC. — 1, 4 Ut stella B; Ut sol radiantibus A. — 2, 4 fehlt B. — 3, 1 Nec in tormentis B; strenua fehlt B. — 4, 1 Manu corpus C. — 4, 2 Terra locat B.

295. De sancta Katharina.

In Vesperis.

- |  |   |
|--|---|
| <p>1. Hymnum laudis referendo<br/>Jucundetur ecclesia,<br/>Dulci cantu recolendo<br/>Katharinae solemnía.</p> <p>2. Katharina rege patre<br/>Stirpe nitet generosa<br/>Et regina nata matre,<br/>Hinc et inde gloriosa.</p> <p>3. Pretiosam carne, corde<br/>Genus, mores reddiderunt<br/>Et ab omni mundam sorde<br/>Pretiosam probaverunt.</p> | <p>4. Ut se virgo mundam mundo<br/>Sponsam sponso copularet,<br/>Mundum spreuit, et in mundo<br/>Vincens mundum triumpharet.</p> <p>5. Post triumphum assumitur<br/>Angelorum obsequio,<br/>Monte Sina sepelitur<br/>Eorundem officio.</p> <p>6. Hinc sit uni trinitati<br/>Majestas et dominium<br/>Atque trinae unitati<br/>Potestas et imperium.</p> |
|--|---|

Brev. ms. Belnense saec. 15. Cod. Divionen. 112. A. — Brev. Belnense imp. Gebennae 1517. B. — In 1. Vesperis A; in 2. Vesperis B.

296. De sancta Katharina.

Ad Matutinum.

1. Graeciae gemma clara luce fulgida,  
Ad instar rubri carbunculi splendida,  
Smaragdus nitens fide semper vivida,  
Pudoris sancti margarita candida.
2. Aureum sidus coeli splendens lumine,  
Aeterno soli consecrata numine,  
Regia virgo, Katharina nomine,  
Jungitur sacro nexu tibi, Domine.
3. Commenda, Deus, hujus gemmae gratiam,  
Donet ut nobis sempiternam gloriam,  
Effectu probet dans nobis laetitiam,  
Quod virtus ejus afferat justitiam.

4. Regalis stirpis exorta prosapia,  
Illustris viri, regis Costi filia,  
Genere clara, clarior scientia  
Clarissimaque sanctitatis gratia.
5. Ora pro nobis, beata Katharina,  
Mentibus aegris confer medicamina,  
Salutis dona dent tua precamina  
His, qui dant tibi laudis modulamina.
6. Gloria Deo patri sit ingenito  
Ejusque nato decus unigenito,  
Honor et virtus inclito paraclito,  
Praeclara voce, chorus noster, dicito.

Brev. ms. Belnense saec. 15. Cod. Divionen. 112. A. — Brev. Belnense  
imp. Gebennae 1517. B. — 1, 2 rubri fehlt A. — 3, 4 auferat A.

### 297. De sancta Katharina.

Ad Laudes.

1. Inclitae virginis sacra solemnia  
Psallamus pariter dulci symphonia,  
De cujus laudibus haec laudum cantica  
Decantat nunc ecclesia.
2. Virgo Katharina, virginum gloria  
Et decus martyrum, cujus memoria  
Celebris permanet per saecula omnia,  
Obtine nobis gaudia.
3. Fer salutis opem cunctis hominibus  
Tuae victoriae rite memoribus,  
Advocata nostra divinis legibus,  
Defende nos ab hostibus.
4. Nam jure creditur, sis legis perita,  
Quae montem incolis, quo lex est dedita,  
Quae legis coelestis scis et legis scita  
Tractans de coelesti vita.
5. Rosa victoriae, lilium pudoris,  
Mirandi speciem exhibes decoris,  
Spirans gratissimi gratiam odoris,  
Flos electe, flos honoris.
6. Gloria Deo sit, patri ingenito  
Ejusque filio laus unigenito,  
Honorque inclito semper paraclito,  
Psallendo, chorus, dicito.

Brev. ms. Belnense saec. 15. Cod. Divionen. 112. A. -- Brev. Belnense  
imp. Gebennae 1517. B. — 6, 2 ejus fehlt A; laus fehlt A. — 6, 4 chorus  
noster dicito A.



298. De sancto Kentigerno.

Vesp. et Noct.

- |   |   |
|---|---|
| <p>1. Fulget clara festivitas,<br/>Qua Kentigerni dignitas<br/>Sacri fertur ad sidera<br/>Post purae carnis funera.</p> <p>2. Hic vitae vir eximiae,<br/>Flos gentis, lux Laudoniae,<br/>Jubar ardens, stirps regia,<br/>Exsultat nunc in patria.</p> | <p>3. Gaudet Glasgu praecipue<br/>Tanto pollens sub praesule,<br/>Tellus jam plaudit Scotica<br/>Sancti cernens insignia.</p> <p>4. Laetare Loth Laudoniae,<br/>Felix tam sacro germine,<br/>Ornat, venustat nobilem<br/>Totam praesul progeniem.</p> <p>5. Laus, decus, splendor, gloria<br/>Virtus, honor, victoria<br/>Sint trinitati debita<br/>Per infinita saecula.</p> |
|---|---|

Brev. Aberdonense imp. Edinburgae 1509.

299. De sancto Kentigerno.

Ad Laudes.

- |  |  |
|--|--|
| <p>1. Rex confessorum inclite,<br/>Mundi salus, fons gratiae,<br/>Qui Kentigernum meritis<br/>Sanctis aequasti superis.</p> <p>2. Hic est palma pontificum,<br/>Scotis honor, spes Britonum,<br/>Gregis amor, laus patriae,<br/>Lampas ardens mirifice.</p> <p>3. Hic Glasguensis incola,<br/>Christi cultor per omnia,<br/>Prudens, probus, innumeris<br/>Pastor nitens miraculis.</p> <p>4. Cujus vita continuum<br/>Tota fuit martyrium,<br/>Et saepius pro balneis<br/>Est usus aquis algidis.</p> | <p>5. Ibi degens Davidicum<br/>Dum cecinit psalterium<br/>Ac corpus quatruiduano<br/>Macerabat jejunio.</p> <p>6. Lorica et cilicio<br/>Carnem domavit rigido<br/>Et saepius angelico<br/>Fovebatur eloquio.</p> <p>7. O Jesu, salus omnium,<br/>Qui tantum tibi famulum<br/>Praeelegisti coelitus,<br/>Ejus nos salva precibus.</p> <p>8. Patri summo cum filio,<br/>Sancto quoque paraclito<br/>Sit sempiterna gloria<br/>In unitate solida.</p> |
|--|--|

Brev. Aberdonense imp. Edinburgae 1509.

300. De sancto Kierano.

- |   |  |
|---|--|
| <p>1. Alto et ineffabili<br/>Apostolorum coetui,<br/>Coelestis Hierosolymae<br/>Sublimioris speculi</p> | <p>2. Sedenti tribunalibus,<br/>Solis modo micantibus,<br/>Quiaranus sanctissimus,<br/>Sacerdos, virgo, nuntius,</p> |
|---|--|

- |  |   |
|--|---|
| <p>3. Inaltatus est manibus<br/>Angelorum coelestibus,<br/>Consummatis felicibus<br/>Sanctitatum generibus.</p>      | <p>5. Rogamus Deum altissimum<br/>Per sanctorum memoriam,<br/>Sancti Patricii episcopi,<br/>Quiarani praesidium</p> |
| <p>4. Quem tu, Christe, apostolum<br/>Mundo misisti hominem,<br/>Gloriosum in omnibus<br/>Novissimis temporibus.</p> | <p>6. Columbaeque auxilium<br/>Nos defendant, egregia<br/>Ut per eorum merita<br/>Possideamus praemia.</p>          |

Hymn. ms. Hibern. saec. 10/11. Cod. Coll. S. Trinitatis Dublinen. E 41.  
2. — 2, 3 Quiaramus sanctus. — Auctor des Liedes ist nach Colgan, Trias  
Thaumaturga p. 472 Columba. Unter den vier von diesem verfaßten  
lateinischen Hymnen citiert er an erster Stelle den de S. Kierano, aus dem  
er folgende vier Verse mitteilt:

Quantum Christe apostolum  
Mundo misisti hominem,  
Lucerna hujus insulae  
Lucens luce(rna) mirabilis,

von denen die beiden ersten = 4, 1 u. 2 unseres Hymnus sind. Woher er  
diese Verse genommen, giebt er ebensowenig an als die Gründe, weshalb er  
diesen Hymnus nicht abgedruckt.

### 301. De sancto Laurentio.

Ad Vesperas.

- |   |  |
|---|--|
| <p>1. Psallat chorus in honorem<br/>Levitae Laurentii,<br/>Qui tormentum et furorem<br/>Debacchantis Decii<br/>Superavit ob amorem<br/>Christi, Dei filii.</p>          | <p>4. Et ne lumen abscondatur<br/>Positum sub modio,<br/>Dum vinctus incarceration<br/>Una cum Laurentio,<br/>Lucillus illuminatur<br/>Signo crucis praevio.</p>       |
| <p>2. Pro thesauris, quos habebat<br/>Absconsos ecclesiae,<br/>Hunc torqueri faciebat<br/>Saevus Caesar impie,<br/>Hippolyti qui psallebat<br/>Commissus custodiae.</p> | <p>5. Post haec miro decoravi<br/>Hunc Deus miraculo,<br/>Hippolytum baptizavit<br/>Clausus in ergastulo,<br/>Unde Caesar hunc artavit<br/>Plumbo, virgis, baculo.</p> |
| <p>3. Ne thesauri convertantur<br/>In usus increduli,<br/>Pauperibus erogantur<br/>Manu viri seduli,<br/>Cujus virtus non mutatur<br/>In saeculum saeculi.</p>          | <p>6. Cujus ergo memorantes<br/>Actus et martyrium,<br/>Supplicemus implorantes<br/>Ejus patrocinium,<br/>Ut reducat nos errantes<br/>Ad coeli palatium.</p>           |

Brev. Gebennense imp. Gebennae 1479.

### 302. De sancto Laurentio.

Ad Vesperas.

- |   |  |
|---|--|
| 1. Gloriosi Laurentii<br>Laeti laudes attollimus,<br>Quem per tormenta Decii<br>Laureatum agnovimus.              | 5. Laurenti, martyr inclite,<br>In fide manens stabilis,<br>Laudibus tibi subditae<br>Plebi esto placabilis.     |
| 2. Dum thesaurus exquiritur<br>Dispersus in pauperibus,<br>Martyr carcere clauditur<br>Signis fulgens insignibus. | 6. Lauri viror constantiam<br>Signat in Christi milite,<br>Sed fructus abundantiam<br>Pietatis exhibitae.        |
| 3. Quibus visis Hippolytus<br>Credit et cum familia,<br>Hinc tormentis expositus<br>Ridens pertransit munia.      | 7. Granum sinapis teritur<br>Fragrat odor mirabilis,<br>Non cedit, quo plus caeditur,<br>Sed permanet immobilis. |
| 4. Demum assatur ignibus<br>Invicta manens hostia<br>Sicque fragrans odoribus<br>Receptus est in gloria.          | 8. Inflammato interius<br>Sancti spiritus flamine,<br>Rorem praestant exterius<br>Prunae vernantes sanguine.     |
| 9. Sit laus patri et filio<br>Cum utriusque flamine,<br>Qui nos mundans a vitio<br>Ornet virtutum culmine.        |  |

Brev. ms. Nivernense saec. 15. Cod. Dolen. 41.

### 303. De sancto Laurentio.

- |   |   |
|---|---|
| 1. Felix sancte o Levita,<br>Christi martyr inclite,<br>In hoc festo nos fac ita<br>Christum et te colere,<br>Ut merita acquisita<br>Fruamur sub flamine. | 4. O vere digna hostia,<br>Verum sacrificium,<br>Dum insuper craticula<br>Passus es incendium,<br>Patens usque ad viscera,<br>Christo reddens spiritum.   |
| 2. Tu flos decusque martyrum<br>Laurenti agonista,<br>Rubens veluti rosarum<br>Sanguine veste mista,<br>Undo chorus coelestium<br>Congaudet die ista.     | 5. Levitarum caput carum,<br>Honor et lux omnium,<br>Salus pia, cunctis via<br>Ad coeli palatium,<br>Tu gaudere nos fac vere<br>In terra viventium.       |
| 3. Congaudentes occurrentes<br>Ad tua solemnia<br>Mente pura et segura<br>Consequantur praemia,<br>Redde laetos et jucundos<br>In optata gloria.          | 6. Et fac tuis sacris fuis<br>Meritis et precibus,<br>Ad quem cuncti fide juncti<br>Devote confugimus,<br>Ut delicta sint oblita<br>Nec damnari possimus. |

7. Laus, honor sit altissimo  
 Et perennis gloria,  
 Una patrique filio,  
 Qui continet omnia,  
 Ac inclito paraclito  
 Per aeterna saecula.

Brev. Massiliense imp. Lugduni 1530. — 6, 1 Et hoc tuis.

### 304. De sancto Laurentio.

Ad Vesperas.

- |  |  |
|--|--|
| 1. Jam martyris festa dies<br>Laurentii fulget alma.<br>Cujus vita, mors et palma<br>Corruscant ut meridies.         | 6. Intrepide per cor mentis<br>Super prunae craticulam<br>Sequens Christi senticulam<br>Vicit deos in tormentis. |
| 2. Cum filius almae lucis,<br>Nox illius non obscura,<br>Erat illi nocte cura<br>Lumen Christi dare lucis.           | 7. Miro modo et devoto<br>In canticis Deo celsis<br>Decantabat in excelsis<br>Cruciatu tali voto.                |
| 3. Hic Hispanis parentibus,<br>Virtutibus emicabat,<br>Pauperibus erogabat<br>Jesu Christo parentibus.               | 8. Mausoleo Romae pulchro,<br>Cum esset vir tam politus,<br>Justinus et Hippolytus<br>Posuerunt in sepulchro.    |
| 4. Christi miles viriliter<br>In crate remissus ignis,<br>Emicuit alme signis,<br>Vultu dicens viriliter:            | 9. Deifica sic virtute<br>Per tormenta laureatus<br>Delet nostros jam reatus<br>Jesu fruens hic virtute.         |
| 5. Ecce latus, si tu possis,<br>Carnis assae, miser, ante,<br>Jesu Christo miserante<br>Plus patiar, quam tu possis. | 10. Sit gloria Deo patri,<br>Sit filio laus inclito,<br>Honor, virtus paraclito,<br>Sint gratiae Jesu matri.     |

Hymn. ms. S. Laurentii Lausannensis saec. 13. Cod. Lausannen. V 1184.  
 add. saec. 15. — 3, 2 In cratere missus Hs.

### 305. De sancto Laurentio.

Ad Laudes.

- |   |   |
|---|---|
| 1. Christi miles, congaude de<br>Tanta palmae victoria,<br>Triumphantis historia,<br>Fratres, omnes congaudete. | 3. A primaevo suae vitae<br>Per fervorem sacrae mentis<br>Pullulabat incrementis,<br>Sicut palme fert a vite. |
| 2. Hispaniae stirpe natus,<br>Verbis doctus hic Latinis,<br>Profuebat in divinis<br>Baptizatus et renatus.      | 4. De thesauris et pretio<br>Subveniens pauperibus<br>Diris fuit verberibus<br>Captivatus a Decio.            |

- |   |  |
|---|--|
| <p>5. Super cratem, rogam missus<br/>Corruscabat vir insignis<br/>Virtutibus atque signis,<br/>Jesu Christo recommissus.</p>    | <p>7. O Laurenti, pater alme,<br/>Impetrando sacrum numen<br/>Redde nobis Christi lumen<br/>Pro finali causa palmae.</p> |
| <p>6. Cum redderet caecis visum<br/>Per virtutem sanctae crucis,<br/>Suffocatus crate trucidis<br/>Raptus est in paradisum.</p> | <p>8. Sint gratiae deitati<br/>Laurentii pro meritis,<br/>Ut nos purget demeritis,<br/>Hymnum damus trinitati.</p>       |

Hymn. ms. S. Laurentii Lausannensis saec. 13. Cod. Lausannen. V 1184.  
add. saec. 15. — 1, 1 congaude te Hs.

### 306. De sancto Laurentio.

In 1. Vesperis.

1. Laetetur hodie tellus Hispaniae,  
De cujus finibus atque progenie  
Natus Laurentius, miles ecclesiae  
Et testis fidelissimus.
2. Hunc dum cognosceret papa praehabitus,  
Quod bene ageret et juste penitus,  
Motus ut faceret fuit divinitus  
Suum archidiaconum.
3. Tandem persequitur Sixtus a Decio  
Et morti traditur ejus imperio,  
Et tunc committitur sancto Laurentio  
Thesauri distributio.
4. Hic totum tribuit Christi pauperibus  
Nilque retinuit in suis usibus  
Ipsisque abluit propriis manibus  
Pedes cum pedis osculo.
5. Post haec affligitur servus martyrio,  
Dum flammis uritur pro sacrificio,  
Laetus accipitur in Christi gremio,  
Quo fruitur cum gaudio.
6. Laudetur bonitas superni numinis  
Er vera caritas Dei et hominis,  
Cum quibus habitas, victor certaminis,  
Per infinita saecula.

Brev. Aptense imp. Lugduni 1532. — 1, 2 progenitus.



### 307. De sancto Laurentio.

#### Ad Nocturnum.

- |  |  |
|--|--|
| <p>1. O martyr beatissime,<br/>Laurenti, nostras hodie<br/>Laudes referre satage<br/>Christo, quibus nos protege.</p> <p>2. Christi miles egregius<br/>Et levita Laurentius<br/>Probatur, ut sublimius<br/>Animetur, ut fortius.</p> <p>3. Probatus fit alacrior<br/>In fide ac robustior,<br/>Unde meruit psallere:<br/>Noli me derelinquere.</p> | <p>4. Post cantum hic vult legere,<br/>Dum visitatur verbere,<br/>Tunc coepit mox clarescere<br/>Ut lux in orto sidere.</p> <p>5. Visitatus non doluit<br/>In poenis nec abhorruit,<br/>Sed cruciari maluit,<br/>Dum seipsum exhibuit.</p> <p>6. O quam dulcis constructio<br/>Fuit exinanitio<br/>Ejus, dum pro incendio<br/>Redditur retributio.</p> |
|--|--|
7. Summo patri cum filio  
Sit laus et jubilatio  
Una cum sancto flamine  
Et martyris certamine.

Brev. Aptense imp. Lugduni 1532.

### 308. De sancto Lazaro.

#### Ad Vesperas.

- |  |   |
|--|---|
| <p>1. Lux prima missa Galliae,<br/>Praesul Massiliensium,<br/>Fulget tecum, lux gloriae,<br/>Christe, redemptor om-<br/>nium.</p> <p>2. Amoris tui gratia<br/>Praeclaro dignis vocibus<br/>Psallant mentes, praecordia,<br/>Exsultet coelum laudibus.</p> <p>3. Zelo solerti praedicat<br/>Gallis Christi praeconia<br/>Lazarus, quibus vendicat<br/>Beata nobis gaudia.</p> | <p>4. Almus quem privilegio<br/>Extollit amicitiae<br/>Proprio testimonio<br/>Splendor paternae glo-<br/>riae.</p> <p>5. Rursus mortem non horruit,<br/>Quam gratis subit iterum<br/>Pro te, quem fide coluit,<br/>Conditor alme siderum.</p> <p>6. Universis languentibus<br/>Confert salutis opera<br/>Obtinens se petentibus<br/>Aeterna Christi munera.</p> |
|--|---|
7. Sit patri laudum ratio,  
Sit nato amor debitus,  
Quo ut purgentur vitio,  
Veni, creator spiritus.

Brev. Massiliense imp. Lugduni 1530. — Akrostich: Lazarus.  
Dreves, Hymni Inediti. IV.

### 309. De sancto Lazaro.

#### Ad Nocturnum.

- |  |   |
|--|---|
| 1. Alnum lumen, summum numen,<br>Sis nobis vitae praestitor<br>Prece sancti hujus tanti,<br>Aeterne rerum con-<br>ditor.   | 4. Coelo latum, vitae datum,<br>Ubi pax, lumen, requies,<br>Probant signa laude digna,<br>Christe, qui lux es et<br>dies. |
| 2. Marthae frater hic, quem ater<br>Eventus Orco condonat,<br>Prodit foris, dum factoris<br>Vox clara, ecce, in-<br>tonat. | 5. Ultro mortem subit sortem<br>Mercato vitae pretio,<br>Carus hospes tecum sospes,<br>Jesu, nostra redemp-<br>tio.       |
| 3. In odorem et amorem<br>Vocantis currit proprie,<br>Sic mors cedit, lux succedit<br>Jam lucis orto sidere.               | 6. Sit laus Deo et in eo<br>Mens jucundetur intime,<br>Te cernamus, ut optamus,<br>Lucis creator optime.                  |


Brev. Massiliense imp. Lugduni 1530. — 1, 1 Alme lumen. — 5, 1 Ultio mortem. — Acrostich: Amicus.

### 310. De sancto Lazaro.

#### Ad Laudes.

- |   |   |
|---|---|
| 1. In Christo regeneratus<br>Cunctis fulget saeculis<br>Hic, qui stirpe clara natus<br>Clarior fulsit titulis,<br>Gressus sororum secutus,<br>Praeclarus miraculis. | 3. En quam pios indicavit<br>Hos Christi adhaesio,<br>Illa unxit, ista pavit,<br>Hic haeret convivio,<br>Quem martyrem consecravit<br>Amantis dilectio. |
| 2. Honore miro dotatur<br>Ista generatio,<br>Dum factori famulatur<br>Frequenti obsequio,<br>Qui nec pasci designatur<br>Horum ministerio.                          | 4. Sorte vitae qui privatum<br>Redonasti vivere,<br>Vitae jugi tandem datum<br>Trino vitae foedere<br>Sic dotasti decoratum<br>Virginali munere.        |
| 5. Virtus trina, quae corona<br>Hunc decoras triplici,<br>Hostem trinum nobis dona<br>Ejus ope subjici,<br>Ut solvamus laudum dona<br>Tibi trino et simplici.       |   |

Brev. Massiliense imp. Lugduni 1530. — Acrostich: Jhesu; das Akrostichon aller drei Hymnen lautet also: *Lazarus, Lazare, Lazare, Jhesu.*



### 311. De sancto Leodegario.

Ad Vesperas.

- |  |   |
|--|---|
| <p>1. Solemnizet laete festa<br/>Plebs Leodegario,<br/>Sua pie canens gesta,<br/>Qui triumpho regio,<br/>Gaudens tormenta funesta<br/>Vicit in martyrio.</p>                 | <p>4. Claudii, caeci, surdi, muti<br/>Quavis aegritudine<br/>Pressi sint, hujus adjuti<br/>Martyris solamine<br/>Restituuntur saluti<br/>Propulso gravamine.</p>          |
| <p>2. Natu clarus et virtute<br/>Pro suarum ovium<br/>Creatur pastor salute<br/>Praeseclusque labium<br/>Et lingua novum argute<br/>Disserit eloquium.</p>                   | <p>5. Tuam nostris, o patrone,<br/>Vitiorum medice,<br/>Curam vitiis appone,<br/>Morbi causas ejice<br/>Et nos in hac passione<br/>Leni crisi refice.</p>                 |
| <p>3. Cujus caput superjectum<br/>Coeli defert radium,<br/>Quo secto corpus erectum<br/>Stat per horae spatium,<br/>Hic nunc sanctus per effectum<br/>Pollet mirabilium.</p> | <p>6. Praestet pater, vera basis,<br/>Hoc natus et spiritus,<br/>Ut affectus nostri vasis<br/>Mundanis medullitus<br/>Vigoretur firma crasis<br/>Ad coelestes aditus.</p> |

Offic. ms. S. Leodegarii saec. 16. Codicill. Valerian. 72—42. — Cod. Engelbergen. 314 anni 1372. B. — B enthält nur die erste Strophe mit der Singweise. — 1, 2 Leodegarius A. — 2, 3 Creator A.

### 312. De sancto Leodegario.

Ad Nocturnum.

- |   |  |
|---|--|
| <p>1. Gloriam Deo pangimus,<br/>Fortes agones canimus,<br/>Quos pertulit immanius<br/>Beatus Leodegarius.</p>     | <p>4. Sed amputato capite<br/>Corpus erectum constitit,<br/>Spatio horae unius<br/>Rigore mansit vividus.</p>        |
| <p>2. Erutis jam luminibus<br/>Ab impiis hominibus<br/>Linguam praecisam doluit,<br/>Nactus loquelam floruit.</p> | <p>5. Cujus patroni precibus<br/>Nos foveamur largius,<br/>Nostrorum vincla criminum<br/>Solvantur in perpetuum.</p> |
| <p>3. Splendens corona coelitus<br/>Ejus caput inradiat,<br/>Expavent corda comitum<br/>Tacta stupore nimio.</p>  | <p>6. Deo patri sit gloria<br/>Ejusque soli filio<br/>Cum spiritu paraclito<br/>Et nunc et in perpetuum.</p>         |

Offic. ms. S. Leodegarii saec. 16. Codic. Valerian. 72—42.

313. De sancto Leodegario.

Ad Vesperas.

- |  |   |
|--|---|
| 1. Proles de coelo pullulat<br>Matris micans virtutibus,<br>Quam Christus beatificat<br>Divinis charismatibus. | 3. Dum dicit evangelium<br>Christi martyr perenniter<br>Fructum tercentenarium<br>Promeretur alacriter. |
| 2. Sacris imbutus literis<br>Sacra profert eloquia,<br>Mundi spretis deliciis<br>Anhelat ad sublimia.          | 4. Datur Leodegario<br>Aeterna Christi gloria,<br>In cujus nunc martyrio<br>Gratulatur ecclesia.        |
| 5. Deo patri et filio<br>Sit sempiterna gloria<br>Cum spiritu paraclito<br>Aeterna donet munera.               |   |

Brev. ms. Lemovicense saec. 15. Cod. Mazarin. 350 (787).

314. De sancto Leonhardo.

Ad Vesperas.

1. Iste benignus, mitis atque pius,  
Leoque nardus, fortis atque prudens,  
Hodie regna coelica superna  
Scandere coepit.
2. Qui natus olim genere sublimi  
Sorteque cretus gloria parentum,  
Steterat super magna sublimorum,  
Regnat in Christo.
3. Cujus parentes viri possidebant  
Primatum regis Dodonei ductum  
Galliae, fonte sublevantis ipsum  
Causa parentum.
4. Postquam crementis adolescens factus  
Bellica arma renuens ac linquens,  
Cito cucurrit ad experti dogma  
Sancti Remigii.
5. Doxa feratur dierum antiquo,  
Parenti, proli, pneumati sacrato,  
Qui sine meta temporum momenta  
Cuncta gubernans.

Brev. ms. Minorum (Hibern?) saec. 15. Cod. Angelicus D V 10. — 2, 2  
Sorteque cretus. — 2, 3 Steterat nuper. — 3, 1 possidebat.

### 315. De sancto Leontio.

Ad Vesp. et Noct.

- |   |  |
|---|--|
| 1. Exsulta, Forojulium,<br>In athletae praeconio,<br>Tu magis, plebs fidelium,<br>Ejus tuta suffragio.          | 3. Provectus ex discipulo,<br>Princeps factus ecclesiae,<br>Duplato jam manipulo<br>Corona fulget gloriae. |
| 2. Adest patris solemnitas,<br>In hac exsultent filii,<br>Cordium sit amoenitas<br>Laus et honor Leontii.       | 4. Addit secundo tertium,<br>Cum refulget martyrio,<br>Meta claudens exsilium<br>Throno sublimis regio.    |
| 5. Laus Christo, regi gloriae,<br>Qui certantes corroborat,<br>Dono collato gloriae<br>Triumphantes corroborat. |  |

Brev. Fovojuliense imp. Taurini 1495.

### 316. De sancto Leontio.

Ad Laudes.

- |  |  |
|--|--|
| 1. Christo regi pro milite<br>Solvamus laudum cantica,<br>Corde, voce concinite,<br>Vox resonet harmonica. | 3. Ejus triumphus nobilis<br>Sit nobis in auxilium,<br>Preces fundat pro filiis<br>Deo patri per filium.     |
| 2. Gaudet mater in filio,<br>Patrem collaudat filia,<br>Cum martyri Leontio<br>Nunc jubilat ecclesia.      | 4. Pacis concedat foedera,<br>Hostium pellat rabiem,<br>Terram, pontum et aethera<br>Placet et regis faciem. |

5. Laus Christo, regi gloriae.

Brev. Fovojuliense imp. Taurini 1495.

### 317. De sancto Licerio.

Ad Vesperas.

- |   |   |
|---|---|
| 1. Plaudat polorum curia,<br>Congaudeat ecclesia<br>In honore Licerii,<br>Pontificis eximii.      | 3. O miranda potentia,<br>Undique fremit pluvia,<br>Sed ne tangat Licerium,<br>Jam vis timebat imbrium. |
| 2. Conseranorum pontifex,<br>Sui ipsius carnifex,<br>Carnem suam vigiliis<br>Domabat et jejuniis. | 4. O mens excelsa praesulis,<br>Exorta lux in populis,<br>Morsus a cane rabido<br>Sanatur facitergio.   |



- |   |   |
|---|---|
| <p>5. O mira Dei pietas,<br/>O praesulis frugalitas,<br/>Pro panis parte medii<br/>Quinque redduntur integri.</p> <p>6. O praesul, gemma praesulum,<br/>O felix propugnaculum,<br/>Urbem regebat Tarbiam<br/>Idem pastor et Austriam.</p> | <p>7. Utrisque verbo populis<br/>Fulgebat et miraculis,<br/>Sicut bonus duplicia<br/>Pastor servans ovilia.</p> <p>8. Ob hoc, praesul eximie,<br/>Pius pro nobis hodie<br/>Funde preces altissimo,<br/>Qui regnat sine termino.</p> |
|---|---|

Brev. ms. Tolosanum saec. 14. Cod. Tolosan. 74. A. — Brev. Tolosanum imp. Parisiis 1552. B. — 2, 1 Coseranorum A. — 4, 4 fascitergio A.

### 318. De sancto Licerio.

Ad Matutinum.

- |  |  |
|--|--|
| <p>1. Exsultet aula coelica,<br/>Resultet mundi fabrica,<br/>Hodie vir egregius<br/>Coelos scandit Licerius.</p> <p>2. Qui totus Deo deditus<br/>Terras spernendo penitus,<br/>Mundi calcatis floribus<br/>Degebat in coelestibus.</p> <p>3. Relictis bonis patriae<br/>Solem sequens justitiae,<br/>Exsul Tarbiam adiit<br/>Jugumque Fausti subiit.</p> | <p>4. Cujus summa prudentia<br/>Instructus ac justitia,<br/>Quamvis aetate juvenis,<br/>Pollebat in miraculis.</p> <p>5. Hic in adolescentia<br/>Dei repletus gratia<br/>Adolescentis perditum<br/>Prece restaurat oculum.</p> <p>6. Sit laus patri cum filio,<br/>Sancto simul paraclito,<br/>Qui praesulem Licerium<br/>Ad coeli vexit solium.</p> |
|--|--|

Brev. ms. Tolosanum saec. 14. Cod. Tolosan. 74. A. — Brev. Tolosanum imp. Parisiis 1552. B. — 3, 3 Tarviam A. — 4, 2 et justitia B. — 5, 3 Adolescenti A.

### 319. De sancto Licerio.

Ad Laudes.

- |   |  |
|---|--|
| <p>1. Jam puer bonae indolis<br/>Pacem serebat dyscolis,<br/>Orabat Deum jugiter<br/>Pro perversis hilariter.</p> <p>2. Hunc Faustus praesul artibus<br/>Instructum liberalibus<br/>Usque ad diaconium<br/>Sublimavit Licerium.</p> | <p>3. A Quintiano praesule<br/>Factus sacerdos, deinde<br/>Praesul per Dei gratiam<br/>Dirigitur ad Austriam.</p> <p>4. Ibi pollens virtutibus<br/>Ejusque modis omnibus,<br/>Ut se minorem redderet,<br/>Quando majorem cerneret.</p> <p>5. Precemur ergo Dominum,<br/>Ut sordes tergat criminum<br/>Et per preces pontificis<br/>Nos choris jungat coelicis.</p> |
|---|--|

Brev. ms. Tolosanum saec. 14. Cod. Tolosan. 74. A. — Brev. Tolosanum imp. Parisiis 1552. B.

### 320. De sancto Licinio.

Ad Vesperas.

- |  |  |
|--|--|
| 1. Urbis cives Andegavae<br>Et regionis incolae,<br>Ad gaudium concurrite<br>Solemnitatis annuae.              | 3. Qui regum pollens sanguine<br>Et juventutis indole<br>Et infinitis opibus<br>Et maximis honoribus,      |
| 2. Qua pontifex sanctissimus<br>Assumptus est Licinius,<br>Ut in supernis sedibus<br>Cum coeli regnet civibus. | 4. Pro Christo sprexit omnia<br>Ut dormientis somnia,<br>Contempsit aulam regiam<br>Praeeligens ecclesiam. |
| 5. Sit patri laus cum filio<br>Et spiritu paraclito,<br>Sit trinitati gloria<br>Per infinita saecula.          |  |

Hymn. ms. Andegavensis saec. 14. Cod. Andegaven. 105. A. — Hymn. ms. Andegavensis saec. 14. Cod. Andegaven. 106. B. — Brev. ms. Andegaven. saec. 15. Cod. Sangenovesian. BBl. VIII<sup>o</sup> 24<sup>2</sup> C. — Brev. ms. Andegavense saec. 15. Cod. Massilien. Eb. 303. D. — Brev. Andegavense imp. Rotomagi 1504. E. — 1, 2 religionis D.

### 321. De sancto Licinio.

Ad Matutinum.

1. Editus clara generositate  
Heroas Francos habuit proavos  
Pontifex hic, cui hodie novamus  
Annua festa.
2. Iste felicitis documenta vitae  
Parvulus condens animo sagaci,  
Praecavet turpi maculare menda  
Limina mentis.
3. Regio junctus lateri nocere  
Nemini, cunctis satagit placere,  
Monachum celat pretiosa vestis  
Corpore castum.
4. Provida regni sapiens habenas  
Mente dum vertit, petitur tribunus,  
Hinc manu frangit valida superbum  
Strenuus hostem.
5. Virginis taedas dirimit jugales  
Lepra respersae maculosa carnis,  
Inde tonso Licinius capillo  
Se vovet aris.

6. Sancte dux noster, Licini, precamur,  
Impetra servis veniam reatus,  
Ut frui puro valeant supernae  
Lumine sedis.
7. Principi regum dominoque mundi  
Corde sincero famuli canamus,  
Gloriam cujus deitas perenni  
Permanet aevo.

Hymn. ms. Andegavensis saec. 14. Cod. Andegaven. 106. add. saec. 16.  
A. — Brev. Andegavense imp. Rotomagi 1504. B. — 6, 1 dux nostri B.

### 322. De sancto Licinio.

Ad Laudes.

1. Carminibus placet hymnidicis  
Gesta retexere pontificis,  
Quem sua dum rogat atque colit  
Licinium vocat Andegavis.
2. Femina daemone multiplici  
Tristibus exagitata modis,  
Dum populum movet ecclesiae,  
Praesulis est reparata prece.
3. Caecus item, Giso dictus erat,  
Qui sibi lumina danda rogat,  
Huic quoque acta liquore sacro  
Clarificatur hebens facies.
4. Debilium duodena cohors,  
Dum pretium rogat aeris egens,  
Per crucis auxiliaris opem  
Absque mora redit incolumis.
5. Sit tibi gloria, summe pater,  
Sit tibi gloria, nate patris,  
Spiritus quoque gloria par  
Nunc et in omnia saecula sit.

Hymn. ms. Andegavensis saec. 14. Cod. Andegaven. 105. A. — Hymn.  
ms. Andegavensis saec. 14. Cod. Andegaven. 106. B. — Brev. ms. Andega-  
vense saec. 15. Cod. Sangenovefian. BBl. VIII<sup>o</sup>. 24<sup>2</sup> C. — Brev. ms. Ande-  
gavense saec. 15. Cod. Massilien. Eb. 303. D. — Brev. Andegavense imp.  
Rotomagi 1504. E. — 3, 1 Glyzodenus erat C. — 4, 3 auxiliares C. — 4, 4  
incolumes A. — 5, 1 summe fehlt C. — 5, 3 sq. nunc par D.

### 323. De sancto Luca.

- |  |  |
|--|--|
| <ol style="list-style-type: none"> <li>1. Deus, tuorum militum,<br/>Corona spes et praemium,<br/>Attende pronis auribus<br/>Indignis nostris vocibus.</li> </ol> | <ol style="list-style-type: none"> <li>2. Qui sanctum Lucam hodie,<br/>Ab omni purum crimine,<br/>Eductum carnis cavea<br/>Locasti super aethera.</li> </ol> |
|--|--|

3. Ob ejus alma merita  
Nostra relaxa crimina,  
Hic libera de noxiis  
Et in futuris saeculis.

4. Te cuncta laudant pariter,  
Summe cunctorum arbiter,  
Est cujus regnum stabile  
Per aevum sine tempore.

Hymn. ms. Veronensis saec. 11. Cod. Capit. Veronen. 109.

### 324. De s. Ludovico Episcopo.

Ad Vesperas.

1. Proles regalis prodiit  
Claris fulgens prodigiis,  
Caecis lumen restituit  
Maris pulsus naufragiis.  
2. Spretis regni fastigiis  
Transit ad statum pauperis,  
Cujus normam non deserit  
Tractus ad culmen praesulis.  
3. Assumptus cum episcopis  
Ad primatum pontificis,  
Vacat plenis praecordiis  
Operibus hierarchicis.  
4. Dum celebrat solemnia  
Militantis ecclesiae,  
Anticipat praeludia  
Triumphantis militiae.

5. Dum dispensat charismata  
Spiritualis gratiae,  
Invitat ad stipendia  
Triumphantis victoriae.  
6. Dum praedicat praeconia  
Salutaris scientiae,  
Adsurgit ad spectacula  
Supermundanae curiae.  
7. Dum praecedit ad merita  
Actionis heroicae,  
Sursum agit ad praemia  
Supercoelestis patriae.  
8. Trinitati thearchicae  
Decus, honor et gloria,  
Sancti sint hujus merito  
Nobis aeterna gaudia.

Brev. Massiliense imp. Lugduni 1530.

### 325. De s. Ludovico Episcopo.

Ad Nocturnum.

1. In coelesti hierarchia  
Novum sidus exoritur,  
In sanctorum politia  
Clarus concivis cernitur.  
2. Ludovicus. flos gratiae,  
Factus collega pauperum,  
Lumen suscepit gloriae  
Ingressus in sacrarium.  
3. Pro paupertatis pretio  
Regni sedet in solio,  
Cujus laeta possessio  
Tali datur commercio.

4. Pro puritatis regula  
Regni crevit in gloria,  
Cujus clarus intuitus  
Meretur a munditia.  
5. Pro pietatis munere  
Sursum regnat in aethere,  
Succurrens invocantibus  
Pressis in isto carcere.  
6. Patri nato, paraclito  
Decus, honor et gloria,  
Sancti sint hujus merito  
Nobis aeterna gaudia.

Brev. ms. Minorum saec. 15. Cod. Parisin. 1046. A. — Brev. Massiliense imp. Lugduni 1530. B. — 3, 3 lata B. — 4, 1 puritatis regia A. — 5, 4 isto fehlt A. — 6, 1 nati A. — 6, 2 Deus A.

326. De s. Ludovico Episcopo.

Ad Laudes.

- |   |   |
|---|---|
| 1. In ecclesia sanctorum<br>Perennis laus concinitur,<br>Cum coetibus angelorum<br>Ludovicus conjungitur. | 4. Qui regnare non voluit,<br>Regnat in coeli solio,<br>Comprehendens, quod meruit<br>Regali sacerdotio.  |
| 2. Qui puritatem coluit<br>Nitens candore niveo,<br>Aureolam promeruit<br>In virginali titulo.            | 5. Trans semitam justitiae<br>Expetivit velociter<br>Templum supernae gloriae,<br>Introivit feliciter.    |
| 3. Qui praedicando docuit<br>Fulgens splendore flammeo,<br>Aureolam obtinuit<br>Doctrinali praeconio.     | 6. Patri, nato, paraclito<br>Decus, honor et gloria,<br>Sancti sint hujus merito<br>Nobis aeterna gaudia. |

Brev. ms. Minorum saec. 15. Cod. Parisin. 1046. A. — Brev. Massiliense imp. Lugduni 1530. B. — 2, 3 his 3, 3 fehlen A. — 4, 3 quod invenit A. — 5, 1 Qui semitam B. — 5, 2 Expeditavit AB.

327. De sancto Magno.

Ad Vesperas.

1. Hymnis praedulcibus Magni praeconia  
Cordeque vocibus pangamus inclita,  
Ejus mirifica prodentes opera  
Jugi digna memoria.
2. Hic ex prosapia magna progenitus  
In pueritia vixit divinitus,  
Post hoc est fruitus horum sceleribus,  
In gente nequam alitus.
3. Ut Paulus Domino Magnus convertitur,  
Christum ex animo totus consequitur,  
Ardere creditur, sed non exurit  
Rubus, dum florens cernitur.
4. Sic in cubiculo sponsus cum virgine  
Insigni titulo praecontinentiae  
Vixit a Venere divino munere  
Annis decem continue.
5. De templo trahitur Magnus dominico,  
Repletus patitur ex sacrificio,  
Migrat de proelio rubens martyrio  
Castoque candens lilio.



6. Hujus ut passio nostrorum criminum  
Fiat ablutio, poscamus Dominum,  
Ut nobis gaudium post hoc exsilium  
Largiatur perpetuum.
7. Honor, laudatio per mundi climata  
Uni sit Domino trinoque gloria,  
In trina machina qui regit omnia  
Per cuncta semper saecula.

Brev. Aberdonense imp. Edinburgae 1509.

### 328. De sancto Magno.

Ad Laudes.

- |  |  |
|--|--|
| 1. Exsultemus concrepantes<br>Sonora melodia<br>Sancti Magni venerantes<br>Martyris insignia,<br>Ejus digna praedicantes<br>Post palmam miracula.                  | 4. Ferro vincti relaxantur,<br>Surdi simul audiunt,<br>Casu fracti mox sanantur,<br>Mala quaeque fugiunt,<br>Naufragantes liberantur,<br>Dum procellae saeviunt. |
| 2. Odor manat, en, unguenti,<br>Alabastrum frangitur,<br>Quovis morbo gravescente<br>Salus vera redditur,<br>Plebs concurrat, fit egenti<br>Cuiquam, quod petitur. | 5. O quam probat hunc beatum<br>Ossis ejus ustio,<br>Bis fit auri crux crematum<br>Os sed ossis tertio<br>Crux fit os ejus sacratum<br>Tam miro commercio.       |
| 3. Lepram mundat et furorem<br>Pellit ab amentibus,<br>Contuendi dat vigorem<br>Privatis luminibus,<br>Mutis fandi praebet morem,<br>Gressum claudicantibus.       | 6. Magne pater famulorum,<br>Tibi supplicantium<br>Sordes terge delictorum,<br>Fidem firma mentium,<br>Adeptores praemiorum<br>Quo simus coelestium.             |
| 7. Laus perennis trinitati,<br>Salus, virtus, gloria,<br>Uni decus caritati,<br>Mira cujus gratia<br>Suae cuncti majestati<br>Serviunt per saecula.                |  |

Brev. Aberdonense imp. Edinburgae 1509.

### 329. De sancto Majolo.

In 1. Vesperis.

- |   |  |
|---|--|
| 1. Victoris agni sanguine<br>Dies sacratus hodie<br>Fusus supremo lumine<br>Gemina pollens lampade. | 2. Ecce paschale gaudium<br>Fulget per omne saeculum,<br>Magni Majoli transitum,<br>Vitam simul et meritum |
|---|--|

- |   |  |
|---|--|
| 3. Pangat clerus et populus,<br>Maxime grex monasticus,<br>Quo nil habuit dulcius,<br>Dum esset terris positus. | 7. Cujus clara confessio<br>Coronatur martyrio,<br>Decertando legitime<br>Subacto mundi principe.              |
| 4. Praecedit Christus patiens,<br>Majolus illum confitens<br>Sequitur recto tramite<br>Dei praeventus munere.   | 8. Templum ipse virgineum<br>Pectus sacrauit proprium,<br>Coelestis vitae nuntius<br>Recte vocatur angelus.    |
| 5. Patriarcharum solidam<br>Fidem opere coluit,<br>Quod chorus vatum cecinit,<br>Fideli fide credidit.          | 9. Quorum gaudet nominibus<br>Pastor noster egregius,<br>His nos jungat in aethera<br>Christi favente gratia.  |
| 6. Ordinis apostolici<br>Sectando sacra dogmata<br>Factus est pater inclitus<br>Ipse vir apostolicus.           | 10. Tibi sit laus et gloria<br>Tollenti mundi crimina<br>Cum patre et sancto spiritu<br>In sempiterna saecula. |

Cod. Parisin. Nouv. acq. 1496. saec. 12. in. — Auctor des Hymnus ist  
Odilo von Cluny.

### 330. De sancto Majolo.

#### Ad Nocturnum.

- Christe, cunctorum via, lux sanctorum,  
Precibus sacris venerandi patris,  
Magni Majoli, populo fideli  
Gaudia pacis
- Mitte de coelis veniamque nostris  
Largire culpis — — — —  
Adsit et nobis gratia perennis  
Spiritus almi.
- Cujus protecti munere potenti  
Patrum exemplis meritisque celsis  
Per iter rectum mereamur altum  
Scandere regnum.
- Gloria patri genitaeque proli  
Et tibi compar utriusque semper  
Spiritus alme, Deus unus omni  
Tempore saeculi.

Cod. Parisin. Nouv. acq. 1496. saec. 12. in. — Vgl. Migne PP. LL.  
142963. — Verfasser Odilo Cluniacensis.

331. De sancto Majolo.

Ad Laudes.

- |   |   |
|---|---|
| 1. Majole, consors procerum,<br>Regum regi placentium,<br>Inter coelestes aulicos<br>Divinitatis conscios | 3. Unde, pater, nos respice<br>Pressos peccati pondere,<br>Depone gravem sarcinam,<br>Leviga conscientiam.    |
| 2. Honoris privilegio<br>Coetu junctus moenastico,<br>Sed et choris angelicis<br>Frueris aula luminis.    | 4. Hic fascibus depositis<br>Mortis solutos vinculis<br>Junge nos tuos servulos<br>Monachis praestantissimis. |
5. Cum quibus nos perpetua  
Possideamus gaudia  
Christi favente gratia  
Per infinita saecula.

Cod. Parisin. Nouv. acq. 1496 saec. 12. in. — Verfasser des Hymnus  
ist Odilo von Cluny.

332. De sancto Majolo.

In 2. Vesperis.

1. Christe, cunctorum pariter tuorum  
Palmitum vitis, Deus alme, nobis  
Praebe Majoli celebrare tanti  
Festa patroni.
2. Quem tibi nostris placuit diebus  
Pluribus signis meritisque dignis  
Regibus coram hominumque turbis  
Glorificare.
3. Annuas istisque sic interesse  
Gaudiis nos, perpetuis et almis  
Pro reis gestis merito carere  
Ut nequeamus.
4. Quaesumus, rector, pietatis auctor,  
Noster hic pastor tibi sit precator,  
Quo tua nobis pietate cunctis  
Crimina dones.
5. Cujus in tanto pia vota festo  
Congruit nobis jugiter canendo,  
Insuper Paschae tibi duplicatas  
Solvere laudes.

6. Trinitas, Deus unus atque summus,  
Sit tibi, rex, gloria sempiterna,  
Qui regis tanta bonitate cuncta  
Omne per aevum.

Cod. Parisin. Nouv. acq. 1496. saec. 12. in. — Vgl. Migne l. c. 964. —  
Verfasser ist Odilo von Cluny.

### 333. De sancto Malachia.

Ad Laudes.

1. Nobilis signis, moribus suavis,  
Meritis sanctus, inclitus triumphis  
Hodie carnis pondere levatus  
Migrat antistes.
2. Nec vacat sancto Malachiae nomen,  
Angelum sonans, angelorum signat  
Similem esse puritate vitae,  
Gloria parem.
3. Angelus noster civium suorum  
Redditus votis, sociatus thoris,  
Praeminet multis, coaequatur summis  
Merito quidem.
4. Sobrius victus, castitas perennis,  
Fides, doctrina, animarum lucra  
Meritis parem coetui permiscet  
Apostolorum.
5. Opere vicem, animo virtutem  
Tenuit horum praesul et legatus  
Ac per hoc jure etiam honorem  
Vendicat sibi.
6. Signa quis quaerat, quis referre queat?  
Hoc tamen ipsum manifestat satis  
Mortuus surgens, quantae in hac parte  
Gloriae fuit.
7. Christo regnanti sitne ulla nostri  
Cura, putamus, quos amavit prius,  
Pauperes fovit, humiles spiritu  
Humilis ipse?
8. Absit ab illo fonte pietatis  
Sorte levata segnus manare,  
Absit, ut spernat miseros beatus,  
Orphanos pater.

9. O Malachia, Clara vallis tua,  
Clarior tui corporis thesauro,  
Postulat supplex, te tuente frui  
Pace perenni.
10. Gloria patri filioque ejus,  
Gloria tibi, spiritus amborum,  
Una sit tibi, quia tres sunt unum,  
Una majestas.

Brev. ms. Claraevallense saec. 12. ex. Cod. Trecent. 575. A. — Brev. ms. Claraevallense saec. 12/13. Cod. Trecent. 1162. B. — Brev. ms. Claraevallense saec. 13. Cod. Trecent. 1894. C. — Brev. ms. Claraevallense saec. 13. Cod. Trecent. 1157. D. — Brev. ms. Claraevallense saec. 13. Cod. Trecent. 1158. E. — Brev. ms. Claraevallense saec. 13. Cod. Trecent. 1160. F. — Brev. ms. Claraevallense saec. 13. Cod. Trecent. 1977. G. — 6, 4 Fuit gloriae A. — 9, 1 plebs Claraevallis A. — 10, 2 amborum spiritus. — Der Hymnus ist wohl zweifellos vom hl. Bernhard von Clairvaux; die Verskunst ist ganz die des Verfassers der beiden Hymnen auf Sankt Victor.

### 334. De sancto Marcello.

Ad Vesperas.

- |   |   |
|---|---|
| 1. Exsultet coelum laudibus,<br>Resultet terra gaudiis,<br>Marcellus in coelestibus<br>Laetus potitur praemiis. | 5. Cluniacensis populus<br>Hujus laetatur corpore,<br>Hic fuit ejus titulus<br>A longo valde tempore.         |
| 2. Marcellus, martyr inclitus,<br>Papa fuit antiquitus,<br>Cujus manus in cophino<br>Servierunt pro Domino.     | 6. O quam felix coenobium,<br>Quam vera sit religio,<br>Quae tantorum ac talium<br>Fulcitur patrocinio.       |
| 3. Maximianus impius<br>Hunc Marcellum diutius<br>Ad publicum servitium<br>Damnavit animalium.                  | 7. Huic ergo demus gloriam,<br>Qui per suam praesentiam<br>Cluniacensem patriam<br>Decorat multifariam.       |
| 4. Hic Marcellus maceria<br>Carnis exutos propriae<br>Intravit cum victoria<br>Regnum coelestis curiae.         | 8. Trinitati sit dedita<br>Laus, honor, virtus gloria,<br>Quae per Marcelli merita<br>Nos ducat ad coelestia. |

Brev. ms. Cluniacense saec. 15. Cod. Sangenovesian. BBl. VIII<sup>o</sup> 15.

### 335. De sancto Marcello.

Ad Nocturnum.

- |   |  |
|---|--|
| 1. Coeli cives, applaudite,<br>Et vos, fratres, concinite,<br>Patris nostri solennia<br>Solis reduxit orbita. | 2. Hinc ergo psalmi resonent,<br>Hinc lectiones concrepent<br>Et hymnorum dulcisona<br>Multiplicentur cantica. |
|---|--|



- |  |   |
|--|---|
| <p>3. Fortem, fidelem militem,<br/>Coeli secutum principem,<br/>Marcellum quoque martyrem<br/>Plebs corde, voce personat.</p> <p>4. Opus sacratum construit,<br/>Fidem docet baptismatis,<br/>Sed audientum caecitas<br/>Munus repellit luminis.</p> | <p>5. Aufer, sacerdos optime,<br/>Gemitus nostros et preces,<br/>Firma fidem, martyr Dei,<br/>Moresque nostros corrige.</p> <p>6. Ipse gubernat fragiles<br/>In mundi hujus pelago<br/>Atque exutos corpore<br/>Pie benignus suscipe.</p> <p>7. Quo sine fine gloriam<br/>Deo patri et filio<br/>Una cum sancto spiritu<br/>Toto canamus pectore.</p> |
|--|---|

Brev. ms. Cluniacense saec. 15. Cod. Sangenovefian. BBl. VIII<sup>o</sup> 15. —  
2, 1 resonant. — 2, 2 conerepant. — 2, 3 dulcisonant. — 7, 4 Totum canamus perpetim.

### 336. De sancto Marco.

- |   |  |
|---|--|
| <p>1. Hymnis canamus debitis<br/>Ad sancti Marci gloriam,<br/>Cujus corona capitis<br/>Nostram ditat ecclesiam.</p> <p>2. Hic sator evangelii,<br/>Hic victor per martyrium,<br/>Duplicis privilegii<br/>Gaudet habere praemium.</p> <p>3. Quanto ergo hoc plenius<br/>Dei perfudit gratia,<br/>Tanto et nos alacrius<br/>Haec agamus solemnia.</p> | <p>4. Hujus dilecti Domini<br/>Nos commendemus precibus,<br/>Quo Christiano nomini<br/>Bonis aptemur moribus.</p> <p>5. Culparum nobis veniam<br/>Ejus praestet memoria,<br/>Praestet vires et gratiam<br/>Ad propulsanda vitia.</p> <p>6. Deo patri sit gloria<br/>Ejusque soli filio<br/>Cum spiritu, qui patria<br/>Magno nos ditet gaudio.</p> |
|---|--|

Coll. Hymn. ms. saec. 18. Cod. Parisin. 1094. Das Alter des Hymnus ist aus dem Reime zu erkennen.

### 337. De sancta Margareta.

Ad Vesp. et Noct.

- |   |  |
|---|--|
| <p>1. Chorus coelestis curiae<br/>Gaudet in coelis hodie<br/>Cum gloriosa virgine,<br/>Cujus festum est hodie.</p> <p>2. Virgo dum erat juvenis,<br/>Ivit cum coetaneis<br/>Pascendo animalia<br/>Nutricis Dei filia.</p> | <p>3. Vidit sanctam Olybrius,<br/>Misit quaesitum impius,<br/>Ut ipsa sibi crederet<br/>Et legem Christi linqueret.</p> <p>4. Illa tyrannum noluit<br/>Sed puro corde voluit<br/>Servire sine termino<br/>Omnipotentis Domino.</p> |
|---|--|

- |  |  |
|--|--|
| <p>5. Jussit tyrannus virginis<br/>Margaretæ tam juvenis<br/>Membra ligari fortiter<br/>Et tormentare graviter.</p> <p>6. Fecit includi virginem<br/>In carcerem amabilem<br/>Cum daemone, non homine<br/>Et absque ullo lumine.</p> | <p>7. Beata non abhorruit<br/>Draconem et non timuit,<br/>Ipsum sub pede posuit,<br/>Et nihil sanctæ nocuit.</p> <p>8. Praesta, pater piissime,<br/>Ut nos tuo spiramine<br/>Possimus sine crimine<br/>In mundo semper vivere.</p> |
|--|--|

Psalt. ms. Sedunense saec. 15. Cod. Valerian. s. n. A. — Brev. Sedunense imp. Basileae 1497. B. — Mel.: die des Theodulhymnus gleichen Anfangs.

### 338. De sancta Margareta.

Ad Laudes.

- |  |   |
|--|---|
| <p>1. Aeterne Christe Domine,<br/>Qui natus es de virgine,<br/>Intende nostris laudibus<br/>Nunc Margaretæ precibus.</p> <p>2. Ut qui hanc tuo lumine<br/>Gentili natam semine,<br/>Piis ejus obtentibus<br/>Nos leves in coelestibus.</p> | <p>3. Haec est pro tuo nomine<br/>Passa, mundi dulcedine<br/>Spreta, in cruciatibus<br/>Orans pro peccatoribus.</p> <p>4. Superno fulta lumine<br/>Derisit in certamine<br/>Sibi insidiantibus,<br/>Tuta coeli conventibus.</p> |
|--|---|
5. Gloria tibi, Domine,  
Patri, nato cum flamine  
Adsis, orbis qui regibus  
Dominaris et omnibus.

Brev. ms. Diense saec. 15. Cod. Gratianopolitan 136. A. — Brev. ms. Valentinense saec. 15. Cod. Atrebaten. 1142 (552) B. — 2, 2 datam semine B. — Man beachte den Reim, der durch alle Strophen hindurchgeführt ist.

### 339. De sancta Margareta.

Ad Laudes.

- |   |   |
|---|---|
| <p>1. Carceris est caligine<br/>A draconis voragine<br/>Erepta ex daemonibus<br/>Vinctis duobus hostibus.</p> <p>2. Ducta ex obumbramine<br/>Cum gladii vibramine<br/>Capite plexa coetibus<br/>Aggregatur coelestibus.</p> | <p>3. Ergo qui tuo numine<br/>Cor scrutaris in homine,<br/>Da veniam petentibus<br/>Ejus orationibus.</p> <p>4. Fac nos, precamur, Domine,<br/>Tali florere germine,<br/>Ut purgati criminibus<br/>Crescamus in virtutibus.</p> |
|---|---|

5. Gloria tibi, Domine.

Brev. ms. Valentinense saec. 15. Cod. Atrebaten. 1142 (552).  
Dreves, Hymni Inediti. IV.

### 340. De sancta Margareta.

1. Pange lingua Margaretæ  
virginis praeconia  
Simul omnes congaudete  
In ejus solemnia,  
Nam qui gaudet, virgo, de te,  
Regnabit in gloria.
2. Pascit oves haec nutricis,  
Vidit hanc Olybrius,  
Pulsat verbis inimicis  
Impiorum impius,  
Volens more meretricis  
Ejus esse socius.
3. Virgo nolens obedire  
Principis amplexibus  
Flagellatur pia dire  
Nec cessit tortoribus,  
Malens mori quam perire  
Terrore vel precibus.
4. Veste sua spoliata  
Virgo virginis caeditur,  
Ejus caro lacerata  
Rubescens dirumpitur,  
Diris flagris cruciata  
Carcere recluditur.
5. Ingens draco deglutivit  
Virginem, sed propere  
Signo crucis se munivit,  
Sic munitam laedere  
Captat, nequit, sed exivit  
Ejus rupto latere.
6. Hoste victo poena crescit,  
Aere suspenditur,  
Exuritur nec marcescit,  
Post haec aquis mergitur,  
Judex furit et tabescit  
Videns, quod deluditur.
7. Decollari tunc jubetur  
Praeceptis Olybrii,  
Virgo gaudet nec veretur  
Praemia martyrii,  
Deum laudans, quod meretur  
Dona tanti praemii.
8. Orat virgo, ne frangatur  
Munere vel praemio,  
Caput ejus amputatur  
Judicis imperio,  
Paradiso collocatur  
Juncta Dei filio.
9. Omnes ergo deprecemur  
Virginem et Dominum,  
Ut cum ea collocemur  
In supremo culminum  
Et sic semper liberemur  
A pressura criminum.

Brev. Noviomense imp. Parisiis 1515.

### 341. De sancta Margareta.

Ad Vesperas.

1. Hymnum canamus gloriae,  
Clangat exsultans hodie  
Te virginis castitas,  
O lux, beata trinitas.
2. Claris orta parentibus  
Margareta gentilibus  
Suspirat ad perennia  
Supernae matris gaudia.
3. Praefecti minas impii  
Non formidat Olybrii,  
Fidem colit ad meritum,  
Deus, tuorum militum.
4. Draconis in latibulo  
Crucis se munit spiculo,  
Draco, daemon dum pereunt,  
Vexilla regis prodeunt.

- |   |  |
|---|--|
| <p>5. Dum virgo sacra patitur,<br/>Credens in fide moritur<br/>Pro te grex quinque milium,<br/>Christe, redemptor omnium.</p> | <p>6. Truncata caput gladio<br/>Coronatur martyrio,<br/>Voce coelestis alitis<br/>Freta sanctorum meritis.</p> |
| <p>7. Patri laus sit ingenito<br/>Ejusque unigenito,<br/>Nos visitans divinitus<br/>Veni, creator spiritus.</p>               |  |

Brev. ms. Aquense saec. 15. Cod. Parisin. 1061. A. — Brev. ms. Aquense imp. Lugduni 1499. B. — Brev. Aptense imp. Lugduni 1532. C.

### 342. De sancta Margareta.

#### Ad Matutinum.

- |   |  |
|---|--|
| <p>1. Laetetur mater inclita,<br/>Polorum luce praedita,<br/>Cujus gaudet solemnio<br/>Fidelium devotio.</p>          | <p>3. Te matronae glorificant,<br/>Colunt, adorant, praedicant<br/>Assumptam super sidera<br/>Quam terra, pontus,<br/>aethera.</p> |
| <p>2. Victis triumphat hostibus<br/>Victrix fruens coelestibus,<br/>Nostra deleto crimina,<br/>O gloriosa domina.</p> | <p>4. Patri natoque gloria<br/>Sit laus, virtus, potentia,<br/>Missus adesto coelitus<br/>Nunc sancte nobis spiritus.</p>          |

Brev. ms. Aquense saec. 15. Cod. Parisin. 1061. A. — Brev. Aquense imp. Lugduni 1499. B. — Brev. Aptense imp. Lugduni 1532. C.

### 343. De sancta Margareta.

#### In Laudibus.

- |   |   |
|---|---|
| <p>1. Pangat chorus fidelium<br/>Margaretæ martyrium,<br/>In mundi lucens area<br/>Lux, ecce, surgit aurea.</p>         | <p>3. Tandem mortis compendio<br/>Lictoris migrat gladio,<br/>Mundus exsultans jubilat,<br/>Aurora lucis rutilat.</p> |
| <p>2. Martyr spretis blanditiis,<br/>Promissis et suppliciis<br/>Te solum colit Dominum,<br/>Jesu, corona virginum.</p> | <p>4. Genitori cum filio<br/>Sit laus et exsultatio,<br/>Qui vocaris paraclitus,<br/>Veni, creator spiritus.</p>      |

Brev. ms. Aquense saec. 15. Cod. Parisin. 1061. A. — Brev. Aquense imp. Lugduni 1499. B. — 4, 3 Qui es vocatus paraclitus AB. — 4, 4 Veni sancte spiritus AB.

### 344. De sancta Margareta.

Ad Vesperas.

- |   |  |
|---|--|
| <p>1. Sume laudis praeconia<br/>Tu, quem laudat ecclesia<br/>In Margareta Dominum,<br/>Jesu, corona virginum.</p> | <p>3. Quem laudant hymnis dulciter<br/>Cum Margareta jugiter<br/>Supra polorum ordines,<br/>Quocunque pergunt, vir-<br/>gines.</p> |
| <p>2. Choro cinctus virgineo<br/>Nec non cruore roseo,<br/>Castitatis vernantia<br/>Qui pascis inter lilia.</p>   | <p>4. Hujus triumpho nobili<br/>Praemioque mirabili<br/>Nobis esto propitius,<br/>Te deprecamus largius.</p>                       |
5. Hoc, qui cum unigenito  
Regnas et cum paraclito,  
Deus unus verissime,  
Praesta, pater piissime.

Brev. ms. Aniciense saec. 15. Cod. Parisin. 1304. A. — Brev. ms. Aniciense saec. 15. Cod. Capit. Anicien. s. n. B. — 1, 1 Sume laudibus B. — 2, 2 non eodem roseo B. — 4, 1 Cujus. — 5, 2 Regnat A.

### 345. De sancta Margareta.

Ad Laudes.

- |   |  |
|---|--|
| <p>1. Aeterne Christe Domine,<br/>Qui natus es de virgine,<br/>Intende nostris laudibus<br/>Nunc Margaritae precibus.</p> | <p>4. Ob hoc illam cruciari<br/>Mox jussit, post decollari,<br/>Quo peracto coeli coetus<br/>Hanc suscepit cantus laetus.</p>  |
| <p>2. Haec est pro tuo nomine<br/>Passa, mundi dulcedine<br/>Spreta, in cruciatibus<br/>Orans pro peccatoribus.</p>       | <p>5. Ut defendat dira nece,<br/>Nos precamur, dulci prece,<br/>Hanc beatam Margaritam,<br/>Dux, quae nostra sit ad vitam.</p> |
| <p>3. Olybrius attribuit,<br/>Sibi dari, quo promisit,<br/>Ipsa respondet: praefecte,<br/>Tua dona nolo nec te.</p>       | <p>6. Regi sine principio<br/>Sit laus una cum filio,<br/>Adsitque nobis coelitus<br/>Charisma sancti spiritus.</p>            |

Brev. ms. Aniciense saec. 15. Cod. Parisin. 1304. A. — Brev. ms. Aniciense saec. 15. Cod. Capit. Anicien. s. n. B. — 3, 1 Olybrius occubuit B. — 3, 2 Sibi dari qui promisit A; Mulieri dare quod promisit B. — 3, 2 in praefecte B; praefecte fehlt A. — 3, 4 Tua dona nolo fehlt A. — 4, 2 postque B. — 6, 1 Ut sine principio A. — Vgl. Nr. 338, dem die ersten zwei Strophen entlehnt sind.



346. De sancta Margareta.

Ad Vesperas.

- |  |   |
|--|---|
| 1. Adest dies laetitiae,<br>Quo Margareta inclita<br>Ad thronum venit gloriae<br>Bina corona praedita.       | 3. Cranicornuta specie<br>Satan ab ipsa noscitur,<br>Sed pede pudicitiae<br>Jactatus solo teritur.        |
| 2. Nobilis, pulchra, humilis<br>Fit virtutum sacrarium,<br>Constantia mirabilis<br>Durum suffert supplicium. | 4. Emolliens refellitur<br>Cum promissis Olybrius,<br>Terrens minis contemnitur,<br>Et cruciatur amplius. |
5. Honor sit patri luminum,  
Laus sit sancto spiritui,  
Sit decus sponso virginum,  
Qui coeli nos det coetui.

Brev. ms. Lemovicense saec. 15. Cod. Mazarin. 350 (787). — 3, 1 Cranicornitus effigie. — 3, 2 Sata hñi ana noscitur. — 3, 3 Et pede. — 3, 4 sol tefitur. — 5, 4 Qui coelo.

347. De sancta Margareta.

Ad Laudes.

- |   |  |
|---|--|
| 1. Erumpamus in laudibus<br>Margaretæ praeconio<br>Quae gratiam supplicibus<br>Obtinuit martyrio. | 3. Hanc sorbens draco crepuit<br>Facto crucis signaculo,<br>Illaesaque apparuit<br>Cum triumphali titulo.      |
| 2. Virginitatis lilio<br>Et fide Deo jungitur,<br>Nec corporis excidio<br>Ab eodem disjungitur.   | 4. O quam grata vox dicitur,<br>Cum pro devotis supplicat,<br>Divinum verbum mittitur<br>Et exauditam judicat. |
5. Honor sit patri luminum.

Brev. ms. Lemovicense saec. 15. Cod. Mazarin. 350 (787). — 2, 1 Virginitatis lilium. — 3, 3 Illaque apparuit.

348. De sancta Margareta.

Ad Vesperas.

- |  |  |
|--|--|
| 1. Celebremus ad honorem<br>Margaretæ virginis<br>Solemner passionem<br>Et laetemur gaudiis,<br>Ut per ipsam adjuvemur<br>Precibus et meritis. | 2. Mox de matre ejus nata<br>Illa spiritu sancto<br>Omnino erat repleta,<br>Dilecta Jesu Christo,<br>Odiosa patri suo<br>Erat Theodosio. |
|--|--|

3. Nutricis oves pascebat  
Et se Deo tradidit  
Et in eo spem ponebat,  
Qui salvam eam fecit  
Et virginem castiorem  
Castam semper reddidit.

4. His diebus transiebat  
Olybrius praefectus,  
Christianos inquirebat,  
Cum ferreis nexibus  
Constringebat, carcerabat  
In illis temporibus.

Brev. Dolense imp. Parisius 1519.

5. Virginis videns adspectum  
In eam concupivit,  
Ad mutandum ejus sensum  
Ministros suos misit,  
Ad pretium promittendum,  
Sed Deus custodivit.

6. Gloria et honor Deo  
Usquequo altissimo,  
Una patri filioque,  
Inclito paraclito,  
Cui laus est et potestas  
Per aeterna saecula.

### 349. De sancta Margareta.

Ad Nocturnum.

1. Pange, lingua, gloriosae  
Virginis praeconium,  
Vox concinat pretiosae  
Margaretæ meritum,  
Ut illustret corde, ore  
Mentis domicilium.

2. Quando fuit praesentata  
In conspectu iudicis,  
Ex quo genere est nata  
Illa virgo nobilis,  
An ancilla vel libera,  
Allocuta est verbis.

3. Christianam se fatetur,  
Libera, non ancilla,  
Trinitatem confitetur  
Fide nobilissima,  
Recluditur, carceratur  
Martyr beatissima.

Brev. Dolense imp. Parisius 1519.

4. De carcere est educta,  
Praefectus adloquitur  
Seducendo per promissa  
Nec his verbis mollitur,  
Non per verba nec verbera  
Iudicis haec terretur.

5. Carnifices accedentes  
Jussu mali praefecti  
In aere suspendentes,  
Praecepit eam caedi,  
Ipsam Deo dantem laudes:  
Gloria, Christe, tibi.

6. Gloria et honor Deo  
Usquequo altissimo,  
Una patri filioque  
Inclito paraclito,  
Cui laus est et potestas  
Per aeterna saecula.

### 350. De sancta Margareta.

Ad Laudes.

1. Hujus virginis laudemus  
Virtutum solemnia  
Et ipsius revocemus  
Ad mentem praeconia,  
Ut impleta comprobemus  
Passionis merita.

2. Ista virgo Margarita  
Praefectum Olybrium  
Non formidat, sed divina  
Lex firmat eloquium,  
Quod convertit tria milia  
Hominum gentilium.

- |   |  |
|---|--|
| 3. Judex videns se confusum<br>Contra mentem martyris,<br>Ut in quodam vase plenum<br>Aquaе ministris suis<br>Sic jussit, ut necaretur,<br>Illa stat immobilis. | 4. Educta ad decollandum<br>Oratione facta<br>Caput ejus amputatum<br>Est, et ejus anima<br>Videntibus est in coelum<br>Ab angelis suscepta. |
|---|--|

5. Gloria et honor Deo.

Brev. Dolense imp. Parisius 1519.

351. De s. Maria Aegyptiaca.

Ad Vesperas.

- |  |   |
|--|---|
| 1. Christe, decus ecclesiae,<br>In tuae festo filiae<br>Audi nostra precamina<br>Dimitteque peccamina.   | 3. Adjuva nos, o domina,<br>Per quam panduntur limina<br>Regni coelestis hodie<br>Poenitenti Aegyptiae. |
| 2. Multum tibi peccavimus<br>Poenasque promeruimus,<br>Sed parce confitentibus<br>Ad te pie clamantibus. | 4. Coelorum cives incliti,<br>Septem dona paracliti<br>Dentur nobis precantibus<br>Vestris orationibus. |

5. Gloria sit ingenito  
Ejusque unigenito  
Cum spiritu paraclito  
In sempiterna saecula.

Brev. ms. S. Theodorici saec. 14. in. Cod. Remen. 191 (207). — 4, 3  
Dantur nobis.

352. De s. Maria Aegyptiaca.

Ad Matutinum.

- |  |  |
|--|--|
| 1. Per omnes mundi cardines<br>Sancti laetentur homines<br>Recolentes insignia<br>Aegyptiae solemnna.    | 3. Gaude modo coelestium<br>Agmen sanctorum civium,<br>Intuens ovem perditam<br>Aeternae vitae redditam. |
| 2. Omnis turba fidelium<br>Ad hoc apponat studium,<br>Ut possit pie psallere<br>In tantae matris funere. | 4. O Maria piissima,<br>Hostis tela nequissima<br>A nostris trahe cordibus<br>Tuis orationibus.          |

5. Gloria sit ingenito.

Brev. ms. S. Theoderici saec. 14. Cod. Remen. 191 (207).

353. De s. Maria Aegyptiaca.

1. Antra deserti poenitendi causa,  
Cum tibi templi janua sit clausa,  
Spiritu sancto fortiter es ausa  
Sola subire.
2. Carnem peccati spinis lacerari,  
Domitans pastu graminis amari  
Undaeque potu suo salutari  
Grata tulisti.
3. Corpore, sensu atque mente tota  
Ab hujus saeculi luxu es remota,  
Viribus totis fueras devota  
Deo, Maria.
4. Unda Jordanis super se portavit  
Ad baptizandum atque reportavit,  
Corpus exsanguie radius lustravit  
Missus ab alto.
5. Funeri sacro praestant famulatum  
Monachus, leo, carmen Deo gratum  
Concinunt sancti, spiritum sublatum  
Coelo reddentes.
6. Ubi cum Christo laeta triumpharis  
Et ejus matrem juxta coronaris,  
Immemor nunquam turbae saecularis,  
Qui te collaudant.
7. Te deprecatur turba captivorum,  
Criminum culpas deleas suorum  
Et choro jungas civium tuorum  
Precibus sanctis.
8. Gloria patri genitaeque proli  
Et tibi, compar utriusque semper  
Spiritus alme, Deus unus, omni  
Tempore saeculi.

Brev. Audomarense imp. Parisiis 1518. — 3, 3 fueris. — 4, 2 Te ad baptizandum.

354. De s. Maria Aegyptiaca.

Ad Vesp. et Laud.

- |                             |                             |
|-----------------------------|-----------------------------|
| 1. Tamquam aurum in fornace | 2. Foedi luxus haec abyssum |
| Probat ad ecclesiam,        | Potenter egrediens          |
| Voluptatis pro thorace      | Totum cingit atque byssum   |
| Induit justitiam            | Retorquet ut sapiens,       |
| Deus, tollens de procace    | Regni tendens ad promissum, |
| Carnis impudentiam.         | Quod est indeficiens.       |

3. Quo delictum abundavit,  
Abundat et gratia,  
Nam condigna gemens lavit  
Scelus poenitentia,  
Per quam sibi viam stravit  
Ad coeli palatia.

4. Gloria et honor Deo,  
Agno sine macula,  
Qui de tribu Juda leo  
Mortis solvens vincula  
Victor regnat cum trophaeo  
Per aeterna saecula.

Brev. ms. Atrebatense. saec. 15. Cod. Atrebaten. 747. — 1, 2 Probatam  
ad ecclesiam. — 2, 2 ingrediens. — 3, 5 stravit sibi viam.

### 355. De s. Maria Aegyptiaca.

Ad Nocturnum.

1. Gloriosae recolentes  
Mariae solemnum  
Elevemus sursum mentes  
Ex affectu cordium,  
Ad illius proferentes  
Honorem praeconium.

3. Multa carnis cum dolore  
Pro Christo sustinuit,  
Nuda tota dum algore  
Hiemis obrigit,  
Et aestatis prae fervore  
Cutis ejus aruit.

2. Matri Deo coaequata  
Dignitate nominis,  
Stella maris est vocata  
Labe carens criminis,  
Loco diu conversata  
Vastae solitudinis.

4. Foris nigra, sed formosa  
Canduit interius,  
Foeda prius et rugosa,  
Licet flens uberius,  
Quae commisit criminosa,  
Mutavit in melius.

5. Gloria et honor Deo.

Brev. ms. Atrebatense saec. 15. Cod. Atrebaten. 747. — 2, 1 Patri Deo.

### 356. De sancta Maria Magdalena.

1. Gemma fulgens et monile  
mundi praeclarissimum,  
Deo dignae servitutis  
et exemplar congruum,  
O Maria Magdalena.  
nobis fer subsidium.

2. Perfectae confessionis  
tu vexilligerula,  
Domini lavasti pedes  
lacrimarum copia  
Tersione subsequente  
leniter capillea.

3. Unde grata redemptori  
nostro facta veniam  
Impetrasti delictorum  
elegisti et optimam  
Partem semper Deo teste,  
quam tenes perpetuam.

4. Nocte surgens ut prudentum  
una de familia  
Resurrectionis Christi  
prima fore nuntia  
Meruisti, resurgentis  
jam sermone credula.



5. Tuam ergo supplicantes,  
Deo digna Maria,  
Imploramus almitatem,  
quo fundas precamina,  
Fraus ne tibi famulanti  
noceat daemonica.

6. Summo patri sempiterna  
sit cum nato gloria  
Pneumatique sacro decus,  
et nobiscum gratia  
Ejus sit, trinus et unus  
qui gubernat omnia.

Diurn. ms. Virmandense saec. 15. Cod. Parisin. 1267. — 5, 1 Quam ergo. — 6, 4 nobiscum gloria.

### 357. De sancto Mario.

In 1. Vesperis.

1. Votiva cunctis orbita  
Lucis triumphat gratia,  
Qua scandit astra vernula  
Marius Christi fulgida.

2. Carnis beatus luridam,  
Saecli ruentis machinam,  
Ardore sancti spiritus  
Ignes subegit lubricos.

3. Te quaesumus, piissimam  
Exposce clemens veniam,  
Coelestis aulae tinnulis  
Quo perfruamur organis.

4. Evocatus a Domino  
Emittis spiritum polo  
Regnaturum perpetuo  
Conventu cum angelico.

5. Jam, sancte Mari, poscimus,  
Illis fer opem omnibus,  
Qui te per hymnos celebrant  
Tuumque nomen invocant.

6. Sit patri laus et genito  
Ac pneumati paraclito,  
Sit magna jubilatio  
Uni trinoque Domino.

Brev. Sistaricense imp. Sistarici 1513. A. — Brev. Aptense imp. Lugduni 1532. B. — 6, 2 paraclito. B. — Zum grofsen Teile dem Magdalena-Hymnus gleichen Anfanges entlehnt.

### 358. De sancto Mario.

Ad Nocturnum.

1. Sacri triumphale tui,  
Christi bellator inclite,  
Quo arma, fides et crucis,  
Trophaeum vernet proelii,

2. Mysticis canora modis  
Turba laudesque concinit,  
O Mari, lux, vita, decus,  
Apostolorum particeps.

3. Petri coronaris fide  
Paulique dogma nobile,  
Sacro unguente unguine  
Sancto muniris spiritu.

4. Austremonium praesulem,  
Veterinum presbyterum,  
Mamertum archidiaconum  
Christo libasti victimam.

5. Coelo locans substantiam,  
Aerugo quam non devorat,  
Gentes trahens ad gratiam  
Sacra talenta duplicas.

6. Tu elementum liquidum  
Siccis calcans vestigiis  
Liberos reddis patriae  
Aequoris morti deditos.

7. His ita gestis inclitus,  
Almo repletus flamine,  
Insignem coronam gerens  
Vitae nitescis praemio.

8. Suscipe vota precantum  
Peccatorum, egregie  
Verbi coelestis amator  
Et doctor evangelice.

9. Doxa patri ingenito  
Ejusque unigenito,  
Amborum sacro flamine  
Pollenti nutu perpeti.

Brev. Sistarieuse imp. Sitarici 1513. — Zum grofsen Teile dem Nazarius-Hymnus gleichen Anfanges entlehnt.

359. De sancta Martha.

Ad Vesperas.

- |  |  |
|--|--|
| 1. Votiva cunctis orbita<br>Lucis est nobis reddita,<br>Qua Martha Christi hospita<br>Coelum ascendit inclita. | 3. O Martha, Christi hospita,<br>Pro nobis Christum rogita,<br>Ut vitemus illicita<br>Vitae mente sollicita. |
| 2. Pulchra genis et genere,<br>Ore pollens et opere,<br>Christum studet diligere,<br>Hospitari et pascere.     | 4. Ut per tua suffragia<br>Intra coeli palatia<br>Cum perenni laetitia<br>Coronemur in gloria.               |
| 5. Laudes patri cum filio<br>Nostra persolvat concio<br>Spirituque sedula<br>Hymnum cantet per saecula.        |  |

Brev. ms. Aniciense saec. 15. Cod. Parisin. 1304. A. — Brev. ms. Aniciense saec. 15. Cod. Parisin. (Arsen.) 277. B. — Brev. ms. Aniciense saec. 15. Cod. Capit. Anicien. s. n. C. — 2, 1 genus et genere B. — 2, 2 und 2, 3 umgestellt B. — 3, 4 Vita mentis A. — 4, 2 Inter templi palatia A. — 5, 2 resonet concio C.

360. De sancta Martha.

Ad Laudes.

- |  |   |
|--|---|
| 1. Ut propheta docuerat,<br>Quasi colonus venerat<br>Christus, cum ad convivium<br>Marthae subiit hospitium. | 3. Sed multo plus mirabilem<br>Et cunctis venerabilem,<br>Dum submerso in fluvio<br>Fit vitae restitutio. |
| 2. Mirabilem hanc praebuit,<br>Quod draconem edomuit,<br>Dum suo ligat cingulo<br>Indomitum a saeculo.       | 4. Hospitatrix eximia<br>Christi, Martha egregia,<br>Audi, quae fundunt singuli<br>Vota devota populi.    |
| 5. Laudes patri cum filio.   |   |

Brev. ms. Aniciense saec. 15. Cod. Parisin. 1304. A. — Brev. ms. Aniciense saec. 15. Cod. Parisin. (Arsen.) 277. A. — Brev. ms. Aniciense saec. 15. Cod. Capit. Anicien. s. n. C.

361. De sancta Martha.

- |  |   |
|--|---|
| 1. Rex coelorum et terrarum<br>Descendens ad infera,<br>Terras tenens ac relinquens<br>Olymporum supera, | 4. Visitavit et beavit<br>Hanc suis funebriis,<br>Veni, mea o dilecta,<br>Vivas poli gaudiis.     |
| 2. Factus homo Marthae domo<br>Suscepit hospitium<br>Pro amore regum Marthae<br>Dimittens palatia.       | 5. Quem cibasti et potasti<br>Tuo me hospitio,<br>Coronata et ornata<br>Meo sis palatio.          |
| 3. Cujus namque pia prece<br>Pius hospes Lazarum<br>Suscitavit, spoliavit<br>Animam de baratro,          | 6. Ergo Martha fulget laeta<br>In aeterna gloria,<br>Qua salvemur et juvemur<br>In Olympi patria. |

Brev. ms. Franciscan. Metens. saec. 15. Cod. Meten. 588.

362. De sancta Martha.

- |  |  |
|--|--|
| 1. Martha, matrona nobilis,<br>Virgo prudens et humilis,<br>Ortu regali prodiens<br>Mundo fulsit ut oriens.    | 5. Dudum salvavit patriam,<br>Tarrasconensem regiam,<br>Draconis a periculo<br>Viso crucis signaculo.        |
| 2. Haec possidens Bethaniam<br>Servabat sanctimoniam,<br>In qua vivens assidue<br>Christo servivit strenue.    | 6. Subvenit ejus precibus<br>Aegris in se fidentibus,<br>Sic rex sanus efficitur<br>Chlodavaeus, ut geritur. |
| 3. Saepe Christum hospitio<br>Laeta recepit proprio,<br>Ipsam cibans sollicita<br>Et ministrans ut hospita.    | 7. Virgo Martha, nos dirige,<br>Mentes in Christum erige,<br>Procura post exsilium<br>Tecum nobis hospitium. |
| 4. Christus, qui praesens adfuit,<br>Fratri vitam restituit,<br>Post fletum lavamina<br>Sororis lavit crimina. | 8. Nos prece fratris Lazari<br>Serves a fauce Tartari<br>Et sororis suffragio<br>Des frui coeli praemio.     |

9. Christo dentur laus et honos,  
Et nos salvet ejus amor,  
Qui dedit Marthae virgini  
Jungi sanctorum agmini.

Brev. ms. Tornacense saec. 14. Cod. Tornacen. XXI. A. — Diurn. ms. Tornacense saec. 14/15. Cod. Tornacen. XXII. B. — Brev. ms. Tornacense saec. 15. Cod. Insulen. 10. C. — Brev. ms. Tornacense saec. 15. Cod. Insulen. 42. D.

### 363. De sancta Martha.

Ad Vesperas.

- |   |  |
|---|--|
| <p>1. Sanctae Marthae praeoptatus<br/>Dies adest celebris<br/>Cujus aede hospitatus<br/>Est filius virginis<br/>Atque saepe confortatus<br/>Epularum ferculis.</p>        | <p>4. Martha dapes praeparabat<br/>Pio ministerio,<br/>Et Maria quiescebat<br/>Ex dulci eloquio,<br/>Sic utraque intendebat<br/>Christo Dei filio.</p>             |
| <p>2. Haec est, quam Christus amavit,<br/>Adamator virginum,<br/>Et amorem demonstravit<br/>Suscitando Lazarum,<br/>Quem ad vitam revocavit<br/>Voce post quadriduum.</p> | <p>5. Haec activam figuravit<br/>Vitam in ecclesia,<br/>Quae Dominum Jesum pavit<br/>Summa diligentia,<br/>Et quem pavit, ipsam pascit<br/>In coelesti gloria.</p> |
| <p>3. Haec servire satagebat<br/>Intenta officio,<br/>Dum Maria audiebat<br/>Verba dulci otio,<br/>De qua et conquaerebatur<br/>Serviendi studio.</p>                     | <p>6. Adonai, Jesu Christe,<br/>Audi voces supplicum<br/>Et hospitae tuae Marthae,<br/>Populum catholicum,<br/>Ut valeant pervenire<br/>Ad gaudium coelicum.</p>   |

Brev. ms. Avenionense saec. 15. Cod. Lugdunen. 468. A. — Antiph. ms. S. Desiderii Avenionen. saec. 15. Cod. Avenionen. I. B. — Brev. ms. Vienne-  
nense saec. 14. Cod. Parisin. 1285. C. — Brev. ms. Franciscan. saec. 15.  
Cod. Tolosan. 75. D. — Brev. Tolosanum imp. Parisiis 1553. E.

1, 4 Fuit filius C. — 1, 5 semper confortatus C. — 3, 2 Frequens minist-  
terio C. — 3, 5 Quam soror exasperabat C. — 3, 6 Amoris incendio C. —  
Str. 4 und 5 fehlen C. — 4, 5 intendebant A. — 5, 5 Haec quam pavit  
B. — 6, 6 gaudia C.

### 364. De sancta Martha.

Ad Matutinum.

- |  |   |
|--|---|
| <p>1. Coeli rorem mellifluum<br/>Distillaverunt hodie,<br/>Felix Martha dum congruum<br/>Scandit ad thronum gloriae.</p> | <p>3. Servivit totis viribus<br/>Peregrinanti filio,<br/>Servitur in coelestibus<br/>Immenso Martha gaudio.</p>   |
| <p>2. Susceperat haec Dominum<br/>Quondam gaudens hospitio,<br/>Suscepit pater luminum<br/>Ipsam coeli palatio.</p>      | <p>4. Beatum roget hospitem<br/>Pro nobis dulcis hospita,<br/>Ut peccatorum fomitem<br/>Culpa solvat abolita.</p> |
| <p>5. Sit laus, decus et gloria<br/>Genitori cum genito,<br/>Qui flaminis clementia<br/>Nos purget Marthae merito,</p>   |   |

Brev. Tolosanum imp. Parisiis 1553.

365. De sancta Martha.

Ad Laudes.

- |   |  |
|---|--|
| 1. Refulget dies inclita,<br>Qua Martha, Christi hospita,<br>Carnis exuta pondere<br>Summo fulget in aethere. | 4. Istius prece Lazarum<br>Quatriduanum foetidum<br>Traxit Jesus ab inferis<br>Et sociavit superis.  |
| 2. Haec manens virgo corpore<br>Christum cum matre virgine<br>Suo fovit hospitio<br>Carnis velata pallio.     | 5. Suis nunc, Christe, precibus<br>* * * * *<br>Cunctis munda sceleribus,<br>Coeli conjunge civibus. |
| 3. Lactavit haec infantiam,<br>Haec pavit pueritiam,<br>Felix mater per merita,<br>Vix minus felix hospita.   | 6. Gloria patri ingenito<br>Ejusque unigenito<br>Cum spiritu paraclito<br>In sempiterna saecula.     |

Brev. Lemovicense saec. 15. Cod. Mazarin. 350 (787).

366. De sancta Martha.

Ad Laudes.

- |  |  |
|--|--|
| 1. Plaudat turba fidelium<br>Marthae promens obsequium,<br>Quam Christus rex clementiae<br>Vehit ad thronum gloriae. | 4. His Christus specialiter<br>Ut dilectis conjungitur,<br>Quos olim singulariter<br>Magnis donis prosequitur.     |
| 2. Christo in terris posita<br>Ministravit sollicita,<br>Nunc sempiternis epulis<br>Satiatur et poculis.             | 5. A Martha, ejus hospita,<br>Recipitur et pascitur,<br>Mariae laxat debita,<br>Lazarus vitae redditur.            |
| 3. Adest soror convivio<br>Et frater in commercio,<br>Trinitatis mysteria<br>Cernentes cum laetitia.                 | 6. Illi sit laus et gloria,<br>Qui est sanctorum praemium,<br>Qui per Marthae suffragia<br>Nobis det coeli solium. |

Brev. Massiliense imp. Lugduni 1530.

367. De sancto Martiali.

1. Magna virum resonent Domini praeconia Christi,  
Martialem lyricae reboent concorditer odae,  
Gallia tota sonet citharizans et rhythrice plaudat.
2. Applaudant sistris sacra tympana, cymbala, aena,  
Musica flabra movete modos fidibusque canoris  
Laudis apostolicae jubilo resonando choreis.
3. Roma, Ravenna boent claris reboando camoenis,  
Hierusalem, Nablis canat organa voce sonora,  
Discipulo regis, cui constat apostolus ipse.



4. Concrepet urbs regis magni, quae est visio pacis,  
Hierusalem, quam restaurare Deus venit ipse,  
In qua discipulum rex Martialem sibi legit.
5. In qua lavit eum Petrus baptisate princeps,  
Carne propinquus ei, Benjamin stirpe creato,  
Marcello, Elisabeth genitoribus undique claris.
6. Ad sublimia apostolici quem culminis, inquam,  
Culmine apostolico vexit soliumque thronumque  
Rex et apostolicam dedit huic sedemque tribunal.
7. Legaleque dedit sceptrum, vis officiumque,  
Inter bissonos proceres propriosque clientes  
Nec non septuaginta duo, quae est aurea libra.
8. Intensis modulis pulchris fidibus variatis  
Calliope, Thalia, Clio, Melpomene, Musae,  
Euterpe soror Uraniaque canant modulando.
9. Sic Eratho cum Terpsichore, Polhymnia dulcis,  
Tibicinumque chorus, cantorum turma resultent,  
Martialem Domini patriarcham discipulumque.
10. Altisonae coeli turmae, clamate potenter,  
Viribus angelicae totis cantate cohortes,  
Quomodo sumpsit apostolicum jus, promitte fibris.
11. Plausibus harmonicis verum super astra polorum  
Dicemus, cantu, modulis per climata cosmi,  
Rex legit sibi discipulum fecitque beatum.
12. Omnibus in terris memorandum luce venusta  
Fecit eum decies septem geminisque colonis,  
Bisseni quoniam pauci rarique coloni.
13. Sic quoque paschali coena famulum sibi fecit,  
Tartara post foribus clausis quem pneumate sanxit  
Tradendo claves solvendi cuncta, ligandi.
14. Tantis reliquiis piscis mellisque refertum  
Mox evangelicum per mundum spargere misit,  
Aethera quem librans propria dextra benedixit.
15. Omnigenis linguis scitum paraclitus ipsum  
Exhibuit testem, non vincendum neque victum,  
Nam testatus ubique fuit magnalia Christi.
16. Lumen apostolicum deinceps quem flamen abire  
Destinat ad Gallos, partemque suam dedit esse  
Alpibus a Juliis usque ad montes Pyrinaeos.
17. Unde simul venit Siriam cum principe Petro,  
Cui comes indisjunctus erat, quo nempe rogante  
Semina spargebat fidei linguis populisque.

18. Sed post Romulidas adeunt, tum pontificali  
Sede Petrum Martialis apostolus ad Lateranos  
Cum Lino, Cleto, Senioribus inthronizavit.
19. Christus item Petrusque jubent propriam sibi sortem,  
Sorte datam partem properet gentemque ferocem  
Gallorum trahat ad vitam rapiatque barathro.
20. Rite subit Gallos gemino seniore sequente  
Alpiniano, Austricliniano \* \* \* utroque,  
Lemovicaque duo testes in sede locarunt.
21. Insignem Domini missum clarumque clientem,  
Martialem praeceptoremque suumque magistrum,  
Qui regem Stephanum Gallos gentesque Aquitanas.
22. Subdiderat Christo, cujus hic apostolus, hic est  
Discipulus, praesul, virgo martyrque propheta,  
Virgo profecto fuit, martyrque propheta refulsit.
23. Tu, Siria, tu, Graecia, Hierusalem quoque Roma,  
Gallia, Aquitana plaga, Tolosa, Lemovix,  
Burdegala, Arvernus, Turonum, Biturica nec non,
24. Instanter laudate Deum, qui magnificavit  
Martialem, coeli terraeque per omnia plaudant  
Christo, cujus apostolus est per aeon sine fine.

Trop. ms. S. Martialis Lemovicen. saec. 11. Cod. Parisin. 909. Zweistimmig mit roten und schwarzen Neunen. — 20, 2 ist ein Wort ausradiert, vielleicht apostolo?

### 368. De sancto Maturino.

- |   |  |
|---|--|
| <p>1. Pange, lingua, Maturini<br/>laudes et praeconia,<br/>Corde puro celebremus<br/>ipsius solemnia,<br/>Cujus vita et doctrina<br/>coruscat ecclesia.</p> <p>2. Maturinus, vir maturus,<br/>ipse domat vitia,<br/>A primaevo flore mundi<br/>spernens hujus gaudia,<br/>Hic parentes ab errore<br/>vocat Dei gratia.</p> <p>3. Caesar mittit provocatus<br/>daemonis indicio,<br/>Sed in mari fit tempestas<br/>malignantis odio,<br/>Excitatus liberavit<br/>nautas a naufragio.</p> | <p>4. Ne lateret diu lucens<br/>lucerna sub modio,<br/>Filia Maximiani<br/>vexata daemonia<br/>Roma clade liberatur<br/>ipsius suffragio.</p> <p>5. Dum sanctorum circuiret<br/>loca per triennium,<br/>Migrat sanctus cum beatis<br/>sortiturus praemium,<br/>Nequit terra retineri<br/>jam consors coelestium.</p> <p>6. Unde stupens imperator<br/>jubet, ut in Galliam<br/>Reducatur cum honore<br/>corpus et in patriam,<br/>Cujus preces nos perducant<br/>sanctorum ad gloriam.</p> |
|---|--|

7. Gloria et honor Deo,  
virtus et imperium,  
Uni, trino in personis,  
creatori omnium,  
Cujus dono Maturinus  
sumpsit vitae bravium.

Brev. ms. Parisiense saec. 15. Cod. Parisin. 476 a. A. — Brev. Dolense  
imp. Parisiis 1519. B. — 5, 3 beatus A.

### 369. De sancto Maudeto.

Ad Vesperas.

- |  |   |
|--|---|
| 1. Maudetus sacer, inclitus,<br>Natus ex Hibernia,<br>Regia puer genitus<br>Illustri prosapia,<br>Decimatus mox ut natus<br>Infans ab infantia.          | 4. Maudetum tota gentium<br>Plebs laudat Hiberniae,<br>Pressum ferro consortium<br>Vincla solvit patriae,<br>Omnium coetus gentium<br>Sanat dono gratiae. |
| 2. Maudeti per solemnia<br>Laxa, Christe, debita<br>Et gregem tuum visita<br>Pietate solita,<br>Perennis reddatur vita<br>In coelesti gloria.            | 5. Maudete, pater inclite,<br>Opem nobis porrige,<br>Sancte doctor egregie,<br>Mala nostra corrige,<br>Coelestis regni patriae<br>Nos in viam dirige.     |
| 3. Maudeto coetus caecorum<br>It obviam, properat,<br>Lumen reddit oculorum,<br>Quovis morbo liberat,<br>Chorum sanat infirmorum<br>Et dolores temperat. | 6. Maudeto intercedente,<br>Rex, succurre miseris,<br>Pia matre deprecante<br>Serva nos ab inferis,<br>Te donante, concedente<br>Locet nos cum superis.   |

7. Gloria et honor Deo  
Usquequo altissimo,  
Una patri filioque,  
Inclito paraclito,  
Cui laus est et potestas  
Per aeterna saecula.

Brev. Lochense imp. Turonibus 1536.

### 370. De sancto Maurilio.

Ad Vesperas.

1. Te poli cives super astra, Christe,  
Laudibus summis celebrant decenter,  
Triplici nec non machinae pavescens  
Pariter una.

2. Nosque quaedam pars operum tuorum  
Te, Deus, nostri petimus creator,  
Ut tibi puri mereamur hymnum  
Pangere gratum.
3. Hac die, qua Maurilius caducam  
Deserens vitam meruit supernam  
Angelis sanctis sociatus aulae  
Incola coeli.
4. Qui fuit fessis requies salubris,  
Vita defunctis, medicina morbis,  
Dum diu vita vixit caduca  
Corpore sacro.
5. Valde mirandum fuit et stupendum,  
Quod pius praesul puerum renatum  
Septem expletis revocavit annis  
Mortis ab antro.
6. Magna quod factum documenta praebent,  
Rite transacto perhibemur aevo  
Septimo mundi rediviva cuncti  
Capere membra.
7. Sancte confessor, gloriose praesul,  
Maurili, Jesum rogita benignum,  
Ignibus ne nos rapiat tremendis  
Flamma gehennae.
8. Sed novum tecum modulemur hymnum  
Semper in coeli requie locati,  
Qua Deus trinus moderans et unus  
Cuncta gubernat.

Hymn. ms. Andegavensis saec. 14. Cod. Andegaven. 105. A. — Hymn. ms. Andegavensis saec. 14. Cod. Andegaven. 106. B. — Brev. ms. Andegavense saec. 15. Cod. Massilien. Eb. 303. C. — Brev. ms. Andegavense saec. 15. Cod. Parisin. 1273. D. — Brev. ms. Andegavense saec. 15. Cod. Sangenoviefian. BBL. VIII<sup>o</sup> 24<sup>2</sup> E. — Brev. Andegavense imp. Rotomagi 1504. F. — Str. 5 und 6 fehlen CD. — 7, 1 Summe praesul E.

### 371. De sancto Maurilio.

#### Ad Matutinum.

- |   |  |
|---|--|
| 1. Hymnum choris coelestibus<br>Noster novum jungat chorus,<br>Jucundum hymnum concinat<br>Deo phalanx humillima. | 3. Cujus sacrata pignora<br>Terras decorant infimas<br>Nec non nitore spiritus<br>Coelestis ordo pingitur.   |
| 2. In hac die, qua splendidus<br>Coelos petit Maurilius,<br>Qua mole liber carnea<br>Aeterna scandit gaudia.      | 4. Qui militavit strenue,<br>Dum mansit in hoc corpore,<br>Nec victus infortuniis<br>Nec evagatus prosperis. |

5. Summo patri laus et honor  
Et filio piissimo  
Cum spiritu paraclito  
Cuncto remoto termino.

Brev. ms. Andegavense saec. 15. Cod. Massilien. Eb. 303. A. — Brev. ms. Andegavense saec. 15. Cod. Parisin. 1273. B. — Brev. ms. Andegavense saec. 15. Cod. Sangenoviefian. BBl. VIII<sup>o</sup> 24<sup>2</sup>. C. — Hymn. ms. Andegavensis saec. 14. Cod. Andegaven. 105. D. — Hymn. ms. Andegavensis saec. 14. Cod. Andegaven. 106. E. — Brev. Andegavense imp. Rotomagi 1504. F. — 1, 4 Deo psallens humillima B.

372. De sancto Maurilio.

Ad Laudes.

- |  |   |
|--|---|
| 1. Urbs Andegava coelitus<br>Sortitur hunc episcopum<br>Prodente sancto spiritu<br>Et angelorum coetibus.  | 4. Te, Chryste rex, deposcimus,<br>Ut hujus interventio<br>Ab imminente criminum<br>Nos eruat periculo. |
| 2. Hunc applicare possumus<br>Apostolorum sortibus,<br>Qui quatuor cadaverum<br>Resuscitator creditur.     | 5. Ut cum supernus arbiter<br>In fine saeculi venerit,<br>Ubi manet Maurilius,<br>Vita fruamur perpeti. |
| 3. Post inde quod miraculis<br>Sanctus fuit mirabilis,<br>Non expedire laudibus<br>Humana lingua suppetit. | 6. Summo patri laus et honor<br>Et filio piissimo<br>Cum spiritu paraclito<br>Cuncto remoto termino.    |

Hymn. ms. Andegavensis saec. 14. Cod. Andegaven. 105. A. — Hymn. ms. Andegavensis saec. 14. Cod. Andegaven. 106. B. — Brev. ms. Andegavense saec. 15. Cod. Massilien. Eb. 303. C. — Brev. ms. Andegavense saec. 15. Cod. Parisin. 1273. D. — Brev. ms. Andegavense saec. 15. Cod. Sangenoviefian. BBl. VIII<sup>o</sup> 24<sup>2</sup>. E. — Brev. Andegavense imp. Rotomagi 1504. F.

373. De sancto Mauritio.

Ad Vesperas.

1. Martyrum rector, diadema, splendor,  
Palma sanctorum rutilans tuorum,  
Vocibus nostris miseratus adsis,  
Christe redemptor.
2. Nobilem gaudens hodie piorum  
Martyrum plebs haec recitet triumphum,  
Quo poli plenae legionis ordo  
Regna petivit.
3. Hic Dei summi famuli fideles,  
Militum sola specie tegentes,  
Arma gestabant foris, at sub imo  
Pectore Christum.



4. Civium turmam fide Christiana  
Criminum ductu furiosa caedes  
Abstulit ferro tumidique vecors  
Ira tyranni.
5. Lenitas simplex! numerositate,  
Viribus freti sed et apparatu  
Bellico, saevis poterant ministris  
Stare rebelles.
6. Eligunt mortem patienter omnes,  
Mente devoti pereunt inulti,  
Creditor teli, clypei vel ensis  
Deneger usus.
7. Concidunt ergo pia membra passim,  
Jam frequens densis ager est acervis,  
Appetunt cuncti ferientis ictum  
Sumere primi.
8. Trinitas perpes deitasque simplex,  
Laus tibi semper cui gloriosus,  
Martyrum coetus canit in supernis  
Carminis odas.
9. Ut tibi regi pariter canentes  
Cum tuis sanctis mereamur aulam  
Ingredi coeli simul et beatam  
Ducere vitam.

Brev. ms. S. Mauritii Turonen. anni 1343. Cod. Turonen. 145. A. — Hymn. ms. Andegavensis saec. 14. Cod. Andegaven. 105. B. — Hymn. ms. Andegavensis saec. 14. Cod. Andegaven. 106. C. — Brev. ms. Turonense saec. 15. Cod. Turonen. 147. D. — Brev. ms. Turonense saec. 15. Cod. Parisin. 1032. E. — Brev. ms. Andegavense saec. 15. Cod. Sangenovefian. BBl. VIII<sup>o</sup> 24<sup>a</sup>. F. — Brev. Andegavense imp. Rotomagi 1504. G. — Brev. Turonense imp. Parisiis 1522. H. — Cod. Agaunen. 28 saec. 17. I.

1, 3 miserator L — 2, 2 Martyrum coetus recitet L — 3, 1 famulos fideles EI. — 3, 3 ac sub H. — Str. 4 fehlt I. — 4, 1 Militum turba F. — 4, 2 ducta FH. — 5, 1 Levitas H. — 5, 2 fretis EH. — 5, 3 Bellice H. — 6, 3 Ceditur F. — 7, 1 passum E. — 7, 2 frequens demptis E; est acervus EF. — 8, 1 Deitas simplex trinitasque perpes L — 8, 2 In unitate cui gloriosus L. — Str. 9 nur in I.

### 374. De sancto Mauritio.

Ad Vesperas.

- |  |  |
|--|--|
| <ol style="list-style-type: none"> <li>1. Coelum digne tripudiat,<br/>Terra triumphis intonat,<br/>Martyrum pro victoria<br/>Hic orbis totus jubilat.</li> </ol> | <ol style="list-style-type: none"> <li>2. Ducitur turba nobilis,<br/>Adscripta coeli titulis,<br/>Hoste devicto jugulis<br/>Supernis dives spoliis.</li> </ol> |
|--|--|

- |  |   |
|--|---|
| <p>3. Imperatoris bravia<br/>Cui perferuntur obvia,<br/>Sic poli capitolia<br/>Phalanx scandit purpurea.</p> <p>4. O multum mitis legio,<br/>O innocens confessio,<br/>O consors virtus omnium,<br/>Pati quibus et praemium.</p> <p>5. O inter tanta milia<br/>Unanimis constantia,<br/>Vota mortis spontanea<br/>Vitae reddunt commercia.</p> | <p>6. Ave, martyr egregie,<br/>Mauriti, princeps militum,<br/>Ave, fortis exercitus<br/>Dux, Exsuperi, signifer.</p> <p>7. Salve, testis dulcissime,<br/>Victor simul et Candide,<br/>Salve, beata legio,<br/>Salvete, mundi lumina.</p> <p>8. Oramus, vestris precibus<br/>Culpis mundemur omnibus,<br/>Ut agni juncti coetibus<br/>Hunc prosequamur laudibus.</p> |
|--|---|
9. Salve, beata trinitas,  
Manens perennis gloria,  
Una creatrix omnium,  
Quae regnas in perpetuum.

Brev. ms. Turonense anni 1343. Cod. Turonen. 145. A. — Brev. ms. Turonense saec. 15. Cod. Turonen. 147. B. — Brev. ms. Turonense saec. 15. Cod. Parisin. 1032. C. — Miss. ms. Belisianum saec. 15. Cod. Bruxellen. 9786—90. D. — Brev. Turonense imp. Parisiis 1522. E.

1, 4 His totus D. — 2, 3 Telis aculeis (l.: acutis) rutilis D. — 2, 3 devicto proeliis D. — 3, 2 proferuntur C, referuntur D. — 3, 4 Astra scandit D. — 4, 1 O victrix semper legio D. — 4, 2 fehlt D. — 4, 3 Consors virtutis est omnium D. — 4, 4 Cunctis est proelium, Consors cunctis victoria. D. — 5, 1 O praeclara duella D. — 5, 2 Totis saeculis consona D. — 6, 3 Ave Victor dignissime D. — 6, 4 Cohortis ductor optime D. — 7, 2 Exsuperi piissime D. — 7, 3 Salve comes et legio D. — 7, 4 cosmi lumina D. — 8, 3 Jungamur piis coetibus D. — 8, 4 Agni sequamur choreas. D. — Str. 9 fehlt. D. — Vergl. den, wie man sieht, sehr abweichenden Text von D in Anal. Bolland. VI, 375.

### 375. De sancto Mauritio.

Ad Laudes.

1. O locum cultu venerande dignum,  
Corporum qui tot meruit sacrorum  
Sustinens moles fluvios recentis  
Ferre cruoris.
2. Nec carens multo Rhodanus decore  
Purpuram vicit rutilo rubore,  
Vertices tinctus pretiosiore  
Sanguinis unda.
3. Gaudio quali superi canora  
Imperatoris stetit ad tribunal  
In suum tantos numerans senatum  
Curia coeli!

4. Mauriti princeps legioque sacra,  
Digna pro Christo posuisse vitam,  
Criminum nobis veniam potenti  
Posce rogatu.
5. Eruti poenis ut ab inferorum  
Coelicis inter mereamur esse  
Civibus, regis Sabaot beata  
Laude fruentes.
6. Hoc decus nobis miseratus unus  
Praestet et trinus, cui gloriosus  
Martyrum coetus canit in supernis  
Carminis odas.

Brev. ms. S. Mauritii Turonen. anni 1343. Cod. Turonen. 145. A. — Hymn. ms. Andegavensis saec. 14. Cod. Andegaven. 105. B. — Hymn. ms. Andegavensis saec. 14. Cod. Andegaven. 106. C. — Brev. ms. Turonense saec. 15. Cod. Turonen. 147. D. — Brev. ms. Turonense saec. 15. Cod. Parisin. 1032. E. — Brev. ms. Andegavense saec. 15. Cod. Sangenovefian. BBl. VIII<sup>o</sup> 24<sup>2</sup>. F. — Brev. Andegavense imp. Rotomagi 1504. G. — Brev. Turonense imp. Parisiis 1522. H. — Cod. Agaunen. 28. saec. 17. I.

1, 1 venerante E, venerando H, potiore I. — 1, 3 Sanguinem fundens fluvios I. — 2, 1 Hec carens E, Non caret I. — 2, 2 vincens I. — 2, 3 Vertice tinctus F, Sanguine tinctus I. — 2, 4 Fluminis unda I. — Str. 3 fehlt I — 4, 1 legioque tota FI. — 4, 3 petenti FI. — Str. 5 fehlt I. — Doxologie laudet in I: Praestet hoc nobis deitas beata etc.

### 376. De sancto Mauritio.

- |  |  |
|--|--|
| 1. Ad summi decus principis<br>Votiva surgunt gaudia,<br>Quae de sanctorum meritis<br>Solemnizat ecclesia. | 5. Illibata sinceritas<br>Cordis in sanctis viguit,<br>Furit ergo crudelitas<br>Et mox in caedem irruit.       |
| 2. In deitatis atrio<br>Cives praesultant coelici,<br>Et de novo collegio<br>Chori plaudunt angelici.      | 6. Laniatur mucronibus<br>Quisque sanctorum acriter<br>Et crebris tunsionibus<br>Coelum intrant alacriter      |
| 3. En, Thebeorum agmina,<br>En, sacer dux Mauritius<br>Dura ferunt certamina<br>Et sanctus Exsuperius.     | 7. Fulgent ut astra vulnera,<br>Sanguis resplendet roseus,<br>Beata quorum funera,<br>Quae sol ditat empyreus. |
| 4. Maximiani perfidi<br>Non verentur imperia,<br>Sed stant in fide solidi<br>Retenta sanctimonia.          | 8. Precamur ergo, Domine,<br>Qui martyres glorificas,<br>Da nos in trino nomine<br>Sedes habere coelicas.      |

Brev. ms. Arelatense saec. 14. Cod. Vatican. Burgh. A I 53. — 5, 3 Lücke von zwei Silben; furit ergänzt. — 8, 3 Da nobis.

### 377. De sancto Mauritio.

Ad Laudes.

- |  |   |
|--|---|
| <p>1. Jesu, sanctorum militum<br/>Corona, lux et speculum,<br/>Patris decus, inolitum<br/>Nostrum dele piaculum.</p> <p>2. Qui gloriae collirio<br/>Fixuras linis vulnerum,<br/>Dans pro carnis martyrio<br/>Sede locari superum.</p> <p>3. Ecce, felix Mauritius<br/>Et generosi comites<br/>Bellis premuntur acrius,<br/>Ut sint in coelo divites.</p> | <p>4. Obstant male jubentibus,<br/>Nec adoratur statua,<br/>Subdunt colla caedentibus,<br/>Et terra fit irrigua.</p> <p>5. Sanguis in rosas vertitur,<br/>Et mors transit in gloriam,<br/>Dum carnis vita perditur<br/>Mentis depurans scoriam.</p> <p>6. Mauriti, pater inclite,<br/>Fac pro tua clementia,<br/>Ut plebi tibi subditae<br/>Superna dentur praemia.</p> |
|--|---|

#### 7. Precamur ergo, Domine.

Brev. ms Arelatense saec. 14. Cod. Vatican. Burghes. A I 53. — 2, 3  
Lücke von einer Silbe; pro ergänzt. — 4, 1 Abscant male. — 5, 4 deputans.

### 378. De sancto Mauritio.

Ad Vesp. et Laud.

- |  |  |
|--|--|
| <p>1. Gaude, fidelis concio,<br/>In martyrum solemnio,<br/>Qui per mortis supplicia<br/>Meruerunt coelestia.</p> <p>2. Hi sunt, qui victis hostibus<br/>Triumphant in coelestibus,<br/>Et de quorum victoria<br/>Gaudet coeli militia.</p> | <p>3. Mundano spreto culmine<br/>In suo beant sanguine,<br/>Sacro duce Mauritio<br/>Coelos conscendit legio.</p> <p>4. Tota coelestis curia<br/>Sanctis occurrit obvia,<br/>Jam securi de praemio<br/>Regnant cum Dei filio.</p> |
|--|--|

5. Laudetur inde trinitas  
In personis et unitas,  
Regnans in coelo pariter  
Unus Deus perenniter.

Brev. Tolosanum imp. Parisiis 1553. — 3, 2 lies: Suo beantur sanguine?

### 379. De sancto Mauritio.

Ad Matutinum.

- |  |   |
|--|---|
| <p>1. Exsultet coelum laudibus,<br/>Resultet clerus vocibus<br/>Et mira pacis unio<br/>Sacro tanto solemnio.</p> | <p>2. Haec sancta micat legio<br/>Tanto duce Mauritio,<br/>Profanis spretis cultibus<br/>Quiescit in coelestibus.</p> |
|--|---|

- |   |   |
|---|---|
| <p>3. Jam natio Thebetica<br/>Pro legione coelica,<br/>Sic locus Agaunensium<br/>Summum fecit praesidium.</p> <p>4. Dum conditur basilica,<br/>Salus datur angelica<br/>Fabro ritu malefico<br/>Fabricari dominico.</p> | <p>5. Mater Quintini egregii,<br/>Honorati eximii<br/>Paralysique febribus<br/>Solidatur martyribus.</p> <p>6. Languores aegrotantium<br/>Per legionis bravium<br/>Sparsim curantur jugiter,<br/>Christo sit laus selemniter.</p> |
|---|---|

Brev. Tolosanum imp. Parisiis 1553.

### 380. De sancto Mauritio.

Ad Vesperas.

- |  |  |
|--|--|
| <p>1. Puer sanctus veneratur<br/>Coelorum obsequiis,<br/>Frater fratris vitae datur<br/>Tactu quoque meritis,<br/>Rogi flamma mitigatur<br/>Cedens membris teneris.</p> <p>2. Aqua fluens sanctitati<br/>Miro cedit ordine,<br/>Mortui resuscitati<br/>Sunt in Christi nomine,<br/>Et leprosi sunt mundati<br/>Semel loti flumine.</p> | <p>3. Sancto semel, ut scripturae<br/>Finem daret citius,<br/>Oris flatu miro jure<br/>Lumen dedit dignitas,<br/>Donec illa lucis purae<br/>Vi scripsisset plenius.</p> <p>4. Sibi fratres invidebant<br/>Et propter miracula<br/>Atque sibi faciebant<br/>Dirae mortis pocula,<br/>Sed venena fugiebant<br/>Per crucis signacula.</p> |
|--|--|

5. Laus et virtus trinitati  
Sit et benedictio,  
Laus et honor unitati  
Sitque jubilatio,  
Patris, flaminisque nati  
Compar sit laudatio.

Brev. Aberdonense imp. Edinburgae 1510.

### 381. De sancto Mauritio.

Ad Laudes.

- |  |   |
|--|---|
| <p>1. O coeli sidus, lucide<br/>Mauriti et sanctissime,<br/>Tuae confer ecclesiae<br/>Divinae dona gratiae.</p> <p>2. Ut Deo grates referat<br/>Tibique laudes conferat,<br/>Supremo preces porrigat,<br/>Ut nos in pace protegat.</p> | <p>3. Tu solamen moerentium,<br/>Tu consolator flentium,<br/>Fave votis precantium<br/>Pestemque pelle mentium.</p> <p>4. Tu preces nostras suscipe<br/>Et nos, pater piissime,<br/>A trina morte protege<br/>Mundi, carnis et Satanae.</p> |
|--|---|



5. Praestet hoc nobis coelitus  
Pater, concedat filius  
Et annuat paraclitus,  
Trinus et unus Dominus.

Brev. Aberdonense imp. Edinburgae 1510.

### 382. De sancto Mauronto.

- |   |  |
|---|--|
| 1. Praeclarae vocis organo<br>Dentur laudes altissimo,<br>In quo gaudet per saecula<br>Maurontus, nostra gloria.    | 6. Sic, bone Jesu, redolent<br>Et hosce flores exhibent,<br>Quos alluis interius<br>De sacro fonte spiritus. |
| 2. Hic nobilis prosapia,<br>Nobilior sed gratia,<br>Prae divinis obtutibus<br>Plenus mansit virtutibus.             | 7. Hoc iste sanctus nectare<br>Perfusus ab hac specie<br>Mundi sermonis actibus<br>Te quaesivit in omnibus.  |
| 3. Carnales pompas respuit<br>Parentesque postposuit,<br>Hos sibi vinxit pectori,<br>Quos novit fixos fidei.        | 8. Hinc ejus felix anima<br>Tecum micat in gloria,<br>Cujus gratantes corpori<br>Servimus voto supplici.     |
| 4. Hinc Amatam amabilem<br>Amplexus est antistitem,<br>Quem pro devotis cultibus<br>Suis praefecit opibus.          | 9. Quem impetrando precibus<br>Des nobis opem, quaesumus,<br>Hic consequi solatia<br>Teque frui per saecula. |
| 5. O sacri fructus palmitis,<br>Qui quantum das dulcedinis,<br>Adhaerens vitis gustui,<br>Sub quo fit salus homini. | 10. Laus, decus et imperium<br>Omne Deo per saeculum,<br>In quo laudetur unitas,<br>Glorificetur trinitas.   |

Cod. Bollandian. Ms. 48. saec. 10/11. — 1, 4 nostri. — 5, 2 Quod quandum. —  
Aus den Hymnus folgt das Anal. XIII, 200 ff. mitgeteilte Officium des Heiligen.

### 383. De sancto Mellono.

Ad Vesp. et Laud.

- |   |   |
|---|---|
| 1. Hymnum vocis personemus<br>cum cordis concordia,<br>Corda nostra conformemus<br>Cum vocis harmonia,<br>Ne psallendo discordemus<br>Tendentes in varia. | 3. Baptizatus, ordinatus<br>A summo pontifice,<br>Ab angelo praesulatus<br>Honorem mirifice<br>Recipiens, primas datus<br>Est genti Normanniae.                     |
| 2. Ut Melloni corde mundo<br>Colamus solemniam,<br>Quem elegit ex hoc mundo<br>Dei providentia,<br>Ut hunc mundi de profundo<br>Transferret ad gaudia.    | 4. Rotomagi constitutus<br>Praesul Christum praedicat,<br>Fulget signis, fatur mutus,<br>Lux in caecis emicat,<br>Christum vitam assecutus<br>Defunctus glorificat. |

- |   |  |
|---|--|
| <p>5. <i>Claudi surgant, et curatur</i><br/> <i>Quaelibet infirmitas,</i><br/> <i>Ejus verbo religatur</i><br/> <i>Daemonis improbitas,</i><br/> <i>Plebs in fide baptizatur,</i><br/> <i>Cedit infidelitas.</i></p> <p>6. <i>Ferro cinctus singulari</i><br/> <i>Pastus est cum fluvio</i><br/> <i>Pane, coeli confortari</i><br/> <i>Promeruit nuntio</i><br/> <i>Et a Christo coronari</i><br/> <i>In coeli palatio.</i></p> | <p>7. <i>O Mellone, doctor bone,</i><br/> <i>Concivis angelice,</i><br/> <i>Destitutos in agone</i><br/> <i>Mundi clemens adspice</i><br/> <i>Et coelestis nos coronae</i><br/> <i>Participes effice.</i></p> <p>8. <i>Laus et honor sit gignenti</i><br/> <i>Personae cum filio,</i><br/> <i>Ab utroque procedenti</i><br/> <i>Laus et jubilatio,</i><br/> <i>Sine fine permanenti</i><br/> <i>Et absque principio.</i></p> |
|---|--|

Brev. ms. Rotomagense saec. 15. Cod. Rotomagen. 201. A. — Brev. ms. Rotomagense saec. 15. Cod. Sangenovefian. BBl. VIII<sup>o</sup> 20. B. — Brev. Rotomagense imp. Rotomagi 1491. C.

### 384. De sancto Mellono.

Ad Matutinum.

- |  |  |
|--|--|
| <p>1. <i>Exsultemus venerantes</i><br/> <i>Melloni solemnia,</i><br/> <i>Mundo cordi concordantes</i><br/> <i>Linguam, dentes, labia,</i><br/> <i>Ne per partes discrepantes</i><br/> <i>Fiat discordantia.</i></p> <p>2. <i>Lingua cordi non discordet,</i><br/> <i>Ut fiat harmonia,</i><br/> <i>Cedat culpa, quae cor sordet</i><br/> <i>Et oris obsequia,</i><br/> <i>Et sit munda, quae remordet</i><br/> <i>Culpam, conscientia.</i></p> <p>3. <i>Ut possimus sic Mellonum</i><br/> <i>Mundo corde colere,</i><br/> <i>Qui tam summum Dei donum</i><br/> <i>Meruit accipere,</i><br/> <i>Ut hunc vellet in patronum</i><br/> <i>Normannis eligere.</i></p> | <p>4. <i>Illos ergo praedicando</i><br/> <i>Rectam fidem docuit</i><br/> <i>Atque signis coruscando</i><br/> <i>Caecis lumen tribuit,</i><br/> <i>Claudis gressum, suscitando,</i><br/> <i>Quos jam mors occubuit.</i></p> <p>5. <i>Exstirpato Roti dolo</i><br/> <i>Fides est in lumine,</i><br/> <i>Ferro cinctus pane solo</i><br/> <i>Pascitur et flumine,</i><br/> <i>Post haec junctus est in polo</i><br/> <i>Cum sanctorum agmine.</i></p> <p>6. <i>Ipsam ergo deprecemur</i><br/> <i>Cordis desiderio,</i><br/> <i>Ut ipsius relevemur</i><br/> <i>Precibus a vitio</i><br/> <i>Et cum ipso collaetemur</i><br/> <i>In coelesti gaudio.</i></p> |
|--|--|

Brev. ms. Rotomagense saec. 15. Cod. Rotomagen. 201. A. — Brev. ms. Rotomagense saec. 15. Cod. Sangenovefian. BBl. VIII<sup>o</sup> 20. B. — Brev. Rotomagense imp. Rotomagi 1491. C. — 4, 5 *Claudis gressum* fehlt B.

### 385. De sancto Mitrio.

Ad Vesperas.

- |   |   |
|---|---|
| <p>1. <i>Exsaltet plebs Aquensium,</i><br/> <i>Jubilet chorus civium,</i><br/> <i>Nam ejus civis civibus</i><br/> <i>Adjunctus est coelestibus.</i></p> | <p>2. <i>Gaude, civitas inclita,</i><br/> <i>Cum ingenti tripudio,</i><br/> <i>Quia in aula coelica</i><br/> <i>Mitrius est cum gaudio.</i></p> |
|---|---|

- |   |   |
|---|---|
| <p>3. Laetetur jam agricola,<br/>Nam agri quondam incola<br/>Verns degens christicola<br/>Fruitur coeli gloria.</p> | <p>4. Cantemus omnes hodie<br/>Christo regi jucundius,<br/>In cujus aula gloriae<br/>Sanctus jubilat Mitrius.</p> |
| <p>5. Praesta, pater piissime,<br/>Mitrii piis precibus,<br/>Ut jungantur facillime<br/>Cives coelorum civibus.</p> |   |

Brev. Aquense imp. Lugduni 1499. A. — Brev. Aquense imp. Lugduni 1526. B.

### 386. De sancto Mitrio.

Ad Nocturnum.

- |   |  |
|---|--|
| <p>1. Mitrium, Christi pauperum<br/>Singulare refugium,<br/>Ejus nec non martyrium<br/>Celebret chorus civium.</p>  | <p>5. Caput truncatum Mitrius<br/>Proprium gestat manibus,<br/>Campanae sonant civibus<br/>In exstasi manentibus.</p>  |
| <p>2. Vineam quondam fertilem<br/>Aquensis rex in atrio<br/>Agrum nec non et uberem<br/>Sancto commisit Mitrio.</p> | <p>6. Corpus ejus inhumatur<br/>In sedis cimiterio,<br/>Aquis demum translatur<br/>Miro modo et vario.</p>             |
| <p>3. Sed pauper pater pauperum<br/>Ope suorum operum<br/>Alebat uvis pauperes,<br/>Claudos, caecos ac debiles.</p> | <p>7. Ad cujus sacrum tumulum<br/>Ferunt aegrorum cumulum,<br/>Sed sanat cunctum populum<br/>Mitrii intercessio.</p>   |
| <p>4. Tunc rex velut daemonium<br/>Plenus furore nimio<br/>Praecipit sanctum Mitrium<br/>Coronari martyrio.</p>     | <p>8. Praesta, pater sanctissime,<br/>Ut in coelo laetissime<br/>Cum sancto tecum Mitrio<br/>Coelesti frui gaudio.</p> |

Brev. Aquense imp. Lugduni 1499. A. — Brev. Aquense imp. Lugduni 1526. B. — 1, 1 Mitrii A.

### 387. De sancto Mitrio.

Ad Laudes.

- |  |   |
|--|---|
| <p>1. Aurorae lux dum rutilat,<br/>Et ales cantus intonat,<br/>Laudes concinant Mitrii<br/>Senes nec non et parvuli.</p> | <p>3. Hic ex Graecorum genere<br/>Atque fidis parentibus<br/>Erat et nunc in aethere<br/>Fruitur jam coelestibus.</p> |
| <p>2. Castus erat et sobrius,<br/>Nullius mali conscius,<br/>Totus erat amabilis,<br/>Pius, prudens et humilis.</p>      | <p>4. Vineam regis fertilem,<br/>Agrum nec non et uberem<br/>Dum custodiret, debilem<br/>Fovebat atque pauperem.</p>  |

5. Da nobis, pater, bibere  
 Vinum novum cum Mitrio,  
 Tecum sursum in aethere  
 In summo coeli atrio.

Brev. Aquense imp. Lugduni 1499. A. — Brev. Aquense imp. Lugduni 1526. B.

### 388. De sancto Moderanno.

Ad Vesperas.

- |  |   |
|--|---|
| 1. Modus in rebus panditur<br>Nostro in hoc antistite,<br>Dum Moderannus noscitur<br>In suo moderamine.    | 4. Ex devoto proposito<br>Valefecit Remigio<br>Urbem Romanam visitans,<br>Cujus defert reliquias.         |
| 2. Ortum suum mirificum<br>Patrem noscens proselytum<br>Clara monstrant primordia<br>Reversum citra maria. | 5. Reliquit mundi gloriam.<br>Ad quam per Dei gratiam<br>Ut aeterna aquireret<br>Ex Berceto persuaderet.  |
| 3. Doctus sacro spiramine<br>Redonensi ecclesiae<br>Et literis et moribus<br>Fulget pontificalibus.        | 6. Gaude, Berceti regio,<br>Sancti corpus in oppido,<br>In patre, prole, flamine<br>Habens divino munere. |

Brev. ms. Redonense saec. 15. Cod. Vatican. Ottobon. 543. — 3, 2 Redonensium. — Str. 5 verderben.

### 389. De sancto Moderanno.

Ad Laudes.

- |  |  |
|--|--|
| 1. Moderannus ut Moyses<br>Fontem rupit ut artifex,<br>Ille virga e silice,<br>Hic baculo ab ilice.          | 3. Votis servorum annue<br>Te invocantum praesulem,<br>Te, pater, supplicantium<br>Audi preces laudantium. |
| 2. Notat quercus mirabilis,<br>Dum capsam cum reliquiis<br>Ramus mutat in alium,<br>Sancti patris hospitium. | 4. Tu qui in albis vestibus<br>Sancto faris Tiberio,<br>Emunda nos a sordibus<br>Sumpto tecum Abundio.     |
5. Sit Christo decus gloriae,  
 Patri cum sancto spiritu,  
 Qui Moderannum hodie  
 Miro sublimat transitu.

Brev. ms. Redonense saec. 15. Cod. Vatican. Ottobon. 543. — 1, 3 cilice. — 2, 2 casam. — 2, 3 steht hinter 2, 4 Hs. — 3, 1 anime. — 3, 2 Et bocando praesule. — 4, 2 steht hinter 4, 3 Hs. — 4, 2 farris. — 4, 4 Sumpto sancto Abundio; vgl. den folgenden Hymnus, Str. 3. — 5, 2 steht hinter 5, 3 Hs.

390. In Translatione s. Moderanni.

- |   |   |
|---|---|
| <p>1. Dum, Moderanne pontifex,<br/>Adest tua translatio,<br/>Nobis, virtutum artifex,<br/>Per te detur salvatio.</p> <p>2. Helias de hoc saeculo<br/>Transfertur mirabiliter,<br/>Moderannus de tumulo<br/>Elevatur solemniter.</p> | <p>3. Tu qui in albis vestibus<br/>Sancto faris Tiberio,<br/>Emunda nos a sordibus,<br/>Sumpto tecum Abundio.</p> <p>4. Quaesumus, auctor omnium,<br/>Qui resurgens a mortuis,<br/>Hunc Moderannum hodie<br/>Honora cum reliquiis.</p> <p>5. Gloria tibi, Domine,<br/>Qui scandis super sidera,<br/>Qui Moderanni hodie<br/>Corpus pandis inmunera.</p> |
|---|---|

Brev. ms. Redonense saec. 15. Cod. Vatican. Ottobon. 543. — 1, 1 Tu Moderanne pontifex Hs. — 3, 2 Facto faris Hs. — Str. 4 und 5 umgestellt Hs.

391. De sancta Monica.

Ad Laudes.

- |   |  |
|---|--|
| <p>1. Laetetur plebs fidelium<br/>Meritae sanctae Monicae,<br/>Exsultet chorus praesulum<br/>Ecclesiae catholicae,<br/>Habemus ejus filium<br/>Ducem doctrinae coelicae.</p> <p>2. Quem ex ventre parturivit<br/>Illa beata Monica,<br/>Renasci Christo quaesivit<br/>In doctrina catholica,<br/>Piis votis concupivit<br/>In vita eremitica.</p> | <p>3. Felix fructus nuptialis<br/>Honestatis et pudoris<br/>Et affectus vidualis<br/>Dant odorem sui floris,<br/>Nostrae vitae regularis<br/>Nobis dant cibum dulcoris.</p> <p>4. Te precamur, sancta mater,<br/>Juvare tuis precibus,<br/>Quam respexit Deus pater,<br/>Sacratis in affectibus<br/>Funde preces bis et quater<br/>Corroboratis vocibus.</p> <p>5. Deo patri jubilemus<br/>Cum solemnibus cantico<br/>Filioque laudes demus<br/>Cum sono mirifico,<br/>Utriusque decantemus<br/>Nexu sanctifico.</p> |
|---|--|

Brev. ms. Augustin. anni 1469. Cod. Londinen. Add. 16891. A. — Brev. ms. Augustin. saec. 15. Cod. Vatican. Ottobon. 544. B. — 5, 3 Filio laudes A.



### 392. De sancto Nad-Fraich.

- |  |   |
|--|---|
| 1. Abbas probatus omnino,<br>Benedictus a Domino,<br>Cum caritatis fructibus<br>Doctor ecclesiasticus,       | 4. Nad-Fraich et sanctus filius,<br>Optimus Dei famulus,<br>Probatus, sapiens pariter,<br>Quem coronavit Dominus. |
| 2. Electus Dei athleta,<br>Fidelis sine macula,<br>Gregis pastor subagrinus,<br>Humilis, supplex, submissus, | 5. Requiescit post obitum<br>Securus in perpetuum<br>Tenebrarum rectoribus<br>Victis atque principibus.           |
| 3. Ieiunus largissimus,<br>Kastus correctis moribus,<br>Lucerna erat in tota<br>Macculasrius Hibernia.       | 6. Xristo cum suis omnibus<br>Ymnum canit coelestibus,<br>Zelus in quo fuit mirus<br>Dei prae participibus.       |

Hymn. ms. Hibern. saec. 10/11. Cod. Coll. S. Trinitatis Dublinen. E 41.

2. — 4, 2 Dei filius Hs.

### 393. De ss. Nazario et Celso.

Ad Vesperas.

- |   |   |
|---|---|
| 1. Plaudat coelestis curia,<br>Mundus exsultet laudibus,<br>Regna confert coelestia<br>Christus suis militibus. | 4. Per odoris fragrantiam,<br>Quam profudit ex tumulo,<br>Patet, quantam munditiam<br>Conservavit in vasculo. |
| 2. Ad coeleste rosarium<br>Rosam transvexit hodie<br>Nazarenus Nazarium,<br>Jesus, summus rex gloriae.          | 5. Ad celsum thronum gloriae<br>Puer Celsus attollitur,<br>Dum poenas contumeliae<br>Pro rege celso patitur.  |
| 3. Pugil et martyr inclitus<br>Fit rosa per martyrrium,<br>Virginitate praeditus<br>Candescit velut lilium.     | 6. Aeterno regi gloria<br>Pro martyrum virtutibus,<br>Qui nobis coeli gaudia<br>Praestet eorum precibus.      |

Brev. Biterrense imp. Lugduni 1534.

### 394. De ss. Nazario et Celso.

Ad Laudes.

- |   |  |
|---|--|
| 1. Adest triumphus nobilis<br>De beatis martyribus,<br>Quos Christus, rex mirabilis,<br>Coronat in coelestibus. | 2. Pugnat verbo, miraculis,<br>Fortis pugil Nazarius<br>Et devictis incredulis<br>Christi refulget radius. |
|---|--|

- |   |   |
|---|---|
| <p>3. Verbis ac signis emicans<br/>Mittitur in exsilium,<br/>Fidem constanter praedicans<br/>Trahitur ad martyrium.</p> | <p>4. Celsus sequens Nazarium<br/>In excelsum deducitur<br/>Per celsum regem omnium,<br/>Pro quo gaudens occiditur.</p> |
|---|---|

5. Aeterno regi gloria.

Brev. Biterrense imp. Lugduni 1534.

395. De sancto Nicolao.

- |   |   |
|---|---|
| <p>1. Coeli laetentur sidera,<br/>Orbis resultent climata,<br/>Tellus omnis tripudiet<br/>In hac die solemniter.</p> <p>2. Quae Nicolai transitu<br/>Dicatur et virtutibus,<br/>Cujus prima miracula<br/>Fuerunt sat insignia.</p> <p>3. Nam semel in hebdomada<br/>Quarta sextaque feria<br/>Matris sugebat ubera<br/>Christi praeventus gratia.</p> <p>4. Aureis dehinc sumptibus<br/>Stuprum compressit virginum,<br/>Quarum patris inedia<br/>Vitae supplevit copia.</p> <p>5. Emissa voce coelitus<br/>Praesul urbis eligitur<br/>Sicque sacratur Domino<br/>Pastor clarus in populo.</p> <p>6. Victum sibi petentibus<br/>Attenuatis civibus<br/>Acceptum dedit triticum,<br/>Quod auxit sacris precibus.</p> <p>7. Tres innocentes pueros<br/>Mortis solvit a vinculo,<br/>Quos consulis sententia<br/>Mori male dictaverat.</p> | <p>8. Caesarem visu territat,<br/>Stratilates ne perimat,<br/>Quos trudi ferro fecerat<br/>Invidorum nequitia.</p> <p>9. Quem Dianae sub specie<br/>Hostis temptavit laedere,<br/>Sed ope fretus Domini,<br/>Victus ab eo abiit.</p> <p>10. Quos magis fragor minitat,<br/>Navitis, adsum, clamat,<br/>Pacata sulcant aequora<br/>Remeantes ad propria.</p> <p>11. Postquam tantis miraculis<br/>Vir sanctus mundo claruit,<br/>Poli scandit ad aethera<br/>Regnaturus in gloria.</p> <p>12. Cujus sacrum ad tumultum<br/>Aegri quam plures veniunt,<br/>Ubi receptis viribus<br/>Laeti ad sua redeunt.</p> <p>13. Surdis auditus redditur,<br/>Lumen caeci recipiunt,<br/>Effugantur daemonia,<br/>Febris sedatur valida.</p> <p>14. Jam deprecemur Dominum,<br/>Quem sempiternum credimus,<br/>Annuat votis omnibus<br/>Hujus festum colentium.</p> |
|---|---|

15. Sit laus patri ingenito  
Ejusque unigenito  
Una cum sancto spiritu  
In saeculorum saecula.

Hymn. ms. Veronensis saec. 11. Cod. Capit. Veronen. 109. A. — Brev. ms. Romanum saec. 15. Cod. Univ. Bononien. 5676. B. — 3, 2 Quartam A; Quartam sextamque feriam B. — 4, 3 inedia B. — 6, 4 ausit B. — 7, 3 Quos consilii B. — 9, 3 Sub ope A. — 10, 1 immittat B. — 10, 2 Nautis B. — 12, 1 Hujus B. — 13, 3 Effugiunt B.

### 396. De sancto Nicolao.

#### Ad Laudes.

- |  |  |
|--|--|
| 1. Festum colentes annum<br>Jesu, redemptor omnium,<br>Nicolai precatibus<br>Eripiat criminibus.               | 5. Nautis quassatis graviter<br>Clamantibus suppliciter:<br>O Nicolae inclite,<br>Suffragium attribue,   |
| 2. Qui bino in hebdomada<br>Matris contempsit ubera,<br>Cultum exercens Domini<br>Ipsius a cunabulis.          | 6. Vir tantum splendidissimus,<br>Nicolao simillimus<br>Apparet super aequora<br>Referentibus talia.     |
| 3. Jactansque auri copiam,<br>Vanam respuens gloriam,<br>Famem repellit inopum,<br>Stuprum exsecrans virginum. | 7. Ad aulae cujus limina<br>Tendunt quidem vestigia,<br>Prodigia ostendere,<br>Jesu, redemptor unice.    |
| 4. Electus est divinitus<br>Episcoporum precibus<br>Voce vocante Domini<br>Ad gradum sacerdotii.               | 8. Tres consternatos pueros<br>Neci crudeli deditos<br>Confidenter eripuit,<br>Pristinae vitae reddidit. |

9. Laus tibi sit perenniter  
Trine uneque Domine,  
Creatura salvans omnia  
Continua per saecula.

Hymn. ms. Veronensis saec. 11. Cod. Capit. Veronen. 109. A. — Brev. ms. Romanum saec. 15. Cod. Univers. Bononien. 2676. B. — 1, 2 Jesu A. — 5, 2 Clamantes hunc suppliciter A. — 6, 1 Vir tantis splendidissimis A. — 6, 2 Nicolao similibus A. — 7, 1 aulas A, aulam B. — Dieser Hymnus ist uns in einer Turiner Handschr. des 15. Jahrhunderts in sehr abweichender, durchschnittlich korrekterer Fassung überliefert. Da eine blosse Aufführung der Abweichungen unterm Text die Übersicht zu sehr beeinträchtigt hätte, vgl. man die beiden folgenden Nummern.

### 397. De sancto Nicolao.

#### Ad Nocturnum.

- |  |   |
|--|---|
| 1. Festum colentes annum<br>Jesu, redemptor omnium,<br>Nicolai nos precibus<br>Eripe a criminibus.     | 3. Jactansque auri copiam,<br>Vanam respuens gloriam,<br>Famem repellens inopum,<br>Stuprum exsecrans virginum. |
| 2. Qui bino in hebdomada<br>Matris contempsit ubera,<br>Cultum exercens Domini<br>Ab ipsius cunabulis, | 4. Electus est divinitus<br>Episcoporum precibus,<br>Voce vocante Domini<br>Ad gradum sacerdotii.               |

- |  |   |
|--|---|
| <p>5. Nautae quassati graviter,<br/>Clamantes hunc suppliciter:<br/>O Nicolae inclite,<br/>Suffragium attribue.</p>  | <p>6. Vir statim splendidissimus,<br/>Nicolao simillimus,<br/>Apparet super aequora<br/>Referentibus talia.</p> |
| <p>7. Aufer mortis dispendia,<br/>Profer vitae stipendia,<br/>Quo carnis post exsilia<br/>Tecum simus in gloria.</p> |   |

Brev. ms. Ulciense saec. 15. Cod. Taurinen. Palat. 11. — 7, 2 Praefer.

### 398. De sancto Nicolao.

Ad Laudes.

- |  |  |
|--|--|
| <p>1. Ad aulae cujus limina<br/>Tendunt quidam vestigia,<br/>Oleum execrabile<br/>Ferunt illi pro munere.</p>        | <p>4. Vacans adhuc in corpore<br/>Prodigia ostendere<br/>Non cessat ille plurima<br/>Velatus carne lutea.</p>        |
| <p>2. Dictu quod est mirabile,<br/>Mari jubet infundere,<br/>Contra naturam aequora<br/>Per longa ardent spatia.</p> | <p>5. Hujus oratu praesulis<br/>Tuis impende famulis<br/>Divino sacro munere,<br/>Jesu, redemptor unice.</p>         |
| <p>3. Innocentes tres pueros<br/>Neci crudeli deditos<br/>Confidenter eripuit,<br/>Pristinae vitae reddidit.</p>     | <p>6. Praesta, pater ingenite,<br/>Jesu cum sancto flamine,<br/>Ut Nicolai precibus<br/>Jungamur in coelestibus.</p> |

Brev. ms. Ulciense saec. 15. Cod. Taurinen. Palat. II. — 5, 3 lies  
Divina sacro?

### 399. De sancto Nicolao.

Ad Vesperas.

- |  |  |
|--|--|
| <p>1. Pange, lingua, gloriosi<br/>Nicolai meritum,<br/>Gesta patris gratiosi<br/>Lauda laude debita,<br/>Cujus actus pretiosi,<br/>Cujus vita inclita.</p>           | <p>3. Crevit puer et vacabat<br/>Literarum studiis,<br/>Se immunem observabat<br/>A mundi deliciis<br/>Et se semper sequestrabat<br/>A cunctis lasciviis.</p>          |
| <p>2. Ex illustri procreatus<br/>Vir iste prosapia,<br/>Quam futurus sit beatus,<br/>Monstrat in infantia,<br/>Matris mammas dedignatus<br/>Quarta, sexta feria.</p> | <p>4. Laus sit patri, laus sit proli<br/>Laus sancto spiritui,<br/>Uni Deo, vero, soli,<br/>Qui non potest minui,<br/>Qui meretur semper coli,<br/>Adorari, metui.</p> |



Brev. ms. Fratrum Hospitalis S. Johannis saec. 15. Cod. Massilien. Eb 302. A. — Brev. ms. S. Sepulchri saec. 14/15. Cod. Parmen. Palat. 186. B. — Hymn. c. Commento saec. 13. Cod. Mantuan. E I 14. C. — 1, 4 Laude lauda B. — 2, 5 indignatus C. — 3, 3 Set immundum B. — Dieser Hymnus, der mit den beiden folgenden im Grunde nur einer ist, scheint nach dem Vorkommen in den Quellen zu schliessen ein Produkt des Oriens Latinus zu sein.

#### 400. De sancto Nicolao.

##### Ad Nocturnum.

- |   |   |
|---|---|
| <p>1. Nicolaus sublimatur<br/>Summo sacerdotio,<br/>Dignus enim nuntiatur<br/>Praesulis officio,<br/>Quod divina vox testatur<br/>Lapsa coeli solio.</p>      | <p>3. A defunctis suscitatur<br/>Defunctus in bivio<br/>Naufragansque liberatur<br/>Pastoris auxilio<br/>Triticum multiplicatur<br/>Ipsius imperio.</p>                 |
| <p>2. Ab ipso non affectatur<br/>Honor vel praelatio,<br/>Sed coactus vi vocatur<br/>A coelesti nuntio,<br/>Ordinatus consecratur<br/>Cum ingenti gaudio.</p> | <p>4. Laus sit patri, laus sit proli,<br/>Laus sancto spiritui,<br/>Uni Deo, vero, soli,<br/>Qui non potest minui,<br/>Qui meretur semper coli,<br/>Adorari, metui.</p> |

Brev. ms. Fratrum Hospitalis S. Johannis saec. 15. Cod. Massilien. Eb 302. A. — Brev. ms. S. Sepulchri saec. 14/15. Cod. Parmen. Palat. 186. B. — Hymn. c. Commento saec. 13. Cod. Mantuan. F I 14. C. — 1, 1 honoratur BC. — 2, 3 coactus sic vocatur C.

#### 401. De sancto Nicolao.

##### Ad Laudes.

- |   |   |
|---|---|
| <p>1. Aurum datur, ut tollatur<br/>Virginum infamia,<br/>Atque patris effugatur<br/>Per sanctum inopia,<br/>Et per auri baptizatur<br/>Judaus indicia.</p>          | <p>3. Caecis lumen reparatur,<br/>Mutis lingua solvitur,<br/>Quibus auris obturatur,<br/>His auditus redditur,<br/>Claudo gressus restauratur<br/>Et sospes regreditur.</p> |
| <p>2. Ut testatur et explanat,<br/>Qui vidit, marmorei<br/>De sepulchri loco manat<br/>Sancti liquor olei,<br/>Quo linitos aegros sanat<br/>Verus cultor fidei.</p> | <p>4. Laus sit patri, laus sit proli,<br/>Laus sancto spiritui,<br/>Uni Deo, vero, soli,<br/>Qui non potest minui,<br/>Qui meretur semper coli,<br/>Adorari, metui.</p>     |

Brev. ms. Fratrum Hospitalis S. Johannis saec. 15. Cod. Massilien. Eb 302. A. — Hymn. c. Commento saec. 13. Cod. Mantuan. E I 14. B. — 1, 1 Unde datur A. — 2, 6 cultor Domini A gegen den Reim. — Str. 3 fehlt A.



#### 402. De sancto Nicolao.

- |  |  |
|--|--|
| <p>1. Fecundavit hic steriles<br/>Harum sumens suspiria,<br/>Aegros, mortuos, debiles<br/>Suscitavit clementia.</p> <p>2. Huic vir dat custodia<br/>Bona, perduntur omnia,<br/>Mala suffert haec impia,<br/>Gaudet relatis patria.</p> <p>3. Arbor scinditur munere<br/>Plures perdens itinere,<br/>Ire Diana cogitur,<br/>Nec amplius hic colitur.</p> <p>4. Satan oleum contulit<br/>Nautis sanctoque obtulit,<br/>Cujus jussu id spargitur,<br/>Mari rogos succenditur.</p> | <p>5. Puer in mare cecidit<br/>Hauriendo nec mergitur,<br/>Pater scyphos tunc obtulit,<br/>Salvus templo hic redditur.</p> <p>6. Pressum perjurum suscitavit<br/>Et elemosynario<br/>Vitam reddit, vivificat<br/>Suffocatum daemonio.</p> <p>7. Manat oleum tumulis<br/>Myrae jugiter copia,<br/>Precans affluit populus,<br/>Mala curantur varia.</p> <p>8. Trinitati mirificae<br/>Sit laus ingens et gloria<br/>Genitricique deicae<br/>Hic et perenni curia.</p> |
|--|--|

Antiph. ms. Confrat. S. Nicolai saec. 15. Cod. Mazarin. 464 (261). —  
4, 1 Tante oleum Hs. Cfr. Lombardica historia, 1483 fol. d 1.

#### 403. De sancto Nicolao.

In 2. Vesperis.

- |  |  |
|--|--|
| <p>1. Solemnis est haec feria,<br/>In qua sacerdos nobilis,<br/>Nicolaus egregius<br/>Ascendit coelos arduos.</p> <p>2. Et nos amore debito<br/>Debemus laudes dicere,<br/>Confessor fuit inclitus<br/>Et clarus in virtutibus.</p> <p>3. Carus Deo et hominibus<br/>Et laudibus et actibus,<br/>Ac modo suis meritis<br/>Praesidium fert populis.</p> | <p>4. O sacerdotum gloria,<br/>O magna lux ecclesiae,<br/>Dum praestas gregi pabula,<br/>Cordis pandis mysteria.</p> <p>5. Nicolae, nostrum decus,<br/>Fretus divino oraculo<br/>Tu contempsisti saeculum<br/>Et invenisti Dominum.</p> <p>6. Proferimus te laudibus<br/>Et postulamus precibus,<br/>Ut tuis nos suffragiis<br/>Liberes a periculis.</p> <p>7. Deo patri sit gloria.</p> |
|--|--|

Psalt. ms. Sedunense saec. 15. Cod. Valerian. s. n. — Mel.: Jesu,  
redemptor omnium, perpes corona praesulum. — 3, 1 Dilectus Deo et. —  
6, 1 Perferimus.

#### 404. In Translatione s. Nicolai.

Ad Vesperas.

- |  |   |
|--|---|
| <p>1. Tali cive progenito<br/>Laetare, parens Patera,<br/>Qui capit coeli abdito<br/>Aeterna Christi munera.</p> | <p>2. Myrrea, plaude manibus,<br/>Rectoris tanti munere<br/>Praecellis civitatibus<br/>Jam lucis ordo sidere.</p> |
|--|---|

- |   |   |
|---|---|
| <p>3. Barrum vero prae ceteris<br/>Corde voceque jubilat,<br/>Cum jam ei de superis<br/>Aurora lucis rutilat.</p> | <p>4. Devotis tuis famulis<br/>Feras opem auxilii,<br/>Dans serviendum Apulis,<br/>Summilargitor praemii.</p> |
|---|---|

5. Laus et perennis gloria  
Deo totis affectibus  
Dicat mater ecclesia,  
Exsultet coelum laudibus.

Brev. ms. Redonense saec. 15. Cod. Vatican. Ottobon. 543. — 1, 3  
caput. — 2, 3 Rectoris causa munere. — 4, 3 Das serviendum.

#### 405. In Translatione s. Nicolai.

Ad Laudes.

- |   |  |
|---|--|
| <p>1. Ut viso tui tumulo<br/>Relevantur, in agmine<br/>Currunt populi sedulo<br/>A solis ortus cardine.</p>             | <p>3. Seniores et parvuli<br/>Gaudent in ejus gloria,<br/>Dans pietate famuli<br/>Beata nobis gaudia.</p>      |
| <p>2. Pro expulsis languoribus<br/>Vox gratiarum resonat,<br/>Condignisque clamoribus<br/>Vox clara, ecce, intonat.</p> | <p>4. Expelluntur daemonia<br/>Tumba ejus saepissime,<br/>Tibi ergo sit gloria,<br/>Aeterne rex altissime.</p> |

5. Laus et perennis gloria.

Brev. ms. Redonense saec. 15. Cod. Vatic. Ottobon. 543. — 1, 1 Ut viso  
tuis. — 1, 2 Relevant. — 3, 3 Dans pietate.

#### 406. In Translatione s. Nicolai.

Ad Nocturnum.

- |   |   |
|---|---|
| <p>1. Confessoris Nicolai<br/>redeunt solemnia,<br/>Qui in cunis adhuc jacens<br/>servando jejunia<br/>A papilla coepit summa<br/>promereri gaudia.</p>         | <p>3. Nicolaus naufragantum<br/>adfuit praesidio,<br/>Quem decorat super omnes<br/>Dianae destructio,<br/>O quam probat sanctum Dei<br/>farris augmentatio.</p> |
| <p>2. Hic est, per quem puellarum<br/>deletur infamia,<br/>Per quem patris earundem<br/>servatur inopia,<br/>Cujus fuit dignitatis<br/>vox de coelo nuntia,</p> | <p>4. Ex ipsius tumba manat<br/>unctionis copia,<br/>Quae infirmos omnes sanat<br/>per ejus suffragia,<br/>Sanitati cedit morbus,<br/>fugantur daemonia.</p>    |

5. Nunc quapropter supplicantes  
illi preces fundimus,  
Ut dignetur nobis Christum  
facere propitium,  
Quem amavit, cum quo regnat  
nunc et in perpetuum.

Brev. ms. Sedunense saec. 15. Cod. Valerian. s. n.

#### 407. In Translatione s. Nicolai.

Ad Laudes.

- |  |  |
|--|--|
| 1. Adest ejus translatio,<br>Qui in coeli palatio<br>Angelorum consortio<br>Fovetur et obsequio.     | 3. Nicolaus egregius,<br>Clemens, benignus et pius,<br>Binos exstinctos corpore<br>Vitae donavit munere. |
| 2. De Myreis litoribus<br>Barae portatus navibus,<br>Membra multorum morbida<br>Dono Dei dat vivida. | 4. Ab omni nos contagio<br>Tuo munda suffragio,<br>Ut in coeli solatio<br>Simus cum Dei filio.           |

5. Gloria tibi, Domine.

Antiph. ms. S. Nicolai Friburgen. s. n. saec. 15. A. — Psalt. ms. Sedunense saec. 15. Cod. Valerian. s. n. B. — Brev. ms. Sedunense saec. 15. Cod. Valerian. s. n. C. — Brev. Sedunense imp. s. l. et a. D. — Brev. Lausannense imp. Gebennis 1509. E. — 1, 1 Absit ejus turbatio D.

#### 408. De sancto Niniano.

In 1. Vesperis.

- |  |   |
|--|---|
| 1. Christe, qui rex es gloriae,<br>Caput sanctorum omnium,<br>Tu Niniano gratiae<br>Tuae dedisti praemium. | 4. Regem percussit ultio,<br>Vir Belial qui fuerat,<br>Sanatur et devotio<br>Pia mitem reddiderat.            |
| 2. Ortus regali semine<br>Clarae puer est indolis,<br>Vir veritatis lumine<br>Dat vitam pastor incolis.    | 5. A mortis solvit vinculo,<br>Quem taurus perforaverat,<br>A mortis et periculo<br>Vir undis raptum liberat. |
| 3. Pictis junctis Britonibus<br>Turmis duarum gentium<br>Mercatur in coelestibus<br>Regionem viventium.    | 6. Aegris se reddit habilem<br>Multos curans miraculis,<br>Deum sibi placabilem<br>Beatis videns oculis.      |

7. Praesta, Christe, victoriam  
Nobis devictis hostibus,  
Niniani memoriam  
Vitam confer agentibus.

Brev. Aberdonense imp. Edinburgae 1510. — 4, 3 lies Sanatur cum?

# 409. De sancto Niniano.

Ad Laudes.

- |  |   |
|--|---|
| <p>1. Adest dies laetitiae<br/>Niniani pontificis,<br/>Quo stolam sumpsit gloriae<br/>Choris septus angelicis.</p>     | <p>3. In paradiso ecclesiae<br/>Virtutum ex dulcedine<br/>Spiramen dat aromatum<br/>Ninianus coelestium.</p>        |
| <p>2. Plaude, turba fidelium,<br/>Patris colens solemnia,<br/>Ejus laudans praeconium,<br/>Qui suis dat praesidia.</p> | <p>4. Hic Ninianus sumitur<br/>Calcata lucta saeculi,<br/>Coelum victor ingreditur<br/>Cum turmis multi populi.</p> |
| <p>5. Jesu, rector luctantium,<br/>Tua nos rege gratia<br/>Supplantando daemonium,<br/>Mundum, carnem justitia.</p>    |   |

Brev. Aberdonense imp. Edinburgae 1510.

# 410. De sancto Niniano.

In 2. Vesperis.

- |  |  |
|--|--|
| <p>1. Plaudat turba fidelium<br/>Novis productis canticis,<br/>Promat laudis praeconium<br/>Niniani pontificis.</p>      | <p>5. Aqua fluxit de lapide<br/>Hebraeum potans populum,<br/>Exivit fons a cuspide<br/>Baculi mittens rivulum.</p>     |
| <p>2. Cujus doctrina et monitis<br/>Gens graditur feliciter,<br/>Errorum ab illicitis<br/>Conversa est salubriter.</p>   | <p>6. Virga legalis arida<br/>Frondes, flores produxerat,<br/>Tali virtute valida<br/>Baculus arens creverat.</p>      |
| <p>3. Virga vetus Mosaica<br/>Et baculus antistitis<br/>Signa conformant coelica<br/>Niniani pro meritis.</p>            | <p>7. Imber invasit codicem,<br/>Dum mens vacaret otio,<br/>Undae suspendit laticem<br/>Labens mentis oratio.</p>      |
| <p>4. Virga mare dividitur<br/>Ducatum praebens populo,<br/>Unda maris reflectitur<br/>Navem regente baculo.</p>         | <p>8. In mundo laude egregia<br/>Florebat mirabilibus,<br/>Nunc est in coeli curia<br/>Vivens cum sanctis omnibus.</p> |
| <p>9. Laus trino et uni Domino<br/>Sit, qui est sine termino,<br/>Qui Niniani precibus<br/>Nos jungat coeli civibus.</p> |  |

Brev. Aberdonense imp. Edinburgae 1510. — 7, 3 Inundans suspendit laticem. — 7, 4 Nos fehlt.

# 411. De sancto Onufrio.

Ad Vesp. et Noct.

- |  |   |
|--|---|
| <p>1. Lingua festum mente pura<br/>Psallat nostra eremitae,<br/>Quem ad sanctitatem vitae<br/>Gloriosa duxit cura.</p> <p>2. Hic qui fore excellenter<br/>Eremi cultor testatur,<br/>Cum per sexaginta fatur<br/>Annos vixisse silvester.</p> <p>3. Donum prophetiae latum<br/>Fertur ipsum attigisse<br/>Coronamque laureatum<br/>Confessorum meruisse.</p> | <p>4. Martyrumque si negatur<br/>Aureola sibi dari,<br/>Majus donum concedatur<br/>Posse in coelo compraestrari.</p> <p>5. Diu fame agitatus<br/>Est spe vitae jam remota,<br/>Divo cibo visitatus<br/>Est paene anima tota.</p> <p>6. Tu qui Christo placuisti,<br/>Sancte Onufri, rogamus,<br/>Ut per te illuc vadamus<br/>Ad palatium, quo isti.</p> |
|--|---|
7. Trinitatem non cessemus  
Sonorique fistula  
Collaudare frequentemus  
Per infinita saecula.

Brev. Ordinis ss. Trinitatis imp. Valentiae 1519. — 3, 3 laureatam. — 6, 4 ivisti. — 7, 2 ist verdruckt und fehlt eine Silbe; vielleicht l.: Sono orisque fistula?

# 412. De sancta Opportuna.

Ad Vesperas.

- |  |  |
|--|--|
| <p>1. Opportunae celebremus<br/>Virginis solemnia,<br/>Digne Deum collaudemus<br/>Ex ejus memoria,<br/>Ut per ipsam penetremus<br/>Ad coeli fastigia.</p> <p>2. Haec est virgo virginali<br/>Reposita regia,<br/>Quam meruit temporali<br/>Vita Dei gratia,<br/>Coelo sita triumphali<br/>Coruscat in gloria.</p> <p>3. Ore, corde memorari<br/>Hujus vitam virginis<br/>Debent omnes et laetari<br/>Laude celsitudinis,<br/>In qua Christus coronari<br/>Jubet mundam criminis.</p> | <p>4. Hujus aetas puerilis<br/>Currit in duritia,<br/>Probat, ut sit haec senilis,<br/>Carnis abstinencia,<br/>Tota Christo fit servilis<br/>In ejus vestigia.</p> <p>5. Pulchro latet apparatu<br/>Cubilis asperitas,<br/>Genuflexum non reatu<br/>Invitat humilitas,<br/>Mira facta sacro flatu<br/>Pangit Christi claritas,</p> <p>6. O quam mitis consolatrix<br/>Erat haec sororibus,<br/>O quam jugis operatrix<br/>Sub divinae legibus,<br/>Ut in Christo triumphatrix<br/>Esset vitae moribus.</p> |
|--|--|



- |  |   |
|--|---|
| <p>7. Nunc, benigna, Christum ora<br/>Praesenti pro populo,<br/>Qui leonis fregit ora<br/>Resurgens a tumulo,<br/>Ut tremenda mortis hora<br/>Eruamur vinculo.</p> | <p>8. Summo patri decantemus<br/>Laudes atque filio,<br/>Pneuma sanctum invocemus,<br/>Ut ejus auxilio<br/>Cum beatis habitemus<br/>In coeli palatio.</p> |
|--|---|

Collect. ms. hymn. saec. 18. Cod. Parisien. 1094. — 7, 1 Hunc benigna.

#### 413. De sancta Opportuna.

Ad Completorium.

- |  |   |
|--|---|
| <p>1. Jesu, corona virginum<br/>Tuarum, nostris luminum<br/>Splendorem mitte cordibus<br/>Virginis almae precibus.</p> | <p>3. Quaesumus, auctor omnium,<br/>Per hoc paschale gaudium<br/>Mortis impetum eruas<br/>Culpasque nostras diluas.</p> |
| <p>2. Ut in te semper vigilet<br/>Mens nostra et assimilet<br/>Nos supernorum civibus<br/>Somni pulsus torporibus.</p> | <p>4. Gloria tibi, Domine,<br/>Patri cum sancto flamine,<br/>Qui resurgens a mortuis<br/>A morte tuos eruis.</p>        |

Collect. ms. hymn. saec. 18. Cod. Parisien. 1094.

#### 414. De sancta Opportuna.

Ad Laudes.

- |   |  |
|---|--|
| <p>1. Pia mater ecclesia<br/>Gaudet in Christi filia,<br/>Quae mundi spernens gaudium<br/>Meruit vitae praemium.</p>      | <p>4. Lampas ornata virginis<br/>Est oleo dulcedinis,<br/>In fide nexa caritas<br/>Hanc laudat, spes et castitas.</p>  |
| <p>2. Virgo sancta virgineo<br/>Dinummerata cuneo,<br/>Nobili nata genere<br/>Christo se junxit foedere.</p>              | <p>5. Haec ad summa respiciens,<br/>Haec terrena despiciens,<br/>Vitae palmam martyrio<br/>Sumpsit absente gladio.</p> |
| <p>3. Per syllabas ostenditur<br/>Cum Opportuna legitur,<br/>Quod magna constat nomine,<br/>Magna stat coeli culmine.</p> | <p>6. Ergo precemur Dominum,<br/>Qui est corona virginum,<br/>Ut Opportunae precibus<br/>Regnemus in coelestibus.</p>  |
7. Sit Trinitati gloria,  
Sint laudes et praeconia,  
Et nos preces angelicae  
Excusent coram iudice.

Collect. ms. hymn. saec. 18. Cod. Parisien. 1094.

415. De sancto Patricio.

- |  |   |
|--|---|
| <p>1. Ecce fulget clarissima<br/>Patricii solemnitas,<br/>In qua carne deposita<br/>Felix transcendit sidera.</p> <p>2. Qui mox a pueritia<br/>Divina plenus gratia<br/>Vitam coepit diligere<br/>Dignitatis angelicae.</p> <p>3. Illic felici prosapia<br/>Ortus est in Britannia<br/>Perceptoque baptisate<br/>Studet ad alta tendere.</p> <p>4. Sed futurorum praescius,<br/>Clemens et rectus Dominus<br/>Hunc direxit apostolum<br/>Hiberniae ad populum.</p> <p>5. Erat namque haec insula<br/>Bonis terrae fructifera,<br/>Sed cultore idolatra<br/>Mergebatur ad infima.</p> | <p>6. Ad hanc doctor egregius<br/>Adveniens Patricius<br/>Praedicabat gentilibus,<br/>Quod tenebat operibus.</p> <p>7. Confluebat gentilitas<br/>Ad ejus sacra monita<br/>Et respuens diabolum<br/>Colebat regem omnium.</p> <p>8. Gaudebatque se liberam<br/>Remeasse ad patriam,<br/>Qua serpentis astutia<br/>Olim expulsa fuerat.</p> <p>9. Qua propter, dilectissimi,<br/>Hujus in laude praesulis<br/>Psallamus Christo cordibus<br/>Alternantes et vocibus.</p> <p>10. Ut illius suffragio<br/>Liberati a vitio<br/>Perfruamur in gloria<br/>Visione angelica.</p> |
|--|---|
11. Laus sit patri, sit filio  
Cum spiritu paraclito,  
Qui suo dono gratiae  
Misertus est Hiberniae.

Hymn. ms. Hibernicus saec. 10/11. Cod. Coll. ss. Trinitatis Dublinen.  
E. 41. 2. A. — Antiph. ms. Kilmonense saec. 15. Cod. Coll. ss. Trinitatis  
Dublinen. B. 1. 5. B. — 2, 1 a fehlt B. — 3, 4 ad fehlt B. — 5, 3 ido-  
latria B. — 8, 2 Remease A. — 9, 4 Alternando in B. — 11, 1 patri in  
filio B. — 11, 4 Insertus est B.

416. In Conversione s. Pauli.

Ad Tertiam.

1. O vas electum, Paule, doctor magne,  
Nostri memento pie supplicando  
Regi aeterno, opifici nostro,  
Quem colit orbis.
2. Qui te coelitus affatus est clare,  
Gratia celsa replevit abunde,  
Posce eundem, quo veniam nobis  
Tribuat cunctis.
3. In ejus regno gratulemur semper,  
Quem nationes cunctae crediderunt  
Deo jubente, unum Deum fore,  
Salvet qui nosmet.

4. Bonitas summa trinitatis almae,  
Quae peccatores ad te gratis vocas,  
Tibi ovanter concinendo laudes  
Prominus omnes.

Brev. ms. Montis Romarici anni 1600. Cod. Parisien. Nouv. acq. 1545.

417. In Conversione s. Pauli.

Ad Laudes.

- |   |  |
|---|--|
| 1. O Paule, miles inclite<br>Fortis et in certamine,<br>Monstras tuo qui dogmate<br>Vitam perennis gloriae. | 3. Cum floruisti corpore,<br>Mundum replesti lumine,<br>Nunc Abrahae vernantibus<br>Laetus quiescis sedibus. |
| 2. Audi tuorum dulcia<br>Vernaculorum carmina,<br>Quae concinunt gratissimo<br>Praedicatorum gaudio.        | 4. Pater pius, pastor bonus<br>Multis fuisti gentibus,<br>Has recreando flamine,<br>Illos docendo fame.      |
5. Deo patri sit gloria.

Brev. ms. Dervense saec. 14/15. Cod. Calmontan. 30.

418. In Translatione s. Pauli Narbonensis.

Ad Vesperas.

1. Devotioni priscae rependentes  
Exhilarati mente jubilemus  
Exteriusque laudis proferamus  
Dulciter hymnum.
2. Die nam isto, qui nos praecesserunt,  
Corpus sacraei Pauli ambientes  
Translatione tumultu levarunt  
Ab imo sursum.
3. Dumque pernixi licet reverenter  
Super columnas marmoris advectum  
Hunc nequivissent commode locare,  
Gratia viget.
4. Dimissus enim ad tempus inepte  
Trinae aptatur dextera virtutis,  
Nullo adjecto ipso quo tunc modo  
Nunc quoque manet.
5. Sit salus illi, decus atque virtus,  
Qui supra coeli residens cacumen  
Totius mundi machinam gubernat  
Trinus et unus.

Brev. Narbonense imp. Carcassonnae 1535.

419. In Translatione s. Pauli Narbonensis.

Ad Laudes.

- |   |  |
|---|--|
| <p>1. Tis ingressus et obitus<br/>Et tumuli translatio<br/>Sunt de amore ratio,<br/>Quod sis Narbonae insitus.</p>        | <p>3. Ergo fave supplicibus<br/>Mundo, quasi ad vesperam<br/>Qui fluctuatur perperam,<br/>Finem indicit casibus.</p> |
| <p>2. Quid honoris aut duliae<br/>Quivit plebs, quod non egerit<br/>Abunde vel non dederit,<br/>Paule, tibi, egregie?</p> | <p>4. Exturbatores contere,<br/>Gregem fove mirifice<br/>Insitusque sis Narbonae<br/>Et nos ad coelos dirige.</p>    |

5. Deo patri et filio.

Brev. Narbonense imp. Carcassonae 1535.

420. De sancta Perpetua.

In 1. Vesperis.

- |   |   |
|---|---|
| <p>1. Jesu, sanctorum omnium<br/>Corona, palma, praemium,<br/>Digne festum Perpetuae<br/>Celebrare nos annue.</p> | <p>3. Quocunque nos lacessere<br/>Vel contra nos insurgere<br/>Temptat hostis, succumbere<br/>Fac ipsum et nos vincere.</p> |
| <p>2. Qui fecisti de bestia<br/>Lictorumque saevitia<br/>Triumphare Perpetuam<br/>Coronam dans perpetuam.</p>     | <p>4. Te deprecamur largius<br/>Supplicantes obnixius,<br/>Ut post collatam gratiam<br/>Nobis praestes et gloriam.</p>      |

5. Praesta, pater piissime.

Brev. ms. Aniciense saec. 15. Cod. Capit. Aniciens. s. sign. — 1, 1 sanctorum tuorum omnium. — 4, 2 obnoxius. — In dem auf Befehl des Bischofs Juste de Serre 1624 zu Le Puy gedruckten Sanctorale oder Proprium ist der Hymnus schon total verändert.

421. De sancto Petro.

1. Principum princeps, Domini converse,  
Piscator mundi, venerande Simon,  
Pastorum summe, benedice Petre,  
Genitor artis.
2. Fide devota, caritate firma  
Speque gaudenti, petimus, adesto,  
Adsumus modo tibi famulantes,  
Suscipe carmen.
3. Pectore puro Domini confessor  
Ecclesiaeque fidei fundator,  
Filius sancti spiritus vocaris  
Atque bearis.

4. Jubente Jesu mare superasti,  
Fluctus horrendos pavitans calcasti,  
Sic fide magna pelagus transisti  
Munere Christi.
5. Potens, insignis, radians doctrinis,  
Amore plenus, pietate dulcis  
Surgere facis rediviva membra  
Corporis umbra.
6. Coelorum claves et oves pascendas  
Redemptor noster tibi commendavit,  
Per crucis mortem subiturum palmam  
Mystice prompsit.
7. Omni cum laude memorande nimis,  
Modulis cordis recolende semper,  
Affectu toto rogitante pater,  
Noster amator.
8. Jam, pie Petre, lacrimarum undis  
Omnium dele famulorum culpas,  
Aperi coelum animasque nostras  
Suscipe clemens.
9. Praestet hoc nobis pater, orbis rector,  
Concedat Deus genitus aeternus,  
Tribuat sanctus spiritus aequalis  
In deitate.

Psalt. ms. S. Vincentii Cenomannen. saec. 15. Cod. Cenomannen.  
134. — Vor Str. 5 Divisio. — 7, 3 rogitantes. — 9, 3 sancti.

#### 422. De ss. Petro et Paulo.

- |  |   |
|--|---|
| 1. Christi, patris in dextera<br>Sedentis super aethera,<br>Post Judaeorum flagella,<br>Post egressum de gehenna | 5. Offerebant tam placita<br>Deo per summa studia<br>Vitae suae per tempora<br>Beatissima prospera. |
| 2. Spiritus sancti gratia<br>Repleti sunt repentina<br>Cum cunctarum notitia<br>Linguarum multifaria.            | 6. Talenta evangelica<br>Sancta non sine usura<br>Reddentes in dominico<br>Regni gazophylacio.      |
| 3. Revelantes mysteria<br>In saeculis abscondita,<br>Futura et praeterita<br>Ac praesentia abdita,               | 7. Coelo aequale meritum<br>Est habere perhibitum,<br>Una die ad Dominum<br>Se pergendo altissimum. |
| 4. Hymnos, psalmos et cantica<br>Atque sacra libamina<br>In multa patientia<br>Et caritate fraterna              | 8. Adepti post martyrrium<br>Vocationis bravium<br>Et sanctae contubernium<br>Trinitatis perpetuum. |



- |   |   |
|---|---|
| <p>9. Non habentis initium<br/>Nec non et finem dierum,<br/>Cujus honor, imperium<br/>Permanebit in saeculum.</p> | <p>11. Deus, dele flagitia<br/>Nostra, pater, tam plurima<br/>Tua magna clementia<br/>Et pietate nimia.</p> |
| <p>10. Quos Dominus ad superna<br/>Revocavit cum gloria.<br/>* * * * *</p>  | <p>12. Per sanctorum suffragia<br/>Apostolorum fortia,<br/>Petri, clavicularia<br/>Cui data potentia,</p>   |
| <p>13. Pauli et tali gloria<br/>In divina sententia<br/>Et per Christum in saecula<br/>Dominantem infinita.</p>   |   |

Hymn. ms. Hibern. saec. 10/11. Cod. Franciscan. Dublinen. s. n. — 7, 4  
peragendo.

#### 423. In Cathedra s. Petri.

1. Beati Petri precibus placatus  
Veniam nobis tribue culparum  
Hujus et vitae commoda dignanter,  
Deus, concede.
2. Hunc diem sacrum tuis ita cede  
Famulis digne celebrare semper,  
Quo post hanc vitam mereamur coeli  
Scandere regna.
3. Beate Petre, tuum qui devote  
Celebrant festum, miseratus fove  
Scelerum atque potestate magna  
Vincla dissolve.
4. Judicis iram miseratus placa,  
Pestem et morbos, languores repelle,  
Fidei, spei, caritatis bona  
Impetra nobis.
5. Gaudet jam terra tuo decorata  
Lumine. coelum simul et resultat,  
Gaudium nobis tribue perenne,  
O sancte Petre.
6. Gloriam patri resonemus omnes  
Et tibi, Christe, genite superne,  
Cum quibus sanctus simul et creator  
Spiritus regnat.

Brev. ms. Burguliense saec. 15. Cod. Parisin. 1043.

424. In s. Petri ad Vincula.

- |   |   |
|---|---|
| 1. Christicolarum concio,<br>Magno redempta pretio,<br>Laudes pangat cum jubilo<br>Universorum Domino.          | 5. Post pascha eum populo<br>Producere Judaico<br>Cupiens, ut supplicia<br>Irrogaret immania.           |
| 2. Cum quo regnat feliciter<br>Aulae coelestis claviger,<br>Petrus, piscator hominum<br>Pastorque magnus ovium. | 6. Sed divina clementia<br>Mira solvit potentia,<br>Cui tyranni saevitia<br>Machinabatur talia.         |
| 3. Quem Herodis crudelitas<br>Intra carceris tenebras<br>Olim retrusit saeviens<br>Poenas inferre moliens.      | 7. Ab aethereis arcibus<br>Summus descendit angelus,<br>Jubente coeli principe<br>Petrum exiit carcere. |
| 4. Binisque vinctum nexibus<br>Custodiendum penitus<br>Saevisissimis custodibus<br>Tradidit rex saevissimus.    | 8. Hujus, precamur, meritis<br>Cunctis solvamur vitiis,<br>Sociari coelicolis<br>Mereamur sanctissimis. |
9. Sit tibi, Christe, gloria  
Per infinita saecula  
Atque patri ingenito  
Cum spiritu paraclito.

Brev. ms. Burguliense saec. 15. Cod. Parisin. 1043.

425. In s. Petri ad Vincula.

Ad Vesperas.

- |   |  |
|---|--|
| 1. Sanctorum decus omnium,<br>Christe, splendor et praemium,<br>In beatis solemnibus<br>Petri fave supplicibus. | 3. Quo suffragante petimus,<br>Nos absolve reatibus,<br>Cui solvendi dignitas<br>Est et ligandi tradita. |
| 2. Hac in die qui carceris<br>Solvi squalore meruit,<br>Te annuente Domino<br>Ductu fertur angelico.            | 4. Laus creatori omnium<br>Et redemptori gentium,<br>Procedenti sit gloria<br>Per infinita saecula.      |

Brev. ms. S. Trinitatis Pictavien. saec. 15. Cod. Semin. Pictavien. s. n. — 2, 1 Hic in die. — 2, 2 Solvi calore.

426. In s. Petri ad Vincula.

Ad Laudes.

- |  |  |
|--|--|
| 1. Princeps inter egregios,<br>O Petre, tu discipulos,<br>Mentis occulta noxiae<br>Nobis parcendo dilue. | 2. Cui claves coelestium<br>Sunt et concessae nubium,<br>Nobis illorum januas<br>Pie, precamur, reseras. |
|--|--|

- |  |  |
|--|--|
| 3. Qui catenarum pondere<br>Es absolutus hodie,<br>Nos a mundi contagio<br>Solve jubente Domino. | 4. Ut qui lapsus per maria<br>Christi levaris dextera,<br>Supplicantes cum laudibus<br>Muni beatis precibus. |
|--|--|

5. Laus creatori omnium.

Brev. ms. S. Trinitatis Pictavien. saec. 15. Cod. Semin. Pictavien. s. n. —  
1, 2 O Petre cum discipulos.

427. De s. Petro Tarentasiensi.

Ad Vesperas.

- |   |  |
|---|--|
| 1. Gaude, praesens ecclesia,<br>Laetam agens memoriam<br>Sancti Petri praeconia<br>Resultans atque gloriam. | 3. Fama volans cum gratia,<br>Vita, signa cum ordine<br>Dant Petro testimonia<br>De sanctitatis culmine. |
| 2. Carnis liber ergastulo<br>Coeli potitur gloria<br>Pro meritorum cumulo<br>Magno in coeli curia.          | 4. Trino Deo laus debita<br>Reddatur atque gloria,<br>Qui nos per Petri merita<br>Ducat ad coeli gaudia. |

Brev. ms. Tarentasiense saec. 15. Cod. Lugdunen. 478. A. — Brev. ms. Tarentasiense saec. 15. Cod. Parisin. 18000. B. — Brev. ms. Diense saec. 15. Cod. Avenionen. s. n. C. — Brev. ms. Valentinense saec. 15. Cod. Atrebaten. 1142 (552). D. — Brev. S. Barnardi in Romanis imp. in Romanis 1518. E. — Brev. Tarentasiense imp. Lugduni 1519. F. — 2, 1 liber erga saeculo A; Bernardi nunc praeconia E. — In E steht der Hymnus zum Feste des hl. Bernhard und lautet infolgedessen Str. 3:

Vox de sursum, fragrantia,  
Mira cum coeli lumine  
Dant isti testimonia  
De sanctitatis culmine.

428. De s. Petro Tarentasiensi.

Ad Nocturnum.

- |  |  |
|--|--|
| 1. Magnae dies laetitiae<br>Nobis illuxit coelitus,<br>Petrus ad thronum gloriae<br>Praesul pervenit inclitus. | 3. Laetare, Tarentasia,<br>Tales Petros egregios<br>Habens in coeli curia<br>Patronos et propitios.      |
| 2. Petrus Petri ecclesiam<br>Gubernans perutiliter<br>Ad petrae Christi gloriam<br>Tandem venit feliciter.     | 4. Trino Deo laus debita<br>Reddatur atque gloria,<br>Qui nos per Petri merita<br>Ducat ad coeli gaudia. |

Brev. ms. Tarentasiense saec. 15. Cod. Lugdunen. 478. A. — Brev. ms. Tarentasiense saec. 15. Cod. Parisin. 18000. B. — Brev. Tarentasiense imp. Lugduni 1519. C. — 2, 1 Petri Petrus A.

429. De s. Petro Tarentasiensi.

Ad Laudes.

- |   |   |
|---|---|
| <p>1. Hymnum laudis eximiae<br/>Dulci productum cantico<br/>Noster depromat hodie<br/>Chorus Petro mirifico.</p> <p>2. Hic post laborum merita<br/>Coelestem intrans curiam<br/>De mercede reposita<br/>Summam habet laetitiam.</p> | <p>3. Hujus sequi vestigia<br/>Da nobis, Christe, jugiter<br/>Et ipsius suffragia<br/>Nos habere perenniter.</p> <p>4. Trino Deo laus debita<br/>Reddatur atque gloria,<br/>Qui nos per Petri merita<br/>Ducat ad coeli gaudia.</p> |
|---|---|

Brev. ms. Tarentasiense saec. 15. Cod. Lugdunen. 478. A. — Brev. ms. Tarentasiense saec. 15. Cod. Parisin. 18000. B. — Brev. ms. Valentinense saec. 15. Cod. Atrebaten. 1142 (552). C. — Brev. S. Barnardi in Romanis imp. in Romanis 1518. D. — Brev. Tarentasiense imp. Lugduni 1519. E. — 1, 4 Barnardo permirifico CD. — In C steht der Hymnus zweimal, einmal auf Bernardus, einmal auf Sulpicius.

430. De sancta Praxede.

Ad Nocturnum.

- |  |  |
|--|--|
| <p>1. Praxedis illustrissima,<br/>Stellarum vincens lumina,<br/>Tuum colentes stadium<br/>Duc ad supernum bravium.</p> <p>2. Dedisti, virgo, propria<br/>Miseris patrimonia,<br/>Ut corde, verbo, opere<br/>Regi servires gloriae.</p> | <p>3. O rex dulcis, amabilis,<br/>Pro te, puella nobilis,<br/>Mundi liquit fastigia<br/>Tua sequens vestigia.</p> <p>4. Te quaesumus, rex omnium,<br/>Nos de lacu peccaminum<br/>Virtutum educ lumine<br/>Sacra precante virgine.</p> <p>5. Ingenito cum filio,<br/>Sancto simul paraclito<br/>Sit honor, virtus, gloria<br/>Per infinita saecula.</p> |
|--|--|

Brev. Vasatense imp. Vasati 1530.

431. De sancta Praxede.

Ad Laudes.

- |   |   |
|---|---|
| <p>1. Jam Praxedis coronatur<br/>inter choro virginum,<br/>Sicut fulgens rosa splendet<br/>semper laudans Dominum.</p> <p>2. Romae virgo fuit orta<br/>summo fulta numine,<br/>Quo supernae claritatis<br/>potiatur lumine.</p> | <p>3. Vitam duxit angelorum<br/>spretis vanis hominum,<br/>Mitem agnum sequens Christum<br/>scandit ad palatium.</p> <p>4. Linquens solum, scandens polum<br/>ad superna gaudia,<br/>Ubi manet sine fine<br/>in perenni gloria.</p> |
|---|---|

- |  |  |
|--|--|
| <p>5. O miranda et amanda<br/>Praxedis commercia,<br/>Pro terrenis perituris<br/>assumpsit coelestia.</p>  | <p>6. Tui gaudii consortes<br/>fusus sponso precibus,<br/>Virgo sancta, fac nos omnes,<br/>supplices deprecemur.</p> |
| <p>7. Genitori atque nato<br/>sit honor et gloria,<br/>Spiritus quoque sancto<br/>per aeterna saecula.</p> |  |

Brev. Vasatense imp. Vasati 1530.

### 432. De sancta Praxede.

Ad Vesp. et Noct.

- |  |  |
|--|--|
| <p>1. Cantemus totis viribus<br/>Laudes Praxedis virginis,<br/>Quae regnat in coelestibus<br/>Electa, non ex fatuis.</p>   | <p>3. Inter Romanas filias.<br/>Primatum ipsa obtinuit,<br/>Deum sequens per omnia<br/>Contempsit iussa principum.</p> |
| <p>2. Nam vivens in hoc saeculo<br/>Secuta est pro viribus<br/>Doctrinam apostolicam<br/>Mundum spernens cum propriis.</p> | <p>4. Nam sub iniquo iudice<br/>Antonino archipraeside<br/>Contra paganam insaniam<br/>Pugnavit Christi famula.</p>    |

5. Gloria patri Domino,  
Gloria unigenito  
Una cum sancto spiritu  
In sempiterna saecula.

Brev. ms. S. Albini Andegaven. saec. 15. ex. Cod. Andegaven. 108 A. —  
Brev. S. Albini Andegaven. imp. Andegavi 1531. B. — 4, 1 Jam sub ini-  
quo A.

### 433. De sancta Praxede.

Ad Laudes.

- |   |  |
|---|--|
| <p>1. Symmetrium presbiterum<br/>Simul cum multis aliis<br/>Alebat in hoc titulo<br/>Propriis alimoniis.</p>    | <p>3. Tunc Christiani milites<br/>Non timentes tyrannidem<br/>Pro fide Christi certantes<br/>Gladio jugulati sunt.</p>         |
| <p>2. Sed orta persecutio<br/>In sanctos Dei famulos,<br/>Missis exploratoribus<br/>Ab Antonino tenti sunt.</p> | <p>4. Praxedis, Christi famula,<br/>Fervens in sancto spiritu,<br/>De sancta Christi ecclesia<br/>Tulit sanctorum corpora.</p> |



- |   |   |
|---|---|
| <p>5. Ipsam, pro nobis ut oret,<br/>Omnes precemur devote,<br/>Qui Jesum Christum credimus<br/>Natum Maria virgine.</p> | <p>6. Gloria patri Domino,<br/>Gloria unigenito<br/>Una cum sancto spiritu<br/>In sempiterna saecula.</p> |
|---|---|

Brev. ms. S. Albini Andegaven. saec. 15. ex. Cod. Andegaven. 108 A. —  
Brev. S. Albini Andegaven. imp. Andegavi 1531. B. — 5, 4 Natum de  
Maria AB.

#### 434. De sancto Privato.

Ad Vesperas.

- |   |   |
|---|---|
| <p>1. Jesu, corona martyrum,<br/>Sanctorum splendor omnium,<br/>Rex Christe, patris dextera,<br/>Tu nos clementer visita.</p> <p>2. Quique Privatum martyrem<br/>Fecisti nobis praesulem,<br/>Concede nobis veniam<br/>Per tanti patris gratiam.</p> <p>3. Hic etenim sacrosanctam<br/>Dum rexisset ecclesiam,<br/>Inimicorum omnium<br/>Strages tulit non modicum.</p> | <p>4. Sic trinitati unicae<br/>Fidem tenens in pectore<br/>Oves alebat dogmate<br/>Praesenti vita comite.</p> <p>5. Christi regere dum studes,<br/>Private, acceptas oves,<br/>Palma triumphans laurea<br/>Scandis polorum sidera.</p> <p>6. Deo patri sit gloria<br/>Ejusque soli filio<br/>Cum spiritu paraclito<br/>Et nunc et in perpetuum.</p> |
|---|---|

Brev. ms. Aniciense saec. 15. Cod. Parisin. 1304. A. — Brev. ms. Aniciense saec. 15. Cod. Capit. Anicien. s. n. B. — 1, 1 corona virginum B. — 5, 1 Christi regebat dum studes A; Spiritu regebat dum studebat B. — 5, 2 Privatus AB. — 5, 4 Scandit AB.

#### 435. De sancto Privato.

Ad Laudes.

- |  |  |
|--|--|
| <p>1. Sancte Private domine,<br/>Pontifex, martyr inclite,<br/>Tu cum sanctorum agmine<br/>Dignare preces fundere</p> <p>2. Pro tibi servientibus<br/>Et populis fidelibus,<br/>Et nobis hic psallentibus<br/>Munimen ferto precibus.</p> <p>3. Et hostis semper invidus,<br/>Antiquus adversarius,<br/>Nihil nocere valeat,<br/>Sed nunc victus procul eat.</p> | <p>4. Et hujus habitaculum<br/>Templi servetur solidum,<br/>Sit hoc inhabitantibus<br/>Pax atque salus omnibus.</p> <p>5. Depulsis quoque tenebris<br/>Vitiorumque nebulis<br/>Sint sancta nobis lumina<br/>Mundi per cuncta tempora.</p> <p>6. Hoc praesta, pater luminum,<br/>Tuum per unigenitum<br/>Et spiritum paraclitum,<br/>Qui regis omne saeculum.</p> |
|--|--|

Brev. ms. Aniciense saec. 15. Cod. Parisien. 1304. A. — Brev. ms. Aniciense saec. 15. Cod. Capit. Anicien. s. n. B. — 2, 3 hic fehlt A. — 3, 4 nunc fehlt B. — 4, 1 Ut hujus A. — 5, 3 nobis lumina fehlt A. — 5, 4 Mundi per fehlt A. — 6, 1 Hoc fehlt B.

436. De s. Prudentio Besuensi.

- |   |   |
|---|---|
| <p>1. Festum sacrati martyris<br/>Indicit annus versilis.<br/>Quo scandit ad coelestia<br/>Martyr hic Prudens dindima.</p> <p>2. Illustri fulgens dogmate,<br/>Dictus Prudentius nomine,<br/>Ex Calagurri praecluis<br/>Enituit Prudentius.</p> <p>3. Hic postquam consul urbium<br/>Frenos rexit nobilium,<br/>Ad Domini vestigia<br/>Mundi vertit fastigia.</p> | <p>4. Relictis vanitatibus<br/>Se junxit spiritalibus<br/>Et monachalem gratiam<br/>Suscepit per prudentiam.</p> <p>5. Sacra tenens certamina<br/>Sanctorum laude plurima<br/>Ad passionis gloriam<br/>Hic venit per justitiam.</p> <p>6. Nunc ergo, martyr optime,<br/>Ora pro nobis sedule,<br/>Ut Jesu Christi lumine<br/>Tecum fruamur aethere.</p> |
|---|---|
7. Sit laus patri cum filio  
Et flamini paraclito,  
Virtus simul potentiae  
Omni saeculorum tempore.

Acta SS. Oct. III, 348 ex antiquo Ms. Divionensi saec. 11/12. — 2, 3  
praecluis. — 4, 3 monachilem.

437. De sancto Psalmodio.

Ad Vesp. et Noct.

- |   |   |
|---|---|
| <p>1. Pange Christi et martyris<br/>Psalmodii praeconia,<br/>Cujus vita laudabilis<br/>Coruscavit miraculis.</p> <p>2. Brandani monasterio<br/>Puerorum consortio<br/>Nutritus est Psalmodius,<br/>Ceteris doctus plenius.</p> <p>3. Frontis ejus sudoribus<br/>Linitis infirmantibus<br/>Pristina salus redditur,<br/>Infirmitas depellitur.</p> | <p>4. Posito maris medio<br/>Creata est Psalmodio<br/>Insula nova eminens,<br/>Corpus ejus custodiens.</p> <p>5. Jejuniis, vigiliis,<br/>Immensis abstinentiis<br/>Deo placere studuit,<br/>Amorem mundi renuit.</p> <p>6. Psalmodi, tuis famulis<br/>Succurre in periculis,<br/>Tuisque simus precibus<br/>Juncti sanctorum sedibus.</p> |
|---|---|
7. Praesta, beata trinitas,  
Concede, simplex unitas,  
Per hunc sanctum egregium  
Nobis perenne gaudium.

Brev. ms. Lemovicense saec. 15. Cod. Pianoren. M. 21.

438. De sancto Psalmodio.

Ad Laudes.

- |  |  |
|--|--|
| 1. Psalmodium collaudemus<br>Meritis eximium,<br>Cordis ei praesentemus<br>Et oris obsequium,<br>Ut a Christo reportemus<br>Sempiternum gaudium.           | 3. Mirabilis sanctitatis<br>Irradians titulis,<br>Fervens igne caritatis,<br>Praefulgens miraculis<br>Confert opem sanitatis<br>Arentibus populis. |
| 2. Psalmodius amplexatus<br>Christum totis viribus,<br>Mundus mundum aspernatus,<br>Mundi spretis opibus<br>Coruscavit decoratus<br>Praeclaris virtutibus. | 4. O Psalmodi, pietatis<br>Mira vernans gratia,<br>Post mundanae tempestatis<br>Varia naufragia<br>Ad superna claritatis<br>Nos ducas palatia.     |
5. Sit laus summo genitori,  
Regi regum omnium,  
Una Christo redemptori,  
Salvatori gentium,  
Flamini consolatori  
Decus et imperium.

Brev. ms. Lemovicense saec. 15. Cod. Pianoren. M. 21. — 3, 5 opem salutaris.

439. De sancto Quiriaci.

Ad Laudes.

- |  |  |
|--|--|
| 1. Martyr Christi pretiosus,<br>Quiriacus inclitus<br>Manus pro abscissione<br>Ac plumbi liquamine,<br>Quod suscepit ut devotus<br>Martyr invictissimus, | 2. Nunc exultat in excelsis<br>In conspectu Domini,<br>Recepturus ab eodem<br>Sine fine gloriam,<br>Impetret nobis ab ipso<br>Sempiternam requiem. |
|--|--|

3. Gloria et honor Deo.

Brev. ms. Bituricense saec. 14. Cod. Parisin. 745. A. — Brev. ms. Parisiense saec. 15. Cod. Mazarin. 342 (775). B. — 1, 5 Ad suscepit. A.

440. De sancto Quiriaci.

- |  |   |
|--|---|
| 1. Deus, colende conditor<br>Felixque vitae praestitor,<br>Regens beata saecula,<br>Quo cuncta servant gaudia. | 2. Tu martyrum victoria<br>Ac beatorum gloria,<br>Tu Quiriacum martyrem<br>Ad summam vehis requiem. |
|--|---|

- |  |  |
|--|--|
| <p>3. Hic per crucis mysterium<br/>Velum sprevit Judaicum,<br/>Percepto sacro lavacro<br/>Potitur vitae bravio.</p> <p>4. Jam in agone positus<br/>Sub Juliano Caesare<br/>Frustatim scisso corpore<br/>Fide perdurat integra.</p> | <p>5. Tum in fervente cacabo<br/>Antistes Christi mittitur,<br/>Sed summa Dei gratia<br/>Cuncta tormenta superat.</p> <p>6. Quaesumus, auctor omnium,<br/>In hoc paschali gaudio<br/>Ab omni mortis impetu<br/>Tuum defende populum.</p> |
|--|--|

Brev. ms. Aeduense saec. 15. Cod. Vatican. Reg. 153. — 2, 1 Te  
martyrum.

#### 441. De sancto Quintino.

- |  |   |
|--|---|
| <p>1. Pange, lingua, gloriosi<br/>martyris praeconia,<br/>Senatoris generosi<br/>Festum cole, Gallia,<br/>Vasis custos pretiosi<br/>Gaude, Viromandia.</p> <p>2. Ambianis praedicatum<br/>Venit Romae filius,<br/>Tentum, caesum, catenatum<br/>Dei solvit nuntius,<br/>Ad certamen praeparatum<br/>Hunc accingens fortius.</p> <p>3. Carnes frigunt patientis<br/>Adeps, fax, pix, oleum,<br/>Haustus plumbi bullientis<br/>Os invadit aureum,<br/>Sed rorescit in tormentis,<br/>Quidquid erat igneum.</p> <p>4. Poenas ratus medicinam,<br/>Non abhorret subulas,<br/>Transfigentes secus spinam<br/>Renes, dorsum, scapulas,<br/>Nec rimantem ferri spinam<br/>Decem inter unguilas.</p> | <p>5. Membris tortis, cute scissa<br/>Rastris multifarie,<br/>Caput caesus, voce missa<br/>De secretis gloriae<br/>Evolavit ad promissa<br/>Sub columbae specie.</p> <p>6. Servant aquis supplumbatum<br/>Undecim quinquennia,<br/>Quem corrumpi dedignatum<br/>Elevans Eusebia,<br/>Nacta lumen desperatum<br/>Hausit duo gaudia.</p> <p>7. Fodienti sors beata<br/>Proditur Eligio,<br/>Fragrant membra balsamata<br/>Solo sui pretio,<br/>Nox ditiescit honorata<br/>Luminari tertio.</p> <p>8. Elevatum jam in auro<br/>Patrem cernit patria,<br/>Nam victorem dignum lauro<br/>Decet auri gloria,<br/>Cujus rident in thesauro<br/>Sanitatum gaudia.</p> |
|--|---|

#### 9. Gloria et honor Deo.

Brev. sec. usum et consuet. ecclesiae collegiatae beatissimi Quintini Viro-  
mandensis imp. s. l. et a. — 4, 3 und 5 sind nach mittelalterlicher Auf-  
fassung kein reicher Reim, da die Bedeutung des einen Wortes an beiden  
Stellen eine andere ist. — 4, 6 Decet inter unguilas. — Vor Str. 6 Divisio  
ad Laudes.

#### 442. In Festo Reliquiarum.

In Vesp. et Noct.

- |  |  |
|--|--|
| 1. Devota plebs, altissimo<br>Novis exsulta gaudiis<br>Et tot sanctorum pignora<br>Dignis effer praeconiis.        | 4. Apostolorum, martyrum<br>Confessorumque ac virginum<br>Et Martialis incliti<br>Fragmenta sancta colimus.            |
| 2. Nam serti spina durior<br>Crucisque magna portio<br>Sunt hujus templi splendidi<br>Honor, laus, exsultatio.     | 5. Per vota tot sanctissima,<br>Quorum nunc festa ducimus,<br>Da nobis, Christe, gaudia,<br>Quae votis, voce poscimus. |
| 3. Hanc lacte, crine, tegmine,<br>Hanc ungue, fuso, calceo<br>Mater summae clementiae<br>Urbem dotavit inclitam.   | 6. Precamur, auctor omnium,<br>In hoc paschali gaudio<br>Ab omni mortis impetu<br>Tuos defende subditos.               |
| 7. Tibi sit, Christe, gloria,<br>Qui surrexisti a mortuis<br>Cum patre et sancto spiritu<br>In sempiterna saecula. |  |

Brev. Rutenense imp. Lugduni 1543. — 4, 4 sancta tollimus.

#### 443. In Festo Reliquiarum.

Ad Laudes.

- |   |  |
|---|--|
| 1. Exsultet mentis gaudio,<br>Linguis sonet magnalia<br>Felix Rutenae concio<br>Colens sanctorum munera.                  | 4. Electi coetus principes,<br>Apostoli sanctissimi<br>Confessoresque ac martyres,<br>Nobis adeste coelitus.   |
| 2. Nos a puncturis liberet,<br>Quae Christum spina punxerat,<br>Et nos a morte retrahat<br>Mors, quam suspensus pertulit. | 5. O mater Anna virginis,<br>Quae virgo mater parturit,<br>Cum virginum tripudiis<br>Consortes Christi sumite. |
| 3. Dulcis parens et optima,<br>Quae mundo reddis perdita,<br>Memor naturae deviae<br>Lapsis implora gratiam.              | 6. Precamur, auctor omnium,<br>In hoc paschali gaudio<br>Ab omni mortis impetu<br>Tuos defende subditos.       |
| 7. Tibi sit, Christe, gloria.   |  |

Brev. Rutenense imp. Lugduni 1543.

#### 444. In Festo Reliquiarum.

Ad Vesperas.

- |  |  |
|--|--|
| 1. In sanctorum reliquiis<br>Resultet terra gaudiis,<br>De quorum jam spiritibus<br>Exsultat coelum lau-<br>dibus. | 2. Spreta carnis lascivia<br>Famem passi, supplicia,<br>Adepti sunt trans aethera<br>Aeterna Christi munera. |
|--|--|



- |  |   |
|--|---|
| <p>3. Quibus in fine temporum<br/>Resumptis glebis corporum<br/>Conjunctum dabis praemium,<br/>Jesu, redemptor omnium.</p> | <p>5. O quam felix memoria,<br/>Quorum jugis est gloria,<br/>Te vident, lumen luminum,<br/>Jesu, corona virginum.</p> |
| <p>4. Amictae quae perpetuis<br/>Stolis ut sol perspicuis<br/>Tecum regnabunt animae,<br/>Coeli Deus sanctissime.</p>      | <p>6. Per eorum precamina<br/>Dimissa culpae sarcina<br/>Perveniamus nitidi<br/>Ad coenam agni providi.</p>           |
7. Sit laus et jubilatio  
Patri, pneumati, filio,  
Tribus est una deitas,  
O lux beata trinitas.

Brev. ms. Laudunense saec. 15. Cod. Pianoren. M 91. A. — Brev. No-  
viomense imp. Parisiis 1515. B. — 7, 1 Sit laus et B.

#### 445. In Festo Reliquiarum.

##### Ad Laudes.

- |  |  |
|--|--|
| <p>1. Quorum coetus angelici<br/>Sub hierarchia triplici<br/>In coelesti jam curia<br/>Sacra canunt solemnia,</p>    | <p>4. Istos in fine saeculi<br/>Vocabit salus populi,<br/>Cum carnali velamine<br/>Augens decoro lumine.</p>             |
| <p>2. Corporalem materiam<br/>Venerantes, memoriam<br/>Eorum dignam laudibus<br/>Laetis canamus mentibus.</p>        | <p>5. Ut horum, Jesu, meritis<br/>Cunctis noxis depositis<br/>Coeli pascamur adipe,<br/>Haec vota clemens accipe.</p>    |
| <p>3. Motus nostros ac opera<br/>Dirigat salutifera<br/>Christus et bonis actibus<br/>Placatus sanctis precibus.</p> | <p>6. Sumptisque glebis carneis<br/>Cum dotibus sidereis<br/>A dextris digni recipi,<br/>Christo canamus principipi.</p> |
7. Et ut patrem ingenitum,  
Filium et paraclitum,  
Te laudemus cum fletibus,  
Infunde lumen cordibus.

Brev. ms. Laudunense saec. 15. Cod. Pianoren. M 91. A. — Brev. No-  
viomense imp. Parisiis 1515. B.

#### 446. De sancto Remigio.

- |   |  |
|---|--|
| <p>1. Remigi, praesul inclite,<br/>Patrone gentis Gallicae,<br/>Quem nasciturum mysticus<br/>Praenuntiavit angelus.</p> <p>2. Qui matrem diu sterilem<br/>Fecisti prole nobilem<br/>Et necdum corpus possidens<br/>Vicinis notus factus es.</p> <p>3. Qui clerum sive populum<br/>Frequenti caede territum,<br/>Desuetum sorte bellica<br/>Ope servasti coelica.</p> <p>4. Post haec bellator optimus<br/>Vicisti taetros spiritus<br/>Et perduellem Franciam<br/>Fecisti Deo subditam.</p> | <p>5. Pro tantis ergo meritis<br/>Aeternis gaudes praemiis<br/>Indutus stola candida,<br/>Quam dedit innocentia.</p> <p>6. Ora pro nobis, quaesumus,<br/>Diem festum colentibus,<br/>Quo finem sumens carneum<br/>Capis vitae commercium.</p> <p>7. Hic si quid digne canimus,<br/>Decerne tuis laudibus,<br/>Si sonant negligentiae,<br/>Oramus indulgentiam.</p> <p>8. Per mundi regem Dominum<br/>Sibique natum unicum.<br/>Per spiritum paraclitum,<br/>Qui regnat in perpetuum.</p> |
|---|--|

Hymn. ms. Pratense saec. 14. Cod. Parisin. 12040. A. — Psalt. ms. Borkense A 6 saec. 15. B. — Antiph. ms. Borkense A 2 saec. 15. C. — 3, 3 Quosque tu sorte bellica BC. — 6, 3 sumis BC. — Nach Str. 6 schieben BC ein:

Laboris nostri conscius  
Suspende poenas precibus,  
Ut pace nobis reddita  
Psallamus tibi cantica.

7, 1 His si quid C. — 7, 2 Tuis decerne BC. — 7, 3 sonat BC. — 8, 2 Sibique fehlt BC. — 8, 3 Per coaeternum spiritum BC. — 8, 4 Qui vivis BC.

#### 447. De sancto Remigio.

Ad Nocturnum.

- |   |  |
|---|--|
| <p>1. Psallamus chordis, organo<br/>Pontificum dignissimo,<br/>In nostrorum remedio<br/>Vocitato Remigio.</p> <p>2. Qui plebi lumen Remicae<br/>Donatus et clarescere,<br/>Hanc illustravit lumine,<br/>Divini verbi semine.</p> <p>3. Operum in magnalibus<br/>Miris fulgens virtutibus,<br/>Spes in se confidentium,<br/>Suarum custos ovium.</p> | <p>4. Languore pressos reparans,<br/>Nocturnos hostes effugans,<br/>Ad hoc se cunctis dederat,<br/>Ut cunctos lucrifaceret.</p> <p>5. Sic splendens per magnifica<br/>Sanctitatis insignia,<br/>Hic tandem capitolia<br/>Cum palma petit supera.</p> <p>6. Nunc, patrone piissime,<br/>Nobis concessus, propere<br/>Ad nos supplices respice,<br/>Vota servorum suscipe.</p> |
|---|--|

7. Deo patri sit gloria.

Brev. ms. S. Remigii Remen. saec. 13. Cod. Remen. 290 A. — Brev. ms. Vallis Maurianae saec. 12/13. Cod. Carpolopolitan. 14. B. — 4, 4 salvos faceret A. — 6, 2 concessu proprie B.

448. De sancto Remigio.

Ad Laudes.

- |  |  |
|--|--|
| 1. Remigi, praesul inclite,<br>Christi athleta splendide,<br>Adesto nostris precibus,<br>Quas pie tibi fundimus. | 3. Adesse tuis famulis<br>Dignare dux amabilis,<br>Sentiant nostra pectora<br>Semper tua munimina.     |
| 2. O gloriose pontifex,<br>Nostrae salutis opifex,<br>Ut digne demus cantica,<br>Disrumpe nostra crimina.        | 4. Tu es nostrum refugium,<br>Tu robur potentissimum,<br>Tu salus et protectio<br>Nostraque jubilatio. |
| 5. Dona, creator omnium,<br>Qui es vita viventium,<br>Ut precibus Remigii<br>Te valeamus perfrui.                |  |

Brev. ms. S. Remigii Remen. saec. 13. Cod. Remen. 292.

449. De sancto Restituto.

Ad Vesperas.

- |  |  |
|--|--|
| 1. Jesu Christe, rex gloriae,<br>Tuae virtus potentiae<br>Per spiritum paraclitum<br>Nos mundet labe criminum. | 4. Pie pastor egregie,<br>Restitute sanctissime,<br>Nostris adesto precibus,<br>Ut fruamur coelestibus.          |
| 2. Per Restituti merita<br>Nos tua reple gratia,<br>Ut tibi laudes jugiter<br>Persolvamus alacriter.           | 5. Ut cum Christus advenerit,<br>Mercedem dare famulis,<br>Simul cum sanctis omnibus<br>Jungat nos poli sedibus. |
| 3. Cui lumen et seriem<br>Oculorum in faciem<br>Dedisti suis meritis,<br>Nobis ignosce famulis.                | 6. Deo patri et filio,<br>Sancto simul paraclito<br>Sit laus semper et gloria<br>Per saeculorum saecula.         |

Antiph. ms. S. Martialis Lemovicen. saec. 14. Cod. Parisin. 916.

450. De sancto Restituto.

Ad Laudes.

- |  |   |
|--|---|
| 1. Rex Christe clementissime,<br>Praesta pacem ecclesiae,<br>Illam regendo dirige<br>Nosque fovendo protege. | 2. Precibus nos et meritis<br>Restituti pontificis<br>In tuo jungas agmine,<br>Quos redemisti sanguine. |
|--|---|

- |  |   |
|--|---|
| <p>3. Gregem, clerum, pontifices<br/>Catholicosque principes<br/>Conserva sub justitia<br/>Tua favente gratia.</p> <p>4. Splendor aeterni luminis<br/>Cum igne sacri numinis<br/>Nostra repleant viscera<br/>Per Restituti merita.</p> | <p>5. Opera in nos perface,<br/>Quae veniente iudice<br/>Te, Christe, tibi placita<br/>Sint nobisque proficua.</p> <p>6. Seraphim, vos intueor<br/>Haec offerreque deprecor,<br/>Vestris orationibus<br/>Ut jungamur coelestibus.</p> |
|--|---|

Antiph. ms. S. Martialis Lemovicen. saec. 14. Cod. Parisin. 916.

#### 451. De sancto Roberto.

##### Ad Vesperas.

- |  |  |
|--|--|
| <p>1. Rex Christe, vita, veritas,<br/>Pax, fides, spes et caritas,<br/>Nos per ista solemnia<br/>Divina reple gratia.</p> <p>2. Ut sancto Roberto pie<br/>Laudes canamus hodie,<br/>Qui vivens regulariter<br/>Mundum devicit fortiter.</p> <p>3. Hic justus, fortis, patiens<br/>Mundanos luxus fugiens<br/>Religionis habitum<br/>Assumens haurit meritum.</p> | <p>4. Quem Dei providentia<br/>Molismensis ecclesia<br/>Primum pastorem habuit,<br/>Sub quo pastore floruit.</p> <p>5. Tandem perquirens aspera,<br/>Locum mutans et prospera<br/>Radix fuit propaginis<br/>Cisterciensis ordinis.</p> <p>6. Qui, ut Deus providerat,<br/>Regressus, unde venerat,<br/>Coelesti cruce praevia<br/>Migravit ad coelestia.</p> |
|--|--|
7. Precemur ergo Dominum,  
Ut nos a labe criminum  
Purgatos ejus precibus  
Jungat polorum civibus.

Brev. ms. Cisterciense saec. 14. Cod. Parisin. 1344.

#### 452. De sancto Roberto.

##### Ad Matutinum.

- |   |  |
|---|--|
| <p>1. Regi coelestis patriae<br/>Hymnum canamus gloriae,<br/>Sancto Roberto debita<br/>Persolvendo solemnia.</p> <p>2. Qui rite carnis vitia<br/>Vicit et desideria,<br/>Pro quo supernis gaudiis<br/>Potitur nunc et praemiis.</p> | <p>3. Cultum ecclesiasticum<br/>Et ordinem monasticum<br/>Auxit, ut Deo spiritum<br/>Post vitae daret exitum.</p> <p>4. Dei nostri potentia<br/>Per ipsius suffragia<br/>Salutem confert languidis<br/>In caritate fervidis.</p> |
|---|--|

- |  |  |
|--|--|
| <p>5. Tuam, Deus, clementiam<br/>Deposcimus et gratiam,<br/>Ut ejus sanctis precibus<br/>Nos jungas coeli civibus.</p> | <p>6. Sit trinitati gloria,<br/>Sit salus individua,<br/>Honor et lux perpetua<br/>Per infinita saecula.</p> |
|--|--|

Brev. ms. Cisterciense saec. 14. Cod. Parisin. 1344.

#### 453. De sancto Romano.

Ad Vesperas.

- |  |  |
|--|--|
| <p>1. Exsultet conjubilando<br/>Deo nostra concio<br/>In honore tanti patris<br/>tam sanctique praesulis,<br/>Cujus ortum praedixere<br/>patri cives coelici.</p> <p>2. Hic adeptus pastoralis<br/>dignitatem culminis<br/>Gregem suum propagavit<br/>justeque excoluit,<br/>Multa saepe mira fecit,<br/>quia Deo placuit.</p> <p>3. Impetu furentis aquae<br/>populum eripuit,<br/>Vas quassatum reparavit<br/>cum liquore chrismatis,<br/>Mystici enim fragrabat<br/>ex odore balsami.</p> | <p>4. Macerando se mactabat<br/>viva Christi hostia,<br/>Illibanda frequentabat<br/>divina mysteria,<br/>Inde sibi Dei sancta<br/>emicuit dextera.</p> <p>5. Hunc sequamur carnis fluxus<br/>compescendo impetum,<br/>Reparemus nos, effusum<br/>colligendo balsamum,<br/>Nos mactando dextrae Dei<br/>mereamur aditum.</p> <p>6. Gloriam Christo canamus<br/>in laude pontificis,<br/>Gloriam ut sibi datam<br/>a Deo, quam meruit,<br/>Cum salute jugi suis<br/>impetret oviculis.</p> |
|--|--|

Brev. ms. Rotomagense saec. 15. Cod. Sangenovesian. BBl. VIII<sup>o</sup>. 20.  
A. — Brev. ms. Rotomagense saec. 15. Cod. Rotomagen. 201. B. — Brev.  
Rotomagense imp. 1491. C.

#### 454. De sancto Romano.

Ad Laudes.

- |   |   |
|---|---|
| <p>1. O praeclare miles Christi<br/>admirandi meriti,<br/>Nasciturum genitori<br/>quem praedixit angelus,<br/>Ut ad regnum renascamur,<br/>adjuva, perpetuum.</p> | <p>2. Ut, quos terra culpa stratos<br/>edidit miseriae,<br/>Tua prece revelatos<br/>reddas coeli gloriae,<br/>Decus omne nunc, Romane,<br/>confessor egregie,</p> |
|---|---|



3. Vota precum famulorum  
dignare suscipere,  
Ut tuis redemptor orbis  
assiduis precibus  
Nos purgatos a peccatis  
jungat coeli civibus.

4. Gloriam canamus Deo  
in laude pontificis,  
Gloriam ut sibi datam  
a Deo, quam meruit,  
Cum salute jugi suis  
impetret oviculis.

Brev. ms. S. Audoeni Rotomagen. saec. 13. Cod. Rotomagen. 192. A. — Brev. ms. Lexoviense saec. 15. Cod. Sussionen. 106. B. — Brev. ms. Rotomagen. saec. 15. Cod. Sangenevian. BBl. VIII<sup>o</sup> 20. C. — Brev. ms. Rotomagen. saec. 15. Cod. Rotomagen. 201. D. — Brev. ms. Lexoviense saec. 15 (Privatbesitz). E. — Brev. Rotomagen. imp. Rotomagi 1491. F. — 4, 1 Gloria et honor Deo A; Gloriam Christo C. — 4, 3 ut fehlt B.

#### 455. De sancto Samsone.

1. Samsoni superis associato,  
In coelis etiam glorificato  
Pangamus, socii, cantica grata,  
Ut simus Domino templa sacrata.  
Sorde remota.
2. Samson naufragio carnis in isto  
Omnino studuit vivere Christo,  
Nudo vestis erat, largus egeno  
Fundebatque Deo pectore pleno  
Congrua vota.
3. Ergo signipotens atque modestus  
Illuxit populis ut vir honestus,  
Praesul quippe Deo thurificabat  
Vel sese potius sacrificabat  
Cordis in ara.
4. Gaude, metropolis aula Dolensis,  
Samson dux tuus est atque Britannis,  
Qui nunc in superis jure locatus  
Ut sol irradiat mirificatus  
Atria clara.
5. Laus individuae sit deitati  
Laus sit summa patri, laus quoque proli,  
Laus sit spiritui cuncta replenti,  
Laus regum Domino cuncta regenti  
Omne per aevum.

Cod. Vatican. Reg. 1351. add. saec. 12 A. — Cod. Parisin. 5350. saec. 14. B. — Erstere Handschrift enthält Carmina Baldrici, abbatis Burguliensis, in Andegavis, der später Bischof von Dol war. Da andere Zuschriften, z. B. fol. 3b nachweislich von ihm sind, so wohl auch diese. — 1, 5 Corde remota B. — 2, 5 vota fehlt B. — 5, 1 sit trinitati A.

456. De sancto Samsone.

- |   |  |
|---|--|
| <p>1. Claris satus natalibus,<br/>Samson, nitens virtutibus,<br/>Vixit sacerdos inclitus,<br/>Totus supernis deditus.</p> <p>2. Emetiana patria<br/>Anglos polivit gloria,<br/>Citra Britannos extulit,<br/>Quos archipraesul sustulit.</p> | <p>3. Sacris amictus infulis<br/>Votisque mactus sedulis<br/>Et clarus in miraculis<br/>Sol luxit alter saeculis.</p> <p>4. Haec est dies, qua spiritum<br/>Ejus catervae coelitum<br/>Videre jungi civibus<br/>Semper Deum cernentibus.</p> <p>5. Sit trinitati gloria,<br/>Sit perpes excellentia,<br/>Laus unitati sedula<br/>Per saeculorum saecula.</p> |
|---|--|

Cod. Vatican. Reg. 1351. add. saec. 12. A. — Cod. Parisin. 5350. saec. 14. B. — 2, 1 Emetia patria B. — 3, 2 Votisque macer B. — Vgl. das zum vorhergehenden Hymnus bemerkte.

457. De Sororibus BMV.

In Vesperis.

- |  |   |
|--|---|
| <p>1. Pia mater ecclesia<br/>Laeto corde et humili<br/>Depromat clara merita<br/>Sororum matris Domini.</p> <p>2. Gignit Maria Cleophae<br/>Ex Alpheo discipulos<br/>Christi Thaddaeum, Simonem,<br/>Joseph, minorem Jacobum.</p> <p>3. Felix Maria Salome<br/>Ex Zebedaeo geminos<br/>Fratres Joannem, Jacobum<br/>Gignit, Jesu carissimos.</p> | <p>4. Spernentes transitoria<br/>Sequuntur hae cum liberis<br/>Redemptoris vestigia,<br/>Non ex favore generis.</p> <p>5. Jesus, Mariae filius,<br/>Pater, frater et dominus,<br/>Sororum matris precibus<br/>Nos jungat coeli civibus.</p> <p>6. Sit illi laus et gloria,<br/>Honor, virtus, victoria,<br/>Qui resurgens ex mortuis<br/>Apparuit materteris.</p> |
|--|---|

Brev. ms. Romanum saec. 15. Cod. Parisien. 13244.

458. De Sororibus BMV.

Ad Laudes.

- |   |  |
|---|--|
| <p>1. Sorores almae virginis,<br/>Mariae, matris Domini,<br/>Nepotem nunquam deserunt,<br/>Quem toto corde diligunt.</p> <p>2. Verum Deum et hominem<br/>Mori videntes condolent,<br/>Matrem fere exanimem<br/>Humo jacentem sublevant.</p> | <p>3. Ad monumentum veniunt<br/>Emptis unguentis optimis,<br/>Defunctum non inveniunt,<br/>Hinc terram rigant lacrimis.</p> <p>4. Sermone blandus angelus<br/>Praedixit mulieribus:<br/>In Galilaea Dominus<br/>Videndus est quantocius.</p> |
|---|--|

- |   |   |
|---|---|
| <p>5. Illae dum pergunt concite,<br/>Apostolis hoc dicere,<br/>Videntes eum vivere<br/>Osculantur pedes Domini.</p> | <p>6. Sit illi laus et gloria,<br/>Honor, virtus, victoria,<br/>Qui resurgens ex mortuis<br/>Apparuit materteris.</p> |
|---|---|

Brev. ms. Romanum. saec. 15. Cod. Parisien. 13244.

#### 459. De Sororibus BMV.

Ad Laudes.

- |  |  |
|--|--|
| <p>1. Chorus colat fidelium<br/>Beatarum solemnum,<br/>Quae cum Maria virgine<br/>Coeli fruuntur lumine.</p>         | <p>3. Ergo, beatae, meritis<br/>Vestris captate subditis,<br/>Ut post mundana funera<br/>Transferamur ad supera.</p> |
| <p>2. Ad sepulchrum Dominicum<br/>Unguentum ferunt mysticum<br/>Mane prima diluculo,<br/>Orto jam solis spiculo.</p> | <p>4. Sit laus patri propitio<br/>Ejusque soli filio<br/>Una cum sancto flamine<br/>Sub uno Dei nomine.</p>          |

Brev. ms. Arelatense saec. 15. Cod. Parisin. 1284. A. — Brev. S. Gudilae Bruxellen. imp. Parisiis 1516. B. — Brev. Aptense imp. Lugduni 1532. C. — Brev. Illerdense imp. Illerdae 1479. D.

#### 460. De Sororibus BMV.

In 2. Vesperis.

- |  |   |
|--|---|
| <p>1. Exsultet coeli curia,<br/>Resultet haec ecclesia,<br/>Plaudat tellus Provinciae<br/>Deum collaudans hodie.</p> | <p>4. Sororum matris virginis,<br/>Laudum stirpis et nominis,<br/>Duae Christi materterae<br/>Secum gaudent in aethere.</p> |
| <p>2. Maritimae confinio<br/>Villa gaude cum gaudio,<br/>Quae sororum suffragiis<br/>Dotaris et reliquiis.</p>       | <p>5. Matres et duo Jacobi<br/>Captent, ne simus reprobri,<br/>Dies magna cum venerit,<br/>Et iudex summus aderit.</p>      |
| <p>3. Arelatis dioecesis,<br/>Totius expers haeresis,<br/>Intra tuos sunt limites<br/>Corporum sancti stipites.</p>  | <p>6. Sit laus patri propitio<br/>Ejusque soli filio<br/>Una cum sancto flamine<br/>Sub uno Dei nomine.</p>                 |

Brev. ms. Arelatense saec. 15. Cod. Parisin. 1284. A. — Brev. ms. Aquense saec. 15. Cod. Parisin. 1061. B. — Brev. S. Gudilae. Bruxellen. imp. Parisiis 1516. C. — Brev. Aptense imp. Lugduni 1532. D. — Brev. Illerdense imp. Illerdae 1479. E. — 3, 1 Arelatensis B. — 5, 1 Matres duorum Jacobi BD. — 6, 1 laus Deo B.

461. De sancto Stephano.

1. Jam rutilat sacrata dies et splendida valde,  
Qua mundo colitur toto Stephanus protomartyr.
2. Namque dies hesternæ Deum conspexit in arvis,  
Natum hæc Stephanum celso peperit paradiso.
3. Sic Stephanus, dignis meritis et stemmatis, illo,  
Quod nomen resonat, fulget decoratus honore.
4. Sanguineas miscens acies cum gente feroci,  
Hic victor meruit claros retulisse triumphos.
5. Nos humiles, martyr redolens, te poscimus omnes,  
Horrendi facias hostis vacuisse malignas
6. Insidias et quam veniam pro caede rependis,  
Nostris hanc maculis prono refer ore precamur.
7. Sicque Deo nato tribuas haerere supernis,  
Cui sit magnifice virtus et honor sine fine.

Brev. ms. Anglicum saec. 10. Cod. Londinen. Harl. 2961. A. — Hymn. ms. Anglo-Saxonicus saec. 11. Cod. Londinen. Vesp. D XII. B. — 3, 2 Hic Stephanus A. — 5, 1 Hos humiles A. — Vgl. Stephenson S. 47.

462. De sancto Stephano.

Ad Vesp. et Noct.

- |   |   |
|---|---|
| 1. Adest beato martyri<br>Dies dicatata Stephano,<br>Qui primus est per bravium<br>Donatus aulae siderum.               | 3. Petrae cadebant undique<br>Artus necantes candidos,<br>Et ille voto supplici<br>Hostes fovebat proprios.   |
| 2. Aeterna lux per virginem<br>Cunctis data est mortalibus,<br>Et nunc per undas sanguinis<br>Coelos petivit Stephanus. | 4. Te martyr invictissime,<br>Deposimus, promptissime<br>Ut nos ab omni crimine<br>Solvās et astris mancipēs. |
| 5. Quod ipse nobis annuat,<br>Qui cuncta verba ponderat,<br>In trinitatis gloria<br>Per infinita saecula.               |   |

Psalt. ms. Tolosanum saec. 14. Cod. Tolosan. 72. A. — Brev. Agathense imp. Valentiae 1510. B. — Brev. Senonense imp. Parisiis 1519. C. — Brev. Tolosanum imp. Parisiis 1553. D. — Str. 2 fehlt BD. — Der Hymnus steht zum Feste der Translatio S. Stephani, gehört aber inhaltlich dem Natale an,

463. De sancto Stephano.

Ad Laudes.

- |  |  |
|--|--|
| 1. Miles Christi gloriose,<br>protomartyr Stephane,<br>Tuo pio interventu<br>culpae nostras ablue,<br>Ut coelestis regni sedes<br>valeamus scandere. | 2. Ave pater pretiose,<br>summo patri proxime,<br>Admiranda, qua praecellis<br>apud Deum, gratia,<br>A commissis nos emunda,<br>ne cadamus, sustine. |
|--|--|

3. Gloria et honor Deo.

Brev. ms. Stephani Divionen. saec. 14. in. Cod. S. Josephi Lugdunen.  
Y a 5.

464. In Inventione s. Stephani.

- |  |   |
|--|---|
| 1. Jacebant sancta corpora<br>Occulta multa tempora<br>Sancti levitae Stephani,<br>Gamalielis, Nicodemi. | 6. Quod praesul mox ut audiit,<br>Laetus nimium exstitit,<br>Convocatis episcopis<br>Certatim terram fodiit.    |
| 2. Per visum ter apparuit<br>Gamaliel et monuit<br>Lucianum presbyterum,<br>Quem misit ad episcopum      | 7. Inventum est sanctissimi<br>Corpus beati Stephani,<br>Mox facta est fragrantia<br>Suavitatis maxima.         |
| 3. Johannem venerabilem<br>Sanctae Solymae ecclesiae,<br>Quod illius temporibus<br>Revelavit altissimus  | 8. Septuaginta homines<br>Mox facti sunt incolumes,<br>Quicumque venit debilis,<br>Laetus sua repetiit.         |
| 4. Corpus beati Stephani<br>Et meum et Nicodemi,<br>Eorum quippe meritis<br>Salus dabitur populis.       | 9. Cum hymnis atque laudibus<br>Et gaudiorum vocibus<br>Condivit corpus inclitum<br>In locum condignissimum.    |
| 5. Nuntiavit episcopo<br>Lucianus sanctissimo<br>Visionem, quam viderat,<br>Ut sibi dictum fuerat.       | 10. Rogemus sanctum Stephanum,<br>Defendat Christi populum,<br>Exoret pro fidelibus<br>Et cunctis peccatoribus. |
11. Laus patri sit et filio,  
Spiritus paraclito,  
Qui coronavit Stephanum,  
Benedictus per saecula.

Hymn. ms. Veronensis saec. 10. Cod. Capit. Veronen. 109. — 6, 1  
adiit. — 7, 1 Inventus. — 7, 3 flagrantia.



465. In Inventionē s. Stephani.

Ad Vesperas.

- |  |  |
|--|--|
| 1. Exsultet nostra concio<br>Ad haec pia solemnia,<br>Psallat nostra devotio,<br>Beata nobis gaudia.         | 4. Ut fertur, vir Gamaliel<br>Venit ante luciferum,<br>Quem misit Deus Israel,<br>Conditor almus siderum.        |
| 2. Ille, qui clausus tumulo<br>Longo fuerat tempore,<br>Revelatur in saeculo<br>Jam lucis orto sidere.       | 5. Luciano apparuit<br>Vir iste nocte media,<br>Stephanum dignum docuit<br>Aeterna coeli gloria.                 |
| 3. Sol reclusus in nubibus<br>Refulget super aethera,<br>Exsulemus cum laudibus,<br>Lux, ecce, surgit aurea. | 6. Hic passionem fortiter<br>Pro Christo passus fuerat,<br>Nunc laetatur feliciter,<br>Vox clara, ecce, intonat. |
| 7. Rex Christe clementissime,<br>Tibi laus, tibi gloria<br>Virtutis invictissimae<br>In sempiterna saecula.  |  |

Brev. Narbonense imp. Carcassonae 1535.

466. In Inventionē s. Stephani.

Ad Nocturnum.

- |  |  |
|--|--|
| 1. In his sacris solemniiis<br>Exsulemus cum gaudio,<br>Reple cor nostrum gaudiis,<br>Jesu, nostra redemptio.    | 4. Quae te vicit clementia,<br>Ut pro te lapidantibus<br>Orares ad supplicia?<br>Exsultet coelum laudibus.   |
| 2. Haec lux serenū conferat<br>Atris propulsis nubibus,<br>Quae clausum lumen reserat<br>Somno refectis artubus. | 5. Ipsa cogat, ut precibus<br>Tuis nos super aethera<br>Ducas, ut dentur omnibus<br>Aeterna Christi munera.  |
| 3. Ora pro nobis jugiter,<br>Christi miles egregie,<br>Ne nos condemnet acriter<br>Splendor paternae gloriae.    | 6. Rex Christe clementissime,<br>Tibi laus, tibi gloria<br>Virtutis invictissimae,<br>In sempiterna saecula. |

Brev. Narbonense imp. Carcassonae 1535.

467. In Translationē s. Stephani.

Ad Vesp. et Laud.

- |  |   |
|--|---|
| 1. Festiva dies rutilat<br>Orbis decorans climata,<br>Humana cum coelestibus<br>Divina plaudunt cantica. | 2. Stephani admirabilis<br>Et omni mundo celebris<br>Plebs ditata prodigiis<br>Signis atque multimodis. |
|--|---|

- |  |   |
|--|---|
| <p>3. <i>Sacratus ab apostolis</i><br/> <i>Levita primus merito,</i><br/> <i>Cunctis prior apostolis</i><br/> <i>In coeli fulget solio.</i></p>                | <p>4. <i>Corporis ejus hodie</i><br/> <i>Adest mira translatio,</i><br/> <i>Quod fultum Dei gratia</i><br/> <i>Nunc vivit per miracula.</i></p> |
| <p>5. <i>Praestet pater et filius,</i><br/> <i>Praestet amborum spiritus,</i><br/> <i>Praestet verax et veritas,</i><br/> <i>Praestet amborum caritas.</i></p> |   |

Brev. ms. Bituricense saec. 15. Cod. Pianoren. M 21. — 5, 3 via et veritas.

#### 468. De sancto Stephano.

Ad Nocturnum.

- |   |  |
|---|--|
| <p>1. <i>Stephane martyr, supplices</i><br/> <i>Te poscimus, ut visites</i><br/> <i>Nosque Jesu concilies,</i><br/> <i>Ut simus ipsi compotes.</i></p>  | <p>3. <i>Corporis tui hodie</i><br/> <i>Adest mira translatio,</i><br/> <i>Quod fultum Dei gratia</i><br/> <i>Nunc vivit per miracula.</i></p>         |
| <p>2. <i>Martyr insignis, supplica,</i><br/> <i>Quod noxis detur venia,</i><br/> <i>Christus a malis eximens</i><br/> <i>Nos ducat ad perennia.</i></p> | <p>4. <i>Adesto nunc et percipe</i><br/> <i>Voces precantum supplices,</i><br/> <i>Nostri reatus efficax</i><br/> <i>Orator ad thronum patris.</i></p> |

Brev. ms. Bituricense saec. 15. Cod. Pianoren. M 51. A. — Brev. Bituricense imp. Venetiis 1481. B. — 1, 3 consimiles B. — 2, 3 exuens B. — 3, 1 *Corporis ejus* A. — 3, 2 sqq. fehlen AB; vgl. den vorhergehenden Hymnus.

#### 469. De sancto Sulpitio.

Ad Vesperas.

- |  |   |
|--|---|
| <p>1. <i>Magnae dies laetitiae</i><br/> <i>Nobis illuxit coelitus,</i><br/> <i>Thronum conscendit gloriae</i><br/> <i>Sulpitius vir inclitus.</i></p>  | <p>3. <i>Clerus Valentinensium</i><br/> <i>Felici gaudet gloria,</i><br/> <i>Qui ducem tam egregium</i><br/> <i>Habet in coeli curia.</i></p>     |
| <p>2. <i>Hic praesul beatissimus</i><br/> <i>Virtutum fulgens titulis</i><br/> <i>Ac meritis clarissimus</i><br/> <i>Cunctis refulsit populis.</i></p> | <p>4. <i>Trino Deo laus debita</i><br/> <i>Reddatur atque gloria,</i><br/> <i>Qui nos per hujus merita</i><br/> <i>Ducat ad coeli gaudia.</i></p> |

Brev. ms. Valentinense saec. 15. Cod. Atrebaten. 1142 (552).

#### 470. De sancto Swithuno.

1. *Aurea lux patriae, Wentana splendet in urbe,*  
*Switnun sanctus adest, aurea lux patriae.*
2. *Blande patrone, tuis succurre benignus alumnis,*  
*Confer opem famulis, blande patrone tuis.*
3. *Culmina celsa poli felici calle petisti,*  
*Et nobis aperi culmina celsa poli.*

4. *Dextera sancta Dei terrae benedixit in omni,  
Nos et ubique regat dextera sancta Dei.*
5. *Euge, beate pater, meritoque et nomine fulgens,  
Undique signipotens, euge, beate pater.*
6. *Fulgida lux hodie nostris lucescit in oris,  
Spargit ubique jubar fulgida lux hodie.*
7. *Gentibus Angligenis solemnna festa recurrunt  
Et renovant jubilum gentibus Angligenis.*
8. *Haec veneranda dies astris arridet et arvis  
Estque decora nimis haec veneranda dies.*
9. *Illa videre tuum meruit super astra meatum,  
Digna fuitque obitum illa videre tuum.*
10. *Kastra beata poli psallunt jubilando tonanti  
Congaudentque tibi castra beata poli.*
11. *Laeta vident Dominum felicia corda piorum  
Et tecum jugiter laeta vident Dominum.*
12. *Mitis ades miseris, relevans a clade catervas,  
Languida restituens, mitis ades miseris.*
13. *Nulla camoena tuas potis est evolvere laudes,  
Narrat virtutes nulla camoena tuas.*
14. *O medicina potens, quae morbida corpora sanas,  
Nos sana fragiles, o medicina potens.*
15. *Protege, sancte, tuos pia per suffragia servos  
Nos et ab adversis protege, sancte, tuos.*
16. *Quae tua cuncta potest insignia promere lingua,  
Pangere vox merita quae tua cuncta potest?*
17. *Regibus ac miseris idem patronus haberis  
Subveniens pariter regibus ac miseris.*
18. *Solve nefas scelerum disrumpe et vincla reorum,  
Flebile nostrorum solve nefas scelerum.*
19. *Te petitore Deus prius est praestare paratus,  
Parcit et audivit te petitore Deus.*
20. *Vox tua celsithronum potis est placare tonantem,  
Flectit et ad veniam vox tua celsithronum.*
21. *Xristus ab arce poli dat te rogitante salutem,  
Mittit et omne bonum Christus ab arce poli.*
22. *Ymnifer iste chorus solvit tibi cantica laetus,  
Permaneant gaudens hymnifer iste chorus.*
23. *Zelus amarus abest, ubi saecula per omnia pax est,  
Pax ubi Christus adest, zelus amarus abest.*
24. *Agmen Amen resonat, quod ibi cum laude triumphat,  
Cum Christo regnans agmen Amen resonat.*

25. Mens habitans inibi canit Alleluja tonanti,  
Exsultans jubilat mens habitans inibi.
26. En tibi, sancte pater, modicum cantavimus hymnum,  
Quem commendamus, en tibi, sancte pater.
27. Nomina nostra choro sint sociata superno,  
Stent et in angelico nomina nostra choro.

Cod. Londinen. Nero E 1. saec. <sup>11/12</sup>. — „Finit hymnus in honore sancti et beati patris Switnuni, gentis Anglorum pii suffragatoris, editus elegiaco et paracterico, hoc est repercusso carmine, per alphabetum compositus atque in ejus sacratissima depositione sub die sexta nonarii Juliarum, qua feliciter ad regna migravit coelestia, solemniter recitatus.“

#### 471. De sancto Theodorico.

Ad Vesp. et Laud.

- |   |   |
|---|---|
| 1. Festiva Christo cantica<br>Nunc turba fratrum concinat,<br>Qui semper in sanctis suis<br>Mirandus et laudabilis. | 5. Praeclarus hic in dogmate<br>Et actibus sublimior<br>Multis parabat perviam<br>Artam polorum semitam.    |
| 2. Theodoricum terrea<br>Et carnis oblectamina<br>Qui corde fecit spernere<br>In seque mentem figere.               | 6. Divina mox elementia<br>Miraculis hunc radiat,<br>Ut verba vitae seminans<br>Et sanitates conferat.      |
| 3. Is ergo spernens saeculum<br>Christoque sponsam conferens<br>Coelestis aulae praeivium<br>Sibi petit Remigium.   | 7. Nam suscitavit unicam<br>Theodorici filiam<br>Ipsique regi postea<br>Lumen restaurat turbidum.           |
| 4. A quo salubri dogmate<br>Cum doctus esset optime,<br>Datus pater coenobio,<br>Fundat poli quod nuntio.           | 8. Oremus ergo supplices,<br>Nos hujus ut precatibus<br>A vitiis Christus levet<br>Illustretque virtutibus. |
| 9. Sit laus, decus, virtus, honor<br>Patri, proli, paraclito,<br>Sit trinitati gloria<br>Uni Deo per saecula.       |   |

Brev. ms. S. Theodorici saec. 12. Cod. Remen. 189 (151). A. — Brev. ms. S. Theodorici saec. 12. Cod. Remen. 193 (190). B. — Brev. ms. S. Theodorici saec. 14. in. Cod. Remen. 191 (207). C. — Brev. ms. S. Theodorici saec. 14. in. Cod. Remen. 192 (208). D. — Der Hymnus ist von Huchald; vgl. Migne 132, 826.

#### 472. De sancto Theodorico.

Ad Matutinum.

1. Exsultet Domino mente serena  
Laudes ac jubilos concio nostra  
Solvens almifluis atque colendis  
Festis eximii Theodorici.



2. Qui tactus radiis spiritus almi,  
Dum transire videt, gaudia mundi  
Sprevit, clara figens lumina mentis,  
Quo nos certa vocant munera Christi.
3. Hic nam Remigii dogma magistri  
Sectans postposuit noxia saeculi,  
Cui mox coenobii creditur ordo,  
Quem digne coluit dogmate claro.
4. In quo mira nitens coelica virtus  
Infirmos varia clade levavit  
Et regis sobolem ordine miro  
Ornando revocat mortis ab antro.
5. Tu nos ergo, pie Christe redemptor,  
Istius meritis solve, precamur,  
Cunctis criminibus atque beatis  
Jungas agminibus lumine regni.
6. Sit laus ingenito gloria patri,  
Virtus atque decus sit genitoque,  
Majestas similis paraclitoque,  
Unus qui Deus est tempore saeculi.

Brev. ms. S. Theodorici saec. 12. Cod. Remen. 189 (151). A. — Brev. ms. S. Theodorici saec. 12. Cod. Remen. 193 (190). B. — Brev. ms. S. Theodorici saec. 14. in Cod. Remen. 191 (207). C. — Brev. ms. S. Theodorici saec. 14. in. Cod. Remen. 192 (208). B. — Verfasser ist Huchbald; vgl. Migne l. c.

#### 473. De sancto Theofredo.

Ad Vesperas.

- |  |  |
|--|--|
| <p>1. Harmonizans mater ecclesia<br/>Novitatis frequenta gaudia<br/>In renascentis filii<br/>Theofredi solemnio,<br/>Palnam miri martyrii<br/>Miro psallens eulogio.</p> | <p>4. O athleta pollens victoria,<br/>In agonis pugna tam anxia<br/>Dux esto contubernii<br/>In tuo jam coenobio,<br/>Affectati denarii<br/>Concurrentis pro bravio.</p> |
| <p>2. Nomen tuum dignum memoria<br/>In aeterna coelorum patria<br/>Mirabilis praeconii<br/>Effertur privilegio,<br/>Tui dum proles gremii<br/>Oboritur martyrio.</p>     | <p>5. Digna laude, digno praeconio<br/>Lauda regem cum desiderio,<br/>Viri qui tam egregii<br/>Morte mori nescia<br/>Gentes tui confinii<br/>Tutelavit, Vallavia.</p>    |
| <p>3. Nunc ad summam pari concordia<br/>Majestatem regentem omnia<br/>Orthodoxi collegii<br/>Spireset fidelis unio,<br/>Ut tanti primicerii<br/>Obducatur auxilio.</p>   | <p>6. O pastoris mira dilectio,<br/>Latent oves ejus imperio<br/>Cum ipse sacrificii<br/>Offerri velit hostia,<br/>Eja, tanti patricii<br/>Attollamus praeconia.</p>     |



- |                                 |                             |
|---------------------------------|-----------------------------|
| 7. Mundo spreto mundique gaudio | 8. In excelso sedenti solio |
| Ejus almo fulti suffragio,      | Summo patri ejusque filio   |
| Aeterni regis gaudii            | Nec non sacro spiramini     |
| Sancta colentes praedia,        | Aeterna danti praemia       |
| Sui nos mercenarii              | In signum sit dominii       |
| Vitae fruamur gratia.           | Omnis ubique gloria.        |

Brev. ms. Calmiliacense saec. 15. Cod. Parisin. 1278. A. — Findet sich auch in dem Buche: „De l'ancienne Abbaye du Monastier-Saint-Chaffre à Messieurs les abbés d'icelle par le P. Odo de Gissey. Manuscrit inédit publié par Mr. l'Abbé G. Arsac. Le Puy 1878. B. — In B ist der Hymnus in zwei zerlegt, Str. 1—5 mit der Doxologie zur Vesper des Hauptfestes p. 43, der Rest zur Vesper der Übertragungsfeier p. 50 u. f. B. — 4, 1 O fehlt A. — 4, 2 agoniiis A. — 5, 3 sq. egregii morte fehlt A; lies emori? — 6, 4 velut A. — 7, 4 Ubique fruamur B. — 8, 2 patri fehlt A; soli filio A. — 8, 5 domini A.

#### 474. De sancto Theofredo.

1. Dulce melos, dulce praeconium  
Sancta mater psallat ecclesia,  
Cum hymnorum concentu dulcium  
Theofredi colens suffragia.
2. Vir beatus, pudoris lilium,  
Ave dato dilectis filiis  
Ovans durum subit martyrrium  
Ob amorem Christi Calmiliis.
3. Reverendum ipsius exitum  
Veneratur coelestis machina,  
Nam paganis parant interitum  
Spissa grando crebraque fulmina.
4. Agonista, Johanni similis  
Non indigne pudoris lilio,  
Par Stephano fit martyr nobilis  
Immolatus pari martyrio.
5. Non abhorrens mortis supplicium  
Aeternalem vitam consequitur,  
O mirandum athletae bravium,  
Majestate Dei jam fruitur.
6. Theofrede, trophaei laudibus  
Redimitus in coeli curia,  
Sanctis tuis orationibus  
Nos ad vera due vitae gaudia.
7. Ubi tecum morte deposita  
Intuentes lumen in lumine  
Vera semper per tua merita  
Oblectemur beatitudine.

8. Summo patri nec non et filio  
Ipsorumque sacro spiramini  
In excelsis sit jubilatio  
Sine fine cujusque termini.

Brev. ms. Calmiliacense saec. 15. Cod. Parisin. 1278. A. — Arsac. l. c. p. 44 (Str. 1—5) und 51 (Str. 5—8) B. — 2, 1 beatus endo lilium A. — 2, 2 Ave fehlt A.

#### 475. De sancto Theofredo.

##### Ad Laudes.

- |  |  |
|--|--|
| <p>1. Eja, laudum melos clarum<br/>Hymnorumque dulcium<br/>Boans jam, coenobitarum<br/>Devotum collegium<br/>Calmiliacensium,<br/>Gaude satis et non parum.</p> <p>2. Dulcius decem chordarum<br/>Perstrepet psalterium,<br/>Intonizet hydraularum<br/>Insigne tripudium,<br/>Ad Dei praeconium<br/>Edens sonos fistularum.</p> <p>3. Eja, voce nunc amoena<br/>Sono ducta sobrio<br/>Speciosa laude plena<br/>Extollat cum gaudio<br/>Puro corde praevio<br/>Nomen Christi mens serena.</p> <p>4. Nobis merces ut centena,<br/>Olim quam deceptio<br/>Subtrahit hostis obscaena<br/>In patre primario,<br/>Jugi detur bravio<br/>Aeterna sublata poena.</p> | <p>5. Summo regi studeamus<br/>Attente concinere,<br/>Eo quod nos, quem laudamus,<br/>Voluit accendere<br/>Theofredi sidere,<br/>Radio cujus speramus.</p> <p>6. Ergo, quidquid peragamus,<br/>Novo laudum genere<br/>Christo grates referamus<br/>Nos de tanti munere<br/>Viri, cujus foedere<br/>Ad vitam perveniamus.</p> <p>7. O monachorum lucerna<br/>Nobilisque claritas,<br/>Tu pietate superna<br/>In rectas nos semitas<br/>Lucis verae perditas<br/>Lucens dirige lucerna.</p> <p>8. Servos tuos ut superna<br/>Obumbret aeternitas,<br/>Annuat tua aeterna<br/>Indivisa unitas,<br/>O beata trinitas,<br/>In saecula sempiterna.</p> |
|--|--|

Brev. ms. Calmiliacense saec. 15. Cod. Parisin. 1278. A. — Arsac. l. c. p. 49 (Str. 1—5) und 51 (Str. 5—8) B. — 2, 2 Perstrepit A; Perstet et B. — 3, 1 Eja voce nimium amoena B. — 3, 5 corde primo A. — 4, 3 hosti A. — 5, 2 actende A. — 5, 5 sidere fehlt. A. — 7, 5 Lucis venere A.

#### 476. De s. Thoma Cantuariensi.

- |  |   |
|--|---|
| <p>1. Praefulgens sidus Anglicum,<br/>Jubar ecclesiasticum,<br/>Thomas, decus pontificum,<br/>Praeces adverte supplicum.</p> | <p>2. Rubens rosa martyrii<br/>Completo cursu stadii<br/>Palnam subisti bravii<br/>Finis et metae nescii.</p> |
|--|---|

- |  |   |
|--|---|
| <p>8. Innocentum collegio<br/>Te dia dispositio<br/>Addixit ab initio,<br/>Quod patet hoc indicio:</p> <p>4. Hi sub aetate tenera<br/>Caesi scandunt in aethera,<br/>Tu stans ad matris ubera<br/>Caesus migras ad supera.</p> | <p>5. Et ut vestra martyria<br/>Sunt sibi consimilia,<br/>Sic vestra sunt solemnia<br/>In natali confinia.</p> <p>6. Sit laus patri ingenito.<br/>Sit patris unigenito,<br/>Sit neumati paraclito<br/>Per infinita saecula.</p> |
|--|---|
- Cod. Oxonien. Digby 166. saec. 14/15.

#### 477. De s. Thoma Cantuariensi.

- |   |   |
|---|---|
| <p>1. A cordis blando carmine<br/>Adusque coeli limitem<br/>Tuum canamus, Domine,<br/>Thomam venustum militem.</p> <p>2. Beatus pastor anglici<br/>Regis praecepta respuit,<br/>Pro morte regis coelici<br/>Mortale caput praebuit.</p> <p>3. Causa juris ecclesiae<br/>Praesul datur exsilio,<br/>Post revocatur impie<br/>Martyr effectus gladio.</p> | <p>4. Domus pudici praesulis<br/>Praeda fuit militibus,<br/>Tota proles cum famulis<br/>Relegatur ab urbibus.</p> <p>5. Emissa est vox coelica<br/>Quae canebat Laetabitur<br/>Et canticorum cantica,<br/>Justus injuste moritur.</p> <p>6. Canta nunc, Cantuaria,<br/>Laudes nato de virgine,<br/>Qui te beavit gratia<br/>Tanti patroni lumine.</p> |
|---|---|

Psalt. ms. Sedunense saec. 14. in. Cod. Valerian. s. n. add. saec. 14/15.  
A. — Psalt. ms. Sedunense saec. 15. Cod. Valerian. s. n. B. — Mel.: A solis  
ortus cardine.

#### 478. De s. Thoma Cantuariensi.

##### Hymnus alius.

- |   |   |
|---|---|
| <p>1. Laudet chorus coelestium<br/>Omnisque vivens spiritus<br/>Tanti patris martyrium,<br/>Quem vitae laudat exitus.</p> <p>2. Templo sacrari pertulit<br/>Portis, seris patentibus<br/>Ultroque caput obtulit<br/>Enses diros vibrantibus.</p> <p>3. Innocentum hic innocens<br/>Est secutus exitium,<br/>Gestis suis nos edocens,<br/>Salutis dans indicium.</p> | <p>4. Thoma, tutor et tutela<br/>Triumphantis ecclesiae,<br/>Nos tuere, ne plus tela<br/>Nos transfigant nequitiae.</p> <p>5. Pastor cadens pavimento,<br/>Pasce nos Christi nomine,<br/>Tuo sancto sacramento<br/>Jacentes in hoc flumine.</p> <p>6. Canta nunc, Cantuaria,<br/>Laudes nato de virgine,<br/>Qui te beavit gratia<br/>Tanti patroni lumine.</p> |
|---|---|

Psalt. ms. Sedunense saec. 14. in. Cod. Valerian. s. n. add. saec. 14/15.  
A. — Psalt. ms. Sedunense saec. 15. Cod. Valerian. s. n. B. — 2, 4 Enses  
fehlt B. — 4, 2 Lies: Militantis ecclesiae?

479. De sancto Thyrso.

Ad Vesperas.

- |   |   |
|---|---|
| 1. Veni, martyr eximie,<br>Conserva tuos intimos,<br>Devotis eis praepara<br>Beata nobis gaudia.              | 4. Athleta Christi fortius<br>Agonizando increpat<br>Baldum tyrannum, superat<br>Martyr Dei, qui unicum.    |
| 2. Martyr Thyrsus protrahitur<br>Praesidente cum Bricio<br>Intrepidus et affatus<br>Vox clara, ecce, intonat: | 5. Patrem fatetur, filium<br>Et spiritum paraclitum,<br>Fatetur in martyrio.<br>Jesu, nostra redemptio,     |
| 3. Audi, praeses dirissime,<br>Christum colo purissime,<br>Unus est Deus omnium,<br>Conditor almus siderum.   | 6. Precibus atque meritis<br>Thyrsi, martyris incliti,<br>Tecum simus perenniter<br>Laute excelsis gaudiis. |

Brev. Sistaricense imp. Sistarici anno 1513.

480. De sancto Thyrso.

Ad Laudes.

- |  |   |
|--|---|
| 1. Thyrso orante jugiter<br>Imminente martyrio<br>Coelum resplendet breviter,<br>Crebra fit corruscatio.     | 4. Nunc, Christe, supplicum prece<br>Non sis excors fidelibus,<br>Sed anque benigniter<br>Jugis devotis precibus. |
| 2. Vox de coelo intonuit<br>Dragmatis ministerio,<br>Epinicia sonuit<br>Et: Ego sum Alpha et O.              | 5. Divinisque auxiliis<br>Promissis martyri tuo<br>Sublevemur a noxiis,<br>Ut fruamur regno tuo.                  |
| 3. Arthalago (!) quem pateris<br>Propter hunc et opprobria<br>Fortis athleta resiste,<br>Ne labamur inertia. | 6. Precibus atque meritis<br>Thyrsi martyris incliti<br>Tecum simus perenniter<br>Laute excelsis gaudiis.         |

Brev. Sistaricense imp. Sistarici anno 1513. — 1, 3 resplenduit. — 3, 1 verschrieben.

481. De sancto Tiberio.

Ad Vesperas.

- |   |   |
|---|---|
| 1. Claro Deus praeconio<br>Abusque terrae limite<br>Laudetur in Tiberio,<br>Suo probato milite. | 2. Gentilis ignorantia<br>Fidele lumen protulit,<br>Coelestis illi gratia<br>Immensa dona contulit. |
|---|---|



- |   |   |
|---|---|
| <p>3. Nitente clausus illici<br/>Nequit puer cubiculo,<br/>Sed exteris multiplici<br/>Fulget pugil miraculo.</p> <p>4. Flagrat, coruscat, concinit<br/>Ibi chorus coelestium,<br/>Hoc Heleas dum conspicit,<br/>Perdit videndi gaudium.</p> | <p>5. Rogatus orat filius,<br/>Patrique visus redditur,<br/>Pro gratia vir impius<br/>Inferre poenam nititur.</p> <p>6. Tua, Tiberi, tibia<br/>Sonando semper altius<br/>Nos excitet ad proelia,<br/>Quo dimicemus fortius.</p> |
|---|---|
7. Deo patri sit gloria  
Ejusque soli filio  
Cum spiritu paraclito  
Et nunc et in perpetuum.

Prop. Agathense imp. Biterris 1616. — Dafs der Hymnus älter ist, als die späte Quelle, zeigt der Reim. Zu Str. 4 und 5 vergl. Anal. XIV a Nr. 87, Str. 6 und 7. Hier ist aus Vitus, Modestus und Crescentia Tiberius Modestus und Florentia geworden.

#### 482. De sancto Tiberio.

##### Ad Nocturnum.

- |  |   |
|--|---|
| <p>1. Nocturna Christo cantica<br/>De martyrum praeconiis<br/>Tuba canamus coelica,<br/>Tellus resultet gaudiis.</p> <p>2. Fert rex volucrum fercula,<br/>Fornax tepens plaudit Deo,<br/>Tormenta cedunt singula<br/>His, qui foveantur adeo.</p> <p>3. Ut haec videt Florentia,<br/>Matrona prudens, illico<br/>Clamat: Dei clementia,<br/>His aggreger, fac, supplico.</p> | <p>4. Exaudit illam protinus,<br/>Qui se precanti dulciter<br/>Adstare nescit eminus<br/>Nec subvenire segniter.</p> <p>5. Florere nos virtutibus<br/>Tecum fac, o Florentia,<br/>Ut nos polorum civibus<br/>Concinnat innocentia.</p> <p>6. Uni trinoque Domino<br/>Sit sempiterna gloria,<br/>Qui vitam sine termino<br/>Nobis donet in patria.</p> |
|--|---|

Prop. Agathense imp. Biterris 1616.

#### 483. De sancto Tiberio.

##### Ad Laudes.

- |   |   |
|---|---|
| <p>1. Aurora coeli praevia<br/>A nocte lucem separat,<br/>Divina clare munia<br/>Finire nobis imperat.</p> <p>2. Immane tormenti genus<br/>Catasta nescit laedere,<br/>Per quos Deus suae penus<br/>Potentiae vult pandere.</p> | <p>3. Tellus tremit, tortoribus<br/>Arent lacerti, principi<br/>Manus, salus precantibus<br/>Sancti defertur munere.</p> <p>4. Lepram, sepulchrum diluit,<br/>Visum pedemque liberat,<br/>Cor arefactum compluit,<br/>Miraculis exuberat.</p> |
|---|---|



- |  |  |
|--|--|
| <p>5. Ut fortiores triplice<br/>Pugnemus in certamine<br/>Tuo, Modeste, nomine,<br/>Tecum fruamur, effice.</p> | <p>6. Tenunc, redemptor, quaesumus,<br/>Ut martyrum consortio<br/>Jungas precantes servulos<br/>In sempiterna saecula.</p> |
|--|--|

Prop. Agathense imp. Biterris 1616.

#### 484. De sancta Ursula.

Ad Vesperas.

- |  |   |
|--|---|
| <p>1. Exultet coelum laudibus,<br/>Resultet terra gaudiis,<br/>In beatis virginibus<br/>Rosae congaudent liliis.</p> | <p>3. Non aetati, non sexui<br/>Parcunt hostium jaculae<br/>Nec morte possunt disrui<br/>Verae fidei plantulae.</p>     |
| <p>2. Vultu puellae niveo<br/>In fideli certamine<br/>Cum candore virgineo<br/>Roseo vernant sanguine.</p>           | <p>4. Innocens turba moritur,<br/>Quam nulla culpa maculat,<br/>Sed moriendo nascitur,<br/>Thesaurum coeli bajulat.</p> |
5. Jesu, virginis filio,  
Jucunda sit laudatio,  
Qui virgines in proelio  
Dignas fecit martyrio.

Brev. ms. Franciscan. saec. 15. Cod. Dolen. 39. A. — Brev. ms. Claramontense saec. 15. Cod. Parisin. 1274. B. — 2, 2. In fide certamine A. — 4, 4 coeli maculat AB.

#### 485. De sancta Ursula.

Ad Vesperas.

- |   |  |
|---|--|
| <p>1. Hortus florum, cors sanctorum,<br/>Est millenorum agminum<br/>Te sequuntur, venerantur,<br/>Jesu, coronavirginum.</p> | <p>4. Romam pergunt, inde degunt,<br/>Sequitur eas pontifex,<br/>Poenas optant, pro te portant,<br/>Virginis proles, opifex.</p> |
| <p>2. Intrans mare, pugnant clare,<br/>Fit gratum astri lilium,<br/>Jucundatur et laetatur,<br/>Concinat plebs fidelium</p> | <p>5. Furunt Huri mente duri<br/>Divina contra foedera,<br/>Hos perimunt, qui post sumunt<br/>Aeterna Christi munera.</p>        |
| <p>3. Stupent mentes, fluunt gentes<br/>Ad regias has nuptias,<br/>Reclinantur et cibantur,<br/>Generat virgo filias.</p>   | <p>6. Propinatur, deputatur<br/>Coelorum, his regnum mirum,<br/>Nos quo ducas et conducas,<br/>Rex gloriose martyrum,</p>        |

- |   |  |
|---|--|
| <p>7. Horum more tuo rore<br/>         Humana lava scelera,<br/>         Sicut orant te, adorant<br/>         Quem terra, pontus,<br/>         aethera.</p> | <p>8. Ipsi decus reddat coetus<br/>         Devota promens famina,<br/>         Quo lustraris et bearis,<br/>         O gloriosa domina.</p> |
|---|--|

Brev. ms. Franciscan. saec. 15. Cod. Parisin. 760. A. — Brev. ms. Franciscan. saec. 15. Cod. Roman. 1174 (Sessor. 69). B. — 2, 2 gratum astrilidium AB. — 5, 2 Divina cuncta foedera A; Divina confoedera B. — 5, 3 Hos primunt A. — 6, 1 Propinantur B. — 6, 3 Hos quo ducas AB. —

#### 486. De sancta Ursula.

##### Ad Nocturnum.

- |  |  |
|--|--|
| <p>1. Plaude, turba virginea,<br/>         Virgineos legens flores,<br/>         Dege sub recta linea<br/>         Hos Ursulae sequens mores.</p> <p>2. Proles de coelo genita<br/>         Ex patre rege nobili,<br/>         Ursula post regenita<br/>         Modo se rexit humili.</p> <p>3. In coelesti collegio<br/>         Cohabitans mente pura,<br/>         Cujus claro consortio<br/>         Jungitur regia cura.</p> | <p>4. Decus morum hanc ornavit<br/>         Ex fidei constantia,<br/>         Martyrii quam probavit<br/>         Perfecta tolerantia.</p> <p>5. En, gratulemur igitur<br/>         Sanctis Christi praeconibus,<br/>         Per quas mundus devincitur<br/>         Suis cum infidelibus.</p> <p>6. Jesu, lux vera saeculi,<br/>         Istarum per suffragium<br/>         Tui salvator populi,<br/>         Precamur, da subsidium.</p> |
|--|--|
7. Laus regi sit intermina  
 In beatis glorianti,  
 Quae beata per agmina  
 Est ubique dominanti.

Brev. ms. Franciscan. saec. 15. Cod. Parisin. 760. A. — Brev. ms. Franciscan. saec. 15. Cod. Roman. 1476 (Sessor. 69). B.

#### 487. De sancta Ursula.

##### Ad Laudes.

- |  |  |
|--|--|
| <p>1. Coetus colat fidelium<br/>         Beatae festum Ursulae,<br/>         Veneretur consocias<br/>         Laude devota sedule.</p> <p>2. Agnum, quocunque ierit,<br/>         Concomitantur laudibus<br/>         Et hymnos dulces personant<br/>         Istaе sonoris vocibus.</p> | <p>3. Formosa Christi Ursula,<br/>         Regis nata Britanniae,<br/>         Regalem sponsum suscipit,<br/>         Regem coelestis patriae.</p> <p>4. Mare devota Ursula<br/>         Ingressa cum trieribus<br/>         Sanctorum loca visitat<br/>         In Roma cum virginibus.</p> |
|--|--|

- |   |   |
|---|---|
| <p>5. Quae reversae Coloniam<br/>Suscipiunt victoriam<br/>Sui magni certaminis<br/>Effusione sanguinis.</p> <p>6. Supernorum convivium<br/>Multiplicat collegium<br/>Virginalis militia<br/>Coelesti fruens gloria.</p> | <p>7. Ista una consociant<br/>Fides, unum martyrium<br/>Et unus locus virgines<br/>Atque coronae praemium.</p> <p>8. Has virgines frequentibus<br/>Rogemus omnes precibus,<br/>Ut dent nobis auxilium<br/>Apud Mariae filium.</p> |
|---|---|

Brev. ms. Franciscan. saec. 15. Cod. Parisin. 760. A. — Brev. ms. Franciscan. saec. 15. Cod. Roman. 1176 (Sessor. 69). B. — 1, 3 cum socias A. — 2, 2 Cum comitantur B. — 3, 4 Rege B. — 4, 2 triremibus B. — 8, 1 Vas virgines B.

#### 488. De sancto Victore.

Ad Vesp. et Noct.

- |  |  |
|--|--|
| <p>1. Jesu, tuorum militum<br/>Transcendens omne meritum,<br/>Ad laudem tui militis<br/>Nos ejus juva meritis.</p> <p>2. Celebrantes victoriam<br/>Victoris cum laetitia<br/>Fac ad perennem gloriam<br/>Transire cum victoria.</p> <p>3. Victor, effuso sanguine<br/>Victoris dignus nomine,<br/>Coelo receptus hodie<br/>Palمام tenet victoriae.</p> | <p>4. Vox laudis et laetitiae<br/>Et gratiarum actio<br/>Regi debetur gloriae<br/>Alacriori studio,</p> <p>5. Cum jam sub virga ferrea<br/>Excussa granum palea<br/>Mola tritum pistoria<br/>Christi fit recens hostia.</p> <p>6. Pro Victoris victoria<br/>Patri prolique gloria,<br/>Patris prolisque nexui,<br/>Laus sancto sit spiritui.</p> |
|--|--|

Brev. ms. S. Victoris Parisien. saec. 14. Cod. Parisin. 14811. A. — Brev. ms. S. Victoris Parisien. saec. 16. Cod. Parisin. 14814. B. — Brev. ms. S. Victoris Parisien. saec. 14. Cod. Mazarin. 347 (760). C. — Brev. ms. S. Victoris Massilien. saec. 15. (Privatbesitz). D. — Die Anfänge der beiden Hymnen citiert auch Antiph. ms. S. Victoris Parisien. saec. 13. Cod. Parisin. 14816. Dieser wie der folgende Hymnus wurde in St. Victor später Adam von St. Victor zugeschrieben. Die Autorschaft läßt sich indes nicht nachweisen. Vgl. L. Gautier, Oeuvres poetiques d'Adam de Saint Victor, II, 441 ff.

#### 489. De sancto Victore.

Ad Laudes.

- |   |  |
|---|--|
| <p>1. Aurora diem nuntiat,<br/>Et terram ros inebriat,<br/>Nos verus sol justitiae<br/>Rore perfundat gratiae.</p> <p>2. Lux redit sine nubilo,<br/>Lux festa digna jubilo,<br/>Transcendens mundi nubila,<br/>Chorus, ex corde jubila.</p> | <p>3. Jesu, choro psallentium<br/>Lucis infunde radium,<br/>Te lucem, lucis filium,<br/>Vox una canit omnium.</p> <p>4. Tibi nostra devotio<br/>Clamat prae cordis gaudio,<br/>Nec lingua potest exprimi,<br/>Quod dictat ardor animi.</p> |
|---|--|

5. Prompti sumus et hilares  
Victor in tuis laudibus,  
Sed laudi tamen impares  
Tuis egemus precibus.

6. Pro Victoris victoria  
Patri proliques gloria,  
Patris proliques nexui,  
Laus sancto sit spiritui.

Brev. ms. S. Victoris Parisien. saec. 14. Cod. Parisin. 14811. A. — Brev. ms. S. Victoris Parisien. saec. 16. Cod. Parisin. 14814. B. — Brev. ms. S. Victoris saec. 14. Cod. Mazarin. 347 (760). C. — Brev. ms. S. Victoris Massilien. saec. 15 (Privatbesitz). D.

#### 490. De sancto Vincentio.

1. Solemnis redit temporis  
Victoria Vincentii,  
Ingens revolvit gaudium  
Ejus cluens martyrium.

4. Exstingue, martyr, grandia  
Discriminum incendia,  
Ut puros nos siderea  
Sursum receptent gaudia.

2. O grandia preconia  
Et imitanda praemia  
Invicti testis Domini,  
Bellatoris praecipui!

5. Ergo te, martyr, supplices  
Precamur, ut nos visites  
Nosque Jesu concilies,  
Ut simus ipsi compotes.

3. Ignes vicit et gladios,  
Tortores atrocissimos  
Teterrimosque carceres,  
Tenebrosas caligines.

6. Praestet pater et filius,  
Praestet amborum spiritus,  
Praestet verax et veritas,  
Praestet amborum caritas.

Hymn. ms. Veronensis saec. 11. Cod. Capit. Veronen. 109. A. — Brev. ms. Aeduense saec. 13. Cod. Belnen. 26. B. — Brev. ms. Aeduense anni 1440. Cod. Semin. Aeduen. s. n. BC. — Brev. ms. Aeduense saec. 15. Cod. Semin. Aeduen. 123<sup>1</sup>. D. — Brev. ms. Aeduense saec. 15. Cod. Parisin. 1056. E. — Brev. ms. Aeduense saec. 15. Cod. Vatican. Reg. 153 F. — Brev. ms. Belnense saec. 15. Cod. Divionen. 112. G. — Brev. ms. Viennense saec. 14. Cod. Parisien. 1285. H. — Brev. Belnense imp. s. l. et a. I. — Brev. Sosmense imp. Parisiis 1519. K. — 1, 1 tempore E. — 1, 3 Ibi revolvit H. — 1, 4 Ejus ducens H. — Str. 2 fehlt AH. — Str. 4 fehlt H. — Str. 5 fehlt AH. — 4, 1 martyr gravia E. — 4, 4 Receptent sursum K. — Die Doxologie lautet in I: Gloria tibi, Domine, Qui natus es de virgine etc.; in AHK:

Cui proli sanctissimo  
Cum patre laus ingenito  
Sit ab utroque parili  
Honorque fuso flammis;

nur ist in der ersten Zeile in H die falsche Initiale Q zugemalt.

#### 491. De sancto Vincentio.

1. Ave, martyr pretiose,  
semper invictissime,  
Quem triumphis gloriosum  
veneramur hodie,  
Fave votis famulorum  
tibi servientium.

2. Quo purgato a peccatis  
tuis oraminibus  
Mereamur aulam coeli  
scandere perenniter  
Et hic frui Christo Deo  
per aeterna saecula.



- |   |   |
|---|---|
| <p>3. Et coronae, qua nitescis,<br/>haeres sacri nominis,<br/>Nos, qui tibi famulamur,<br/>da consortes fieri<br/>Et extorres nigrae mortis<br/>in die iudicii.</p> | <p>4. Gloria et honor Deo<br/>usquequo altissimo,<br/>Una patri filioque<br/>inclito paraclito,<br/>Cui laus est et potestas<br/>per aeterna saecula.</p> |
|---|---|

Brev. Suessionense imp. Parisiis 1533.

#### 492. In Inventionem s. Vincentii.

- |  |  |
|--|--|
| <p>1. Christi miles pretiosus,<br/>Levita Vincentius,<br/>Ut tribunal sponte rogam<br/>Conscendit intrepidus.</p> <p>2. Cujus salis crepitantis<br/>per corpus minutiae<br/>Sparsim ibant atque prunae<br/>vernabantur sanguine.</p> <p>3. Inter haec manet immotus<br/>ille Dei famulus,<br/>Orans Christum in sublime<br/>erectis luminibus.</p> | <p>4. Ergo, martyr gloriose,<br/>nobis locum veniae<br/>Apud Deum prece pia,<br/>te precamur, impetra.</p> <p>5. Gaudiis coelorum tuis<br/>interesse meritis<br/>Mereamur, quem festivis<br/>colimus officiis.</p> <p>6. Tibi virtus et potestas<br/>sit, beata trinitas,<br/>Da, fruamur sine fine<br/>beatorum requie.</p> |
|--|--|

Brev. ms. Matisconense saec. 15. Cod. Lugdunen. 477. A. — Brev. Matisconense imp. Lugduni 1521. B. — 3, 3 sublimi AB. — 3, 4 creptis A. — Mit diesem Hymnus verwandt, zum Teil identisch ist der kürzere Anal. IV, Nr. 481 und der längere Anal. XVI, Nr. 472 u. f.

#### 493. De sancto Vincentio.

Ad Vesperas.

- |  |   |
|--|---|
| <p>1. Deum virginis filium,<br/>Pie martyr, propitium,<br/>Vincenti, tua, poscimus,<br/>Redde festa colentibus.</p> <p>2. Qui victo mortis principe<br/>Ejusque strato milite<br/>Victor sublimis hodie<br/>Regna petisti patriae.</p> <p>3. Tortor victus erubuit,<br/>Dum non te poena dejecit,<br/>Augmentatur in gloria<br/>Tibi poenalis machina.</p> | <p>4. Judex cruentus aestuat,<br/>Ira mentem exagitat,<br/>Ultra nescit, quid faciat,<br/>Sed se victum abjudicat.</p> <p>5. Tu jam miles emeritus<br/>Atque coronae conscius<br/>Tendens patris ad solium<br/>Dolores spernis vulnerum.</p> <p>6. Ergo, miles egregie,<br/>Nos tecum ferre satage,<br/>Ut valeamus coelicae<br/>Participari gloriae.</p> |
|--|---|
7. Praestet pater et filius,  
Praestet amborum spiritus,  
Praestet verax et veritas,  
Praestet amborum caritas.

Brev. Silvanectense imp. s. l. et a.



494. De sancto Vincentio.

- |  |  |
|--|--|
| 1. Sanctissimum Vincentium,<br>Mundi perenne gaudium,<br>Ecclesiarum praemium,<br>Prompto canamus spiritu.       | 5. Extractus hinc ergastulo<br>Suspenditur patibulo,<br>Quod poena praeparaverat,<br>Adquirat illud gloria.      |
| 2. Quem spe futurae gloriae<br>Fortissimo certamine<br>Sub Daciano praeside<br>Fides sacravit martyrem.          | 6. Ut crescerent miracula,<br>Sancto sepulchrum denegant,<br>Quem terra non contexerat,<br>Corvus fuit custodia. |
| 3. Interrogatus concite,<br>Christum fatetur principem,<br>Captus, revinctus aspere<br>Famem, flagella pertulit. | 7. Ne quid periret laudibus,<br>Jactatus est in fluctibus,<br>Quem serviendo corpori<br>Revexit unda litori.     |
| 4. Retrusus est in carcerem,<br>Quo nulla lux accederet,<br>Praesente sed hoc hospite<br>Coeleste lumen floruit. | 8. Tali triumpho nobili<br>Ad astra victor evolat,<br>Amori Christi deditus<br>Exsultat in coelestibus.          |

9. Deo patri sit gloria.

Hymn. ms. Pratensis saec. 14. Cod. Parisien. 12040. — Brev. ms. Pratense saec. 14. Cod. Parisien. 13239. B. — Hymn. ms. Marchianensis saec. 15. Cod. Duacen. 123. C. — 4, 2 Quod nulla B. —

495. De sancto Vincentio.

Ad Nocturnum.

- |  |  |
|--|--|
| 1. O miles invictissime,<br>Fortissimorum fortior,<br>Jam te ipsa saeva et aspera<br>Tormenta victorem tremunt.  | 3. Ergo ut recline mollibus<br>Retegit auleis caput,<br>Victor relictis artubus<br>Coelum capessit spiritus. |
| 2. Pone hoc caducum vasculum<br>Compagne textum terrea,<br>Quod dissipatum solvitur,<br>Et liber in coelum veni. | 4. Te, martyr alme, proprios<br>Fove, rogamus, servulos<br>Nobisque coeli gaudia<br>Obtine prece sedula.     |
| 5. Quo tecum facti caelibes<br>Laudes canamus perpetes,<br>Patri, nato, paraclito<br>In saeculorum saecula.      |  |

Hymn. ms. Pratensis saec. 14. Cod. Parisien. 12040. A. — Brev. ms. Pratense saec. 14. Cod. Parisien. 13239. B. — Hymn. ms. Marchianensis saec. 15. Cod. Duacen. 123. C. — Str. 1, 2 und 3 aus Prudentius, Peristephanon V. entnommen.

#### 496. De sancto Vincentio.

##### Ad Laudes.

- |   |   |
|---|---|
| <p>1. Cernit sibi Vincentius<br/>Adesse, quod speraverat,<br/>Tanti laboris praeium,<br/>Christum, datorem luminum.</p> <p>2. Quin et frequentes angeli<br/>Stant, alloquuntur cominus,<br/>Quorum unus ore augustior<br/>Compellat his dictis virum:</p> | <p>3. Exsurge, martyr inclite,<br/>Exsurge, securus tui,<br/>Exsurge et almis coetibus<br/>Noster sodalis addere.</p> <p>4. Quo tecum facti caelibes<br/>Laudes canamus perpetes,<br/>Patri, nato, paraclito<br/>In saeculorum saecula.</p> |
|---|---|

Hymn. ms. Pratense saec. 14. Cod. Parisien. 12040. A. — Hymn. ms. Marchianensis saec. 15. Cod. Duacen. 123. B. — Str. 1—3 aus Prudentius, Peristephanon V.

#### 497. De sancto Vito.

- |   |  |
|---|--|
| <p>1. Jesu, rex regum omnium,<br/>Te laudat lingua hominum,<br/>Quos praeesse mortalibus<br/>Rebus fecisti omnibus.</p> <p>2. Duo sunt eis tradita,<br/>Quibus rimentur omnia,<br/>Coelestia, terrestria,<br/>Intelligi potentia.</p> <p>3. Haec sunt sensus et ratio,<br/>Quorum labore singulo<br/>Sensu fiet inventio,<br/>Ratione perfectio.</p> <p>4. Si sensus nusquam deviat,<br/>Ratio secum ambulat,<br/>Quodsi sensus peccaverit,<br/>Prudens ratio corrigit.</p> | <p>5. Vitus, martyr egregius,<br/>Sprevit, quamvis puerulus,<br/>Plura sensui placita<br/>Ratione adhibita.</p> <p>6. Qnem nec patris dilectio,<br/>Nec fallax auri visio<br/>Potuit unquam flectere<br/>Sancto plenum spiramine.</p> <p>7. Infusus Christi gratia<br/>Parvipendebat idola,<br/>Rationis consilio<br/>Nulli cessit martyrio.</p> <p>8. Beati Viti laudibus<br/>Instemus, prout possumus,<br/>Et Deus suis precibus<br/>Subveniat fidelibus.</p> <p>9. Ei sit honor, gloria<br/>Per infinita saecula,<br/>Martyris Viti merita<br/>Nobis sint ad remedia.</p> |
|---|--|

Hymn. ms. Veronensis saec. 11. Cod. Capit. Veronen. 109.

#### 498. De sancto Winoco.

##### Ad Vesperas.

1. Rerum cuncta gerens, arbiter orbis,  
Jesu, perpetuum cum patre numen,  
Irrorans animas imbre salubri,  
Reple corda tui flaminis igne.

2. Winoci famuli festa colentes  
Primum, summe, tibi vota sacramus,  
Tantae militiae solvimus hymnos,  
Cujus coelituo lumine fulsit.
3. Ortus nobilibus sanguinis alti  
Dimisit patriam, regna parentum,  
Quaerens pauperiem schemate vili  
Virtutum meruit dote beari.
4. Fari dignus erat nomine pastor,  
Cunctis se famulum praetulit actis,  
Enitens manibus vel vice servi  
Exempla dederat digna sequendi.
5. Virtus ipsa molam summa rotabat,  
Fletus dulcifluos ipse trahebat,  
Orans multimodam mole farinam  
Dignis luminibus cernere stabat.
6. Cernens pravus homo decidit arvis,  
Lumen perdiderat, membra, vigorem,  
Oravit pius hic, mox fore sanum,  
Egit cunctipotens vota precantis.
7. Dilectus superis junctus in astris  
Splendet perpetuo munere comptus,  
Comptus perpetuis usque coronis  
Reddit digna Deo carmina laudum.
8. Sit laus perpetua cunctipotenti  
Patri, sitque suae gloria proli,  
Sancto spiritui tempore cuncto,  
Qui semper Deus est trinus et unus.

Vita ms. S. Winoci saec. 12/13. Cod. Bergen. 1. — 2, 4 coelis tuo.

#### 499. De sancto Winoco.

##### Ad Nocturnum.

- |  |   |
|--|---|
| 1. Audi, poli rex gloriae,<br>Laudum modos ecclesiae,<br>Quos corde solvit intimo<br>Et vocis orat debito.   | 4. Cum clarus esset stemmate<br>Exemplar altum protulit,<br>Servire, subdi maluit,<br>Cavit decus ferri sibi. |
| 2. Hoc sole Winocus pater<br>Sancto solutus corpore<br>Coelis potens extollitur,<br>Donatur alto lumine.     | 5. Quantus fuit miraculis,<br>Quam magnus et stet meritis.<br>Signorum claret copia,<br>Pandunt Dei magnalia. |
| 3. Stirpis fuit clarae patrum,<br>Felix fide, plenus Deo,<br>Summam suae originis<br>Virtutum augens munere. | 6. Tectorum ignis culmina<br>Absumpsit aedis robora,<br>Servantur ejus pignora,<br>Tum quaequae sibi proxima. |

- |  |  |
|--|--|
| 7. Ad tumbam claudus venerat,<br>Corpus solo jam straverat,<br>Factus valens exsiliit,<br>Laudes Deo laetus dedit. | 8. Deo patri sit gloria,<br>Proli patris dignissimae,<br>Laus flammis altissimo,<br>Semper decus soli Deo. |
|--|--|

Vita ms. S. Winoci saec. 12/13. Cod. Bergen. 1.

#### 500. De sancto Winoco.

Ad Laudes.

- |   |   |
|---|---|
| 1. Terris jubar jam spargitur,<br>Orbi dies refunditur,<br>Mentes graves pigredine<br>Juva, Deus justissime.  | 4. Mitis, pius, verus pater,<br>Compassus est valde gravi<br>Icto viro virga Dei,<br>Audit preces, lumen dedit. |
| 2. Adsint preces fusae Deo<br>Patris beati Flandriae,<br>Munus ferant hic luminis,<br>Virtutum ornent munere. | 5. Caecae puellae contulit,<br>Natura quod negaverat,<br>Lumen sibi, menti fidem,<br>Exemplar et mortalibus.    |
| 3. Coeli repletus lumine<br>Orbi bonus resplenduit,<br>Exempla doctor praevis<br>Ostendit actis omnibus.      | 6. Lucem, Jesus, in aethere,<br>Lumen tuae da gloriae<br>Servis tuis, omnipotens,<br>Omnia saeculorum regens.   |

Vita ms. S. Winoci saec. 12/13. Cod. Bergen. 1.



# Inhalts-Übersicht.

|                                      | Seite |  | Seite |
|--------------------------------------|-------|--|-------|
| Abbas probatus omnino . . . . .      | 222   | Audite omnes versum . . . . .          | 13    |
| A cordis blando carmine . . . . .    | 264   | Augustine lux doctorum . . . . .       | 68    |
| Ad aulae cujus limina . . . . .      | 225   | Aurea lux patriae . . . . .            | 258   |
| Ad coenam agni providi . . . . .     | 145   | Aurora coeli praevia . . . . .         | 266   |
| Adest beato martyri . . . . .        | 255   | Aurora diem nuntiat . . . . .          | 269   |
| Adest dies laetitiae . . . . .       | 129   | Aurorae lux dum rutilat . . . . .      | 219   |
| Adest dies laetitiae . . . . .       | 131   | Auroram dictam sermone . . . . .       | 24    |
| Adest dies laetitiae . . . . .       | 197   | Aurora rutilat lucis . . . . .         | 114   |
| Adest dies laetitiae . . . . .       | 230   | Aurum datur ut tollatur . . . . .      | 226   |
| Adest ejus translatio . . . . .      | 229   | Ausoni vir egregie . . . . .           | 75    |
| Adesto nobis inclita . . . . .       | 61    | Ave colenda trinitas . . . . .         | 9     |
| Adest triumphus nobilis . . . . .    | 222   | Ave maris stella . . . . .             | 22    |
| Ad laudes hujus virginis . . . . .   | 130   | Ave martyr pretiose . . . . .          | 270   |
| Ad redemptoris omnium . . . . .      | 74    | Ave mater Anna . . . . .               | 55    |
| Adstemus mente vigili . . . . .      | 96    | Ave mater pia . . . . .                | 60    |
| Ad summi decus principis . . . . .   | 214   | Ave matris Dei . . . . .               | 62    |
| Ad te Deus gloriose . . . . .        | 37    | Ave sponsa Christi . . . . .           | 81    |
| Aeternae vitae praeconis . . . . .   | 166   | Ave virgo gratiosa . . . . .           | 22    |
| Aeterna lux credentium . . . . .     | 73    | Beata coeli gaudia . . . . .           | 89    |
| Aeterne Christe Domine . . . . .     | 193   | Beata nobis gaudia . . . . .           | 84    |
| Aeterne Christe Domine . . . . .     | 196   | Beati Petri precibus . . . . .         | 237   |
| Aeterno regi gloriae . . . . .       | 41    | Beatus Christi famulus . . . . .       | 26    |
| Aeternum regem gloriae . . . . .     | 125   | Cantemus totis viribus . . . . .       | 241   |
| Agnus et leo mitis . . . . .         | 14    | Captiva plorant tartara . . . . .      | 18    |
| Alani meritis inclita . . . . .      | 46    | Carceris est caligine . . . . .        | 193   |
| Almum lumen summum numen . . . . .   | 178   | Carminibus placet hymnidicis . . . . . | 184   |
| Alto et ineffabili . . . . .         | 172   | Castor praesul Aptensium . . . . .     | 105   |
| Amatum sanctum laudate . . . . .     | 48    | Cataldus pudicitiae . . . . .          | 105   |
| Ambrosi doctor inclite . . . . .     | 50    | Celebremus ad honorem . . . . .        | 197   |
| Andreas Christi famulus . . . . .    | 51    | Cernit sibi Vincentius . . . . .       | 273   |
| Annue gregi pater . . . . .          | 160   | Chorus coelestis curiae . . . . .      | 192   |
| Antistitis magnifici . . . . .       | 162   | Chorus colat fidelium . . . . .        | 254   |
| Antra deserti poenitendi . . . . .   | 200   | Chorus ut praesens laudes . . . . .    | 71    |
| Archangelus in conclave . . . . .    | 142   | Christe benigne hujus . . . . .        | 33    |
| Arcum coeli praefulgidum . . . . .   | 65    | Christe cunctorum pariter . . . . .    | 189   |
| Armagili celebremus . . . . .        | 71    | Christe cunctorum praesulum . . . . .  | 94    |
| A superna coeli parte . . . . .      | 12    | Christe cunctorum via lux . . . . .    | 188   |
| Athletae magni Blasii . . . . .      | 96    | Christe decus ecclesiae . . . . .      | 199   |
| Auctori mirabilium . . . . .         | 115   | Christe patris altissimi . . . . .     | 45    |
| Auctor orbis victor morbis . . . . . | 93    | Christe qui rex es gloriae . . . . .   | 229   |
| Audi Deus clamantium . . . . .       | 103   | Christe redemptor omnium . . . . .     | 118   |
| Audi poli rex gloriae . . . . .      | 274   | Christe redemptor omnium . . . . .     | 145   |



|  | Seite |                                     | Seite |
|--|-------|-------------------------------------|-------|
| Christe rex vita lux via . . . . .     | 35    | Erumpamus in laudibus . . . . .     | 197   |
| Christicolarum concio . . . . .        | 238   | Exsulta cleri concio . . . . .      | 69    |
| Christianorum numerositati . . . . .   | 121   | Exsulta cleri concio . . . . .      | 145   |
| Christi miles congaude de . . . . .    | 175   | Exsulta felix Aedua . . . . .       | 31    |
| Christi miles pretiosus . . . . .      | 271   | Exsulta Forojulium . . . . .        | 181   |
| Christi patris in dextera . . . . .    | 236   | Exsulta nunc ecclesia . . . . .     | 82    |
| Christi praesul egregie . . . . .      | 72    | Exsultate jubilate . . . . .        | 109   |
| Christi praesul egregie . . . . .      | 156   | Exsultemus concrepantes . . . . .   | 187   |
| Christophori collaudemus . . . . .     | 107   | Exsultemus venerantes . . . . .     | 218   |
| Christo regi pro milite . . . . .      | 181   | Exsultet Christi milites . . . . .  | 146   |
| Clara prius Hiberniae . . . . .        | 137   | Exsultent coeli sidera . . . . .    | 25    |
| Clara sit cunctis tua . . . . .        | 92    | Exsultent gentes gaudiis . . . . .  | 66    |
| Clarissimus natalibus . . . . .        | 253   | Exsultent mundi climata . . . . .   | 102   |
| Claro Deus praeconio . . . . .         | 265   | Exsultet aula coelestis . . . . .   | 182   |
| Clarum nomen effunditur . . . . .      | 109   | Exsultet chorus omnium . . . . .    | 161   |
| Coelestis aulae janitor . . . . .      | 52    | Exsultet coeli curia . . . . .      | 65    |
| Coelestis concio . . . . .             | 168   | Exsultet coeli curia . . . . .      | 160   |
| Coeli cives adplaudite . . . . .       | 119   | Exsultet coeli curia . . . . .      | 254   |
| Coeli cives adplaudite . . . . .       | 191   | Exsultet coeli regia . . . . .      | 136   |
| Coeli concentum hodie . . . . .        | 111   | Exsultet coelum laudibus . . . . .  | 55    |
| Coeli laetentur sidera . . . . .       | 223   | Exsultet coelum laudibus . . . . .  | 191   |
| Coeli rorem mellifluum . . . . .       | 205   | Exsultet coelum laudibus . . . . .  | 215   |
| Coeli superna agmina . . . . .         | 85    | Exsultet coelum laudibus . . . . .  | 267   |
| Coelum digne tripudiat . . . . .       | 212   | Exsultet conjubilando . . . . .     | 251   |
| Coetus colat fidelium . . . . .        | 268   | Exsultet dignis gaudiis . . . . .   | 158   |
| Colatur a fidelibus . . . . .          | 132   | Exsultet Domino mente . . . . .     | 260   |
| Confessoris Antonii . . . . .          | 67    | Exsultet mentis gaudio . . . . .    | 246   |
| Concinat nostra concio . . . . .       | 113   | Exsultet nostra concio . . . . .    | 257   |
| Concinens festum celebret . . . . .    | 103   | Exsultet plebs Aquensium . . . . .  | 218   |
| Confessoris Nicolai . . . . .          | 228   | Exsultet plebs fidelium . . . . .   | 74    |
| Confessorum consortio . . . . .        | 104   | Fecundavit hic steriles . . . . .   | 227   |
| Congratuletur artifex . . . . .        | 53    | Felix Anna prae aliis . . . . .     | 57    |
| Cordis oris tripudio . . . . .         | 97    | Felix chorus jam sonorus . . . . .  | 42    |
| Cultorem Christi Blasium . . . . .     | 97    | Felix dies jam resurgit . . . . .   | 99    |
| De tenebris lux oritur . . . . .       | 64    | Felix mater ecclesia . . . . .      | 158   |
| De terra caliginosa . . . . .          | 110   | Felix sante o levita . . . . .      | 174   |
| Deum virginis filium . . . . .         | 271   | Feri fides fida Fidis . . . . .     | 131   |
| Deus colende conditor . . . . .        | 244   | Festa patris insignia . . . . .     | 47    |
| Deus tuorum militum . . . . .          | 117   | Festiva Christo cantica . . . . .   | 260   |
| Deus tuorum militum . . . . .          | 184   | Festiva dies rutilat . . . . .      | 257   |
| Devota plebs altissimo . . . . .       | 246   | Festum colentes annum . . . . .     | 224   |
| Devotionis praeconio . . . . .         | 234   | Festum Columbae celebre . . . . .   | 114   |
| Diem festum celebremus . . . . .       | 165   | Festum sacraati martyris . . . . .  | 243   |
| Divinae laudi sedula . . . . .         | 124   | Fidelium devotio . . . . .          | 127   |
| Divinis donis Aurea . . . . .          | 72    | Finnianus lingua gnarus . . . . .   | 133   |
| Divo Ivoni cantica . . . . .           | 167   | Fulget clara festivitas . . . . .   | 172   |
| Dulce melos dulce praeconium . . . . . | 262   | Gabrielis sancti laudes . . . . .   | 142   |
| Dum messem frater meteret . . . . .    | 116   | Gaudeat sancta nunc mater . . . . . | 149   |
| Dum Moderanne pontifex . . . . .       | 221   | Gaudeat urbs Massilia . . . . .     | 99    |
| Dum Romae visitat . . . . .            | 46    | Gaude fidelis concio . . . . .      | 215   |
| Dum sacerdotum celebrant . . . . .     | 29    | Gaude mater ecclesia . . . . .      | 88    |
| Dum tuos clerus jubilans . . . . .     | 79    | Gaude mater ecclesia . . . . .      | 112   |
| Ecce fulget clarissima . . . . .       | 233   | Gaude praesens ecclesia . . . . .   | 239   |
| Ecclesiarum titulus . . . . .          | 53    | Gaude sponsa Christi . . . . .      | 82    |
| Editus clara generositate . . . . .    | 183   | Gemma fulgens et monile . . . . .   | 201   |
| Edmundus martyr inclitus . . . . .     | 122   | Gemma fulget duodena . . . . .      | 53    |
| Eja laudum melos clarum . . . . .      | 263   | Gloriam Deo pangimus . . . . .      | 179   |

|                              | Seite |                                   | Seite |
|------------------------------|-------|-----------------------------------|-------|
| Gloriosa dies ista           | 159   | Jesu qui Deus deorum              | 33    |
| Gloriosae civitatis          | 88    | Jesu redemptor gentium            | 151   |
| Gloriosae recolentes         | 201   | Jesu redemptor unice              | 95    |
| Gloriosi Laurentii           | 174   | Jesu rex regum omnium             | 273   |
| Gonerio decantemus           | 148   | Jesu sanctorum militum            | 215   |
| Graeciae gemma clara         | 170   | Jesu sanctorum omnium             | 235   |
| Gratuletur haec concio       | 126   | Jesu tuorum militum               | 269   |
| Harmonizans mater ecclesia   | 261   | Johannis in principio             | 164   |
| Hic est dies in quo Christi  | 19    | Joseph virgo castissime           | 165   |
| Hieronymi solemnna           | 153   | <b>Katharinae solemnna</b>        | 169   |
| Hi sacerdotes Domini         | 28    | <b>Katharinam in carcere</b>      | 169   |
| Hoc in festo decus omne      | 76    | <b>Laetabunda solemnitas</b>      | 80    |
| Hoc rite festum gentibus     | 75    | <b>Laeta plaudat Hibernia</b>     | 139   |
| Hortus florum cors sanctorum | 267   | <b>Laetetur aula coelica</b>      | 84    |
| Hujus virginis laudemus      | 198   | <b>Laetetur hodie tellus</b>      | 176   |
| Hujus vitae asperitas        | 48    | <b>Laetetur mater inclita</b>     | 195   |
| Hymnis canamus debitis       | 192   | <b>Laetetur omne saeculum</b>     | 69    |
| Hymnis dignum coelestibus    | 150   | <b>Laetetur plebs fidelium</b>    | 221   |
| Hymnis praedulcibus Magni    | 186   | <b>Laudemus sanctos spiritus</b>  | 54    |
| Hymnum canamus gloriae       | 194   | <b>Laudent astra matutina</b>     | 55    |
| Hymnum choris coelestibus    | 210   | <b>Laudes Christe tibi voce</b>   | 153   |
| Hymnum laudis eximiae        | 240   | <b>Laudes dicamus Domino</b>      | 106   |
| Hymnum laudis referendo      | 170   | <b>Laudet chorus coelestium</b>   | 264   |
| Hymnum vocis personemus      | 217   | <b>Laudet Deum diluculo</b>       | 93    |
| Ignis lucens Andronicus      | 156   | <b>Laudet exsultans Dominum</b>   | 163   |
| Illuxit nobis hodie          | 77    | <b>Laudet vocis in jubilo</b>     | 149   |
| In Annae puerperio           | 56    | <b>Laurea regni redimitus</b>     | 123   |
| In Christo regeneratus       | 178   | <b>Laus et corona militum</b>     | 123   |
| Inclitae virginis sacra      | 171   | <b>Lingua festum mente pura</b>   | 231   |
| Incliti martyris mira        | 146   | <b>Lucifer diem inchoat</b>       | 28    |
| In coelesti hierarchia       | 185   | <b>Lucis ortum matutinae</b>      | 125   |
| In ecclesia sanctorum        | 186   | <b>Lumen serenum Galliae</b>      | 155   |
| In excelsis generosi         | 49    | <b>Lux annua revolvitur</b>       | 168   |
| Ingrata gens Judaica         | 18    | <b>Lux prima missa Galliae</b>    | 177   |
| In hac die solemnitas        | 164   | <b>Magnae dies laetitiae</b>      | 86    |
| In his sacris solemnitiis    | 257   | <b>Magnae dies laetitiae</b>      | 239   |
| In honore trinitatis         | 100   | <b>Magnae dies laetitiae</b>      | 258   |
| In Katharina virgine         | 167   | <b>Magna mater magnae prolis</b>  | 58    |
| In martyrum solemnitiis      | 147   | <b>Magna virum resonent</b>       | 206   |
| In matutinis cantemus        | 130   | <b>Magne Francisci celeber</b>    | 91    |
| In sanctorum reliquiis       | 246   | <b>Magnifici Antonii</b>          | 67    |
| In sanctorum solemnitiis     | 126   | <b>Majole consors procerum</b>    | 189   |
| Inter cunctos Christicolae   | 21    | <b>Martha matrona nobilis</b>     | 204   |
| In tuae matris utero         | 23    | <b>Martyr Christi pretiosus</b>   | 244   |
| In vesperi dictamine         | 17    | <b>Martyrum felix certantium</b>  | 146   |
| Iste benignus mitis          | 180   | <b>Martyrum rector diadema</b>    | 211   |
| Jacebant sancta corpora      | 256   | <b>Matrem virginis Mariae</b>     | 59    |
| Jam carmine mellifluo        | 162   | <b>Maudetus sacer inclitus</b>    | 209   |
| Jam corde puro et laeto      | 27    | <b>Miles Christi gloriose</b>     | 256   |
| Jam dudum lux abscondita     | 64    | <b>Militantis ecclesiae</b>       | 107   |
| Jam martyris festa dies      | 175   | <b>Miranda sancti passio</b>      | 108   |
| Jam Praxedis coronatur       | 240   | <b>Mitrium Christi pauperum</b>   | 219   |
| Jam puer bonae indolis       | 182   | <b>Moderannus ut Moyses</b>       | 220   |
| Jam rutilat sacra dies       | 255   | <b>Modus in rebus panditur</b>    | 220   |
| Jesu Christe rex gloriae     | 249   | <b>Mundus sub radio collectus</b> | 47    |
| Jesu corona martyrum         | 242   | <b>Mysterium eximia</b>           | 157   |
| Jesu corona virginum         | 232   |                                   |       |

|                             | Seite |                            | Seite |
|-----------------------------|-------|----------------------------|-------|
| Nam hic quiescens corporis. | 44    | Per omnes mundi cardines.  | 199   |
| Nicolaus sublimatur.        | 226   | Phoebe diem fert orbita    | 98    |
| Nobilis signis moribus      | 190   | Pia mater ecclesia         | 232   |
| Nocturna Christo cantica    | 266   | Pia mater ecclesia         | 253   |
| Nostris intende laudibus    | 97    | Placatus sanctis meritis   | 61    |
| Nostris solemnis saeculis   | 116   | Plaudat coelestis curia    | 222   |
| Novis hymnorum modulis      | 137   | Plaudat Fulcranni patria.  | 138   |
| Nube mentis religata        | 124   | Plaudat polorum curia.     | 181   |
| Nunc tibi Christe carmina.  | 10    | Plaudat turba fidelium     | 206   |
| Nunc voces socii pangite    | 128   | Plaudat turba fidelium     | 230   |
| O athleta victor laeta      | 143   | Plaude turba virginea.     | 268   |
| O Christe rex piissime      | 33    | Post salutaris lavacri     | 121   |
| O coeli sidus lucide.       | 216   | Praeclarae vocis organo    | 217   |
| Odas phalanx persplendida.  | 158   | Praeclaris Helenae         | 150   |
| O gloriosa domina           | 23    | Praefulgens sidus anglicum | 263   |
| O gloriosa domina           | 59    | Praxedis illustrissima     | 240   |
| O gloriosa domina           | 61    | Prece pulsemus Christi     | 24    |
| O locum cultu venerande     | 213   | Prima mundi divisio        | 31    |
| O Lodovensis civitas        | 138   | Primo dierum omnium        | 54    |
| O lux beata trinitas.       | 83    | Princeps inter egregios    | 238   |
| O Maria deigena.            | 35    | Principum princeps Domini  | 235   |
| O martyr beatissime         | 177   | Proles clara Christo cara  | 90    |
| O miles invictissime        | 272   | Proles de coelo pullulat   | 180   |
| Omnis sanctorum concio.     | 62    | Proles regalis prodiit     | 185   |
| O Paule miles inclite       | 234   | Promat voce dulcisona      | 79    |
| Opportunae celebremus       | 231   | Psallamus chordis organo   | 248   |
| O praeclare miles Christi   | 251   | Psallat chorus fidelium    | 127   |
| O quam felix suffotio.      | 69    | Psallat chorus in honorem  | 173   |
| O quam glorifica laudis     | 78    | Psalmodium collaudemus     | 244   |
| O quam magnificus quamque.  | 154   | Puer sanctus veneratur     | 216   |
| O quam mirifica luce        | 63    | Quem in superna patria     | 44    |
| O quam praecipiti mersa     | 129   | Quem pia virgo genuit      | 23    |
| O quam stelligera sede      | 134   | Quem terra pontus aethera  | 60    |
| Orbis immensi Deus alme     | 43    | Quod seminavit lacrimans   | 44    |
| Ordo ut juris postulat.     | 141   | Quorum coetus angelici     | 247   |
| O regis bonitas.            | 128   | Recolamus passionem        | 118   |
| Ortu solis effugante.       | 45    | Recolentes apostoli        | 86    |
| O vas electum Paule         | 233   | Refulge nostris sensibus   | 85    |
| O veneranda trinitas        | 164   | Refulget dies inclita      | 206   |
| Palma ramum inclinavit.     | 152   | Regi coelestis patriae     | 250   |
| Pangat chorus fidelium      | 195   | Reginae mundi proelia      | 34    |
| Pangat chorus laude digna   | 66    | Regis aeterni decus        | 9     |
| Pangat chorus Lirinensis    | 155   | Regis in summi filio       | 68    |
| Pangat nostra Deo           | 157   | Remigi praesul inclite.    | 248   |
| Pange Christi et martyris   | 243   | Remigi praesul inclite.    | 249   |
| Pange lingua Christophori   | 106   | Rerum cuncta gerens        | 273   |
| Pange lingua deiparae.      | 34    | Respiremus in beati.       | 136   |
| Pange lingua gloriosae      | 57    | Rex aeternae piissime      | 95    |
| Pange lingua gloriosae      | 151   | Rex Christe clementissime  | 249   |
| Pange lingua gloriosae      | 198   | Rex Christe o piissime     | 100   |
| Pange lingua gloriosi       | 225   | Rex Christe vita veritas.  | 250   |
| Pange lingua gloriosi       | 245   | Rex coelorum et terrarum   | 204   |
| Pange lingua Margaretae     | 194   | Rex confessorum inclite    | 172   |
| Pange lingua Maturini       | 208   | Rex Deus nostris faveat.   | 135   |
| Pange lingua mirifici       | 105   | Rex gloriose martyrum      | 43    |
| Pange lingua sacerdotum     | 30    | Rex regum Christe cuncta   | 113   |
| Patrem patronum speculum    | 150   | Rosa crevit de lilio       | 132   |



|  | Seite |  | Seite |
|--|-------|--|-------|
| Sacrae turbae celebremus . . . . .     | 41    | Supernae laudis vocibus . . . . .      | 58    |
| Sacri triumphale tui . . . . .         | 202   | Surge nec tantum tibi . . . . .        | 91    |
| Salve Dei o athleta . . . . .          | 99    | Surgentes a cubilibus . . . . .        | 78    |
| Samsoni superis . . . . .              | 252   | Suscipe voces pariterque . . . . .     | 32    |
| Sanctae Marthae praeoptatus . . . . .  | 205   | Symmetrium presbyterum . . . . .       | 241   |
| Sancta mater ecclesia . . . . .        | 50    | Tali cive progenito . . . . .          | 227   |
| Sancta mater ecclesia . . . . .        | 140   | Talis ac tanti meriti . . . . .        | 29    |
| Sancte Dei gloriose . . . . .          | 70    | Tamquam aurum in fornace . . . . .     | 200   |
| Sancte Dei pretiose . . . . .          | 17    | Te poli cives super astra . . . . .    | 209   |
| Sancte Private domine . . . . .        | 242   | Terris jubar spargitur . . . . .       | 275   |
| Sancti Georgii martyris . . . . .      | 144   | Thyrso orante jugiter . . . . .        | 265   |
| Sancti infantes martyres . . . . .     | 163   | Tibi Christe splendor patris . . . . . | 141   |
| Sanctissimum Vincentium . . . . .      | 272   | Tibi saepe loquebantur . . . . .       | 50    |
| Sancti spirat laus Bernhardi . . . . . | 94    | Tis ingressus et obitus . . . . .      | 235   |
| Sanctorum decus omnium . . . . .       | 238   | Turba refulsit coelica . . . . .       | 95    |
| Sanctorum merita pangamus . . . . .    | 102   | Tristis venit ad Pilatum . . . . .     | 20    |
| Sanctorum praesulum nova . . . . .     | 31    | Umbra nocturna defluat . . . . .       | 125   |
| Scandit caelum mittens telum . . . . . | 143   | Unum in tribus colimus . . . . .       | 9     |
| Sermone blando nobilem . . . . .       | 144   | Urbis cives Andegavae . . . . .        | 183   |
| Solemne nobis gaudium . . . . .        | 159   | Urbs Andegava coelitus . . . . .       | 211   |
| Solemnis est haec feria . . . . .      | 257   | Ut beatorum validos . . . . .          | 120   |
| Solemnis redit temporis . . . . .      | 270   | Ut propheta docuerat . . . . .         | 203   |
| Solemnitatis annuae . . . . .          | 108   | Ut quid jubes pusiole . . . . .        | 10    |
| Solemnizet laete festa . . . . .       | 179   | Ut tuae vitae Benedicte . . . . .      | 87    |
| Sopore carnis obruto . . . . .         | 72    | Ut viso tui tumuli . . . . .           | 228   |
| Sorores almae virginis . . . . .       | 253   | Vacans Lodova laudibus . . . . .       | 139   |
| Speciosus splendoris Christe . . . . . | 139   | Veneremur Gabrielem . . . . .          | 140   |
| Splendor paternae gloriae . . . . .    | 89    | Veni martyr eximie . . . . .           | 265   |
| Splendor paternae gloriae . . . . .    | 127   | Venite et gaudete . . . . .            | 12    |
| Splendor paterni luminis . . . . .     | 16    | Verbum supernum prodiens . . . . .     | 153   |
| Spes mea Christe rex . . . . .         | 16    | Vere Dominus surrexit . . . . .        | 19    |
| Stella clara et praeclara . . . . .    | 111   | Vere plenus munditia . . . . .         | 157   |
| Stephane martyr supplica . . . . .     | 258   | Victoris agni sanguine . . . . .       | 187   |
| Sublime saeculis gaudium . . . . .     | 86    | Virginis sacratae cantica . . . . .    | 133   |
| Sub paupertatis regula . . . . .       | 109   | Virgo pro Christo moritur . . . . .    | 169   |
| Sume laudis praeconia . . . . .        | 196   | Voce digna personemus . . . . .        | 112   |
| Summe Deus altissime . . . . .         | 70    | Votiva cunctis orbita . . . . .        | 202   |
| Summe sacerdos rector . . . . .        | 161   | Votiva cunctis orbita . . . . .        | 203   |
| Summi pontificis festus . . . . .      | 76    |  |       |










19 # 10799

THE INSTITUTE OF MEDIAEVAL STUDIES  
59 QUEEN'S PARK CRESC  
TORONTO - 5, CANADA

1 0 7 9 9





GretagMacbeth™ ColorChecker Color Rendition Chart